











137932

# RITUALE ROMANUM

PAULI V. PONTIFICIS MAXIMI

JUSSU EDITUM

ET A BENEDICTO XIV.

AUCTUM ET CASTIGATUM

CUI

NOVISSIMA ACCEDIT

BENEDICTIONUM ET INSTRUCTIONUM

APPENDIX



EXCUDEBAT JOANNES MURPHY, /

SUMMI PONTIFICIS, ATQUE ARCHIEPISCOPI BALTIMORENSIS TYPOGRAPHUS.

BALTIMORI.

MDCCLXXIII.

BX2035  
1875

.....  
Entered, according to Act of Congress, in the year 1873, by  
JOHN MURPHY,  
in the Office of the Librarian of Congress, at Washington.  
.....





JACOBUS

MISERATIONE DIVINA ARCHIEPISCOPUS BALTIMORENSIS, ETC. ETC.

OMNIBUS HAS VISURIS SALUTEM IN DOMINO.

Hanc RITUALIS ROMANI editionem in 8vo., ut vocant, ex mandato fel. rec. praedecessoris nostri inceptam, et typographi nostri JOANNIS MURPHY opera absolutam, cum exemplari romano, typis S. Congregationis de propaganda Fide, anno 1870 excuso, fideliter concordantem, necnon ea omnia quae in appendice ejusdem Ritualis adjecta continentur, approbamus et evulgandi facultatem concedimus.

Datum Baltimori, die 31 mensis Maii, A. D. 1873.

✠ J. ROOSEVELT BAYLEY,

ARCHIEP. BALTIMORENSIS.

De mandato Illmi ac Revmi Domini Archiepiscopi

THOMAS S. LEE,  
Secretarius.



# INDEX.

	PAG.
De iis, quæ in administratione Sacramentorum generaliter servanda sunt . . . . .	19
De Sacramento Baptismi rite administrando . . . . .	22
Ordo Baptismi Parvulorum . . . . .	28
De Baptismo Adultorum . . . . .	39
Ordo Baptismi Adultorum . . . . .	41
Ordo supplendi omissa super infantem baptizatum . . . . .	65
Ordo supplendi omissa super baptizatum adultum . . . . .	72
Ritus servandus cum Episcopus baptizat . . . . .	91
Benedictio Fontis Baptismi extra Sabbatum Paschæ et Pentecostes, cum Aqua consecrata non habetur . . . . .	93
De Sacramento Pœnitentiæ . . . . .	97
Ordo ministrandi Sacramentum Pœnitentiæ . . . . .	98
Absolutionis forma . . . . .	100
De absolutione ab excommunicatione in foro exteriori . . . . .	101
Ritus absolvendi excommunicatum jam mortuum . . . . .	103
De modo absolvendi a suspensione vel interdicto extra vel intra Sacramentalem Confessionem . . . . .	105
De sanctissimo Eucharistiæ Sacramento . . . . .	107
Ordo administrandi sacram Communionem . . . . .	108
De Communione Paschali . . . . .	112
De Communione Infirmorum . . . . .	112
De Sacramento extremæ Unctionis . . . . .	118
Ordo ministrandi Sacramentum extremæ Unctionis . . . . .	120
Septem Psalmi Pœnitentiales . . . . .	127
Litanie . . . . .	135
De visitatione et cura Infirmorum . . . . .	143
Modus juvandi morientes . . . . .	157
Ordo commendationis animæ . . . . .	159
In expiratione . . . . .	180
De exequiis . . . . .	182
Quibus non licet dare Ecclesiasticam sepulturam . . . . .	183
Exequiarum ordo . . . . .	184
Officium Defunctorum . . . . .	199
De officio faciendo in Exequiis, absente corpore defuncti, et in die tertio, septimo, trigesimo et anniversario . . . . .	257
De exequiis parvulorum . . . . .	259

	PAG.
Ordo sepeliendi parvulos . . . . .	259
De Sacramento Matrimonii . . . . .	267
Ritus celebrandi Matrimonii Sacramentum . . . . .	269
De Benedictione Mulieris post partum . . . . .	273
De Benedictionibus regulæ generales . . . . .	276
Ordo ad faciendam aquam benedictam . . . . .	276
Benedictio Candelarum extra diem Purificationis Beatæ Mariæ Virginis . . . . .	279
Benedictio domorum in Sabbato sancto Paschæ . . . . .	280
Alia benedictio domorum alio tempore facienda cum aspersione Aquæ benedictæ . . . . .	281
Benedictio loci . . . . .	282
Alia benedictio domus novæ . . . . .	283
Benedictio thalami . . . . .	283
Benedictio novæ navis . . . . .	284
Benedictio communis super fruges et vineas . . . . .	284
Benedictio Peregrinorum ad loca sancta prodeuntium . . . . .	285
Benedictio Peregrinorum post reditum . . . . .	288

BENEDICTIONES ESCULENTORUM PRÆSERTIM IN PASCHA.

Benedictio Agni Paschalis . . . . .	290
Benedictio Ovorum . . . . .	290
Benedictio Panis . . . . .	291
Alia benedictio Panis . . . . .	291
Benedictio novorum fructuum . . . . .	292
Benedictio ad quodcumque comestibile . . . . .	292
Benedictio Olei simplicis . . . . .	293

BENEDICTIONES AB EPISCOPIS VEL ALIIS FACULTATEM  
HABENTIBUS FACIENDÆ.

Benedictio Sacerdotalium indumentorum in genere . . . . .	294
Benedictio Mapparum sive Linteaminum Altaris . . . . .	296
Benedictio Corporalium . . . . .	297
Benedictio Tabernaculi seu Vasculi pro sacrosancta Eucharistia conservanda . . . . .	298
Benedictio novæ Crucis . . . . .	298
Benedictio Imaginum Jesu Christi Domini nostri, Beatæ Mariæ Virginis, et aliorum Sanctorum . . . . .	299
Ritus benedicendi, et imponendi primarium lapidem pro Ecclesia ædificanda servandus a Sacerdote facultatem habente ab Episcopo . . . . .	300

INDEX.

ix

	PAG.
Ritus benedicendi novam Ecclesiam, seu Oratorium publicum, ut ibi Sanctissimum Missæ Sacrificium celebrari possit .	306
Ritus reconciliandi Ecclesiam violatam, si nondum erat ab Episcopo consecrata . . . . .	311
Ritus benedicendi novum Cœmeterium per Sacerdotem ab Epi- scopo delegatum . . . . .	315
Ordo reconciliandi Cœmeterium violatum, sive Ecclesiæ contiguum sit, sive separatum, ubi Ecclesia non est polluta . . . . .	317
Ritus absolvendi et benedicendi populos et agros ex Apostolicæ Sedis indulto . . . . .	319
Methodus Indictionis præmittendæ Pontificiæ Benedictioni statis diebus super populum elargiendæ: Ritusque in ea servan- dus a Regularibus, quibus a S. Sede hujusmodi facultas indulta est, vel indulgebatur . . . . .	327
Ritus Benedictionis Apostolicæ in articulo mortis a Sacerdotibus ad id delegatis impertiendæ . . . . .	329
De Processionibus . . . . .	332
De Processione in die festo Purificationis B. M. Virginis . . . . .	333
De Processione in die Palmarum . . . . .	338
Ordo servandus in Litaniarum majorum Processione, quæ in festo S. Marci celebratur . . . . .	350
De Processione in festo Sanctissimi Corporis Christi . . . . .	352
De Processione ad petendam pluviam . . . . .	360
Processio ad postulandam serenitatem . . . . .	363
Preces ad repellendam tempestatem . . . . .	364
Preces dicendæ tempore penuriæ et famis . . . . .	367
Processio tempore mortalitatis et pestis . . . . .	368
Preces dicendæ in Litaniiis tempore belli . . . . .	369
Processio in quacumque tribulatione . . . . .	374
Preces dicendæ in Processione pro gratiarum actione . . . . .	376
De Processione in translatione Sacrarum Reliquiarum insignium . . . . .	384
De exorcizandis obsessis a Dæmonio . . . . .	385
Formulæ scribendæ in libris habendis a Parochis . . . . .	413

APPENDIX.

Monitum . . . . .	421
De Sacramento Baptismi . . . . .	422
Benedictio Fontis seu Aquæ baptismalis . . . . .	422
Instructio S. Congr. S. Officii de Neo-conversorum Receptione . . . . .	423
Modus excipiendi Professionem Fidei Catholicæ, etc. . . . .	424

	PAG.
Ritus administrandi Confirmationem, ad usum Episcoporum . . . . .	429
De Sacramento Eucharistiæ . . . . .	434
Instructio a Sacrorum Rituum Congregatione edita pro Sacerdote Apostolicam facultatem habente bis Missam eadem die celebrandi . . . . .	434
Modus sacram Eucharistiam deferendi occulte ad Infirmos ob me- tum infidelium . . . . .	436
Decretum a Sacrorum Rituum Congregatione editum de specie olei pro nutrienda lampade Sanctissimi Sacramenti . . . . .	437
De Benedictione Signi vel Campanæ . . . . .	438
Benedictio viæ ferreæ, et curruum . . . . .	455
Benedictio ad omnia . . . . .	456
Instructio pro Sacerdotibus quibus Summus Pontifex facultatem delegat benedicendi Coronas, Rosaria, Cruces, Crucifixos, parvas statuas et sacra numismata cum adnexarum Indul- gentiarum elencho . . . . .	456
Benedictiones propriæ nonnullorum ordinum Regularium . . . . .	462
Benedictio et impositio Scapularis Sanctissimæ Trinitatis . . . . .	462
Modus imponendi dictum Scapulare . . . . .	463
Benedictio Trisagii Sanctissimæ Trinitatis . . . . .	464
Methodus pro erigendis Stationibus Viæ Crucis . . . . .	465
Benedictio tabularum pictarum (si adsunt) . . . . .	467
Benedictio Crucium quæ ex ligno esse debent . . . . .	468
Formula ad fidem faciendam de creatione Viæ Crucis . . . . .	472
Benedictio et impositio Habitus vel Scapularis nigri Sanctissimæ Crucis et Passionis Domini Nostri Jesu Christi . . . . .	472
Benedictio Rosariorum beatæ Mariæ Virginis . . . . .	474
Absolutio impertienda Confratribus Rosarii in articulo mortis con- stitutis . . . . .	476
Benedictio habitus ac receptio Confratrum beatæ Mariæ Virginis de Monte Carmelo . . . . .	476
Absolutio impertienda Confratribus Beatæ Mariæ Virginis de Monte Carmelo in articulo mortis constitutis . . . . .	480
Benedictio et impositio Scapularis cærulei beatæ Mariæ Virginis Immaculatæ . . . . .	483
Ordo applicandi Indulgentiam Plenariam in articulo mortis . . . . .	485
Benedictio et impositio Scapularis B. M. V. de Mercede . . . . .	486
Benedictio alia ejusdem Scapularis . . . . .	489
Benedictio et impositio Cincturæ beatæ Mariæ Virginis . . . . .	490
Benedictio Coronæ . . . . .	491

	PAG.
Benedictio Personæ . . . . .	492
Benedictio impertienda Confratribus Cincturatis in articulo mortis constitutis . . . . .	492
Benedictio Coronæ septem dolorum beatæ Mariæ Virginis . . . . .	493
Benedictio Cinguli S. Thomæ Aquinatis ad servandam castitatem . . . . .	494
Benedictio Numismatum S. Benedicti . . . . .	495
Benedictio et impositio Chordæ S. Francisci . . . . .	497
Benedictio et impositio Cinguli lanei pro chordigeris sancti Fran- cisci de Paula . . . . .	499

BENEDICTIONES ALLE A SACRA RITUM CONGREGATIONE  
APPROBATE.

(Benedictiones non reservatæ.)

Benedictio Infantis . . . . .	500
Benedictio Puerorum, cum præsertim in Ecclesia præsentantur . . . . .	501
Benedictio Puerorum ægrotantium . . . . .	503
In Benedictione Pueri ad obtinendam super ipsum Misericordiam Dei . . . . .	506
Benedictio Mulieris prægnantis in periculis partus . . . . .	507
Benedictio animalium peste vel alio morbo laborantium . . . . .	509
Benedictio candelarum in festo sancti Blasii Episc. et Mart. . . . .	511
Benedictio Vexilli Processionalis . . . . .	512
Pro Benedictione Vestium et Cinguli, quæ deferuntur in honorem beatæ Mariæ Virginis . . . . .	513
Pro benedictione Cinguli . . . . .	513
Pro benedictione primarii lapidis Edificii . . . . .	514
Benedictio cujuscumque Medicinæ . . . . .	514
Benedictio Domorum . . . . .	515
Benedictio Domus scholaris noviter erectæ . . . . .	516

BENEDICTIONES (reservatæ) AB EPISCOPO VEL ALIIS SACER-  
DOTIBUS FACULTATEM AB EO HABENTIBUS FACIENDÆ.

Benedictio Habitus clericalis . . . . .	524
Benedictio Vasorum pro sacris Oleis includendis . . . . .	525
Benedictio contra Mures, Locustas, Bruchos, Vermes, et alia ani- malia nociva . . . . .	526
Pro benedictione Ostensorii pro sanctissimo Sacramento fidelium venerationi exponendo . . . . .	528
Pro benedictione Capsarum pro Reliquiis Sanctorum includendis . . . . .	528

	PAG.
BENEDICTIONES AB EPISCOPO VEL ALIO FACULTATEM HA- BENTE FACIENDÆ.	
Benedictio solemnior novæ Crucis . . . . .	529
Benedictio simplex novæ Campanæ quæ tamen ad usum Ecclesiæ non inserviat . . . . .	535
Benedictio sacrorum Vasorum et aliorum ornamentorum in genere ab Episcopo vel aliis facultatem habentibus facienda . . . . .	539
Formula benedictionis Telegraphi . . . . .	540
Benedictio Cingulorum in honorem S. Josephi Sponsi Beatæ Mariæ Virginis . . . . .	541
Modus assistendi Matrimoniis mixtis . . . . .	544



SS. DOMINI NOSTRI  
BENEDICTI XIV.

APOSTOLICÆ LITTERÆ

In forma Brevis de nova *Ritualis*,  
*Cæremonialis Episcoporum*, necnon et *Romani Pontificalis* editione, ex  
quibus selegimus quæ *Rituale* tantummodo spectant.

BENEDICTUS PAPA XIV.

AD PERPETUAM REI MEMORIAM.

QUAM ardenti studio, incredibili sollicitudine, assidua cura, et indefesso, diuturnoque labore, adhibitis etiam, accitisque undequaque viris in sacra doctrina, disciplinaque ecclesiastica versatis, æque ac de rerum Liturgicarum peritia peritissimis, sedulam operam navaverint, atque contenderint Prædecessores nostri Romani Pontifices, ut *Rituale Romanum*, *Cæremoniale venerabilium Fratrum Episcoporum*, et *Pontificale Romanum*, sive emendatis erroribus, sive correctis inordinationibus, sive ablatis inutilibus, sive restitutis necessariis, ad eam tandem formam, normamque, juxta quam de præsentis usui sunt, maximo cum omnium virorum ecclesiasticorum commodo et utilitate redigerentur; præstat in primis intelligere ex ipsis præsertim Apostolicis in simili forma Brevis litteris eorundem Prædecessorum nostrorum, qui post S. Pium Papam V. felicitatis recordationis, Clemens VIII. Innocentius X. Paulus V. Urbanus VIII. et Benedictus XIII. ad gravissimum, dignissimumque hujusmodi opus omnibus numeris absolvendum sese pro viribus addixerunt.

Tenores autem memoratarum litterarum sunt, qui sequuntur. Ac primum quidem pro *Rituale Romano*.

## PAULUS PAPA V.

AD PERPETUAM REI MEMORIAM.

**A**POSTOLICÆ Sedi per abundantiam divinæ gratiæ, nullis suffragantibus meritis, præpositi, nostræ sollicitudinis esse intelligimus, super universam Domum Dei ita invigilando intendere, ut opportunis in dies magis rationibus provideatur, quo, sicut admonet Apostolus, omnia in ea honeste, et secundum ordinem fiant, præcipue vero quæ pertinent ad Ecclesiæ Dei Sacramentorum administrationem, in qua religiose observari Apostolicis traditionibus, et SS. Patrum Decretis constitutos Ritus et Cæremonias pro nostri officii debito curare omnino tenemur. Quamobrem fel. rec. Pius Papa V. Prædecessor noster, hujus nostri tunc sui officii memor, ad restituendam sacrorum Rituum observationem in sacrosancto Missæ Sacrificio, divinoque Officio, et simul ut Catholica Ecclesia in Fidei unitate, ac sub uno visibili capite B. Petri successore Romano Pontifice congregata, unum psallendi et orandi ordinem, quantum cum Domino poterit, teneret, Breviarium primum, et deinde Missale Romanum, multo studio et diligentia elaborata pastorali providentia edenda censuit. Cujus vestigia eodem sapientiæ spiritu secutus similis memoriæ Clemens Papa VIII. etiam Prædecessor noster, non solum Episcopis, et inferioribus Ecclesiæ Prælatibus accurate restitutum Pontificale dedit, sed etiam complures alias in Cathedralibus et inferioribus Ecclesiis cæremonias promulgato Cæremoniali ordinavit. His ita constitutis, restabat, ut uno etiam volumine comprehensi sacri et sinceri Catholicæ Ecclesiæ Ritus, qui in Sacramentorum administratione,

aliisque ecclesiasticis functionibus servari debent ab iis, qui curam animarum gerunt, Apostolicæ Sedis auctoritate prodirent, ad cujus voluminis præscriptum, in tanta Ritualium multitudinē, sua illi ministeria tanquam ad publicam et obsignatam normam peragerent, unoque ac fideli ductu inoffenso pede ambularent cum consensu. Quod quidem jampridem agitatū negotium, postquam Generalium Conciliorum græce latineque divina gratia editorum opus morari desivit, sollicite urgere nostri muneris esse existimavimus. Ut autem recte, et ordine, ut par erat, res ageretur, nonnullis ex venerabilibus Fratribus nostris S. R. E. Cardinalibus, pietate, doctrina et prudentia præstantibus, eam demandavimus, qui cum consilio eruditorum virorum, variisque præsertim antiquis et quæ circumferuntur, Ritualibus consultis, eoque in primis, quod vir singulari pietatis zelo, et doctrina bonæ memoriæ Julius Antonius S. R. E. Cardinalis S. Severinæ nuncupatus, longo studio, multaque industria et labore plenissimum composuerat, rebusque omnibus mature consideratis, demum divina aspirante clementia, quanta oportuit brevitate, Rituale confecerunt. In quo cum receptos et approbatos Catholicæ Ecclesiæ Ritus suo ordine digestos conspexerimus, illud sub nomine Ritualis Romani merito edendum publico Ecclesiæ Dei bono judicavimus. Quapropter hortamur in Domino venerabiles Fratres Patriarchas, Archiepiscopos, et dilectos Filios eorum Vicarios, necnon Abbates, Parochos universos, ubique locorum existentes, et alios, ad quos spectat, ut in posterum tamquam Ecclesiæ Romanæ filii, ejusdem Ecclesiæ omnium matris et magistræ auctoritate constituto Rituali in sacris functionibus

utantur, et in re tanti momenti, quæ Catholica Ecclesia et ab ea probatus usus antiquitatis statuit, inviolate observent.

Datum Romæ apud S. Mariam Majorem sub Annulo Piscatoris, die 17 Junii MDCXIV. Pontificatus nostri anno X.

S. COBELLUTIUS.

*Quæ vero pro Cæremoniali Episcoporum referuntur Bullæ Clementis VIII. incip. Cum novissime, Innocentii X. Etsi alias, Benedicti XIII. Licet alias; item quæ pro Pontificali Romano Clemens VIII. Bulla incip. Ex quo in Ecclesia, atque Urbanus VIII. Quamvis alias, statuere, brevitatis gratia hic omittuntur.*

*Sequitur Bulla:* Quoniam autem pro paterna charitate vehementer cupientes, ut Christi Fidelibus in articulo mortis constitutis, quoad fieri posset, universis Apostolica Benedictio nostro nomine impertiretur, et Plenaria omnium suorum peccatorum Indulgentia elargiretur, per alias nostras sub plumbo litteras anno Incarn. Dom. MDCCLXVII. Nonis Aprilis, Pontificatus nostri anno VII. datas omnibus Ecclesiarum Antistitibus hujusmodi facultatem sub certis modo et forma expressam tribuimus, atque insimul Formulam Benedictionis, et Indulgentiæ hujusmodi dandæ præscripsimus, quemadmodum Encyclicam etiam nostram Epistolam die XIX. mensis Martii anno MDCCLXIV. ad dilectos Filios Generales Ordinum Regularium, quibus a S. Sede indulta, vel indulgenda erat facultas Pontificiam Benedictionem effundendi super populum statis diebus, scripseramus super modo et ritu, quibus prædicta Benedictio danda est.

Præterea ad nonnullas lites et controversias exortas e medio tollendas, itidem per alias nostras in simili forma Brevis litteras confirmaveramus Leges et Instituta Cæremonialia jussu nostro edita pro Provinciæ Præsilibus, Gubernatoribus, Prælatibus et Apostolicis Vicelegatis, quæ sunt tenoris sequentis.

*Bulla Benedicti XIV. incip. Quod Apostolus, pro cæremoniali Episcoporum hic omittitur.*

Insuper Formulam itidem Benedictionis, et Traditionis Pallii, ac jurisjurandi a Procuratoribus absentium Archiepiscoporum, antequam a dilecto Filio nostro S. R. E. Cardinali Diacono idem pallium accipiant, ipsorum Archiepiscoporum nomine præstandi per nostram Constitutionem die XII. mensis Augusti anno MDCCXLVIII. sub Plumbo expeditam statuimus.

Porro accedit ad hæc Methodus quoque Scholæ Sacrorum Rituum in Gregoriano Collegio Romano hujus almæ Urbis nostræ, Nobis approbantibus, institutæ non sine uberi per hoc tempus in Sacris Ritibus addiscendis profectu, aliarumque ad instar ejusdem Scholæ, alibi jam erectarum, vel erigendarum, quæ methodus multis in libris, et præcipue in decimo operum nostrorum volumine Romanæ editionis reperitur inserta, plurimumque a Nobis commendatur, eamque plurimum studiosis Sacrorum Rituum prodesse comperitum est.

Ea propter cum Nobis a quamplurimis supplicatum fuerit, ut typis iterum reimprimendi Rituale Romanum, Cæremoniale Episcoporum, et Pontificale Romanum hujusmodi, et non solum in iisdem antedicta omnia a Nobis statuta addendi; verum etiam nostro jussu in

lucem emittendi, licentiam de Apostolica benignitate et auctoritate concedere et indulgere dignemur: Nos itaque probe scientes, et experientia edocti quantum prosit, ut in uno volumine simul collecta ad manum sint ea omnia, quæ sparsim ac divisim impressa inveniuntur, et considerantes quantam hujusmodi collectio utilitatem memoratæ Scholæ Liturgicæ in Collegio Soc. Jesu ejusdem almæ Urbis nostræ a Nobis institutæ, aliisque ubique locorum erectis afferre possit; Apostolica Auctoritate tenore præsentium communibus tot insignium Virorum ac Præsulum votis et supplicationibus benigne annuentes, facultatem tribuimus et impertimur, ut Rituale Romanum, Cæremoniale Episcoporum, ac Pontificale Romanum sub iisdem modo et forma, quibus de præsentibus impressa reperiuntur, et usui sunt, una simul cum omnibus et singulis, quæ, ut superius relatam est, a Nobis præscripta, ordinata, et publici etiam juris facta sunt, necnon cum sæpe dicta methodo Scholæ Sacrorum Rituum in Operibus nostris jam editis inserta jussu nostro, non obstantibus quibuscumque in contrarium facientibus, typis reimprimantur, et in lucem emittantur.

Datum Romæ apud S. Mariam Majorem sub Annulo Piscatoris die xxv. Martii anno MDCCLII. Pontificatus nostri anno XII.

CAJETANUS AMATUS.

# RITUALE ROMANUM.

## DE IIS QUÆ IN ADMINISTRATIONE SACRAMENTORUM

### GENERALITER SERVANDA SUNT.

UT ea, quæ ex antiquis catholicæ Ecclesiæ institutis, et sacrorum Canonum, Summorumque Pontificum Decretis, de Sacramentorum Ritibus ac Cæremoniis hoc libro præscribuntur, qua par est diligentia ac religione custodiantur, et ubique fideliter observentur; illud ante omnia scire, et observare convenit, quod Sacrosancta Tridentina Synodus *sess. 7. can. 13.* de iis Ritibus decrevit in hæc verba: *Si quis dixerit, receptos et approbatos Ecclesiæ Catholicæ ritus in solemnibus Sacramentorum administratione adhiberi consuetos, aut contemni, aut sine peccato a Ministris pro libitu omitti, aut in novos alios per quemcumque Ecclesiarum Pastorem mutari posse; anathema sit.*

Cum igitur in Ecclesia Dei nihil sanctius, aut utilius, nihilque excellentius, aut magis divinum habeatur, quam Sacramenta ad humani generis salutem a Christo Domino instituta, Parochus, vel quivis alius Sacerdos, ad quem eorum administratio pertinet, meminisse in primis debet, se sancta tractare, atque omni temporis momento ad tam sanctæ administrationis officium paratum esse oportere.

Quamobrem illud perpetuo curabit ut integre, caste, pieque vitam agat; nam etsi Sacramenta ab impuris coinquinari non possint, neque a pravis Ministris eorum effectus impediri: impure tamen et indigne ea ministrantes, in æternæ mortis reatum incurrunt. Sacerdos ergo, si fuerit peccati mortalis sibi conscius, quod absit, ad Sacramentorum administrationem non audeat accedere, nisi prius corde pœniteat: sed si habeat copiam Confessarii, et temporis, locique ratio ferat, convenit confiteri.

Quacumque dici, ac noctis hora ad Sacramenta ministranda vocabitur, nullam officio suo præstando, præsertim si necessitas urgeat, moram interponat. Ac propterea populum sæpe, prout sese offert occasio, præmonebit, ut cum sacro ministerio opus fuerit, se

quamprimum advocet, nulla temporis, aut cujuscumque incommodi habita ratione.

Ipsè vero antequam ad hujusmodi administrationem accedat, paululum, si oportunitas dabitur, orationi, et sacræ rei, quam acturus est, meditationi vacabit: atque ordinem ministrandi, et cæremonias pro temporis spatîo prævidebit.

In omni Sacramentorum administratione superpelliceo sit indutus, et desuper stola ejus coloris, quem Sacramenti Ritus exposcit, nisi in Sacramento Pœnitentiæ ministrando occasio, vel consuetudo, vel locus interdum aliter suadeat.

Adhibebit quoque unum saltem, si habeat, vel plures Clericos, prout loci, et Sacramenti ratio postulabit, decenti habitu, et superpelliceo pariter indutos.

Curabit etiam, ut sacra supellex, vestes, ornamenta, linteamina, et vasa ministerii integra, nitidaque sint et munda.

In Sacramentorum administratione eorum virtutem, usum ac utilitatem, et cæremoniarum significationes, ut Concilium Tridentinum præcepit, ex SS. Patrum et Catechismi Romani doctrina, ubi commode fieri potest, diligenter explicabit.

Dum Sacramentum aliquod ministrat, singula verba, quæ ad illius formam et ministerium pertinent, attente, distincte, et pie, atque clara voce pronuntiabit. Similiter et alias Orationes, et preces devote ac religiose dicet: nec memoriæ, quæ plerumque labitur, facile confidet, sed omnia recitabit ex libro. Reliquas præterea Cæremonias ac Ritus, ita decenter, gravique actione peraget, ut adstantes ad cœlestium rerum cogitationem erigat, et attentos reddat.

Ad ministrandum procedens, rei quam tractaturus est, intentus sit; nec de iis, quæ ad ipsam non pertiñent, quidquam cum alio colloquatur; in ipsaque administratione actualem attentionem habere studeat, vel saltem virtualem, cum intentione faciendi, quod in eo facit Ecclesia.

Illud porro diligenter caveat, ne in Sacramentorum administratione aliquid quavis de causa vel occasione, directe vel indirecte exigat, aut petat; sed ea gratis ministret, et ab omni simoniæ, atque avaritiæ suspicione, nedum crimine, longissime absit. Si quid vero nomine eleemosynæ, aut devotionis studio, peracto jam Sacramento, sponte a Fidelibus offeratur, id licite pro consuetudine locorum accipere poterit, nisi aliter Episcopo videatur.



Fidelibus alienæ Parochiæ Sacramenta non ministrabit, nisi necessitatis causa, vel de licentia Parochi, seu Ordinarii.

Omnes autem, qui Sacramenta suscipiunt, loco et tempore opportuno monebit, ut remoto inani colloquio, et habitu, actuque indecenti, pie ac devote Sacramentis intersint, et ea qua par est reverentia suscipiant.

Librum hunc Ritualem, ubi opus fuerit, semper cum ministrabit, secum habebit, Ritusque et Cæremonias in eo præscriptas diligenter servabit.

Ceterum illorum tantum Sacramentorum, quorum administratio ad Parochos pertinet, Ritus hoc opere præscribuntur, cujusmodi sunt Baptismus, Pœnitentia, Eucharistia, Extrema unctio, et Matrimonium. Reliqua vero duo Sacramenta Confirmationis et Ordinis, cum propria sint Episcoporum, Ritus suos habent in Pontificali præscriptos. Et ea, quæ de iis, atque aliis Sacramentis scire, servare, et docere Parochi debent, cum ex aliis libris, tum præcipue ex Catechismo Romano sumi possunt. Siquidem hic de iis fere tantum agere instituti operis ratio postulat, quæ ad ipsorum quinque Sacramentorum Ritus pertinent.

Postremo quisquis Sacramenta administrare tenetur, habeat libros necessarios ad officium suum pertinentes, eosque præsertim, in quibus parochialium functionum notæ ad futuram rei memoriam describuntur, ut ad finem hujus Ritualis habetur.

## DE SACRAMENTO BAPTISMI

### RITE ADMINISTRANDO.

SACRUM Baptisma, Christianæ Religionis et æternæ vitæ janua, quod inter alia novæ Legis Sacramenta a Christo instituta, primum tenet locum, cunctis ad salutem necessarium esse, ipsa Veritas testatur illis verbis: *Nisi quis renatus fuerit ex aqua et Spiritu sancto, non potest introire in regnum Dei*, (Jo. 3.) Itaque summa ad illud opportune, riteque administrandum ac suscipiendum diligentia adhibenda est.

Cum autem ad hoc Sacramentum conferendum alia sint de jure divino absolute necessaria, ut materia, forma, minister; alia ad illius solemnitatem pertineant, ut Ritus, ac Cæremoniæ, quas ex Apostolica et antiquissima traditione acceptas et approbatas, nisi necessitatis causa, omittere non licet; de iis aliqua præmonenda sunt, ut sacrum hoc ministerium rite et sancte peragatur.

### DE MATERIA BAPTISMI.

AC primum intelligat Parochus, cum hujus Sacramenti materia sit aqua vera ac naturalis, nullum alium liquorem ad id adhiberi posse.

Aqua vero solemnis Baptismi sit eo anno benedicta in Sabbato sancto Paschatis, vel Sabbato Pentecostes, quæ in fonte mundo nitida et pura diligenter conservetur, et hæc, quando nova benedicenda est, in Ecclesiæ vel potius Baptisterij sacrarium effundatur.

Si aqua benedicta tam imminuta sit, ut minus sufficere videatur, alia non benedicta admisceri potest, in minori tamen quantitate.

Si vero corrupta fuerit, aut effluxerit, aut quovis modo defecerit, Parochus in fontem bene mundatum ac nitidum, recentem aquam infundat, eamque benedicat ex formula, quæ infra præscribitur.

Sed si aqua conglaciata sit, curetur, ut liquefiat: sin autem ex parte congelata sit, aut nimium frigida, poterit parum aquæ naturalis non benedictæ calefacere, et admiscere aquæ baptismali in vasculo ad id parato, et ea tepefacta ad baptizandum uti, ne noceat infantulo.

## DE FORMA BAPTISMI.

QUONIAM Baptismi forma his verbis expressa: *Ego te baptizo in nomine Patris, et Filii, et Spiritus sancti*, omnino necessaria est, ideo eam nullo modo licet mutare, sed eadem verba uno et eodem tempore quo fit ablutio pronuntianda sunt.

Latinus Presbyter latina forma semper utatur.

Cum Baptismum iterare nullo modo liceat, si quis sub conditione, de quo infra, sit baptizandus, ea conditio explicanda est hoc modo: *Si non es baptizatus, ego te baptizo in nomine Patris, etc.* Hac tamen conditionali forma non passim aut leviter uti licet, sed prudenter: et ubi re diligenter pervestigata, probabilis subest dubitatio, infantem non fuisse baptizatum.

Baptismus licet fieri possit aut per infusionem aquæ, aut per immersionem, aut per aspersionem; primus tamen, vel secundus modus, qui magis sunt in usu, pro Ecclesiarum consuetudine retineantur; ita ut trina ablutione caput baptizandi perfundatur, vel immergatur in modum Crucis uno et eodem tempore, quo verba proferuntur, et idem sit aquam adhibens et verba pronuntians.

Ubi vero Baptismus fit per infusionem aquæ, cavendum est, ne aqua ex infantis capite in fontem, sed in sacrarium Baptisterii prope ipsum fontem exstructum defluat, aut in aliquo vase ad hunc usum parato recepta, in ipsius Baptisterii, vel in Ecclesiæ sacrarium effundatur.

## DE MINISTRO BAPTISMI.

LEGITIMUS quidem Baptismi minister est Parochus, vel alius Sacerdos a Parocho, vel ab Ordinario loci delegatus; sed quoties infans, aut adultus versatur in vitæ periculo, potest sine solemnitate a quocumque baptizari in qualibet lingua, sive Clerico, sive laico etiam excommunicato, sive fidei, sive infidei, sive catholico, sive hæretico, sive viro, sive fœmina, servata tamen forma et intentione Ecclesiæ.

Sed si adsit Sacerdos, Diacono præferatur, Diaconus Subdiacono, Clericus laico, et vir fœminæ, nisi pudoris gratia deceat fœminam, potius quam virum baptizare infantem non omnino editum, vel nisi melius fœmina sciret formam et modum baptizandi. Quapropter curare debet Parochus, ut fideles, præsertim obstetrices, rectum baptizandi ritum probe teneant et servent.

Pater, aut mater propriam prolem baptizare non debent, præterquam in mortis periculo, quando alius non reperitur qui baptizet; neque tunc ullam contrahunt cognationem, quæ matrimonii usum impediatur.

## DE BAPTIZANDIS PARVULIS.

OPPORTUNE Parochus hortetur eos, ad quos ea cura pertinet, ut natos infantes, sive baptizandos, sive baptizatos, quamprimum fieri poterit, ea qua decet christiana modestia sine pompæ vanitate deferant ad Ecclesiam: ne illis Sacramentum tantopere necessarium nimium differatur, cum periculo salutis, et ut iis, qui ex necessitate privatim baptizati sunt, consuetæ Cæremoniæ, Ritusque suppleantur, omissa forma et ablutione.

Nemo in utero matris clausus baptizari debet. Sed si infans caput emiserit, et periculum mortis immineat, baptizetur in capite; nec postea si vivus evaserit, erit iterum baptizandus. At si aliud membrum emiserit, quod vitalem indicet motum, in illo, si periculum impendat, baptizetur; et tunc si natus vixerit, erit sub conditione baptizandus eo modo, quo supra dictum est: *Si non es baptizatus, ego te baptizo in nomine Patris, etc.* Si vero ita baptizatus, deinde mortuus prodierit ex utero, debet in loco sacro sepeliri.

Si mater prægnans mortua fuerit, fœtus quamprimum caute extrahatur, ac si vivus fuerit, baptizetur: si fuerit mortuus, et baptizari non potuerit, in loco sacro sepeliri non debet.

Infantes expositi et inventi, si, re diligenter investigata, de eorum Baptismo non constet, sub conditione baptizentur.

In monstris vero baptizandis, si casus eveniat, magna cautio adhibenda est: de quo, si opus fuerit, Ordinarius loci, vel alii periti consulantur, nisi mortis periculum immineat.

Monstrum, quod humanam speciem non præ se ferat, baptizari non debet; de quo si dubium fuerit, baptizetur sub hac conditione, *Si tu es homo, ego te baptizo, etc.*

Illud vero, de quo dubium est, una ne, aut plures sint personæ, non baptizetur, donec id discernatur: discerni autem potest, si habeat unum vel plura capita, unum vel plura pectora; tunc enim totidem erunt corda et animæ, hominesque distincti, et eo casu singuli seorsum sunt baptizandi, unicuique dicendo: *Ego te baptizo, etc.* Si vero periculum mortis immineat, tempusque non suppetat, ut singuli separatim baptizentur, poterit minister singulorum capitibus aquam infundens omnes simul baptizare, dicendo: *Ego vos baptizo in nomine Patris, et Filii, et Spiritus Sancti.* Quam tamen formam in iis solum, et in aliis similibus mortis periculis ad plures simul baptizandos, et ubi tempus non patitur, ut singuli separatim baptizentur, alias numquam licet adhibere.

Quando vero non est certum, in monstro esse duas personas, quia duo capita et duo pectora non habet distincta; tunc debet primum

unus absolute baptizari, et postea alter sub conditione, hoc modo :  
*Si non es baptizatus, ego te baptizo in nomine Patris, et Filii, et Spiritus sancti.*

### DE PATRINIS.

**P**AROCBUS, antequam ad baptizandum accedat, ab iis, ad quos spectat, exquirat diligenter, quem, vel quos Susceptores seu Patrinos elegerint, qui infantem de sacro Fonte suscipiant, ne plures quam liceat, aut indignos, aut ineptos admittat.

Patrinus unus tantum, sive vir, sive mulier, vel ad summum unus et una adhibeantur, ex Decreto Concilii Tridentini; sed simul non admittantur duo viri, aut duæ mulieres, neque baptizandi pater, aut mater.

Hos autem Patrinos saltem in ætate pubertatis, ac Sacramento Confirmationis consignatos esse maxime convenit.

Sciant præterea Parochi, ad hoc munus non esse admittendos infideles, aut hæreticos, non publice excommunicatos, aut interdictos, non publice criminosos, aut infames, nec præterea qui sana mente non sunt, neque qui ignorant rudimenta Fidei. Hæc enim Patrini spirituales filios suos, quos de Baptismi fonte susceperint, ubi opus fuerit, opportune docere tenentur.

Præterea ad hoc etiam admitti non debent Monachi, vel Sanctioniales, neque alii cujusvis Ordinis Regulares a sæculo segregati.

### DE TEMPORE ET LOCO ADMINISTRANDI BAPTISMUM.

**Q**UAMVIS Baptismus quovis tempore, etiam interdicti, et cessationis a Divinis, præsertim si urgeat necessitas, conferri possit, tamen duo potissimum ex antiquissimo Ecclesiæ ritu sacri sunt dies, in quibus solemnî cæremonia hoc Sacramentum administrari maxime convenit: nempe Sabbatum Sanctum Paschæ, et Sabbatum Pentecostes, quibus diebus Baptismalis Fontis aqua rite consecratur. Quem ritum, quatenus fieri commode potest, in adultis baptizandis, nisi vitæ periculum immineat, retineri decet, aut certe non omnino prætermitti, præcipue in Metropolitanis, aut Cathedralibus Ecclesiis.

Ac licet urgente necessitate, ubique baptizare nihil impediatur, tamen proprius Baptismi administrandi locus est Ecclesia, in qua sit Fons Baptismalis, vel certe Baptisterium prope Ecclesiam.

Itaque necessitate excepta, in privatis locis nemo baptizari debet, nisi forte sint regum, aut magnorum principum filii, id ipsis ita deposcentibus, dummodo id fiat in eorum Capellis seu Oratoriis, et in aqua Baptismali de more benedicta.

Baptisterium sit decenti loco et forma, materiaque solida, et

quæ aquam bene contineat, decenter ornatum, et cancellis circumseptum, sera et clave munitum, atque ita obseratum, ut pulvis, vel aliæ sordes intro non penetrent, in eoque, ubi commode fieri potest, depingatur imago sancti Joannis Christum baptizantis.

### DE SACRIS OLEIS, ET ALIIS REQUISITIS.

**S**ACRUM Chrisma, et sanctum Oleum, quod et Catechumenorum dicitur, quorum usus est in Baptismo, eodem anno sint ab Episcopo de more benedicta Feria V. in Cœna Domini.

Curet Parochus, ut ea suo tempore quamprimum habeat et tunc vetera in Ecclesia comburat.

Veteribus Oleis, nisi necessitas cogat, ultra annum non utatur; ac si deficere videantur, et Chrisma, aut Oleum benedictum haberi non possit, aliud Oleum de olivis non benedictum adjiciatur, sed in minori quantitate.

Chrisma, et Oleum sacrum sint in suis vasculis argenteis, aut saltem stanneis bene obturatis; quæ vascula sint inter se distincta, et propriam unumquodque inscriptionem habeat majusculis litteris incisam: ne quis error committatur.

Ad usum vero quotidianum minora habeantur vascula ex argento, si fieri potest, aut stanno, sive separata, sive etiam conjuncta: apte tamen distincta, et bene cooperta, et cum suis inscriptionibus, ut supra, ne Parochus aberret, et unum pro altero sumat quod cavere debet diligenter.

In ea igitur ex majoribus vasculis Chrismatis et Olei, quod sufficiat, infundatur, atque ut effusionis periculum caveatur, commodum erit, in his vasculis bombacium, seu quid simile habere, Oleo sacro, et Chrismate separatim perfusum, in quo pollex, cum opus est, ad inungendum immittatur.

Hæc vascula ita parata in loco proprio, honesto, ac mundo, sub clave, ac tuta custodia decenter asserventur, ne ab aliquo, nisi a Sacerdote, temere tangantur, aut eis sacrilège quisquam abuti possit.

Parochus, quantum fieri potest, curet, ne per laicos, sed per se, vel per alium Sacerdotem, vel saltem per alium Ecclesiæ ministrum hæc Olea deferantur; caveat item, ne de iis quicquam ulli umquam tribuat cujusvis rei prætextu.

Sal, quod in os baptizandi immittendum est, sit benedictum sua peculiari benedictione, quæ infra præscribitur, neque utatur sale exorcizato ad benedicendam aquam; sitque prius bene confractum et attritum, siccum ac mundum: sal ita benedictum nemini tradatur, neque etiam iis qui benedicendum attulerint, reddatur, sed ad alios baptizandos servetur, aut in sacrarium abjiciatur.

Cum igitur Baptismi Sacramentum jam administrandum est, hæc in promptu esse debent.

Vascula sacri Olei Catechumenorum et Chrismatis.

Vasculum cum sale benedicendo, vel jam, ut dictum est benedicto.

Vasculum seu cochlear ex argento, vel alio metallo nitidum, ad aquam Baptismi fundendam super caput baptizandi, quod nulli præterea alii usui deserviat.

Pelvis, seu bacile ad excipiendam aquam ex capite defluentem, nisi statim in sacrarium defluat.

Gossipium, alio nomine bombacium, seu quid simile, ad abstergenda loca sacris Oleis inuncta.

Stolæ duæ, ubi commode haberi possunt, una violacea et altera alba, ut infra notatur, mutanda, sin minus, una saltem adhibeatur.

Medulla panis, qua inuncti Sacerdotis digiti, cum manus lavat, abstergantur; et vas pro manuum lotionem post Baptismum, quod huic tantum usui deservire debet.

Alba vestis in modum pallioli, seu lintéolum candidum, infantis capiti imponendum.

Cereus, seu candela cerea, baptizato ardens tradenda.

Hic denique Ritualis liber sit paratus; et item liber Baptismalis, in quo baptizati describuntur.

Omnibus igitur opportune præparatis, Sacerdos ad tanti Sacramenti administrationem, lotis manibus, superpelliceo, et stola violacea indutus, accedat: Clericum unum, seu plures, si potest, secum adhibeat, superpelliceo pariter indutos, qui sibi ministrent.

Ita paratus accedat ad limen Ecclesiæ, ubi foris expectant qui infantem detulerunt.

Interroget, nisi de his bene sibi constet, an sit suæ Parochiæ, masculus, an fœmina, an sit domi baptizatus, et a quo, et quam rite, et qui sint compadres, qui infantem teneant, pro eoque respondeant; quos pie ac decenter assistere, ac prout opus fuerit, pro baptizando ad interrogationes respondere admoneat.

Et quoniam iis, qui baptizantur, tamquam Dei filiis in Christo regenerandis et in ejus militiam adscribendis, nomen imponitur, curet ne obscœna, fabulosa, aut ridicula, vel inanum deorum, vel impiorum ethnicorum hominum nomina imponantur, sed potius, quatenus fieri potest, Sanctorum quorum exemplis Fideles ad pie vivendum excitentur, et patrociniis protegantur.

His igitur expeditis, et accepto nomine baptizandi, positi, si infans fuerit, super brachium dextrum illius, qui eum defert, Parochus ad Baptismum procedat, in hunc modum nominatim interrogans.

## ORDO BAPTISMI PARVULORUM.

Sacerdos interrogat: *N.* Quid petis ab Ecclésia Dei?\*

Patrinus respondet: *Fidem.*

Sacerdos: *Fides* quid tibi præstat?

Patrinus respondet: *Vitam ætérnam.*

Sacerdos: Si igitur vis ad vitam ingredi conserva mandata. Dilige Dóminum Deum tuum ex toto corde tuo, et ex tota ánima tua, et ex tota mente tua, et próximum tuum sicut teípsum.

Deinde ter exsufflet leniter in faciem infantis, et dicat semel: Exi ab eo (vel ab ea), immúnde spíritus, et da locum Spíritui sancto Paráclito.

Postea pollice faciat signum Crucis in fronte, et in pectore infantis, dicens: Accipe signum Crucis tam in fronte ✠, quam in corde ✠, sume fidem cæléstium præceptórum: et talis esto móribus, ut templum Dei jam esse possis.

---

### *\* Anglice:*

*Q. N.* What dost thou ask of the Church of God? *A.* Faith.

*Q.* What doth faith bring thee to? *A.* Life everlasting.

### *Gallice:*

*D. N.* Que demandez-vous à l'Eglise de Dieu? *R.* La foi.

*D.* Que vous procure la foi? *R.* La vie éternelle.

### *Germanice:*

*F. N.* Was begehrest du von der Kirche Gottes? *A.* Den Glauben.

*F.* Was giebt dir der Glaube? *A.* Das ewige Leben.



## ORÉMUS.

**P**RECES nostras, quæsumus Dómine, cleménter exáudi: et hunc Eléctum tuum **N.** Crucis dominicæ impressióne signátum perpétua virtúte custódi: ut magnitúdinis glóriæ tuæ rudiménta servans, per custódiam mandatórum tuórum ad regeneratiónis glóriam perveníre mereátur. Per Christum Dóminum nostrum. **R.** Amen.

Deinde imponat manum super caput infantis ac dicat:

## ORÉMUS.

**O**MNIPOTENS, sempitérne Deus, Pater Dómini nostri Jesu Christi, respicere dignáre super hunc fámulum tuum **N.**, quem ad rudiménta fidei vocáre dignátus es; omnem cæcitatém cordis ab eo expélle: dirúmpe omnes láqueos sátanæ, quibus fúerat colligátus: áperi ei, Dómine, jánuam pietátis tuæ, ut signo sapiéntiæ tuæ imbútus, ómnium cupiditátum fœtóribus cáreat, et ad suávem odórem præceptórum tuórum lætus tibi in Ecclésia tua desérviat, et proficiat de die in diem. Per eúndem Christum Dóminum nostrum. **R.** Amen.

Deinde Sacerdos benedicit sal, quod semel benedictum alias ad eundem usum deservire potest.

## BENEDICTIO SALIS.

**E**XORCIZO te, creatúra salis, in nómine Dei Patris omnipoténtis ✠, et in charitaté Dómini nostri Jesu Christi ✠, et in virtúte Spíritus ✠ sancti. Exorcizo te per Deum vivum ✠, per Deum verum ✠, per Deum sanctum ✠, per Deum ✠, qui te ad tutelam humáni géneris procreávit, et pópulo veniénti ad credulitatém per servos suos consecrári præcepit: ut in

nómine sanctæ Trinitátis efficiáris salutáre Sacraméntum ad effugándum inimícum. Proínde rogámus te, Dómine, Deus noster, ut hanc creatúram salis sanctificándo sanctífices ✠, et benedicéndo benedícas ✠, ut sit ómnibus accipiéntibus perfécta medicína, pérmanens in viscéribus eórum, in nómine ejúsdem Dómini nostri Jesu Christi, qui ventúrus est judicáre vivos et mórtuos; et sæculum per ignem. *R.* Amen.

Deinde immittat modicum salis benedicti in os infantis, dicens: *N.* Accipe sal sapiéntiæ: propitiátio sit tibi in vitam ætérnam. *R.* Amen.

*Sacerdos.* Pax tibi. *R.* Et cum spiritu tuo.

#### ORÉMUS.

**D**EUS patrum nostrórum, Deus univérsæ cónditor veritátis, te súpplíces exorámus, ut hunc fámulum tuum *N.* respícere dignéris propítius, et hoc primum pábulum salis gustántem, non diútius esuríre permíttas, quo minus cibo expleátur cœlésti, quátenus sit semper spírítu fervens, spe gaudens, tuo semper nómini sérviens. Perduc eum, Dómine, quæsumus, ad novæ regeneratiónis lavácrum, ut cum fidélibus tuis promissionum tuárum ætérna præmia cónsequi mereátur. Per Christum Dóminum nostrum. *R.* Amen.

Exorcízo te, immúnde spírítus, in nómine Patris ✠, et Fílii ✠, et Spírítus ✠ sancti, ut éxeas, et recédas ab hoc fámulo Dei *N.* Ipse enim tibi ímperat, maledícite damnate, qui pédibus super mare ambulávit, et Petro mergénti délixteram porréxit.

Ergo, maledícite diábole, recognósce senténtiam tuam, et da honórem Deo vivo et vero, da honórem Jesu Christo Fílio ejus, et Spírítui sancto, et recéde ab hoc fámulo Dei *N.*, quia istum sibi Deus, et Dóminus

noster Jesus Christus ad suam sanctam grátiam, et benedictiónem, fontémque Baptísmatis vocáre dignátus est.

**Hic pollice in fronte signat infantem, dicens:** Et hoc signum sanctæ Crucis ✠, quod nos fronti ejus damus, tu, maledícte diabóle, numquam áudeas violáre. Per eúmdem Christum Dóminum nostrum. **R.** Amen.

**Mox imponit manum super caput infantis, et dicit:**

#### ORÉMUS.

**Æ**TERNAM, ac justíssimam pietátem tuam déprecor, Dómine sancte, Pater omnípotens, ætérne Deus, áuctor lúminis et veritátis, super hunc fámulum tuum **N.** ut dignéris illum illumináre lúmine intellígentiæ tuæ: munda eum, et sanctífica: da ei sciéntiam veram, ut dignus grátia Baptísmi tui efféctus, téneat firmam spem, consílium rectum, doctrínam sanctam. Per Christum Dóminum nostrum. **R.** Amen.

**Postea Sacerdos imponit extremam partem stolæ super infantem, et introducit eum in Ecclesiam, dicens:**

**N.** Ingrédere in templum Dei, ut hábeas partem cum Christo in vitam ætérnam. **R.** Amen.

**Cum fuerint Ecclesiam ingressi, Sacerdos procedens ad Fontem cum Susceptoribus conjunctím clara voce dicit:**

**C**REDO in Deum, Patrem omnípoténtem, creatórem cæli, et terræ. Et in Jesum Christum, Fílium ejus únicum, Dóminum nostrum: qui concéptus est de Spírítu sancto, natus ex María Vírgine: passus sub Póntio Piláto, crucifixus, mórtuus, et sepúltus: descéndit ad ínferos, tértia die resurréxit a mórtuis: ascéndit ad cælos, sedet ad délixteram Dei Patris omnípoténtis: inde ventúrus est judicáre vivos, et mórtuos. Credo in

Spíritum sanctum; sanctam Ecclésiám Cathólicam; Sanctórum comuniónem; remissionem peccatórum; carnis resurrectionem; vitam ætérnam. Amen.

**P**ATER noster, qui es in cælis, sanctificétur nomen tuum: advéniat regnum tuum; fiat volúntas tua, sicut in cælo, et in terra. Panem nostrum quotidíanum da nobis hódie, et dimítte nobis débíta nostra, sicut et nos dimíttimus debitóribus nostris: et ne nos indúcas in tentatióem: sed líbera nos a malo. Amen.\*

*\* Anglice :*

I believe in God, the Father Almighty, Creator of heaven and earth, and in Jesus Christ, his only Son, our Lord; who was conceived by the Holy Ghost, born of the Virgin Mary, suffered under Pontius Pilate, was crucified, dead and buried; he descended into hell; the third day he rose again from the dead; he ascended into heaven, and sitteth at the right hand of God the Father Almighty; from thence he shall come to judge the living and the dead. I believe in the Holy Ghost, the Holy Catholic Church, the communion of Saints, the forgiveness of sins, the resurrection of the body, and life everlasting. Amen.

Our Father, who art in heaven, hallowed be thy name; thy kingdom come; thy will be done on earth as it is in heaven. Give us this day our daily bread; and forgive us our trespasses, as we forgive them who trespass against us; and lead us not into temptation; but deliver us from evil. Amen.

*Gallice :*

Je crois en Dieu, le Père tout-puissant, Créateur du ciel et de la terre; et en Jésus-Christ, son Fils unique, notre Seigneur, qui a été conçu du Saint-Esprit, est né de la Vierge Marie, a souffert, sous Ponce-Pilate, a été crucifié, est mort et a été enseveli, est descendu aux enfers, le troisième jour est ressuscité d'entre les morts; est monté aux cieux, est assis à la droite de Dieu le Père tout-puissant, d'où il viendra juger les vivants et les morts.

Je crois au Saint-Esprit, la sainte Eglise Catholique, la communion des Saints, la rémission des péchés, la résurrection de la chair, la vie éternelle. Ainsi soit-il.

Ac deinde, antequam accedat ad Baptisterium, dicat :

**EXORCISMUS.**

**E**XORCIZO te, omnis spírítus immúnde, in nómine Dei Patris omnipoténtis ✠, et in nómine Jesu Christi Fílii ejus, Dómini et Júdicis nostri ✠, et in virtúte Spírítus sancti ✠, ut discédas ab hoc plásmate Dei **N.** quod Dóminus noster ad templum sanctum suum vocáre dignátus est, ut fiat templum Dei vivi, et Spírítus sanctus hábitet in eo. Per eúndem Christum Dóminum nostrum, qui ventúrus est judicáre vivos, et mórtuos, et sæculum per ignem. **Ry.** Amen.

Postea Sacerdos digito accipiat de saliva oris sui, et tangat aures et nares infantis: tangendo vero aurem dexteram, et sinistram, dicat: Ephpheta, quod est Adaperíre: deinde tangit nares, dicens: In odórem suavítatis. Tu autem effugáre, diábole; appropinquábit enim júdicium Dei.

Notre Père, qui êtes aux cieux, que votre nom soit sanctifié, que votre règne arrive, que votre volonté soit faite sur la terre comme au ciel; donnez-nous aujourd'hui notre pain quotidien; pardonnez-nous nos offenses, comme nous pardonnons à ceux qui nous ont offensés; et ne nous laissez pas succomber à la tentation, mais délivrez-nous du mal. Ainsi soit-il.

*Germanice :*

Ich glaube an GOTT, den Vater, den allmächtigen Schöpfer des Himmels und der Erde. Und an Jesum Christum Seinen eingeborenen Sohn, unsern HERRN; der empfangen ist von dem heiligen Geiste, geboren aus Maria der Jungfrau, gelitten hat unter Pontius Pilatus, gekreuziget, gestorben und begraben; abgestiegen zu der Hölle, am dritten Tage wieder auferstanden von den Todten; aufgefahen gegen Himmel, sitzt zur rechten Hand GOTTes, des allmächtigen Vaters; von dannen er kommen wird zu richten die Lebendigen und die Todten. Ich glaube an den Heiligen Geist, eine heilige, katholische Kirche, Gemeinschaft der Heiligen, Ablass der Sünden, Auferstehung des Fleisches und ein ewiges Leben. Amen!

Vater Unser, Der Du bist in dem Himmel, geheiligt werde Dein Name; zu uns komme Dein Reich; Dein Wille geschehe, wie im Himmel, also auch auf Erden. Gib uns heute unser tägliches Brod, vergib uns unsere Schulden, wie auch wir vergeben unsern Schulbigern; und führe uns nicht in Versuchung, sondern erlöse uns von dem Uebel. Amen!

Postea interrogat baptizandum nominatim, dicens: \*  
 N. Abrenúncias Sátanæ?

Respondet Patrinus: Abrenúncio.

Sacerdos: Et ómnibus opéribus ejus?

Patrinus: Abrenúncio.

Sacerdos: Et ómnibus pompis ejus?

Patrinus: Abrenúncio.

Deinde Sacerdos intingit pollicem in oleo Cathecumenorum, et infantem ungit in pectore, et inter scapulas in modum Crucis, dicens: Ego te línio ✠ óleo salútis in Christo Jesu Dómino nostro, ut hábeas vitam ætérnam. R̄. Amen.

*Hic deponit stolam violaceam, et sumit aliam albi coloris.*

Subinde pollicem et inuncta loca abstergit bombacio, vel re simili: et interrogat expresso nomine baptizandum, Patrino respondente. †

\* *Anglice:*

Q. N. dost thou renounce Satan? A. I do renounce him.

Q. And all his works? A. I do renounce them.

Q. And all his pomps? A. I do renounce them.

*Gallice:*

D. N. renoncez-vous à Satan? R. J'y renonce.

D. Et à toutes ses œuvres? R. J'y renonce.

D. Et à toutes ses pompes? R. J'y renonce.

*Germanice:*

F. N. Widersagst du dem Satan? A. Ich widersage.

F. Und allen seinen Werken? A. Ich widersage.

F. Und aller seiner Pracht? A. Ich widersage.

† *Anglice:*

Q. N. dost thou believe in God the Father Almighty, Creator of heaven and earth? A. I do believe.

Q. Dost thou believe in Jesus Christ, his only Son, our Lord, who was born into this world, and who suffered for us? A. I do believe.

Q. Dost thou believe in the Holy Ghost, the holy Catholic Church,

**N.** Credis in Deum, Patrem omnipotentem, Creatorem cæli, et terræ? **R.** Credo.

Credis in Jesum Christum, Filium ejus unicum, Dominum nostrum, natum, et passum? **R.** Credo.

Credis et in Spiritum sanctum, sanctam Ecclesiam Catholicam, Sanctorum communionem, remissionem peccatorum, carnis resurrectionem, et vitam æternam?

**R.** Credo.

Subinde, expresso nomine baptizandi, Sacerdos dicit;  
**N.** Vis baptizari?

Respondet Patrinus: Volo.

Tunc Patrino, vel Matrino, vel utroque (si ambo admittantur) infantem tenente, Sacerdos vasculo, seu urceolo accipit aquam baptismalem, et de ea ter fundit super caput infantis in modum Crucis, et simul verba

the communion of Saints, the forgiveness of sins, the resurrection of the body, and life everlasting? **A.** I do believe.

**Q.** N. wilt thou be baptized? **A.** I will.

*Gallice:*

**D.** N. croyez-vous en Dieu le Père tout-puissant, créateur du ciel et de la terre? **R.** J'y crois.

**D.** Croyez-vous en Jésus-Christ, son Fils unique, notre Seigneur, qui est né, et qui a souffert? **R.** J'y crois.

**D.** Croyez-vous au Saint-Esprit, la sainte Eglise Catholique, la communion des Saints, la rémission des péchés, la résurrection de la chair, la vie éternelle? **R.** J'y crois.

**D.** N. voulez-vous être baptisé? **R.** Je le veux.

*Germanice:*

**F.** N. Glaubst du an Gott den Vater, allmächtigen Schöpfer des Himmels und der Erde? **A.** Ich glaube.

**F.** Glaubst du an Jesum Christum, seinen eingeborenen Sohn, unsern Herrn, der geboren worden, und für uns gelitten hat? **A.** Ich glaube.

**F.** Glaubst du an den heiligen Geist, eine heilige, katholische Kirche, Gemeinschaft der Heiligen, Ablass der Sünden, Auferstehung des Fleisches und ein ewiges Leben? **A.** Ja, glaube.

**F.** N. Willst du getauft werden? **A.** Ich will.

proferens, semel tantum distincte, et attente, dicit: N. Ego te baptizo in nómine Patris ✠ fundat primo, et Fílii ✠ fundat secundo, et Spíritus ✠ sancti fundat tertio.

Ubi autem est consuetudo baptizandi per immersionem, Sacerdos accipit infantem, et advertens ne lædatur, caute immergit, et trina mersione baptizat, et semel tantum dicit: N. Ego te baptizo in nómine Patris ✠, et Fílii ✠, et Spíritus ✠ sancti.

Mox Patrinus, vel Matrina, vel uterque simul infantem de sacro fonte levant, suscipientes illum de manu Sacerdotis.

Si vero dubitatur, an infans fuerit baptizatus, utatur hac forma: N. Si non es baptizátus, ego te baptizo in nómine Patris ✠, et Fílii ✠, et Spíritus ✠ sancti.

Deinde intingit pollicem in sacro Chrismate, et ungit infantem in summitate capitis in modum Crucis, dicens:

**D**EUS omnípotens, Pater Dómini nostri Jesu Christi, qui te regenerávit ex aqua et Spíritu sancto, qui que dedit tibi remissionem ómnium peccatórum, (*hic inungit*) ipse te líniat Chrismate salutis ✠ in eódem Christo Jesu Dómino nostro in vitam ætérnam.

*R.* Amen.

Sacerdos dicit: Pax tibi. *R.* Et cum spíritu tuo.

Tum bombacio, aut re simili abstergit pollicem suum, et locum inunctum, et imponit capiti ejus linteolum candidum loco vestis albæ, dicens: Accipe vestem cándidam, quam immaculátam pérferas ante tribúnal Dómini nostri Jesu Christi, ut hábeas vitam ætérnam.

*R.* Amen.\*

---

\* *Anglice* :

Receive this white garment, which mayest thou carry without stain



Postea dat ei, vel Patrino, candelam accensam, dicens: Accipe lámpadem ardéntem, et irreprensíbilis custódi Baptísmum tuum: serva Dei mandáta, ut cum Dóminus vénerit ad núptias, possis occúrrere ei una cum ómnibus Sanctis in áula cælésti, habeásque vitam ætérnam, et vivas in sæcula sæculórum. *R.* Amen.\*

Postremo Sacerdos dicit: *N.* Vade in pace, et Dóminus sit tecum. *R.* Amen.

Si vero fuerint plures baptizandi, sive masculi, sive fœminæ, in Catechismo masculi statuatur ad dexteram, fœminæ vero ad sinistram; et omnia pariter dicantur ut supra in proprio genere, et numero plurali. Verum prima nominis interrogatio, exsufflatio, Crucis

before the judgment-seat of our Lord Jesus Christ, that thou mayest have eternal life. Amen.

*Gallice:*

Recevez la robe d'innocence, presentez-la pure au tribunal de notre Seigneur Jésus-Christ, afin que vous jouissiez de la vie éternelle. Ainsi soit-il.

*Germanice:*

Nimm hin das weiße Kleid, welches du unbefleckt vor den Richterstuhl Jesu Christi bringen sollst, damit du das ewige Leben erlangest. Amen!

\* *Anglice:*

Receive this burning light, and keep thy Baptism so as to be without blame. Observe the commandments of God; that, when our Lord shall come to his nuptials, thou mayest meet him together with all the Saints in the heavenly court, and mayest have life everlasting, and live for ever and ever. Amen.

*Gallice:*

Recevez ce flambeau ardent, et sans tâche conservez votre baptême: observez les commandements de Dieu, afin que quand le Seigneur viendra célébrer les noces, vous puissiez venir à sa rencontre avec tous les Saints dans la cour céleste, et avoir la vie éternelle, dans tous les siècles des siècles. Ainsi soit-il.

*Germanice:*

Nimm hin das brennende Licht, und bewahre untadelhaft deine Taufe; halte die Gebote Gottes, damit, wenn der Herr zur Hochzeit kommen wird, du Ihm mit allen Heiligen im himmlischen Hofe entgegenkommen kannst, und das ewige Leben erlangest und lebest in alle Ewigkeit. Amen!

impressio, seu signatio, tactus aurium et narium cum saliva, abrenuntiationis interrogatio, unctio Olei Catechumenorum, interrogatio de Fide, seu Symbolo, et ipse Baptismus, inunctio Chrismatis, candidæ vestis impositio, atque accensæ candelæ traditio, singulariter singulis, et primum masculis, deinde fœminis fieri debent.

Si infans, vel adultus ægrotus adeo graviter laboret, ut periculum immineat, ne pereat antequam Baptismus perficiatur, Sacerdos, omissis quæ Baptismum præcedunt, eum baptizet, ter, vel etiam semel infundens aquam super caput ejus in modum Crucis, dicens: Ego te baptizo in nómine Patris ✠, etc. ut supra, fol. 36.

Si non habeatur aqua Baptismalis, et periculum impendeat, Sacerdos utatur aqua simplici.

Deinde si habeat Chrisma, liniat eum in vertice, dicens: Deus omnípotens, etc. ut supra, fol. 36.

Postea dat ei linteolum candidum, dicens: Accipe vestem, etc. ut supra, fol. 36.

Ac demum dat ei ceream candelam accensam, dicens: Accipe lámpadem ardéntem, ut supra, fol. 37.

Si supervixerit, suppleantur alii ritus omissi.

Admonendi sunt Susceptores de spirituali cognatione, quam contraxerunt cum Baptizato, Baptizatique patre et matre; quæ cognatio impedit Matrimonium, ac dirimit.

Curet Parochus parentes infantis admoneri, ne in lecto secum ipsi, vel nutrices parvulum habeant, propter oppressionis periculum; sed eum diligenter custodiant, et opportune ad Christianam disciplinam instituant.

Commonendi sunt etiam parentes, et alii, si opus fuerit, ne filios Hebræis, aliisque infidelibus, vel hæreticis mulieribus ullo modo lactandos, aut nutriendos tradant.

Antequam infans ex Ecclesia asportetur, aut Susceptores discedant, eorum nomina, et alia de administrato Baptismo ad præscriptam formam in Baptismali libro Parochus accurate describat.

## DE BAPTISMO ADULTORUM.

**S**I quis adultus sit baptizandus, debet prius, secundum Apostolicam regulam, in Christiana Fide, ac sanctis moribus diligenter instrui, et per aliquot dies in operibus pietatis exerceri, ejusque voluntas et propositum sæpius explorari, et nonnisi sciens et volens, probeque instructus baptizari.

At vero si quis, dum instruitur, in mortis periculum incidat, baptizarique voluerit, habita ratione periculi vel necessitatis, baptizetur.

Adultorum Baptismus, ubi commode fieri potest, ad Episcopum deferatur, ut si illi placuerit, ab eo solemniter conferatur, alioquin Parochus ipse baptizet, stata Cæremonia.

Decet autem hujusmodi Baptismum, ex Apostolico instituto, in Sabbato Sancto Paschatis, vel Pentecostes solemniter celebrari.

Quare si circa hæc tempora Catechumeni sint baptizandi, in ipsos dies, si nihil impediatur, baptismum differri convenit.

Verum si circa, seu post tempus Pentecostes aliqui conversi fuerint, qui ægre ferant suum Baptismum in longum tempus differri, et ad illud festinent, instructique, ac rite parati esse noscantur, citius baptizari possunt.

Catechumenus instructus baptizetur in Ecclesia, seu Baptisterio. Patrinus ei assistat, et ipse Catechumenus ad Sacerdotis interrogationes respondeat, nisi mutus fuerit, aut omnino surdus, vel ignotæ linguæ: quo casu vel per Patrinum, si illam intelligat, aut alium interpretem, vel nutu consensum explicet suum.

Pro hujus autem veneratione Sacramenti, tam Sacerdotem, qui adultos baptizabit, quam ipsos adultos, qui sani sunt, convenit esse jejunos.

Quare non post epulas, aut prandia, sed ante meridiem, nisi ex rationabili causa aliter faciendum esset, eorum Baptisma celebretur.

Admonendus est Catechumenus, ut peccatorum suorum pœniteat.

Amentes et furiosi non baptizentur, nisi tales a nativitate fuerint: tunc enim de iis idem iudicium faciendum est, quod de infantibus, atque in Fide Ecclesiæ baptizari possunt.

Sed si dilucida habeant intervalla, dum mentis compotes sunt,

baptizentur, si velint. Si vero antequam insanirent, suscipiendi Baptismi desiderium ostenderint, ac vitæ periculum immineat, etiamsi non sint compotes mentis, baptizentur.

Idemque dicendum est de eo, qui lethargo, aut phrenesi laborat, ut tantum vigilans et intelligens baptizetur; nisi periculum mortis impendeat, si in eo prius apparuerit Baptismi desiderium.

Sacerdos diligenter curet, ut certior fiat de statu et conditione eorum, qui baptizari petunt, præsertim exterorum: de quibus facta diligenti inquisitione, num alias, ac rite sint baptizati, caveat, ne quis jam baptizatus, imperitia vel errore, aut ad quæstum vel ob aliam causam, fraude dolove iterum baptizari velit.

Omnes autem, de quibus, re diligenter investigata, probabilis dubitatio est, an baptizati fuerint, si nihil aliud impediat, sub conditione baptizentur.

Hæretici vero ad Catholicam Ecclesiam venientes, in quorum Baptismo debita forma, aut materia servata non est, rite baptizandi sunt; sed prius errorum suorum pravitatem agnoscant et detestentur, et in Fide Catholica diligenter instruantur: ubi vero debita forma et materia servata est, ommissa tantum suppleantur, nisi rationabili de causa aliter Episcopo videatur.

Ceterum legantur et serventur ea, quae supra de Baptismo in communi præscripta sunt, fol. 22.

## ORDO BAPTISMI ADULTORUM.

**I**N primis Sacerdos, paratis his, quæ supra de observandis in administratione Sacramenti Baptismi Parvulorum dicuntur, indutus superpelliceo et stola, vel etiam pluviali violacei coloris, cum suis Clericis accedit ad gradus Altaris, et genibus flexis, pia mente ad Deum preces effundit, ut tantum Sacramentum digne valeat ministrare, et ad implorandum divinum auxilium, surgens, se signat, et si temporis ratio ferat, dicit:

*Ÿ.* Deus, in adjutórium meum inténde.

*R.* Dómine, ad adjuvándum me festína.

*Ÿ.* Glória Patri, etc.

Postea incipiat, prosequentibus Clericis.

*Antiph.* Effúndam super vos aquam mundam, et mundabímmini ab ómnibus inquinaméntis vestris, dicit Dóminus.

### PSALMUS 8.

**D**OMINE, Dóminus noster, \* quam admirábile est nomen tuum in univérsa terra!

Quóniam eleváta est magnificéntia tua, \* super cælos.

Ex ore infántium et lacténtium perfecísti láudem propter inimícos tuos, \* ut déstruas inimícum et ultórem.

Quóniam vidébo cælos tuos ópera digitórum tuórum: \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam vísitas eum?

Minuísti eum paulo minus ab ángelis, glória et honóre coronásti eum: \* et constituísti eum super ópera mánuum tuárum.

Omnia subjecísti sub pédibus ejus, \* oves et boves univérsas: ínsuper et pécora campi.

Vólucres cæli, et pisces maris, \* qui perámbulant sémitas maris.

Dómine, Dóminus noster, \* quam admirábile est nomen tuum in univérsta terra!

Glória Patri, etc.

**PSALMUS 28.**

**A**FFERTE Dómino filii Dei: \* afférte Dómino filios ariétum:

Afférte Dómino glóriam et honórem, afférte Dómino glóriam nómini ejus: \* adoráte Dóminum in átrio sancto ejus.

Vox Dómini super aquas, Deus majestátis intónuit: \* Dóminus super aquas multas.

Vox Dómini in virtúte: \* vox Dómini in magnificéntia.

Vox Dómini confringéntis cedros: \* et confrínget Dóminus cedros Líbani:

Et commínuet eas tamquam vítulum Líbani: \* et diléctus quemádmódum filius unicórniium.

Vox Dómini intercidéntis flammam ignis: \* vox Dómini concutiéntis désertum: et commovébit Dóminus désertum Cades.

Vox Dómini præparántis cervos, et revelábit condénsa: \* et in templo ejus omnes dicent glóriam.

Dóminus dilúvium inhabitáre facit: \* et sedébit Dóminus rex in ætérnum.

Dóminus virtútem pópulo suo dabit: \* Dóminus benedicet pópulo suo in pace.

Glória Patri, etc.

**PSALMUS 41.**

**Q**UEMADMODUM désiderat cervus ad fontes aquárum: \* ita désiderat ánima mea ad te Deus.

Sitívit ánima mea ad Deum fortem, vivum: \* quando véniam, et apparebo ante fáciem Dei?

Fuérunt mihi lácrymæ meæ panes die ac nocte: \* dum dicitur mihi quotidie: Ubi est Deus tuus?

Hæc recordátus sum, et effúdi in me ánimam meam: \* quóniam transíbo in locum tabernáculi admirábilis, usque ad domum Dei.

In voce exultatiónis, et confessiόνis: \* sonus epulántis.

Quare tristis es ánima mea? \* et quare contúrbas me?

Spera in Deo, quóniam adhuc confitébor illi: \* salutáre vultus mei, et Deus meus.

Ad meípsum ánima mea conturbáta est: \* proptérea memor ero tui de terra Jordánis, et Hermóniim a monte módico.

Abyssus abyssum invocat, \* in voce cataractárum tuárum.

Omnia excélsa tua, et fluctus tui \* super me transiérunt.

In die mandávit Dóminus misericórdiam suam: \* et nocte cánticum ejus.

Apud me orátio Deo vitæ meæ, \* dicam Deo: Suscéptor meus es,

Quare oblítus es mei? \* et quare contristátus incédo, dum affligit me inimícus?

Dum confringúntur ossa mea, \* exprobravérunt mihi qui tríbulant me inimíci mei:

Dum dicunt mihi per síngulos dies: Ubi est Deus tuus? \* quare tristis es ánima mea? et quare contúrbas me?

Spera in Deo, quóniam adhuc confitébor illi: \* salutáre vultus mei, et Deus meus.

Glória Patri, etc.

Et repetitur *Antiphona*. Effúndam super vos aquam mundam, et mundabimini ab ómnibus inquinaméntis vestris, dicit Dóminus.

Deinde dicitur: Kyrie eléison. Christe eléison. Kyrie, eléison.

Pater noster.

Ÿ. Et ne nos indúcas in tentatiónem.

R. Sed líbera nos a malo.

Ÿ. Dómine, exáudi oratiónem meam.

R. Et clamor meus ad te véniat.

Ÿ. Dóminus vobíscum.

R. Et cum spírítu tuo.

#### ORÉMUS.

OMNIPOTENS sempitérne Deus, qui dedísti fámulis tuis in confessióne veræ fidei, æternæ Trinitátis glóriam agnóscere, et in poténtia majestátis adoráre Unitátem: quæsumus, ut ejúsdem fidei firmitáte, ab ómnibus semper muniámur advérsis.

#### ORATIO.

ADESTO supplicatió nibus nostris, omnipotens Deus: et quod humilitátis nostræ geréndum est ministério, tuæ virtútis impleátur efféctu.

#### ORATIO.

DA, quæsumus Dómine, Elécto nostro, ut sanctis edóctus mystériis, et renovétur fonte Baptísmatis, et inter Ecclésiæ tuæ membra numerétur. Per Christum Dóminum nostrum. R. Amen.

Si plures fuerint baptizandi, hæc tertia Oratio dicatur in numero plurali.

Deinde Sacerdos procedit ad fores Ecclesiæ, et stat in limine: catechizandus vero extra limen. Et si sunt



plures, mares et fœminæ, illi ad dexteram Sacerdotis, hæ vero ad sinistram statuuntur.

Sacerdos interrogat: Quo nómine vocáris?

Catechumenus respondet: N.

Sacerdos. N. quid petis ab Ecclésia Dei? R. Fidem.

Sacerdos. Fides, quid tibi præstat?

R. Vitam ætérnam.

Sacerdos. Si vis habére vitam ætérnam, conserva mandáta. Díliges Dóminum Deum tuum ex toto corde tuo, et ex tota ánima tua, et ex tota mente tua, et próximum tuum sicut te ipsum. In his duóbus mandátis tota Lex pendet, et Prophétæ. Fides autem est, ut unum Deum in Trinitáte, et Trinitátem in Unitáte veneréris, neque confundéndo persónas, neque substántiam separándo. Alia est enim persóna Patris, ália Fílii, ália Spíritus Sancti; sed horum trium una est substántia, et non nisi una Divínitas.

Et rursus interrogat: N. Abrenúncias Sátanæ?

R. Abrenúntio.

Interrogat: Et ómnibus opéribus ejus?

R. Abrenúntio.

Interrogat: Et ómnibus pompis ejus?

R. Abrenúntio.

Deinde Sacerdos interrogat de Symbolo Fidei, dicens: Credis in unum Deum, Patrem omnipoténtem, creatórem cæli et terræ? R. Credo.

Interrogat: Credis in Jesum Christum Fílium ejus únicum, Dóminum nostrum, natum, et passum?

R. Credo.

Interrogat: Credis et in Spíritum Sanctum, sanctam Ecclésiám cathólicam, Sanctórum communiómem, remissionem peccatórum, carnis resurrectionem, et vitam ætérnam? R. Credo.

Tunc Sacerdos exsufflet ter in faciem ejus semel dicens: Exi ab eo, spírítus immúnde, et da locum Spírítui sancto Paráclito.

Hic in modum Crucis halat in faciem ipsius, et dicat: N. Accipe Spírítum bonum per istam insufflatiónem, et Dei benedictiónem ✠. Pax tibi.

Deinde facit Crucem cum pollice in ejus fronte, et in pectore, dicens: N. Accipe signum Crucis tam in fronte ✠, quam in corde ✠: sume fidem cæléstium præceptórum: talis esto móribus, ut templum Dei jam esse possis: ingressúsque Ecclésiám Dei evásisse te láqueos mortis lætus agnóscce.

Et si Catechumenus venit de Gentilitatis errore sive de Ethnicis, et Idololátris, dicat: Horrésce idóla, réspue simulácula.

Si ex Hebræis, dicat: Horrésce Judáicam perfidiam, réspue Hebráicam superstitiónem.

Si ex Mahumetanis, dicat: Horrésce Mahuméticam perfidiam, réspue pravam sectam infidelitátis.

Si ex Hæreticis, et in ejus baptismo debita forma servata non sit, dicat: Horrésce hæreticam pravitátem, réspue nefárias sectas impiórum N.

Exprimens proprio nomine sectam, de qua venit. Inde prosequatur: Cole Deum omnipoténtem, et Jesum Christum Fílium ejus únicum, Dóminum nostrum, qui ventúrus est judicáre vivos et mórtuos, et sæculum per ignem. R. Amen.

Si plures sunt Electi, omnia supradicta dicuntur singillatim super singulos.

ORÉMUS.

ORATIO.

**T**E deprecór, Dómine sancte, Pater omnípotens, ætérne Deus, ut huic fámulo tuo N. qui in hujus

sæculi nocte vagátur incértus ac dúbius, viam veritátis et agnitiónis tuæ júbeas demonstrári: quátenus, reserátis óculis cordis sui, te unum Deum Patrem in Fílio, et Fílium in Patre cum Spíritu sancto recognóscat, atque hujus confessiónis fructum, et hic, et in futúro sæculo percípere mereátur. Per Christum Dóminum nostrum. *R.* Amen.

Si plures sint Electi, præcedens Oratio dicatur in numero plurali. Sequentes autem Signationes fiant cum suis verbis singillatim super singulos.

Deinde signet Electum signo Crucis cum pollice in fronte dicens: Signo tibi frontem ✝, ut suscípias Crucem Dómini.

In auribus. Signo tibi aures ✝, ut áudias divína præcépta.

In oculis. Signo tibi óculos ✝, ut vídeas claritatem Dei.

In naribus. Signo tibi nares ✝, ut odórem suavitátis Christi séntias.

In ore. Signo tibi os ✝, ut loquáris verba vitæ.

In pectore. Signo tibi pectus ✝, ut credas in Deum.

In scapulis. Signo tibi scápuas ✝, ut suscípias jugum servitútis ejus.

In toto corpore, illud non tangens, manu producit signum Crucis, et dicit: Signo te totum in nómine Patris ✝, et Fílii ✝, et Spíritus ✝ sancti, ut habeas vitam ætérnam, et vivas in sæcula sæculórum. *R.* Amen.

## ORÉMUS.

## ORATIO.

PRECES nostras, quæsumus Dómine, cleménter exáudi, et hunc Eléctum tuum *N.* Crucis Domínicæ, cujus impressióne eum signámus, virtúte custódi: ut magnitúdinis glóriæ tuæ rudiménta servans, per custó-

diam mandatorum tuorum ad regenerationis gloriam pervenire mereatur. Per Christum Dominum nostrum. *R.* Amen.

ORÉMUS.

ORATIO.

**D**EUS, qui humani generis ita es conditor, ut sis etiam reformator, propitiare populis adoptivis, et novo testamento sobolem novae prolis adscribe: ut filii promissionis, quod non potuerunt assequi per naturam, gaudeant se recepisse per gratiam. Per Christum Dominum nostrum. *R.* Amen.

*Tunc imponit manum super caput Electi, et dicit:*

ORÉMUS.

**O**MNIPOTENS sempiternae Deus Pater Domini nostri Jesu Christi, respicere digneris super hunc famulum tuum *N.* quem ad rudimenta fidei vocare dignatus es: omnem caecitatem cordis ab eo expelle; dirumpes omnes laqueos Satae, quibus fuerat colligatus; aperiri ei, Domine, januam pietatis tuae, ut signo sapientiae tuae imbutus, omnium cupiditatum foetoribus careat, et ad suavem odorem praecceptorum tuorum laetus tibi in Ecclesia tua deserviat, et proficiat de die in diem, ut idoneus efficiatur accedere ad gratiam Baptismi tui, percipere medicina. Per eundem Christum Dominum nostrum. *R.* Amen.

*Si plures sint, haec, et praecedens Oratio, Preces nostras, etc. dicantur in numero plurali.*

*Deinde Sacerdos benedicit sal.*

BENEDICTIO SALIS DANDI CATECHUMENO.

**E**XORCIZO te creatura salis, in nomine Dei Patris ✠ omnipotentis, et in charitate Domini nostri Jesu ✠ Christi, et in virtute Spiritus ✠ sancti. Exorcizo te per

Deum vivum ✠ , per Deum verum ✠ , per Deum sanctum ✠ , per Deum ✠ , qui te ad tutelam humani generis procreavit, et populo venienti ad credulitatem per servos suos consecrari praecepit, ut in nomine sanctae Trinitatis efficiaris salutare Sacramentum ad effugandum inimicum. Proinde rogamus te, Domine Deus noster, ut hanc creaturam salis sanctificando sanctifices ✠ , et benedicendo benedicas ✠ , ut fiat omnibus accipientibus perfecta medicina, permanens in visceribus eorum, in nomine ejusdem Domini nostri Jesu Christi, qui venturus est judicare vivos et mortuos, et saeculum per ignem. *R.* Amen.

Quod si Catechumenus fuerit Gentilis, sive ex Idololatriis venerit ad Fidem; benedicto sale, antequam ejus medicinam gustet, Sacerdos addat sequentem orationem, quae tamen pro venientibus ex Hebraeis vel aliis, ut supra, non dicitur.

## ORÉMUS.

## ORATIO.

**D**OMINE sancte, Pater omnipotens, aeternae Deus, qui es, qui eras, et qui permanes usque in finem, cujus origo nescitur, nec finis comprehendere potest, te supplices invocamus super hunc famulum tuum **N.** quem liberasti de errore gentilium, et conversatione turpissima; dignare exaudire eum, qui tibi cervicem suas humiliat ad lavacri fontem, ut renatus ex aqua, et Spiritu sancto, expoliatus veterem hominem induat novum, qui secundum te creatus est; accipiat vestem incorruptam, et immaculatam, tibi quoque Deo nostro servire mereatur. Per Christum Dominum nostrum.

*R.* Amen.

Tunc pollice et indice accipit de ipso sale, et immit-

tit in os Catechumeni, dicens: *N.* Accipe sal sapiéntiæ: propitiatio tibi sit in vitam ætérnam. *R.* Amen.

*Sacerdos.* Pax tibi. *R.* Et cum spírítu tuo.

## ORÉMUS.

## ORATIO.

**D**EUS patrum nostrórum, Deus univérsæ cónditor veritátis, te súpplices exorámus, ut hunc fámulum tuum *N.* respícere dignéris propítius: et hoc primum pábulum salis gustántem, non diútius esuríre permíttas, quo minus cibo expleátur cælésti, quátenus sit semper spírítu fervens, spe gáudens, tuo semper nómini sérviens. Perduc eum, Dómine quæsumus, ad novæ regeneratiónis lavácrum, ut cum fidélibus tuis promissionum tuárum ætérna præmia cónsequi mereátur. Per Christum Dóminum nostrum.

*R.* Amen.

Si plures sint, dicatur singulis: *N.* Accipe sal, etc. et præcedentes Orationes in numero plurali.

Si inter Catechumenos adsint fœminæ, recedant ipsæ in partem, quousque tertio dicatur masculis Ora, Elécte etc. et hi signati fuerint in fronte.

Si plures sint Catechumeni, hic et in sequentibus *Sacerdos* dicit in numero plurali: Oráte, Elécti, fléctite génua etc.

Deinde *Sacerdos* dicat super masculum tantum:

Ora, Elécte, flecte génua, et dic Pater noster.

Et *Electus* genuflexus orat, et dicit: Pater noster.

Et cum oraverit, et dixerit Pater noster, usque ad, Sed libera nos a malo, inclusive, *Sacerdos* subjungit: *Leva*, comple oratiónem tuam, et dic Amen.

Et ille respondet: Amen.

Et *Sacerdos* dicit *Patrino*: Signa eum.

Deinde **Electo**: **Accéde.**

Et **Patrinus** pollice signat eum in fronte, dicens: In nómine Patris, et Fílii, et Spíritus sancti.

Tum quoque **Sacerdos** facit **Crucem** in fronte ejus, ita dicendo: In nómine Patris, et Fílii, et Spíritus sancti.

Et imponit manum super eum, et dicit:

ORÉMUS.

ORATIO.

**D**EUS Abraham, Deus Isaac, Deus Jacob, Deus, qui Móysi fámulo tuo in monte Sínei apparústi, et filios Israel de terra Ægypti eduxísti, députans eis Angelum pietátis tuæ, qui custodíret eos die ac nocte: te quæsumus Dómine, ut mittere dignéris sanctum Angelum tuum de cælis, qui simíliter custódiat et hunc fámulum tuum **N.** et perdúcat eum ad grátiam Baptísmiti tui. Per Christum Dóminum nostrum.

**R.** Amen.

EXORCISMUS.

**E**RGO, maledícte diábole, recognósce senténtiam tuam, et da honórem Deo vivo et vero, da honórem Jesu Christo Filio ejus, et Spíritui sancto, et recéde ab hoc fámulo Dei **N.** quia istum sibi Deus, et Dóminus noster Jesus Christus ad suam sanctam grátiam, fontémque Baptísmatis vocáre dignátus est: et hoc signum sanctæ Crucis ✝, quod nos fronti ejus damus, tu, maledícte diábole, numquam áudeas violáre. Per eúndem Christum Dóminum nostrum, qui ventúrus est judicáre vivos et mórtuos, et sæculum per ignem. **R.** Amen.

**Sacerdos** dicit secundo **Electo**: Ora, Elécte, flecte génuá, et dic Pater noster.

Et Electus genuflexus orat, et dicit: Pater noster, usque ad, Sed libera nos a malo, inclusive.

Sacerdos subjungit: Leva, comple orationem tuam, et dic Amen.

Electus surgens respondet: Amen.

Sacerdos dicit Patrino: Signa eum.

Deinde Electo: Accède.

Et Patrinus pollice signat Electum in fronte, dicens: In nomine Patris, et Filii, et Spiritus sancti.

Et Sacerdos pariter facit signum Crucis in fronte ejus dicens: In nomine Patris, et Filii, et Spiritus sancti.

Deinde imponit manum super eum, ac dicit:

#### ORÉMUS.

**D**EUS, immortale præsidium omnium postulantium, liberatio supplicum, pax rogantium, vita credentium, resurrectio mortuorum: te invoco super hunc famulum tuum **N.** qui Baptismi tui donum petens, æternam consequi gratiam spirituáli regeneratióne desiderat: accipe eum, Dómine, et quia dignatus es dicere: Pétite, et accipiétis; quærite, et inveniétis; pulsáte, et aperiétur vobis, petenti præmium pórrige, et jánuam pande pulsánti: ut æternam cælestis lavácri benedictiónem consecútus, promissa tui múnneris regna percípiat. Qui cum Patre, et Spíritu sancto vivis, et regnas Deus in sæcula sæculórum. **R.** Amen.

#### EXORCISMUS.

**A**UDI, maledicte Sátana, adjuratus per nomen æterni Dei, et Salvatoris nostri Jesu Christi Filii ejus, cum tua victus invidia, tremens, gemensque discède: nihil tibi sit commune cum servo Dei **N.** jam cælestia



cogitánte, renuntiáturo tibi, et sæculo tuo, et beátæ immortalitáti victúro. Da igitur honórem adveniénti Spíritui sancto, qui ex summa cæli arce descéndens, proturbátis fráudibus tuis, divíno Fonte purgátum pectus, sanctificátum Deo templum et habitáculum perficiat, ut ab ómnibus pénitus nóxiis præteritórum críminum liberátus servus Dei, grátias perénnes Deo réferat semper, et benedicat nomen sanctum ejus in sæcula sæculórum. *R.* Amen.

Sacerdos tertio dicit *Electo*: Ora, Elécte, flecte génuá, et dic Pater noster.

Et *Electus genuflexus orat, et dicit*: Pater noster, usque ad, Sed libera nos a malo, inclusive.

Sacerdos subjungit: *Leva, comple oratiónem tuam, et dic Amen.*

*Electus surgens respondet*: Amen.

Sacerdos dicit *Patrino*: Signa eum.

Deinde dicit *Electo*: Accéde.

Et *Patrinus cum pollice signat Electum in fronte, dicens*: In nómine Patris, et Fílii, et Spíritus sancti.

Et *Sacerdos pariter facit signum Crucis in fronte ejus dicens*: In nómine Patris, et Fílii, et Spíritus sancti.

Deinde imponit manum super eum dicens:

#### EXORCISMUS.

**E**XORCIZO te, immúnde spíritus, in nómine Patris ✠, et Fílii ✠, et Spíritus ✠ sancti, ut éxeas, et recédas ab hoc fámulo Dei *N.* Ipse enim tibi ímperat, maledícite damnáte, qui pédibus super mare ambulávit, et Petro mergénti déxteram porréxit.

## EXORCISMUS.

**E**RGO, maledícete diabóle, recógnósce senténtiam tuam, et da honórem Deo vivo, et vero, da honórem Jesu Christo Fílio ejus, et Spíritui sancto: recéde ab hoc fámulo Dei **N.** quia istum sibi Deus et Dóminus noster Jesus Christus ad suam sanctam gratiam, fontémque Baptísmatis vocáre dignátus est: et hoc signum sanctæ Crucis **✝**, quod nos fronti ejus damus, tu, maledícete diabóle, numquam áudeas violáre. Per eúmdem Christum Dóminum nostrum, qui ventúrus est judicáre vivos et mórtuos, et sæculum per ignem. **R.** Amen.

Si, ut supra, adsint fœminæ, retrahunt se masculi in partem, et accedunt fœminæ ante Sacerdotem, et stant.

Si plures fuerint fœminæ Catechumenæ, hic et in sequentibus Sacerdos dicat in numero plurali: Oráte, Eléctæ, fléctite gœna etc.

Sacerdos dicit Catechumenæ: Ora, Elécta, flécte gœna, et dic Pater noster.

Et Electa genu flexo orat, et dicit: Pater noster etc. et cum dixerit usque ad, Sed libera nos a malo, inclusive,

Sacerdos dicit: Leva, comple oratiónem tuam, et dic Amen.

Electa surgens respondet: Amen.

Sacerdos dicit Patrino: Signa eam.

Deinde dicit Electæ: Accépe.

Et Patrinus pollice signat Electam in fronte, dicens: In nómine Patris, et Fílii, et Spíritus sancti.

Et Sacerdos pariter facit signum Crucis in fronte ejus et dicit: In nómine Patris, et Fílii, et Spíritus sancti.

Deinde imponit manum super eam, et dicit:

## ORÉMUS.

## ORATIO.

**D**EUS cæli, Deus terræ, Deus Angelórum, Deus Archangelórum, Deus Patriarchárum, Deus Prophetárum, Deus Apostolórum, Deus Mártyrum, Deus Confessorum, Deus Vírginum, Deus ómnium bene vivéntium, Deus, cui omnis lingua confitétur, et omne genufléctitur cæléstium, terréstrium, et infernórum, te ínvoco, Dómine, super hanc fámulam tuam **N.** ut eam custodíre, et perdúcere dignéris ad grátiam Baptísmi tui. Per Christum Dóminum nostrum. **R.** Amen.

Deinde dicitur :

## EXORCISMUS.

**E**RGO, maledícite diabole, recognósce senténtiam tuam, et da honórem Deo vivo, et vero; da honórem Jesu Christo Fílio ejus, et Spirítui sancto: recéde ab hac fámula Dei **N.** quia istam sibi Deus et Dóminus noster Jesus Christus ad suam sanctam grátiam, fontémque Baptísmatis vocáre dignátus est: et hoc signum sanctæ Crucis **✝**, quod nos fronti ejus damus, tu, maledícite diábole, numquam áudeas violáre. Per eúndem Christum Dóminum nostrum, qui ventúrus est judicáre vivos et mórtuos, et sæculum per ignem. **R.** Amen.

Sacerdos dicit secundo **Electæ**: Ora, Elécta, flecte génuá, et dic Pater noster.

Et **Electa**, genu flexò, orat et dicit: Pater noster. Et cum dixerit usque ad, Sed líbera nos a malo, inclusive,

Sacerdos dicit: Leva, comple oratiónem tuam, et dic Amen.

Electa surgens, respondet: Amen.

Sacerdos dicit Patrino: Signa eam.

Deinde dicit Electæ: Accède.

Et Patrinus cum pollice signat Electam in fronte dicens: In nómine Patris, et Fílii, et Spíritus sancti.

Et Sacerdos facit pariter signum Crucis in fronte ejus dicens: In nómine Patris, et Fílii, et Spíritus sancti.

Deinde Sacerdos imponit manum super caput Electæ, et dicit:

## ORÉMUS.

## ORATIO.

**D**EUS Abraham, Deus Isaac, Deus Jacob, Deus, qui Moysi fámulo tuo in monte Sínai apparuísti, et filios Israel de terra Ægypti eduxísti, députans eis Angelum pietátis tuæ, qui custodíret eos die, ac nocte: te, quæsumus Dómine, ut mittere dignéris sanctum Angelum tuum de cælis, qui simíliter custódiat et hanc fámulam tuam **N.** et perducát eam ad grátiam Baptismi tui. Per Christum Dóminum nostrum.

**R.** Amen.

Sacerdos tertio dicit Electæ: Ora, Elécta, flecte génuá, et dic Pater noster.

Electa genu flexo orat, et dicit: Pater noster. Et cum dixerit usque ad, Sed libera nos a malo, inclusive,

Sacerdos dicit: Leva, comple oratióem tuam, et dic Amen.

Electa surgens respondet: Amen.

Sacerdos dicit Patrino: Signa eam.

Deinde dicit Electæ: Accède.

Et Patrinus signat cum pollice Electam in fronte, dicens: In nómine Patris, et Fílii, et Spíritus sancti.

Et Sacerdos pariter facit signum Crucis in fronte ejus dicens: In nómine Patris, et Fílii, et Spíritus sancti.

Deinde imponit manum super caput Electæ, et dicit:

## EXORCISMUS.

**E**XORCIZO te, immúnde spíritus, per Patrem ✠, et Fílium ✠, et Spíritum ✠ sanctum, ut éxeas, et recédas ab hac fámula Dei N. Ipse enim tibi ímperat, maledícte damnáte, qui cæco nato óculos apérui, et quatríduánum Lázarum de monuménto suscitávit.

## EXORCISMUS.

**E**RGO, maledícte diábole, recognósce senténtiam tuam, et da honórem Deo vivo, et vero; da honórem Jesu Christo Fílio ejus, et Spíritui sancto; recéde ab hac fámula Dei N. quia istam sibi Deus et Dóminus noster Jesus Christus ad suam sanctam grátiam, fontémque Baptísmatis vocáre dignátus est: et hoc signum sanctæ Crucis ✠, quod nos fronti ejus damus, tu, maledícte diábole, numquam áudeas violáre. Per éundem Christum Dóminum nostrum, qui ventúrus est judicáre vivos, et mórtuos, et sæculum per ignem. **R.** Amen.

Postmodum accedunt iterum masculi, qui se retraxerant, et ipsi ad dexteram, fœminæ vero ad sinistram Sacerdotis, ut in principio, disponuntur.

Sacerdos imponit manum super Electum, vel si sint plures super singulos tam masculos, quam fœminas, et dicit:

## ORÉMUS.

**Æ**TERNAM ac justíssimam pietátem tuam dépre-  
cor, Dómine sancte, Pater omnípotens, ætérne  
Deus, auctor lúminis et veritátis, super hunc fámulum  
tuum **N.** ut dignéris eum illumináre lúmine intelli-  
géntiæ tuæ: munda eum, et sanctífica: da ei sciéntiam  
veram, ut dignus efficiátur accédere ad grátiam Ba-  
ptísmi tui, téneat firmam spem, consílium rectum, doc-  
trínam sanctam, ut aptus sit ad percipiéndam grátiam  
tuam. Per Christum Dóminum nostrum. **R.** Amen.

Si plures fuerint Electi, sive mares, sive fœminæ,  
præcedens Oratiō dicatur in numero plurali, et in  
genere proprio, ut superius dictum est.

His peractis, Sacerdos sinistra manu apprehendens  
dexteram Electi prope brachium, vel ei porrigens  
extremam partem stolæ, introducit eum in Ecclesiam  
dicens: **N.** Ingrédere in sanctam Ecclésiám Dei, ut  
accípias benedictiónem cæléstem a Dómino Jesu  
Christo, et hábeas partem cum illo, et Sanctis ejus.  
**R.** Amen.

Si plures fuerint, dicat in numero plurali: Ingrédi-  
mini in sanctam Ecclésiám Dei, etc. et introducat  
eos, ut supra.

Et ingressus Electus procumbit, seu prosternit se  
in pavimento, et adorat.

Deinde surgit, et Sacerdos imponit manum super  
caput ejus, et Electus cum eo recitat Symbolum  
Apostolorum, et Orationem Dominicam.

Ita etiam si plures fuerint, omnes surgunt, et  
simul recitant:

**C**REDO in Deum, Patrem omnipoténtem, creatórem  
cæli, et terræ. Et in Jesum Christum, Fílium

ejus únicum, Dóminum nostrum: qui concéptus est de Spíritu sancto, natus ex María vírgine, passus sub Póntio Piláto, crucifixus, mórtuus, et sepúltus: descéndit ad ínferos, tértia die resurréxit a mórtuis: ascéndit ad cælos, sedet ad dexteram Dei Patris omnipoténtis: inde ventúrus est judicáre vivos, et mórtuos. Credo in Spíritum sanctum: sanctam Ecclésiám Cathólicam, Sanctórum communiómem, remissionem peccatórum, carnis resurrecciónem, vitam ætérnam. Amen.

**P**ATER noster, qui es in cælis, sanctificétur nomen tuum: advéniat regnum tuum: fiat volúntas tua sicut in cælo, et in terra. Panem nostrum quotidiánum da nobis hódie, et dimítte nobis débíta nostra, sicut et nos dimíttimus debitoribus nostris: et ne nos indúcas in tentatiómem: sed líbera nos a malo. Amen.

Tunc rursus Sacerdos imponat manum super caput Electi, et dicat:

#### EXORCISMUS.

**N**EC te latet, Sátana, imminére tibi pœnas, imminére tibi torménta, imminére tibi diem júdicii, diem supplicii sempitérni; diem, qui ventúrus est velut clíbanus ardens, in quo tibi, atque univérsis ángelis tuis præparátus sempitérnus erit intéritus. Proinde, damnáte, atque damnánde, da honórem Deo vivo et vero, da honórem Jesu Christo Fílio ejus, da honórem Spíritui sancto Paráclito, in cujus nómine, atque virtúte præcipio tibi, quicúmque es spíritus immúnde, ut éxeas, et recédas ab hoc fámulo Dei **N.** quem hódie idem Deus et Dóminus noster Jesus Christus ad suam sanctam grátiam et benedictiónem, Fontémque Baptísmatis dono vocáre dignátus est: ut fiat ejus tem-

plum per aquam regeneratiónis in remissiónem ómnium peccatórum. In nómine ejúsdem Dómini nostri Jesu Christi, qui ventúrus est judicáre vivos et mórtuos, et sæculum per ignem. *R.* Amen.

Similiter si plures fuerint, imponit manum super capita singulorum, et dicit eundem Exorcismum in numero multitudinis, et genere suo.

Postea Sacerdos pollice accipit de saliva oris sui, et tangit aures, et nares Electi; tangendo vero aurem dexteram et sinistram, dicat: Ephpheta, quod est, adaperíre; deinde tangendo nares, dicat: In odórem suavitatís; et subdit: Tu autem effugáre, diábole, appropinquábit enim júdicium Dei.

Deinde interroget Electum: Quis vocáris?

Et ipse respondet: N.

Interroget: N. Abrenúncias Sátanæ?

*R.* Abrenúncio.

Interroget: Et ómnibus opéribus ejus?

*R.* Abrenúncio.

Interroget: Et ómnibus pompis ejus?

*R.* Abrenúncio.

Tunc Sacerdos intingit pollicem dexteræ manus in Oleo sancto Catechumenorum, et inungit Electum primum in pectore, deinde inter scapulas, in modum Crucis, dicens: Ego te línio Oleo salutís ✠ in Christo Jesu Dómino nostro in vitam æternam. *R.* Amen.

Ÿ. Pax tibi. *R.* Et cum spíritu tuo.

Mox bombacio, vel re simili tergit pollicem, et loca inuncta, et subjungit, dicens:

Exi, immúnde spíritus, et da honórem Deo vivo et vero. Fuge, immúnde spíritus, et da locum Jesu Christo Fílio ejus. Recéde, immúnde spíritus, et da locum Spíritui sancto Paráclito.



*Hic Sacerdos depolat stolam, et pluviatile violaceum, et sumat aliud albi coloris.*

Quando plures sunt Electi, idem fit circa singulos eorum. Et ducitur Electus ad Baptisterium: ubi si ob aliquam causam non habeatur, sive præparata non fuerit aqua Baptismalis, fiat benedictio Fontis, ut infra ponitur. Et cum fuerit prope Fontem, Sacerdos interrogat: Quis vocáris?

Respondet: N.

Interrogat: N. Credis in Deum Patrem omnipotentem, creatórem cæli et terræ? R. Credo.

Interrogat: Credis in Jesum Christum Fílium ejus únicum, Dóminum nostrum, natum, et passum?

R. Credo.

Interrogat: Credis et in Spíritum sanctum, sanctam Ecclésiám Cathólicam, Sanctórum communiónem, remissionem peccatórum, carnis resurrectionem, et vitam ætérnam? R. Credo.

Iterum interrogat, dicens: N. quid petis?

R. Baptísum.

Interrogat: Vis baptizári? R. Volo.

Tunc Patrino, vel Matrino, vel utroque, si ambo admittantur, admota manu, tenente, seu tangente Electum, vel Electam, aperto capite, et laxatis a collo vestibus, inclinatum, Sacerdos vasculo vel urceolo hauriat aquam Baptismalem de Fonte, et cum ea sub trina supra caput in modum Crucis infusione baptizet Electum, seu Electam, in nomine Ss. Trinitatis, sic dicens: N. Ego te baptizo in nómine Patris ✠ ,

fundat primo: et Fílii ✠, fundat secundo: et Spíritus ✠ sancti, fundat tertio.

Si aqua, quæ ex capite baptizati defluit, non dilabitur in sacrarium Baptisterii, recipiatur in subjecta aliqua pelvi, et in illud postmodum projiciatur.

Cum plures sunt Electi, singillatim singuli interrogantur, et baptizantur, ut supra.

Si sunt mares, et fœminæ, primum mares, deinde fœminæ.

Verum si probabiliter dubitetur, an Electus fuerit alias baptizatus, dicat Sacerdos: Si non es baptizatus, ego te baptizo in nómine Patris ✠, et Fílii ✠, et Spíritus ✠ sancti.

Deinde Sacerdos intingat pollicem dexterum in sacrum Chrisma, et perungat verticem Electi in modum Crucis, dicens:

**D**EUS omnipotens, Pater Dómini nostri Jesu Christi, qui te regenerávit ex aqua et Spíritu sancto, qui- que dedit tibi remissionem ómnium peccatórum, ipse te líniat Chrísmate salutis ✠ in eódem Christo Jesu Dómino nostro in vitam ætérnam. *R.* Amen.

*V.* Pax tecum. *R.* Et cum spíritu tuo.

Tunc bombacio, vel re simili pollicem tergit, et imponit capiti Electi Chrismale, seu candidum linteolum, et dat illi vestem candidam, dicens: Accipe vestem cándidam, et immaculátam, quam pérferas ante tribúnal Dómini nostri Jesu Christi, ut hábeas vitam ætérnam. *R.* Amen.

Et electus deponit priores vestes, et induitur novis albi coloris, vel saltem exteriore candida, quam a Sacerdote accepit.

Postea dat ei Sacerdos cereum, seu candelam ac-

censam in manu dextera, dicens: Accipe lámpadem ardéntem, et irreprehensíbilis custódi Baptismum tuum: serva Dei mandáta, ut cum Dóminus vénerit ad núptias, possis occurrere ei in aula cælésti in vitam ætérnam. **R.** Amen.

Ipse vero Neophytus eundem cereum accensum manibus teneat usque in finem, præterquam dum confirmatur.

In Ecclesiis autem ubi Baptismus fit per immer-sionem, sive totius corporis, sive capitis tantum, Sa-cerdos accipiat Electum per brachia prope humeros, et superiore parte corporis nudatum, reliqua honeste contectum, ter illum, vel caput ejus mergendo, et toties elevando, baptizet sub trina immersione, Ss. Trinitatem semel tantum sic invocando: Ego te baptizo in nómine Patris ✠, mergat semel; et Fílii ✠, mergat iterum: et Spíritus sancti ✠, mergat tertio: Patrino, vel Matrino, vel utroque eum tenente, vel tangente.

Et cum Electus surrexerit de Fonte, Patrinus vel Matrino cum linteo in manibus suscipit eum de manu Sacerdotis: et Sacerdos intincto pollice dextero in sacro Chrismate, illum in vertice in modum Cru-cis perungit, dicens: Deus omnípotens, Pater Dómini nostri Jesu Christi, etc. fol. 62.

Deinde Sacerdos imponit capiti ejus linteolum, seu Chrismale, et dat ei vestem candidam, dicens: Accipe vestem cándidam, etc. fol. 62.

Et statim prædicto linteo abstergitur, et in loco remoto vestitur novis et albis vestibus, et exteriore candida, quam accepit.

Postea dat ei Sacerdos candelam accensam in manu

dextera, dicens: Accipe lámpadem, etc. fol. 63. Eodem modo, si plures fuerint, fit pro singulis. Postea dicat: **N. Vade in pace, et Dóminus sit tecum. R̄. Amen.**

Si adsit Episcopus, qui id legitime præstare possit, ab eo Neophyti Sacramento Confirmationis initiantur. Deinde si hora congruens fuerit, celebratur Missa, cui Neophyti intersunt, et Sanctissimam Eucharistiam devote suscipiunt.

Si vero ob Baptizandorum multitudinem, ut in India et novo Orbe quandoque contingit, in singulorum Baptismo præscripti ritus adhiberi non possunt, tunc vel pluribus simul adhibeantur, vel si urget necessitas, omittantur.

## ORDO SUPPLENDI OMISSA

### SUPER INFANTEM BAPTIZATUM.

**C**UM urgente mortis periculo, vel alia cogente necessitate parvulus, sacris precibus, ac cæremoniis prætermisissis, fuerit baptizatus, ubi convalescerit, vel cessaverit periculum, et ad Ecclesiam delatus fuerit, omnia supplentur.

Sacerdos itaque, lotis manibus, superpelliceo, et stola violacea indutus, accedat: Clericum unum, seu plures, si potest, secum adhibeat, superpelliceo pariter indutos, qui sibi ministrent.

Ita paratus accedat ad limen Ecclesiæ, extra quam expectant, qui Infansem, vel Infantes detulerunt, illum proprio nomine eidem imposito appellando, et dicens:

N. Quid petis ab Ecclésiâ Dei?

Patrinus Catechesis respondet: Fidem.

Sacerdos: Fides quid tibi præstat?

Patrinus respondet: Vitam ætérnam.

Sacerdos: Si ígitur vis ad vitam íngredi, serva mandáta: Díliges Dóminum Deum tuum ex toto corde tuo, et ex tota ánima tua, et ex tota mente tua, et próximum tuum sicut te ipsum.

Deinde ter exsufflet leniter in faciem infantis, et dicat semel: Exi ab eo, immúnde spíritus, et da locum Spíritui sancto Paráclito.

Postea pollice faciat signum Crucis in fronte, et in pectore infantis dicens: Accipe signum Crucis tam in fronte ✠, quam in corde ✠: sume fidem cæ-

léstium præceptórum, et talis esto móribus, ut templum Dei jam esse possis.

ORÉMUS.

ORATIO.

**P**RECES nostras, quæsumus Dómine, cleménter exáudi, et hunc eléctum **N.** Crucis Domínicæ impressióne signátum perpétua virtúte custódi: ut magnitúdinis glóriæ tuæ rudiménta servans, per custódiam mandatórum tuórum ad regeneratiónis glóriam pervenire mereátur. Per Christum Dóminum nostrum.

**R.** Amen.

Deinde imponat manum super caput infantis, et dicat:

ORÉMUS.

ORATIO.

**O**MNIPOTENS sempitérne Deus, Pater Dómini nostri Jesu Christi, respícere dignáre super hunc fámulum tuum **N.** quem dudum ad rudiménta fidei vocáre dignátus es; omnem cæcitatém cordis ab eo expélle: dirúmpe omnes láqueos Sátanæ, quibus fúerat colligátus: áperi ei, Dómine, jánuam pietátis tuæ, ut, signo sapiéntiæ tuæ imbútus, ómnium cupiditátum foetóribus cáreat, et ad suávem odórem præceptórum tuórum lætus tibi in Ecclésia tua desérviat, et proficiat de die in diem, ut idóneus sit frui grátia Baptísmi tui, quem suscepit salis percépta medicína. Per Christum Dóminum nostrum. **R.** Amen.

Deinde Sacerdos benedicat salem, qui, semel benedictus, alias ad eundem usum deservire potest.

BENEDICTIO SALIS.

**E**XORCIZO te, creatúra salis, in nómine Dei Patris omnipoténtis ✠, et in charitaté Dómini nostri Jesu Christi ✠, et in virtute Spíritus ✠ sancti.

Exorcízo te per Deum vivum ✠ , per Deum verum ✠ , per Deum sanctum ✠ , per Deum ✠ , qui te ad tutelam humáni géneris procreávit, et pópulo veniénti ad credulitátem per servos suos consecrári præcépit, ut in nómine sanctæ Trinitátis efficiáris salutáre Sacraméntum ad effugándum inimícum. Proínde rogámus te, Dómine, Deus noster, ut hanc creatúram salis sanctificándo sanctífices ✠ , et benedicéndo benedícas ✠ , ut sit ómnibus accipiéntibus perfécta medicina, pérmanens in viscéribus eórum, in nómine ejúsdem Dómini nostri Jesu Christi, qui ventúrus est judicáre vivos et mórtuos, et sæculum per ignem.

*R.* Amen.

Deinde immittat modicum salis benedicti in os infantis, dicens: *N.* Accipe sal sapiéntiæ; propitiatio sit tibi in vitam ætérnam. *R.* Amen.

*Sacerdos:* Pax tecum. *R.* Et cum spíritu tuo.

ORÉMUS.

ORATIO.

**D**EUS Patrum nostrórum, Deus univérsæ cónditor veritátis, te súplices exorámus, ut hunc fámulum tuum *N.* respícere dignéris propítius, et hoc primum pábulum salis gustántem, non diútius esuríre permíttas, quo minus cibo expleátur cælésti, quátenus sit semper spíritu fervens, spe gáudens, tuo semper nómini sérviens, et quem ad novæ regeneratiónis lavácrum perduxísti, quæsumus, Dómine, ut cum fidélibus tuis promissiónum tuárum ætérna præmia cónsequi mereátur. Per Christum Dóminum nostrum. *R.* Amen.

**E**XORCIZO te, immúnde spíritus, in nómine Patris ✠ , et Fílii ✠ , et Spíritus ✠ sancti, ut éxeas, et recédas ab hoc fámulo Dei *N.* Ipse enim tibi im-

perat, maledícite damnáte, qui pédibus super mare ambulávit, et Petro mergénti dexteram porréxit.

Ergo, maledícite diábole, recognósce senténtiam tuam, et da honórem Deo vivo et vero, da honórem Jesu Christo Fílio ejus, et Spirítui sancto, et recéde ab hoc fámulo Dei **N.** quia istum sibi Deus, et Dóminus noster Jesus Christus ad suam sanctam grátiam, et benedic-tiónem, fontémque Baptísmatis vocáre dignátus est.

**Hic pollice in fronte signat infantem, dicens:** Et hoc signum sanctæ Crucis **✝**, quod nos fronti ejus damus, tu, maledícite diábole, numquam áudeas violáre. Per eundem Christum Dóminum nostrum. **R.** Amen.

**Mox imponit manum super caput infantis, et dicit:**

## ORÉMUS.

## ORATIO.

**Æ**TERNAM, ac justíssimam piétatem tuam déprecor, Dómine sancte, Pater omnípotens, ætérne Deus, auctor lúminis et veritátis, super hunc fámulum tuum **N.** ut dignéris illum illumináre lúmine intelligéntiæ tuæ: munda eum, et sanctífica: da ei sciéntiam veram, ut dignus sit frui grátia Baptísmi tui quem suscepit: téneat firmam spem, consílium rectum, doctrínam sanctam, ut aptus sit ad retinéndam grátiam Baptísmi tui. Per Christum Dóminum nostrum. **R.** Amen.

**Postea Sacerdos imponit extremam partem stolæ super infantem, et introducit eum in Ecclesiam, dicens:**

**N.** Ingrédere in templum Dei, ut hábeas partem cum Christo in vitam ætérnam. **R.** Amen.

**Cum fuerint Ecclesiam ingressi, Sacerdos procedens ad Fontem, clara voce dicit:**

**C**REDO in Deum, Patrem omnípoténtem, creatórem cæli, et terræ. Et in Jesum Christum Fílium ejus



únicum, Dóminum nostrum. Qui concéptus est de Spíritu sancto, natus ex María vírgine: passus sub Póntio Piláto, crucifixus, mórtuus, et sepúltus: descéndit ad íferos, tértia die resurréxit a mórtuis: ascéndit ad cælos, sedet ad dexteram Dei Patris omnipoténtis: inde ventúrus est judicáre vivos, et mórtuos. Credo in Spíritum sanctum: sanctam Eeclesiám Cathólicam: Sanctórum communiómem: remissionem peccatórum: carnis resurrectionem: vitam ætérnam.

Amen.

**P**ATER noster, qui es in cælis, sanctificétur nomen tuum: advéniat regnum tuum: fiat volúntas tua, sicut in cælo, et in terra. Panem nostrum quotidiánum da nobis hódie; et dimítte nobis débita nostra, sicut et nos dimíttimus debitóribus nostris: et ne nos indúcas in tentatiómem; sed líbera nos a malo. **R.** Amen.

Ac deinde antequam accedat ad Baptisterium dicat:

#### EXORCISMUS.

**E**XORCIZO te, omnis spíritus immúnde, in nómine Dei Patris omnipoténtis ✠, et in nómine Jesu Christi, Fílii ejus, Dómini, et júdicis nostri ✠, et in virtúte Spíritus sancti ✠, ut discédas ab hoc plásmate Dei **N.** quod Dóminus noster ad templum sanctum suum vocáre dignátus est, ut fieret templum Dei vivi, et Spíritus sanctus hábitet in eo. Per eúmdem Christum, Dóminum nostrum, qui ventúrus est judicáre vivos, et mórtuos, et sæculum per ignem. **R.** Amen.

Postea Sacerdos digito accipiat de saliva oris sui, et tangat aures, et nares infantis. Tangendo vero aurem dexteram, et sinistram dicat: Ephpheta, quod est adaperíre.

Deinde tangat nares, dicens: In odórem suavitátis. Tu autem effugáre, diabóle, appropinquábit enim júdicium Dei.

Postea interrogat Baptizatum nominatim dicens: **N.** Abrenúncias sátanæ?

Respondet Patrinus: Abrenúncio.

Sacerdos: Et ómnibus opéribus ejus?

Patrinus: Abrenúncio.

Sacerdos: Et ómnibus pompis ejus?

Patrinus: Abrenúncio.

Deinde Sacerdos intingit pollicem in oleo Catechumenorum, et infantem ungit in pectore, et inter scapulas, in modum Crucis, dicens semel:

Ego te línio ✠ óleo salútis in Christo Jesu Dómino nostro, ut hábeas vitam ætérnam. **R.** Amen.

*Hic deponit stolam violaceam, et sumit aliam albi coloris.* Subinde pollicem, et inuncta loca abstergit bombacio, vel re simili, et interrogat, expresso nomine, Baptizatum, Patrino respondente.

**N.** Credis in Deum Patrem omnipoténtem, creatórem cæli, et terræ? **R.** Credo.

Credis in Jesum Christum Fílium ejus únicum, Dóminum nostrum, natum, et passum? **R.** Credo.

Credis in Spíritum sanctum, sanctam Ecclésiám Cathólicam, Sanctórum communiónem, remissiónem peccatórum, carnis resurrectiónem, vitam ætérnam?

**R.** Credo.

Sacerdos intingit pollicem in sacro Chrismate, et ungit infantem (quem Patrinus vel Matrína, vel uterque simul tenent) in summitate capitis in modum Crucis, dicens: Deus omnípotens, Pater Dómini nostri Jesu Christi, qui te regenerávit ex aqua et Spíritu

sancto, quique dedit tibi remissionem omnium peccatorum, (*hic inungit*) ipse te linit Chrismate salutis ✠ in eodem Christo Jesu Domino nostro in vitam æternam. *R.* Amen.

*Tum* bombacio, vel re simili, abstergit pollicem, et locum inunctum, et imponit capiti infantis linteolum candidum, loco vestis albæ, dicens: Accipe vestem candidam, quam immaculatam perferas ante tribunal Domini nostri Jesu Christi, ut habeas vitam æternam.

*R.* Amen.

Postea dat ei, vel Patrino, candelam accensam, dicens: Accipe lampadem ardentem, et irreprehensibilis custodi Baptismum tuum: serva Dei mandata, ut cum Dominus venerit ad nuptias, possis occurrere ei una cum omnibus Sanctis in aula cælesti, habeasque vitam æternam, et vivas in sæcula sæculorum.

*R.* Amen.

Postremo Sacerdos dicit: *N.* Vade in pace, et Dominus sit tecum. *R.* Amen.

Si vero fuerint plures infantes, masculi seu feminae, in Catechismo masculi statuantur ad dexteram, feminae vero ad sinistram; et omnia pariter dicantur, ut supra, in proprio genere, et numero plurali. Verum prima nominis interrogatio, exsufflatio, Crucis impressio, seu signatio, tactus aurium et narium cum saliva, abrenunciationis interrogatio, unctio Olei Catechumenorum, interrogatio de Fide, seu Symbolo, inunctio Chrimatis, candidæ vestis impositio, atque candelæ accensæ traditio singulariter singulis, et primum masculis, deinde feminis fieri debent.

## ORDO SUPPLENDI OMISSA

### SUPER BAPTIZATUM ADULTUM.

**I**N primis Sacerdos indutus superpelliceo et stola, vel etiam pluviâ violacei coloris cum suis Clericis accedit ad gradus Altaris, et genibus flexis, piâ mente ad Deum preces effundit ut sacram actionem digne valeat explere; et ad implorandum divinum auxilium surgens se signat, et si temporis ratio ferat dicit *Ÿ*. Deus in adiutorium etc. cum Ant. Psal. *Ÿ Ÿ*. et orationibus, ut supra in Baptismo adultorum notatur fol. 41.

Deinde Sacerdos procedit ad fores Ecclesiæ, et stat in limine, Catechizandus vero extra limen. Et si sunt plures, mares, et fœminæ, illi ad dexteram Sacerdotis, hæ vero ad sinistram statuuntur; et Sacerdos interrogat:

Quo nómine vocáris? **Electus** respondet: **N.**

**Sacerdos:** **N.** quid petis ab Ecclésia Dei?

**R.** Fidem.

**Sacerdos:** Fides, quid tibi præstat? **R.** Vitam ætérnam.

**Sacerdos:** Si vis habére vitam ætérnam, serva mandata. Díliges Dóminum Deum tuum ex toto corde tuo, et ex tota ánima tua, et ex tota mente tua, et próximum tuum sicut teípsum: in his duóbus mandátis tota Lex pendet, et Prophétæ. Fides autem est, ut unum Deum in Trinitáte, et Trinitátem in Unitáte venerís, neque confundéndo persónas, neque sub-

stántiam separádo. Alia est enim persóna Patris, alia Fílii, alia Spíritus sancti, sed horum trium una est substántia, et nonnisi una Divínitas.

Et rursus interrogat: **N.** Abrenúncias sátanæ?

Respondet Electus: Abrenúncio.

Interrogat: Et ómnibus opéribus ejus?

**R.** Abrenúncio.

Interrogat: Et ómnibus pompis ejus?

**R.** Abrenúncio.

Deinde Sacerdos interrogat de Symbolo Fidei, dicens:

Credis in Deum, Patrem omnipoténtem, creatórem cæli, et terræ? **R.** Credo.

Interrogat: Credis in Jesum Christum Fílium ejus únicum, Dóminum nostrum, natum, et passum?

**R.** Credo.

Interrogat: Credis in Spíritum sanctum, sanctam Ecclésiám Cathólicam, Sanctórum communióem, remissionem peccatórum, carnis resurrectionem, et vitam ætérnam? **R.** Credo.

Tunc Sacerdos exsufflat ter in faciem ejus, semel dicens: Exi ab eo, spíritus immúnde, et da locum Spíritui sancto Paráclito.

Hic in modum Crucis halet in faciem ipsius, et dicat: **N.** Accipe Spíritum bonum per istam insufflationem, et Dei benedictionem ✠ Pax tibi. **R.** Et cum spíritu tuo.

Deinde facit Crucem cum pollice in fronte, et in pectore, dicens: **N.** Accipe signum Crucis tam in fronte ✠, quam in corde ✠: sume fidem cælestium præceptórum. Talis esto móribus, ut templum Dei

jam esse possis; ingressusque Ecclesiam Dei, evasisse te láqueos mortis lætus agnósce.

Et si **Electus** venit de **Gentilitatis errore, sive de Ethnicis, et Idololatriis, dicat: Horrésce idóla, respue simulácula.**

Si ex **Hebræis, dicat: Horrésce Judáicam perfidiam, respue Hebráicam superstitiónem.**

Si ex **Mahumetanis, dicat: Horrésce Mahuméticam perfidiam, respue pravam sectam infidelitátis.**

Si ex **Hæreticis, et in ejus Baptismo debita forma servata non sit, dicat: Horrésce Hæréticam pravitátem, respue nefárias sectas impiórum N. exprimens proprio nomine sectam de qua venit. Inde prosequatur: Cole Deum omnipoténtem, et Jesum Christum Fílium ejus únicum, Dóminum nostrum, qui ventúrus est judicáre vivos, et mórtuos, et sæculum per ignem.**

**R.** Amen.

Si plures sunt **Electi, omnia supradicta dicuntur singillatim super singulos:**

#### ORÉMUS.

#### ORATIO.

**T**E déprecor, Dómine sancte, Pater omnípotens, ætérne Deus, ut huic fámulo tuo **N.** qui in hujus sæculi nocte vagátur incértus, ac dubius, viam veritátis et agnitiónis tuæ júbeas demonstrári: quátenus, reserátis óculis cordis sui, te unum Deum Patrem in Fílio, et Fílium in Patre cum Spíritu sancto recognóscat, atque hujus confessiónis fructum, et hic, et in futúro sæculo percípere mereátur. Per Christum Dóminum nostrum. **R.** Amen.

Si plures sunt **Electi præcedens Oratio dicatur in numero plurali. Sequentes autem signationes fiant cum suis verbis singillatim super singulos.**

Deinde signet Electum signo Crucis cum pollice in fronte, dicens :

Signo tibi frontem ✝ , ut suscipias Crucem Dómini.

In auribus. Signo tibi aurés ✝ , ut áudias divína præcépta.

In oculis. Signo tibi óculos ✝ , ut vídeas claritátem Dei.

In naribus. Signo tibi nares ✝ , ut odórem suavitátis Christi séntias.

In ore. Signo tibi os ✝ , ut loquáris verba vitæ.

In pectore. Signo tibi pectus ✝ , ut credas in Deum.

In scapulis. Signo tibi scápuas ✝ , ut suscipias jugum servitútis ejus.

In toto corpore, illud non tangens, manu producit signum Crucis, et dicit: Signo te totum, in nómine Patris ✝ , et Fílii ✝ , et Spíritus sancti ✝ , ut hábeas vitam ætérnam, et vivas in sæcula sæculórum.

R̄. Amen.

ORÉMUS.

ORATIO.

**P**RECES nostras, quæsumus Dómine, cleméner exáudi: et hunc Electum **N.** Crucis Domínicæ, cujus impressióne eum signámus, virtúte custódi: ut magnitúdinis glóriæ tuæ rudiménta servans, per custódiam mandatórum tuórum ad regeneratiónis glóriam perveníre mereátur. Per Christum Dóminum nostrum.

R̄. Amen.

ORÉMUS.

ORATIO.

**D**EUS, qui humáni géneris ita es cónditor, ut sis étiam reformátor, propitiáre pópulis adoptívus, et novo testaménto sóbolem novæ prolis adscríbe, ut filii

promissionis, quod non potuerunt assequi per naturam, gaudeant se recepisse per gratiam. Per Christum Dominum nostrum. *R.* Amen.

*Tunc imponit manum super caput Electi, et dicit :*

ORÉMUS.

ORATIO.

**O**MNIPOTENS sempiternè Deus, Pater Domini nostri Jesu Christi, respicere dignare super hunc famulum tuum *N.* quem dudum ad rudimenta fidei vocare dignatus es; omnem cæcitatem cordis ab eo expelle: dirumpè omnes láqueos sátanæ, quibus fuerat colligatus: áperi ei, Dómine, jánuam pietatis tuæ, ut, signo sapiéntiæ tuæ imbútus, ómnium cupiditátum fétóribus cáreat, et ad suávem odórem præceptórum tuórum lætus tibi in Ecclésia tua desérviat, et proficiat de die in diem, ut idóneus sit frui grátia Baptísmit tui, quem suscepit, salis percépta medicína. Per eúmdem Christum Dóminum nostrum. *R.* Amen.

*Si plures sint, hæc et præcedens Oratio: Preces nostras, dicantur in numero plurali.*

*Deinde Sacerdos benedicit sal.*

BENEDICTIO SALIS.

**E**XORCIZO te, creatúra salis, in nómine Dei Patris omnipoténtis ✠, et in charitatè Dómini nostri Jesu Christi ✠, et in virtúte Spíritus sancti ✠: exorcizo te per Deum vivum ✠, per Deum verum ✠, per Deum sanctum ✠, per Deum ✠, qui te ad tutelam humáni géneris procreávit, et pópulo veniénti ad credulitátem per servos suos consecrári præcépit, ut in nómine sanctæ Trinitátis efficiáris salutáre Sacraméntum ad effugándum inimícum. Proínde rogámus te, Dómine Deus noster, ut hanc creatúram salis



sanctificádo sanctífices ✠ , et benedicédo benedícas ✠ , ut fiat ómnibus accipiéntibus perfécta medicina pérmanens in viscéribus eórum, in nómine ejúsdem Dómini nostri Jesu Christi, qui ventúrus est judicáre vivos, et mórtuos, et sæculum per ignem.

*R.* Amen.

Quod si Electus fuerit Gentilis, seu ex Idololatriis venerit ad fidem, benedicto sale, antequam ejus medicinam gustet, Sacerdos addat sequentem Orationem, quæ tamen pro venientibus ex Hebræis, vel aliis ut supra, non dicitur.

ORÉMUS.

ORATIO.

**D**OMINE sancte, Pater omnipotens, ætérne Deus, qui es, et qui eras, et qui pérmanes usque in finem, cujus orígo nescítur, nec finis comprehénderi potest: te súpplices invocámus super hunc fámulum tuum **N.** quem liberásti de erróre gentílium, et conversatióne turpíssima; dignáre exaudíre eum, qui tibi cervíces suas humíliat ad lavácri fontem, ut renátus ex aqua, et Spírítu sancto, expoliátus véterem hómínem, índuat novum, qui secúndum te creátus est; accípiat vestem incorrúptam, et immaculátam, tibíque Deo nostro servíre mereátur. Per Christum Dóminum nostrum. *R.* Amen.

Si plures sint, præcedens Oratio dicatur in numero plurali.

Tunc Sacerdos pollice et indice accipit de ipso sale benedicto, et immittit in os Electi, dicens: **N.** Accipe sal sapiéntiæ: propitiátio sit tibi in vitam ætérnam.

*R.* Amen.

Sacerdos. Pax tibi. *R.* Et cum spírítu tuo.

## ORÉMUS.

## ORATIO.

**D**EUS Patrum nostrorum, Deus univérse cónditor veritátis, te súpplīces exorámus; ut hunc fámulum tuum **N.** respícere dignéris propítius, et hoc pábulum salis gustántem, non diútius esuríre permittas, quo minus cibo repleátur cælésti; quátenus sit semper spírītu fervens, spe gaudens, tuo semper nómini sérvīens, et quem ad novæ regeneratiónis lavácrum perduxísti, quæsumus, Dómine, ut cum fidélibus tuis promissiónum tuárum æténa præmia cónsequi mereátur. Per Christum Dóminum nostrum. **R.** Amen.

**Si plures sint dicatur singularis: N.** Accipe sal etc. et præcedens Oratio, Deus Patrum nostrorum in numero plurali.

**Si inter Electos adsint Fœminæ, recedant ipsæ in partem, quousque tertio dicatur Masculis: Ora Elécte etc. et hi signati fuerint in fronte.**

**Si plures sint Electi, hic et in sequentibus Sacerdos dicat in numero plurali: Oráte Elécti, flectite génua etc.**

**Deinde Sacerdos dicat super Masculum tantum: Ora, Elécte, flecte génua, et dic: Pater noster.**

**Et Electus genuflexus orat, et dicit Pater noster etc.**

**Et cum dixerit usque ad, Sed líbera nos a malo, inclusive,**

**Sacerdos dicit: Leva, comple oratiónem tuam, et dic: Amen.**

**Electus surgens respondet: Amen.**

**Sacerdos dicit Patrino: Signa eum.**

**Deinde Electo: Accéde.**

**Et Patrinus pollice signat Electum in fronte, dicens: In nómine Patris, et Fílii, et Spírītus sancti.**

Et Sacerdos pariter facit signum Crucis in fronte ejus, dicens: In nómine Patris, et Fílii, et Spíritus sancti.

Et imponit manum super eum, et dicit:

ORÉMUS.

ORATIO.

**D**EUS Abraham, Deus Isaac, Deus Jacob, Deus, qui Moysi fámulo tuo in Monte Sínei apparuísti, et filios Israel de terra Ægypti eduxísti, députans eis Angelum pietátis tuæ, qui custodíret eos die, ac nocte: te quæsumus Dómine; ut mittere dignéris sanctum Angelum tuum de cælis, qui simíliter custódiat et hunc fámulum tuum **N.** et perdúcat eum ad grátiam Baptísmit tui. Per Christum Dóminum nostrum.

**R.** Amen.

EXORCISMUS.

**E**RGO, maledícite diábole, recognósce senténtiam tuam, et da honórem Deo vivo et vero; da honórem Jesu Christo Fílio ejus, et Spíritui sancto: recéde ab hoc fámulo Dei **N.** quia istum sibi Deus, et Dóminus noster Jesus Christus ad suam sanctam grátiam, fontémque Baptísmatis vocáre dignátus est; et hoc signum sanctæ Crucis **✝** quod nos fronti ejus damus, tu maledícite diábole, numquam áudeas violáre. Per eúmdem Christum Dóminum nostrum, qui ventúrus est judicáre vivos, et mórtuos, et sæculum per ignem.

**R.** Amen.

Sacerdos dicit secundo Electo: Ora Elécte, flecte génua, et dic: Pater noster.

Electus, genu flexo, orat, et dicit: Pater noster, usque ad, Sed líbera nos a malo, inclusive,

Sacerdos subjungit: Leva, comple oratiónem tuam, et dic: Amen.

Electus surgens respondet: Amen.

Sacerdos dicit Patrino: Signa eum.

Deinde dicit Electo: Accède.

Et Patrinus cum pollice signat Electum in fronte, dicens: In nómine Patris, et Fílii, et Spíritus sancti.

Et Sacerdos pariter facit signum Crucis in fronte ejus, dicens: In nómine Patris, et Fílii, et Spíritus sancti.

Deinde imponit manum super eum, et dicit:

ORÉMUS.

ORATIO.

**D**EUS, immortalé præsidium ómnium postulántium, liberátio súpplicum, pax rogántium, vita credéntium, resurréctio mortuórum, te ínvocho super hunc fámulum tuum **N.** qui Baptísmi tui donum petens, ætérnam cónsequi grátiam spirituáli regeneratióne desíderat: áccipe eum, Dómine, et quia dignátus es dicere: Pétite, et accipiétis, quærite, et inveniétis, pulsáte et aperiétur vobis: peténti præmium pórrige, et jánuam pande pulsánti, ut ætérnam cæléstis lavácri benedictiónem consecútus, promíssa tui múnis regna percípiat. Qui cum Patre, et Spíritu sancto vivis, et regnas Deus in sæcula sæculórum. **R.** Amen.

EXORCISMUS.

**A**UDI, maledicte sátana, adjurátus per nomen ætérni Dei, et Salvatóris nostri Jesu Christi, Fílii ejus, cum tua victus invídia, treménsque discède; nihil tibi sit commúne cum servo Dei **N.** jam cæléstia cogitánte, renunciáturo tibi, et sæculo tuo, et beátæ immortalitáti victúro. Da igitur honórem adveniénti Spíritui sancto, qui ex summa cæli arce descéndens, proturbábis fráudibus tuis, divíno fonte purgátum

pectus, sanctificátum Deo templum, et habitáculum perfécit, ut ab ómnibus pénitus nóxiis præteritórum criminum liberátus servus Dei, grátias perénni Deo réferat semper, et benedícat nomen sanctum ejus in sæcula sæculórum. **R.** Amen.

Sacerdos tertio dicit **Electo**: Ora, Elécte, flecte génuá, et dic: Pater noster.

**Electus, flexo genu, orat, et dicit**: Pater noster, usque ad, Sed líbera nos a malo, **inclusive,**

Sacerdos subjungit: Leva comple oratióem tuam, et dic: Amen.

**Electus surgens respondet**: Amen.

Sacerdos dicit **Patrino**: Signa eum.

Deinde dicit **Electo**: Accéde.

Et **Patrinus cum pollice signat Electum in fronte,** dicens: In nómine Patris, et Fílii, et Spíritus sancti.

Et **Sacerdos pariter facit signum Crucis in fronte** ejus, dicens: In nómine Patris, et Fílii, et Spíritus sancti.

Deinde imponit manum super **Electum,** dicens:

#### EXORCISMUS.

**EXORCIZO** te, immúnde spíritus, in nómine Patris ✠, et Fílii ✠, et Spíritus sancti ✠, ut éxeas, et recédas ab hoc fámulo Dei **N.** Ipse enim tibi ímperat, maledícte damnáte, qui pédibus super mare ambulávit, et Petro mergénti délixteram porréxit.

#### EXORCISMUS.

**ERGO,** maledícte diábole, recognósce senténtiam tuam, et da honórem Deo vivo et vero; da honórem Jesu Christo Fílio ejus, et Spíritui sancto: recéde ab hoc fámulo Dei **N.** quia istum sibi Deus, et

Dóminus noster Jesus Christus ad suam sanctam grátiam, fontémque Baptismatis vocáre dignátus est: et hoc signum sanctæ Crucis ✠, quod nos fronti ejus damus, tu, maledícete diábole, numquam áudeas violáre. Per eúmdem Christum Dóminum nostrum, qui ventúrus est judicáre vivos, et mórtuos, et sæculum per ignem.

*R.* Amen.

Si, ut supra, adsint Fœminæ, retrahunt se Masculi in partem, et accedunt Fœminæ.

Sacerdos dicit Electæ: Ora, Elécta, flecte génua, et dic: Pater noster.

Et Electa, genu flexo, orat, et dicit: Pater noster etc.

Et cum dixerit usque ad, Sed libera nos a malo, inclusive,

Sacerdos dicit: Leva, comple oratióem tuam, et dic: Amen.

Electa surgens respondet: Amen.

Sacerdos dicit Patrino: Signa eam.

Deinde dicit Electæ: Accéde.

Et Patrinus pollice signat Electam in fronte, dicens: In nómine Patris, et Fílii, et Spíritus sancti.

Et Sacerdos pariter facit signum Crucis in fronte ejus, et dicit: In nómine Patris, et Fílii, et Spíritus sancti.

Deinde imponit manum super Electam, et dicit:

ORÉMUS.

ORATIO.

**D**EUS cæli, Deus terræ, Deus Angelórum, Deus Archangelórum, Deus Prophetárum, Deus Apostolórum, Deus Mártyrum, Deus Confessórum, Deus

Virginum, Deus ómnium bene vivéntium; Deus, cui omnis língua confitétur, et omne genufléctitur, cæléstium, terréstrium, et infernórum: te, ínvoco, Dómine, super hanc fámulam tuam **N.** ut eam custodíre, et perdúcere dignéris ad grátiam Baptísmit tui. Per Christum Dóminum nostrum. **R.** Amen.

### EXORCISMUS.

**E**RGO, maledícte diabóle, recognósce senténtiam tuam, et da honórem Deo vivo et vero; da honórem Jesu Christo Filio ejus, et Spirítui sancto; recéde ab hac fámula Dei **N.** quia istam sibi Deus, et Dóminus noster Jesus Christus ad suam sanctam grátiam, fontémque Baptísmitis vocáre dignátus est: et hoc signum sanctæ Crucis **✝**, quod nos fronti ejus damus, tu maledícte diabóle, numquam áudeas violáre. Per eúndem Christum Dóminum nostrum, qui ventúrus est judicáre vivos, et mórtuos, et sæculum per ignem.

**R.** Amen.

Deinde Sacerdos iterum dicit **Electæ**: Ora, Elécta, flecte génu, et dic: Pater noster.

Et **Electa**, genu flexo, orat, et dicit: Pater noster.

Et cum dixerit usque ad, Sed libera nos a malo, inclusive,

Sacerdos dicit: **Leva**; comple oratiónem tuam, et dic: Amen.

**Electa surgens respondet**: Amen.

Sacerdos dicit **Patrino**: Signa eam.

Deinde dicit **Electæ**: Accéde.

Et **Patrinus pollice signat Electam in fronte, dicens**: In nómine Patris, et Fílii, et Spíritus sancti.

Et Sacerdos pariter facit signum Crucis in fronte

ejus, dicens: In nómine Patris, et Fílii, et Spíritus sancti.

Postea imponit manum super caput Electæ, et dicit:

ORÉMUS.

ORATIO.

**D**EUS Abraham, Deus Isaac, Deus Jacob, Deus, qui Moysi fámulo tuo in monte Sínai apparuísti, et filios Israel de terra Ægypti eduxísti, députans eis Angelum pietátis tuæ, qui custodíret eos die, ac nocte: te quæsumus, Dómine; ut mittere dignéris sanctum Angelum tuum de cælis, qui simíliter custódiat et hanc fámulam tuam **N.** et perdúcat eam ad grátiam Baptísmitui. Per Christum Dóminum nostrum.

**R.** Amen.

Postea Sacerdos dicit tertio Electæ: Ora, Elécta, flecte génu, et dic: Pater noster.

Et Electa, genu flexo, orat, et dicit: Pater noster.

Et cum dixerit usque ad, Sed líbera nos a malo, inclusive,

Sacerdos dicit: Leva, comple oratiónem tuam, et dic: Amen.

Electa surgens respondet: Amen.

Sacerdos dicit Patrino: Signa eam.

Deinde dicit Electæ: Accéde.

Et Patrinus cum pollice signat Electam in fronte, dicens: In nómine Patris, et Fílii, et Spíritus sancti.

Et Sacerdos pariter facit signum Crucis in fronte ejus, dicens: In nómine Patris, et Fílii, et Spíritus sancti.

Postea imponit manum super caput Electæ, et dicit:



## EXORCISMUS.

**E**XORCIZO te, immúnde spíritus, per Patrem ✝, et Fílium ✝, et Spíritum sanctum ✝, ut éxeas, et recédas ab hac fámula Dei **N.** Ipse enim tibi ímperat, maledícite damnáte, qui cæco nato óculos apéruit, et quatríduánum Lázarus de monuménto suscitávit.

## EXORCISMUS.

**E**RGO, maledícite diábole, recognósce senténtiam tuam, et da honórem Deo vivo et vero, da honórem Jesu Christo Filio ejus, et Spíritui sancto: recéde ab hac fámula Dei **N.** quia istam sibi Deus et Dóminus noster Jesus Christus ad suam sanctam grátiam, fontémque Baptísmatis vocáre dignátus est: et hoc signum sanctæ Crucis ✝, quod nos fronti ejus damus, tu, maledícite diábole, numquam áudeas violáre. Per eúmdem Christum Dóminum nostrum, qui ventúrus est judicáre vivos, et mórtuos, et sæculum per ignem.

**R.** Amen.

Postmodum accedunt iterum Masculi, qui se retráxerant, et ipsi ad dexteram, Fœminæ vero ad sinistram Sacerdotis, ut in principio, disponuntur.

Sacerdos imponit manum super Electum, vel, si sint plures, super singulos, tam Masculos, quam Fœminas, et dicit:

## ORÉMUS.

## ORATIO.

**Æ**TERNAM, ac justíssimam pietátem tuam déprecor, Dómine sancte, Pater omnipotens, ætérne Deus, auctor lúminis, et veritátis, super hunc fámulum tuum **N.** ut dignéris illum illumináre lúmine intelligéntiæ tuæ: munda eum et sanctífica: da ei

sciéntiam veram, ut dignus efficiátur frui grátia Baptísmi tui, quem suscepit: téneat firmam spem, consílium rectum, doctrínam sanctam, ut aptus sit ad retinéndam grátiam Baptísmi tui. Per Christum Dóminum nostrum. *R.* Amen.

Si plures fuerint Electi sive Mares sive Fœminæ, præcedens Oratio dicatur in numero plurali, et in genere proprio, ut superius dictum est.

His peractis, Sacerdos sinistra manu apprehendens dexteram Electi prope brachium, vel ei porrigens extremam partem stolæ, ex humero sinistro pendentis, introducit eum in Ecclesiam, dicens: *N. Ingrédere in sanctam Ecclésiám Dei, ut accípias benedictiónem cæléstem a Dómino Jesu Christo, et hábeas partem cum illo, et Sanctis ejus. R.* Amen.

Si plures fuerint, dicat in numero plurali: *Ingrédini in sanctam Ecclésiám Dei etc. et introducat eos, ut supra.*

Et ingressus Electus procumbit, seu prosternit se in pavimento, et adorat.

Deinde surgit, et Sacerdos imponit manum super caput ejus, et cum eo recitat Symbolum Apostolorum, et Orationem Dominicam.

Ita etiam si plures fuerint, omnes surgunt, et simul recitant:

**C**REDO in Deum, Patrem omnipoténtem, creatórem cæli, et terræ. Et in Jesum Christum, Fílium ejus únicum, Dóminum nostrum; qui concéptus est de Spíritu sancto, natus ex María vírgine; passus sub Póntio Piláto, crucifixus, mórtuus, et sepúltus; descéndit ad íferos, tértia die resurréxit a mórtuis: ascéndit ad cælos, sedet ad dexteram Dei Patris omni-

poténtis; inde ventúrus est judicáre vivos, et mórtuos. Credo in Spíritum sanctum; sanctam Ecclésiám Cathólicam, Sanctórum communiómem; remissiómem peccatórum; carnis resurrectiómem; vitam ætérnam. Amen.

**P**ATER noster, qui es in cælis, sanctificétur nomen tuum: advéniat regnum tuum: fiat volúntas tua, sicut in cælo, et in terra. Panem nostrum quotidiánum da nobis hodie, et dimítte nobis débíta nostra, sicut et nos dimíttimus debitóribus nostris: et ne nos indúcas in tentatiómem: sed líbera nos a malo. Amen.

Tunc rursus Sacerdos imponat manum super caput Electi, et dicat:

#### EXORCISMUS.

**N**EC te latet, sátana, imminére tibi pœnas, imminére tibi torménta, imminére tibi diem judicií, diem supplicíi sempitérni, diem, qui ventúrus est velut clíbanus ardens, in quo tibi, atque univérsis ángelis tuis præparátus sempitérnus erit intéritus. Proinde, damnáte, atque damnánde, da honórem Deo vivo et vero, da honórem Jesu Christo Fílio ejus, da honórem Spirítui sancto Paráclito, in cujus nómine, atque virtúte præcípío tibi, quicúmque es, spíritus immúnde, ut éxeas, et recédas ab hoc fámulo Dei **N.** quem idem Deus, et Dóminus noster Jesus Christus ad suam sanctam grátiam, et benedictiómem, fontémque Baptísmatis dono vocáre dignátus est, ut fieret ejus templum per aquam regeneratiónis, in remissiómem ómnium peccatórum. In nómine ejúsdem Dómini nostri Jesu Christi, qui ventúrus est judicáre vivos, et mórtuos, et sæculum per ignem. **R.** Amen.

Similiter, si plures fuerint, imponit manum super capita singulorum, et dicit eundem Exorcismum in numero multitudinis, et in genere suo.

Postea Sacerdos pollice accipit de saliva oris sui, et tangit aures, et nares Electi; tangendo vero aurem dexteram, et sinistram, dicat: Ephpheta, quod est adaperire. Deinde tangendo nares, dicat: In odorem suavitatis. Et subdit: Tu autem effugare, diabole, appropinquabit enim iudicium Dei.

Deinde interrogat Electum: Quis vocaris?

Et ipse respondet N.

Interroget: N. Abrenuncias sathanæ.

R. Abrenuncio.

Interroget: Et omnibus operibus ejus?

R. Abrenuncio.

Interroget: Et omnibus pompis ejus?

R. Abrenuncio.

Tunc Sacerdos intingit pollicem dexteræ manus in Oleo sancto Catechumenorum, et inungit Electum primum in pectore, deinde inter scapulas in modum Crucis, dicens: Ego te linió Oleo salutis ✠ in Christo Jesu Dómino nostro, in vitam ætérnam. R. Amen.

Ÿ. Pax tibi. R. Et cum spíritu tuo.

Mox bombacio, vel re simili, tergit pollicem, et loca inuncta, et subjungit, dicens: Exi, immunde spíritus, et da honórem Deo vivo et vero. Fuge, immunde spíritus, et da locum Jesu Christo Filio ejus. Recéde, immunde spíritus, et da locum Spíritui sancto Paráclito.

*Hic Sacerdos deponat stolam et pluviale coloris* Quando plures sunt Electi idem fit circa singulos eorum.

*violacei, et sumat aliud albi coloris.* Et ducitur Electus ad Baptisterium, ubi Sacerdos interrogat:

Quis vocáris? **R.** Respondet: **N.**

**Interrogat:** Credis in Deum Patrem omnipoténtem, creatórem cæli et terræ? **R.** Credo.

**Interrogat:** Credis et in Jesum Christum Fílium ejus únicum, Dóminum nostrum, natum, et passum?

**R.** Credo.

**Interrogat:** Credis et in Spíritum sanctum, sanctam Ecclésiám Cathólicam, Sanctórum communiónem, remissionem peccatórum, carnis resurrectionem, et vitam ætérnam? **R.** Credo.

Sacerdos intingat pollicem dexterum in sanctum Chrisma, et perungat verticem Electi in modum Crucis, dicens: Deus omnípotens, Pater Dómini nostri Jesu Christi; qui te regenerávit ex aqua, et Spíritu sancto, quique dedit tibi remissionem ómnium peccatórum (*hic inungit*) ipse te líniat Chrísmate salutis ✠ in eódem Christo Jesu Dómino nostro, in vitam ætérnam. **R.** Amen.

**V.** Pax tecum. **R.** Et cum spíritu tuo.

Tunc bombacio, vel re simili, pollicem tergit, et imponit capiti Electi Chrimale, seu candidum linteculum, et dat illi vestem candidam, dicens:

Accipe vestem cándidam, quam immaculátam pérferas ante tribúnal Dómini nostri Jesu Christi, ut hábeas vitam ætérnam. **R.** Amen.

Et Electus deponit priores vestes, et induitur novis albi coloris, vel saltem exteriore candida, quam a Sacerdote accepit.

Postea dat ei Sacerdos cereum, seu candelam accensam in manu dextera, dicens :

Accipe lámpadem ardéntem, et irreprehensíbilis custódi Baptísmum tuum : serva Dei mandáta, ut, cum Dóminus yénerit ad núptias, possis occúrrere ei in aula cælésti in vitam ætérnam. **R.** Amen.

Ipse vero Neophytus Cereum accensum in manibus teneat usque in finem, præterquam dum confirmatur.

Postea dicat :

**N.** Vade in pace, et Dóminus sit tecum.

**R.** Amen.

Si adsit Episcopus, qui id legitime præstare possit, ab eo Neophyti, si sint confirmandi, præmissa, si opus fuerit, Sacramentali confessione, Sacramento Confirmationis initiantur.

Deinde si hora congruens fuerit celebratur Missa, cui Neophyti intersunt, et Sanctissimam Eucharistiam devote suscipiunt.

## RITUS SERVANDUS

### CUM EPISCOPUS BAPTIZAT.

**S**I Episcopus, vel S. R. E. Cardinalis parvulos, vel adultos baptizare voluerit, parantur, et servantur omnia, ut superius de ordine Baptismi dictum est, atque hæc, præter ea quæ infra notantur.

Adsint Cappellani, vel alii Presbyteri, et Clerici superpelliceis induti, qui ei assistant ac ministrent.

Ipse vero super rochetum, sive superpelliceum, si est Regularis, accipiat amictum, albam, et cingulum, et stolam, et pluviale violacei coloris, ac mitram: atque ita paratus, cum ministris procedat ad Baptismi ministerium. Et dum interrogat: N. quid petis ab Ecclésia Dei? ac dum facit reliquas interrogationes, sedet cum mitra: cum vero exsufflat dicendo: Exi ab eo, immúnde spíritus, surgit cum mitra. Rursus sedet, cum signat Catechumenum signo Crucis in fronte, et in pectore, vel dicit: Accipe signum Crucis, etc. et cum dicit Orationes, quæ præcedunt, vel sequuntur benedictionem salis, surgit, deposita mitra, similiter cum ipsum salem benedicit. Cum autem sal benedictum immittit in os baptizandi, mitram accipit, et sedet. Cum vero legit Exorcismos, et dum saliva aures et nares Catechumeni tangens, dicit: Ephpheta, ac dum introducit eum in Ecclesiam, stat cum mitra. Cum autem dicit: Credo in Deum Patrem, etc. et Pater noster, super Catechumenum, stat sine mitra. Sed cum nomen quærit, et interrogat: N. Abrenúncias

Sátanæ, etc. et baptizandum Oleo sacro in pectore, et inter scapulas inungit, sedet cum mitra; quo facto accipit stolam et pluviale album. Et cum rursus interrogat de fide: *Credis in Deum Patrem, etc. Vis baptizári, etc.* et cum baptizat per infusionem, sedet cum mitra. Si vero baptizat per immersionem, mitram retinens stare debet. Cum demum Chrismate verticem baptizati linit, et dat ei vestem candidam, et candelam accensam, ac dicit: *Vade in pace, etc.* sedet cum mitra.

Si autem Pontifex quempiam a Presbytero jam catechizatum, tantum baptizare voluerit, sic paratus vestibus albis incipiat, postquam ad Baptisterium deventum fuerit, dicens: *Quo nómine vocáris?* *R.* *N.* *Episcopus* interrogat: *N.* *Credis in Deum Patrem omnipoténtem, etc.* et prosequitur usque in finem juxta ordinem Baptismi, ut supra.



BENEDICTIO  
FONTIS BAPTISMI

EXTRA SABBATUM PASCHÆ ET PENTE-  
COSTES CUM AQUA CONSECRATA  
NON HABETUR.

**P**RIMUM lavatur, et mundatur vas Baptisterii, deinde limpida aqua repletur. Tunc Sacerdos cum suis Clericis, vel etiam aliis Presbyteris, Cruce et duobus cereis præcedentibus, ac thuribulo et incenso, et cum vasculis Chrismatis, et Olei Catechumenorum descendit ad Fontem, et ibi, vel ante Altare Baptisterii dicit Litaniam ordinariam, prout habetur infra post septem Psalmos Pœnitentiales. Et ante *Ÿ*. Ut nos exaudire digneris, dicat et secundo repetat sequentem :

*Ÿ*. Ut Fontem istum ad regenerándam tibi novam prolem benedicere ✠, et consecráre ✠ digneris, Te rogámus áudi nos.

Potest etiam dici Litania brevior, ut in Missali in Sabbato sancto.

Et dicto ultimo, Kyrie eléison, Sacerdos dicat: Pater noster, et Credo in Deum, etc. omnia clara voce: quibus finitis dicat:

*Ÿ*. Apud te, Dómine, est fons vitæ.

*R*. Et in lúmine tuo vidébimus lumen.

*Ÿ*. Dómine, exáudi oratiónem meam.

*R*. Et clamor meus ad te véniat.

*Ÿ*. Dóminus vobíscum.

*R*. Et cum spírítu tuo.

## ORÉMUS.

**O**MNIPOTENS, sempitérne Deus, adésto magnæ pietátis tuæ mystériis, adésto Sacraméntis, et ad recreándos novos pópulos, quos tibi Fons Baptísmatis párturit, spíritum adoptiónis emítte: ut quod nostræ humilitátis geréndum est ministério, virtútis tuæ impleátur efféctu. Per Dóminum nostrum Jesum Christum Fílium tuum, qui tecum vivit, et regnat in unitáte Spíritus sancti Deus, per ómnia sæcula sæculórum. **R.** Amen.

## EXORCISMUS AQUÆ.

**E**XORCIZO te, creatúra aquæ, per Deum ✠ vivum, per Deum ✠ verum, per Deum ✠ sanctum, per Deum, qui te in princípio verbo separávit ab árida, cujus super te Spíritus ferebátur, qui te de Paradíso manáre jussit.

Hic manu aquam dividat, et deinde de ea effundat extra marginem Fontis, versus quatuor Orbis partes, prosequens:

Et in quatuor flumínibus totam terram rigáre præcépit: qui te in desérto amáram, per lignum dulcem fecit, atque potábilem: qui te de petra prodúxit, ut pópulum, quem ex Ægypto liberáverat, siti fatigátum recreáret. Exorcízo te, per Jesum Christum Fílium ejus únicum, Dóminum nostrum, qui te in Cana Galilææ signo admirábili sua poténtia convértit in vinum; qui super te pédibus ambulávit, et a Joánne in Jordáne in te baptizátus est: qui te una cum Sángvine de látere suo prodúxit: et discíplis suis jussit, ut credétes baptizárent in te, dicens: Ite, docéte omnes gentes, baptizántes eos in nómine Patris, et Fílii, et

Spiritus sancti; ut efficiaris aqua sancta, aqua benedicta, aqua, quæ lavat sordes, et mundat peccata. Tibi igitur præcipio, omnis spiritus immunde, omne phantasma, omne mendacium, eradicare, et effugare ab hac creatura aquæ, ut qui in ipsa baptizandi erunt, fiat eis fons aquæ salientis in vitam æternam, regenerans eos Deo Patri, et Filio, et Spiritui sancto, in nomine ejusdem Domini nostri Jesu Christi, qui venturus est judicare vivos et mortuos, et sæculum per ignem.

R. Amen.

## ORÉMUS.

## ORATIO.

**D**OMINE sancte, Pater omnipotens, æternæ Deus, aquarum spirituâlium sanctificator, te suppliciter deprecâmur, ut ad hoc ministèrium humilitatis nostræ respicere digneris, et super has aquas abluendis et purificandis hominibus præparatas, Angelum sanctitatis emittas, quo peccatis vitæ priôris ablutis, reatûque deterso, purum sancto Spiritui habitaculum regenerati effici mereantur. Per Dóminum nostrum Jesum Christum Fílium tuum: qui tecum vivit, et regnat in unitate ejusdem Spiritus sancti Deus, per ómnia sæcula sæculórum. R. Amen.

Tunc sufflet ter in aquam versus tres partes secundum hanc figuram (Ψ); deinde imponit incensum in thuribulo et fontem incensat. Postea infundens de Oleo Catechumenorum in aquam in modum Crucis, clara voce dicit:

Sanctificetur, et fœcundetur Fons iste Oleo salutis renascéntibus ex eo in vitam æternam in nomine Patris ✠, et Fílii ✠, et Spíritus ✠ sancti.

R. Amen.

Deinde infundit de Chrismate, modo quo supra, dicens: Infúsió Chrísmatis Dómini Jesu Christi, et Spíritus sancti Parácliti, fiat in nómine sanctæ Trinitátis. *R.* Amen.

Postea accipit ambas ampullas dicti Olei sancti et Chrismatis, et de utroque simul in modum Crucis infundendo, dicit: Commíxtio Chrísmatis sanctificatiónis, et Olei unctiόnis, et aquæ Baptísmatis páriter fiat in nómine Patris ✠, et Fílii ✠, et Spíritus ✠ sancti. *R.* Amen.

Tum depositis ampullis, dextera manu Oleum sanctum et Chrisma infusum miscet cum aqua, et spargit per totum Fontem. Deinde medulla panis manum tergit; et si quis baptizandus est, eum baptizat, ut supra. Quod si neminem baptizat, statim manus abluat, et ablutio effundatur in Sacrarium.

## DE SACRAMENTO POENITENTIÆ.

SANCTUM Pœnitentiæ Sacramentum, ad eos, qui post Baptismum lapsi sunt, in gratiam Dei restituendos a Christo Domino institutum, eo diligentius administrandum est, quo frequentior est ejus usus, et quo plura requiruntur ad illud recte, digneque tractandum, ac suscipiendum. Cum autem ad illud constituendum tria concurrant, materia, forma, et minister: illius quidem remota materia sunt peccata, proxima vero sunt actus poenitentis, nempe contritio, confessio, et satisfactio. Forma autem, illa absolutionis verba: *Ego te absolvo, etc.* Minister denique est Sacerdos, habens potestatem absolvendi vel ordinariam, vel delegatam. Sed si periculum mortis immineat approbatusque desit Confessarius, quilibet Sacerdos potest a quibuscumque censuris et peccatis absolvere. In ejus ministro requiritur etiam bonitas, scientia, atque prudentia, cum sigillo secretæ confessionis sub exacto, perpetuoque silentio. Quibus et aliis ad id opportunis, ut optime sint instructi, omni studio curare debent Confessarii.

In primis meminerit Confessarius, se judicis pariter et medici personam sustinere, ac divinæ justitiæ simul et misericordiæ ministrum a Deo constitutum esse, ut tamquam arbiter inter Deum et homines, honori divino, et animarum saluti consulat.

Ut ergo recte judicare queat, discernens inter lepram et lepram, et tamquam peritus medicus animarum morbos prudenter curare, et apta cuique remedia applicare sciat, quantum potest maximam ad id scientiam atque prudentiam, tum assiduis ad Deum precibus, tum ex probatis Auctoribus, præsertim e Catechismo Romano, et prudenti consilio peritorum studeat sibi comparare.

Sciat casus et censuras Sedi Apostolicæ, et Ordinario suo reservatas, et suæ cujusque Ecclesiæ constitutiones, easque diligenter observet.

Deinde hujus Sacramenti doctrinam omnem recte nosse studebit, et alia ad ejus rectam administrationem necessaria. Atque in hoc ministerio ita procedat, ut infra præscribitur.

## ORDO MINISTRANDI

### SACRAMENTUM POENITENTIÆ.

SACERDOS ad audiendum Confessionem vocatus, promptum, facilemque se præbeat, ac priusquam ad audiendum accedat, si tempus suppetat, ad hoc ministerium recte sancteque obeundum, divinum auxilium piis precibus implorabit.

In Ecclesia, non autem in privatis ædibus, Confessiones audiat, nisi ex causa rationabili, quæ cum inciderit, studeat tamen id decenti ac patenti loco præstare.

Habeat in Ecclesia sedem confessionalem, in qua sacras Confessiones excipiat, quæ sedes patenti, conspicuo, et apto Ecclesiæ loco posita, crate perforata inter poenitentem et Sacerdotem sit instructa.

Superpelliceo, et stola violacei coloris utatur, prout tempus, vel locorum feret consuetudo.

Pœnitens, si opus fuerit, admoneatur ut qua decet humilitate mentis et habitus accedat, et flexis genibus signo Crucis se muniat.

Mox Confessarius inquireat de illius statu, nisi aliter notus fuerit, et quampridem sit confessus, et an impositam poenitentiam adimpleverit; num rite atque integre alias confessus fuerit; num conscientiam suam, ut debet, prius diligenter discusserit.

Quod si poenitens aliqua censura, vel casu reservato sit ligatus, a quo ipse non possit absolvere, non absolvat, nisi prius obtenta facultate a Superiore.

Si vero Confessarius, pro personarum qualitate, cognoverit poenitentem ignorare Christianæ fidei rudimenta, si tempus suppetat, eum breviter instruat de articulis Fidei, et aliis ad salutem cogniti necessariis, et ignorantiam ejus corripiat, illumque admoneat, ut ea postmodum diligentius addiscat.

Tum poenitens Confessionem generalem latina, vel vulgari lingua dicat: scilicet *Confiteor, etc.* vel saltem utatur his verbis: *Confiteor Deo omnipotenti, et tibi Pater.* Peccata sua exinde confiteatur, adjuvante, quotiescumque opus fuerit, Sacerdote, qui confitentem non reprehendet, nisi finita, ut dicetur, Confessione; neque interpellabit, nisi opus fuerit aliquid melius intelligere: proinde fidu-

ciam ei præbeat, et humaniter suggerat, ut omnia peccata sua rite et integre confiteatur, remota stulta illa quorundam verecundia, qua præpediti, suadente diabolo, peccata confiteri non audent.

Si pœnitens numerum, et species, et circumstantias peccatorum explicatu necessarias non expressit, eum Sacerdos prudenter interroget.

Sed caveat, ne curiosis aut inutilibus interrogationibus quemquam detineat, præsertim juniores utriusque sexus, vel alios de eo, quod ignorant, imprudenter interrogans, ne scandalum patiantur, indeque peccare discant.

Demum, audita Confessione, perpendens peccatorum, quæ ille admisit magnitudinem, ac multitudinem, pro eorum gravitate, ac pœnitentis conditione, opportunas correptiones ac monitiones, prout opus esse viderit, paterna charitate adhibebit, et ad dolorem et contritionem efficacibus verbis adducere conabitur, atque ad vitam emendam ac melius instituendam inducet, remediaque peccatorum tradet.

Postremo salutarem et convenientem satisfactionem, quantum spiritus et prudentia suggesserint, injungat, habita ratione status, conditionis, sexus, et ætatis, et item dispositionis pœnitentium. Videatque, ne pro peccatis gravibus levissimas pœnitentias imponat, ne si forte peccatis conniveat, alienorum peccatorum particeps efficiatur. Id vero ante oculos habeat, ut satisfactio non sit tantum ad novæ vitæ remedium, et infirmitatis medicamentum, sed etiam ad præteritorum peccatorum castigationem.

Quare curet, quantum fieri potest, ut contrarias peccatis pœnitentias injungat, veluti avaris eleemosynas, libidinis jejunia, vel alias carnis afflictiones, superbis humilitatis officia, desidiosis devotionis studia. Rarius autem vel serius confitentibus, vel in peccata facile recidentibus, utilissimum fuerit consulere, ut sæpe, puta semel in mense, vel certis diebus solemnibus, confiteantur, et si expediat, communicent.

Pœnitentias pecuniarias sibi ipsis Confessarii non applicent, neque a pœnitentibus quidquam tamquam ministerii sui præmium petant, vel accipiant.

Pro peccatis occultis, quantumvis gravibus, manifestam pœnitentiam non imponat.

Videat autem diligenter Sacerdos, quando, et quibus conferenda, vel deneganda, vel differenda sit absolutio, ne absolvat eos qui talis beneficii sunt incapaces: quales sunt qui nulla dant signa doloris,

qui odia et inimicitias deponere, aut aliena, si possunt, restituere, aut proximam peccandi occasionem deserere, aut alio modo peccata relinquere, et vitam in melius emendare nolunt: aut qui publicum scandalum dederunt, nisi publice satisfaciant, et scandalum tollant: neque etiam eos absolvat, quorum peccata sunt Superioribus reservata.

Si vero quis confiteatur in periculo mortis constitutus, absolvendus est ab omnibus peccatis et censuris quantumvis reservatis (cessat enim tunc omnis reservatio): sed prius si potest, cui debet, satisfaciat: ac si periculum evaserit, et aliqua ratione Superiori, a quo alias esset absolvendus, se sistere teneatur; cum primum poterit, coram eo se sistat, quidquid debet præstiturus.

Quod si inter confitendum, vel etiam antequam incipiat confiteri, vox et loquela ægro deficiat, nutibus et signis conetur, quoad ejus fieri poterit, peccata pœnitentis cognoscere: quibus utcumque vel in genere, vel in specie cognitis, vel etiam si confitendi desiderium sive per se, sive per alios ostenderit, absolvendus est.

Meminerit porro Sacerdos ægris non esse injungendam gravem, aut laboriosam pœnitentiam; sed indicendam tantum illam, quam, si convalescerint, opportuno tempore peragant. Interim juxta gravitatem morbi, aliqua oratione, aut levi satisfactione imposita, et accepta, absolvantur, prout opus fuerit.

### ABSOLUTIONIS FORMA.

**C**UM igitur pœnitentem absolvere voluerit, injuncta ei prius, et ab eo acceptata salutari pœnitentia, **primo dicit:** Misereatur tui omnipotens Deus, et dimissis peccatis tuis, perducat te ad vitam æternam. Amen.

**Deinde dextera versus pœnitentem elevata, dicit:** Indulgentiam, absolutiõnem, et remissionem peccatorum tuorum tribuat tibi omnipotens, et misericors Dominus. Amen.

Dominus noster Jesus Christus te absolvat; et ego auctoritate ipsius te absolvo ab omni vinculo excommunicationis, suspensionis, et interdicti, in quantum



possum, et tu índiges. *Deinde*: Ego te absólvo a peccatis tuis, in nómine Patris ✠, et Fílii, et Spíritus sancti. Amen.

*Si pœnitens sit laicus, omittitur verbum, suspensiónis.*

Pássio Dómini nostri Jesu Christi, mérita beátæ Mariæ vírginis, et ómnium Sanctórum, quidquid boni féceris, et mali sustinúeris, sint tibi in remissiónem peccatórum, augméntum grátia, et præmium vitæ ætérnæ. Amen.

*In confessionibus autem frequentioribus, et brevioribus omitti potest, Misereátur, etc. et satis erit dicere: Dóminus noster Jesus Christus, etc. ut supra usque ad illud: Pássio Dómini nostri, etc.*

*Urgente vero aliqua gravi necessitate in periculo mortis, breviter dicere poterit: Ego te absólvo ab ómnibus censúris, et peccátis, in nómine Patris ✠, et Fílii, et Spíritus sancti. Amen.*

## DE ABSOLUTIONE

### AB EXCOMMUNICATIONE IN FORO EXTERIORI.

**S**I potestas absolvendi ab excommunicationis sententia Sacerdoti commissa fuerit a Superiore, et in mandato certa forma sit præscripta, illa omnino servanda est: si vero in mandato seu commissione dicitur: *In forma Ecclesiæ consueta absolvat*; hæc servanda sunt.

Primo, ut excommunicatus ei, ob cujus offensam in excommunicationem incurrit, prius, si potest, satisfaciat. Quod si tunc non possit, sufficientem cautionem præbeat, aut saltem, si eam præstare non potest, juret se, ut primum poterit, satisfacturum.

Secundo, si crimen, ob quod in excommunicationem incidit, sit grave, juramentum ab eo exigatur de parendo mandatis Ecclesiæ, quæ illi fient pro tali causa: ac præcipue ne deinceps delinquat

contra illum Canonem, vel Decretum, contra quod faciendi censuram incurrit.

Denique hunc absolvendi ritum observabit.

Pœnitentem coram se utroque genu flexo, in humero, si vir fuerit, usque ad camisiâ exclusive denudato, virga aut funiculis sedens leviter percutit, dicendo totum Psalm. Miserere cum Glória Patri.

Deinde surgit, et aperto capite dicit: Kyrie eléison. Christe eléison. Kyrie eléison. Pater noster.

Ÿ. Et ne nos indúcas in tentatiónem.

R. Sed líbera nos a malo.

Ÿ. Salvum fac servum tuum ( **vel** ancíllam tuam ), Dómine.

R. Deus meus, sperántem in te.

Ÿ. Nihil proficiat inimícus in eo ( **vel** in ea ).

R. Et filius iniquitátis non appónat nocére ei.

Ÿ. Esto ei, Dómine, turris fortitúdinis.

R. A fácie inimíci.

Ÿ. Dómine, exáudi oratiónem meam.

R. Et clamor meus ad te véniat.

Ÿ. Dóminus vobíscum.

R. Et cum spírítu tuo.

#### ORÉMUS.

**D**EUS, cui próprium est miseréri semper, et párcere: súscipe deprecatiónem nostram, ut hunc fámulum tuum, quem excommunicatiónis senténtia constríngit, miserátio tuæ pietátis cleménter absólvat. Per Christum Dóminum nostrum. **R.** Amen.

**Mox sedet, et cooperto capite dicit:** Dóminus noster Jesus Christus te absólvat: et ego auctoritáte ipsius, et sanctíssimi Dómini nostri Papæ ( **vel** Reverendíssimi

Episcopi *N. vel talis Superioris*) mihi commissa, absolvo te a vínculo excommunicationis, in quam incurristi (*vel incurrisse declaratus es*), propter tale factum (*vel causam, etc.*); et restituo te communioni et unitati fidelium, et sanctis Sacramentis Ecclesiæ, in nomine Patris ✠, et Filii, et Spiritus sancti.

Quod si Sacerdoti nulla sit a Superiore præscripta forma, nec sibi mandatum, ut in forma Ecclesiæ communi, vel consueta absolvat; tunc nihilominus pro rei gravitate prædictam cæremoniam et preces adhibeat; at vero si res non fuerit adeo gravis, absolvere poterit, dicens:

Dominus noster Jesus Christus te absolvat: et ego auctoritate ipsius, et sanctissimi Domini nostri Papæ (si a Papa fuerit delegatus), (*vel Reverendissimi Episcopi N. vel talis Superioris*) mihi concessa, absolvo te, etc. ut supra.

In foro autem interiori, Confessarius habens facultatem absolvendi excommunicatum, absolvat juxta formam communem supra præscriptam in absolute Sacramentali.

## RITUS ABSOLVENDI

### EXCOMMUNICATUM JAM MORTUUM.

**S**I quis excommunicatus ex hac vita decedens dederit signum contritionis, Ecclesiastica ne careat sepultura, sed Ecclesiæ suffragiis, quatenus fieri potest, adjuvetur, absolvi potest hoc modo.

Si corpus nondum sepultum fuerit, verberetur, et absolvatur, ut infra; deinde absolutum, in loco sacro sepeliatur.

Si vero fuerit sepultum in loco profano, si commode fieri poterit, exhumabitur, et eodem modo verberabitur, et post absolutionem in loco sacro sepelietur; sed si commode exhumari non potest, locus sepulturæ verberetur, postea absolvatur.

Quod si in loco sacro sit sepultus, non exhumabitur, sed verberabitur sepulchrum. Dum autem corpus, sive sepulturam verberat, Sacerdos dicat Antiphonam: Exultábunt Dómino ossa humiliáta. *Psal.* Miserére, etc. Quo facto, absolvatur, dicendo: Auctoritáte mihi concéssa, ego te absolvo a vínculo excommunicatiónis, quam incurristi (vel incurrisse declarátus es) propter tale factum, et restítuo te communióni Fidélium, in nómine Patris ✠, et Fílii, et Spíritus sancti. Amen.

Deinde dicatur *Psalm.* De profúndis, etc. et in fine.

*Ÿ.* Réquiem ætérnam dona ei, Dómine.

*R.* Et lux perpétua lúceat ei.

Kyrie eléison. Christe eléison. Kyrie eléison. Pa-  
ter noster.

*Ÿ.* Et ne nos indúcas in tentatiónem.

*R.* Sed líbera nos a malo.

*Ÿ.* A porta ínferi.

*R.* Erue, Dómine, ánimam ejus.

*Ÿ.* Requíescat in pace.

*R.* Amen.

*Ÿ.* Dómine exáudi oratiónem meam.

*R.* Et clamor meus ad te véniat.

*Ÿ.* Dóminus vobíscum.

*R.* Et cum spíritu tuo.

ORÉMUS.

ORATIO.

**D**A, quæsumus Dómine, animæ fámuli tui, quem ex-communicatiónis senténtia constrínxerat, refrigerií sedem, quiétis beatitúdinem, et supérni lúminis claritátem. Per Christum Dóminum nostrum. **R.** Amen.

## DE MODO ABSOLVENDI

A SUSPENSIONE VEL AB INTERDICTO EXTRA VEL INTRA SACRAMENTALEM CONFSSIONEM.

**S**I Sacerdoti sit commissa facultas absolvendi aliquem a suspensione, vel interdicto, quamvis nulla verba sint præcipue determinata, uti poterit hac formula :

Pœnitens dicat: Confiteor Deo omnipoténti, etc.

Sacerdos: Misereátur tui, etc. Indulgéntiam, etc.

Auctoritáte mihi ab **N.** trádita, ego absolvo te a vínculo suspensiónis (vel interdícti), quam (vel quod) propter tale factum (vel causam) incurrísti (seu incurrisse declarátus es). In nómine Patris ✠, et Fílii, et Spíritus sancti. Amen.

Si vero Confessario, sive in foro conscientiae, sive extra, data est potestas dispensandi super irregularitate, tunc postquam absolverit a peccatis, addat consequenter: Et eádem auctoritáte dispénso tecum super irregularitáte (vel irregularitátibus, si sint plures), in quam (vel in quas) ob talem causam (vel tales causas, eas exprimendo) incurrísti: et hábilem reddo, et restítuo te executióri Ordinum, et officiórum tuórum. In nómine Patris ✠, et Fílii, et Spíritus sancti. Amen.

Si nullum habet Ordinem, dicatur: Hábilem reddo

te ad omnes Ordines suscipiéndos, vel etiam ad alia, juxta tenorem mandati.

Quod si necesse sit titulum beneficii restituere, et fructus male perceptos condonare, subjungat: Et restituo tibi titulum. (seu títulos) Beneficii (seu Beneficiorum), et condono tibi fructus male perceptos. In nómine Patris ✠, et Fílii, et Spíritus sancti. Amen.

Advertat autem Sacerdos, ne ullo modo in iis facultatis suæ terminos excedat.

## DE SANCTISSIMO

### EUCHARISTIÆ SACRAMENTO.

**O**MNIBUS quidem Ecclesiæ Catholicæ Sacramentis religiose sancteque tractandis, magna ac diligens cura adhibenda est; sed præcipue in administrando, ac suscipiendo sanctissimo Eucharistiæ Sacramento, quo nihil dignius, nihil sanctius et admirabilius habet Ecclesia Dei; cum in eo contineatur præcipuum et maximum Dei donum, et ipsemet omnis gratiæ et sanctitatis fons, auctorque Christus Dominus.

Parochus igitur summum studium in eo ponat, ut cum ipse venerabile hoc Sacramentum, qua decet reverentia, debitoque cultu tractet, custodiat, et administret; tum etiam populus sibi commissus religiose colat, sancte frequenterque suscipiat, præsertim in majoribus anni solemnitatibus.

Ideo populum sæpius admonebit, qua præparatione, et quanta animi religione ac pietate, et humili etiam corporis habitu ad tam divinum Sacramentum debeat accedere, ut præmissa Sacramentali Confessione, omnes saltem a media nocte jejuni, et utroque genu flexo Sacramentum humiliter adorent, ac reverenter suscipiant: viris quantum fieri potest a mulieribus separatis.

Moneantur præterea communicantes, ut sumpto Sacramento non statim ab Ecclesia discedant, aut colloquantur, ne statim vagis oculis circumspeciant, aut expuant, neque de libro statim orationes recitent, ne Sacramenti species de ore decidant, sed, qua par est devotione, aliquantisper in oratione permaneant, gratias agentes Deo de tam singulari beneficio, atque etiam de sanctissima Passione Dominica, in cuius memoriam hoc mysterium celebratur et sumitur.

Curare porro debet, ut perpetuo aliquot Particulæ consecratæ eo numero, qui usui infirmorum et aliorum fidelium communioni satis esse possit, conserventur in pyxide ex solida decentique materia, eaque munda, et suo operculo bene clausa, albo velo cooperta, et quantum res feret, ornato in tabernaculo clave obserato.

Hoc autem tabernaculum conopeo decenter opertum, atque ab omni alia re vacuum, in Altari majori vel in alio, quod venerationi et cultui tanti Sacramenti commodius ac decentius videatur, sit collocatum; ita ut nullum aliis sacris functionibus, aut Eccle-

siasticis officiis impedimentum afferatur. Lampades coram eo plures, vel saltem una, die noctuque perpetuo colluceat; curabitque Parochus, ut omnia ad ipsius Sacramenti cultum ordinata, integra, mundaque sint, et conserventur.

Sanctissimæ Eucharistiæ particulas frequenter renovabit. Hostiæ vero, seu particulæ consecrandæ sint recentes; et ubi eas consecraverit, veteres primo distribuât, vel sumat.

Fideles omnes ad sacram Communionem admittendi sunt, exceptis iis, qui justa ratione prohibentur. Arcendi autem sunt publice indigni; quales sunt excommunicati, interdicti, manifestique infames, ut meretrices, concubinarij, fœneratores, magi, sortilegi, blasphemi, et alii ejus generis publici peccatores, nisi de eorum pœnitentia et emendatione constet, et publico scandalo prius satisfecerint.

Occultos vero peccatores, si occulte petant, et non eos emendatos agnovit, repellat, non autem si publice petant, et sine scandalo ipsos præterire nequeat.

Amentibus præterea, seu phreneticis communicare non licet: licebit tamen, si quando habeant lucida intervalla, et devotionem ostendant, dum in eo statu manent, si nullum indignitatis periculum adsit.

Ita etiam iis, qui propter ætatis imbecillitatem nondum hujus Sacramenti cognitionem et gustum habent, administrari non debet.

## ORDO ADMINISTRANDI

### SACRAM COMMUNIONEM.

**S**ACERDOS igitur Sanctissimam Eucharistiam ministraturus, Hostiis, seu Particulis pro populi multitudine consecratis, vasculoque uno vel pluribus, decenti et commodo loco expositis, cum vino et aqua ad purificationem eorum, qui communionem sumpserint, et ante eos linteo mundo extenso, lotis prius manibus, et superpelliceo indutus, ac desuper stola coloris Officio illius diei convenientis, præcedente Clerico, seu alio ministro, procedit ad Altare manibus junctis, et accensis cereis, facta prius et postea genuflexione ex-



trahit pyxidem, et illam super corporale depositam, discooperit.

Minister genibus flexis nomine populi ad cornu Epistolæ facit Confessionem generalem, dicens: Confiteor Deo, etc.

Tum Sacerdos iterum genuflectit, et manibus junctis ante pectus vertit se ad populum, advertens, ne terga vertat Sacramento, et in cornu Evangelii dicit:

Misereatur vestri, omnipotens Deus, et dimissis peccatis vestris, perducat vos ad vitam æternam. *R.* Amen. Et addit: Indulgentiam, absolutiõnem ✠, et remissionem peccatorum vestrorum tribuat vobis omnipotens, et misericors Dominus. *R.* Amen. Dicens: Indulgentiam, etc. manu dextera in formam Crucis signat communicandos.

Deinde ad Altare se convertit, genuflectit, manu sinistra pyxidem prehendit; et duobus digitis, pollice et indice, Sacramentum accipit, et elevat: conversusque ad populum in medio Altaris dicit clara voce: Ecce Agnus Dei, ecce qui tollit peccata mundi. Mox subdit: Domine, non sum dignus, ut intres sub tectum meum, sed tantum dic verbo, et sanabitur anima mea; quod iterum, ac tertio repetit: qua formula etiam utendum est, cum fœminæ Communio administratur.

Postea ad communicandum accedit, incipiens ab iis qui sunt ad partem Epistolæ; sed primo, si Sacerdotibus, vel aliis ex Clero danda sit Communio, iis ad gradus Altaris genuflexis præbeatur, vel si commode fieri potest, intra sepimentum Altaris sint a laicis distincti. Sacerdotes vero cum stola communicent.

Sacerdos unicuique porrigens Sacramentum, et

faciens cum eo signum Crucis super pyxidem, simul dicit:

Corpus Dómini nostri Jesu Christi custódiat ánimam tuam in vitam ætérnam. Amen.

Ubi verò omnes communicaverint, Sacerdos reversus ad Altare, dicere poterit: O sacrum convívium, in quo Christus súmitur, recólitur memória passiónis ejus, mens implétur grátia, et futúræ glóriæ nobis pignus datur.

Ÿ. Panem de cælo præstitísti eis.

Minister R. Omne delectaméntum in se habéntem: tempore Paschali additur, Allelúja.

Mox Sacerdos dicit:

Ÿ. Dómine, exáudi oratiónem meam.

R. Et clámor meus ad te véniat.

Ÿ. Dóminus vobíscum.

R. Et cum spírítu tuo.

#### ORÉMUS.

**D**EUS, qui nobis sub Sacraménto mirábili, passiónis tuæ memóriam reliquísti: tríbue, quæsumus, ita nos Córporis et Sánguinis tui sacra mystéria venerári; ut redemptiόνis tuæ fructum in nobis júgiter sentiámus. Qui vivis et regnas cum Deo Patre in unitáte Spírítus sancti Deus per ómnia sæcula sæculórum.

R. Amen.

#### TEMPORE PASCHALI DICITUR ORATIO.

**S**PIRITUM nobis, Dómine, tuæ charitátis infúnde: ut quos Sacraméntis Paschálibus satiásti, tua fácias pietáte concórdes. Per Christum Dóminum nostrum.

R. Amen.

Antequam reponat Sacramentum, diligenter adver-

tat, ut si aliquod fragmentum digitis adhæserit, illud in pyxidem deponat, et eosdem digitos, quibus tetigit Sacramentum, abluat, et abstergat purificatorio: ablu-tionem vero sumat, si celebraverit, aut iis, qui tunc communicarunt, sumendam tradat, aut saltem in sa-crarium injiciat. Postea genuflectens reponit Sacra-mentum in tabernaculo, et clave obserat.

Deinde extenta manu dextera, benedicit iis qui com-municarunt, dicens: *Benedictio Dei omnipotentis, Pa-tris ✠, et Filii, et Spíritus sancti, descéndat super vos, et máneat semper. R. Amen.*

Communio autem populi intra Missam statim post communionem Sacerdotis celebrantis fieri debet (nisi quandoque ex rationabili causa post Missam sit fa-cienda), cum Orationes, quæ in Missa post Commu-nionem dicuntur, non solum ad Sacerdotem, sed etiam ad alios communicantes spectent.

Itaque Sacerdos, sumpto sacratissimo Sanguine, antequam se purificet, ponit Particulas consecratas in pyxide, vel si pauci sint communicandi, super patenam, nisi in principio positæ fuerint in pyxide; et genuflectit, ministro interim faciente confessionem, ut supra. Postea vertens se ad populum, in cornu Evangelii dicit: *Misereátur vestri, etc.* et eo, quo supra dictum est, modo, porrigit communicandis Eucharistiam, incipiens a ministris Altaris, si velint communicare. Finita Communione, revertitur ad Altare, nihil dicens: non dat eis benedictionem, quia illam dabit in fine Missæ. Deinde dicit secreto: *Quod ore súmpsimus, etc.* ut in Missali, se purificat, et Missam absolvit. Quod si contingat, absoluta Missa, statim aliquos interdum communicare, tunc Sacerdos

adhuc Planeta indutus, Sacram Communionem eo modo, quo supra dictum est, ministrabit.

### DE COMMUNIONE PASCHALI.

**C**URET autem Parochus, ut in Quadragesima per se, vel per alios concionatores populo opportune denuntietur Constitutio Concilii Lateranensis sub Innocentio III. quæ sic habet.

*Omnis utriusque sexus Fidelis, postquam ad annos discretionis pervenerit, omnia sua peccata confiteatur fideliter, saltem semel in anno, proprio Sacerdoti, et injunctam sibi pœnitentiam studeat pro viribus adimplere, suscipiens reverenter, ad minus in Pascha, Eucharistiæ Sacramentum, nisi forte de consilio proprii Sacerdotis, ob aliquam rationabilem causam ad tempus ab ejus perceptione duxerit abstinendum, alioquin et vivens ab ingressu Ecclesiæ arceatur, et moriens Christiana careat sepultura.*

Ut igitur hoc salutare Concilii decretum inviolabiliter servetur, descripta Parochus habeat nomina suorum Parochianorum; et qui dicto tempore non communicaverint, et post Octavam Paschæ eos, qui propriæ salutis immemores sæpius admoniti non obtemperaverint, Ordinario suo denuntiet.

Dabit quoque operam Parochus, quoad fieri potest, ut in ipso die sanctissimo Paschæ communicent; quo die ipse per se, nisi legitime impediatur, parochiæ suæ Fidelibus hoc sacramentum ministrabit.

Alienæ vero parochiæ Fideles ad proprium Parochum remittet, præter peregrinos et advenas, et qui certum domicilium non habent, quibus ipse sacram præbebit Communionem, si accesserint rite parati; vel ubi est ea consuetudo, eos ad Cathedralis Ecclesiæ Parochos remittet. In ceteris vero servabit ea, quæ in libro de statu animarum, ut infra, præscribuntur.

Ægrotis quoque parochialibus, etiamsi Communionem extra præscriptos Paschales dies sumpserint, in Paschalibus diebus illam deferet, ac ministrabit.

### DE COMMUNIONE INFIRMORUM.

**V**IATICUM sacratissimi Corporis Domini nostri Jesu Christi summo studio ac diligentia ægrotantibus, opportuno tempore procurandum est, ne forte contingat illos tanto bono, Parochi incuria, privatos decedere.

Cavendum autem in primis est, ne ad indignos cum aliorum scandalo deferatur, quales sunt publici usurarii, concubinarij, notorie criminosi, nominatim excommunicati, aut denunciati, nisi sese prius sacra Confessione purgaverint, et publicæ offensionij, prout de jure, satisfecerint.

Hortetur Parochus infirmum, ut sacram Communionem sumat, etiam si graviter non ægrotet, aut mortis periculum non immineat, maxime si Festi alicujus celebritas id suadeat, neque ipse illam ministrare recusabit.

Pro Viatico autem ministrabit, cum probabile est, quod eam amplius sumere non poterit. Quod si æger, sumpto Viatico, dies aliquot vixerit, vel periculum mortis evaserit, et communicare voluerit, ejus pio desiderio Parochus non deerit.

Potest quidem Viaticum brevi morituris dari non jejunis; id tamen diligenter curandum est, ne iis tribuatur, a quibus ob phrenesim, sive ob assiduam tussim, aliumve similem morbum, aliqua indecentia cum injuria tanti Sacramenti timeri potest. Ceteris autem infirmis, qui ob devotionem in ægritudine communicant, danda est Eucharistia ante omnem cibum et potum, non aliter ac ceteris Fidelibus, quibus nec etiam per modum medicinæ ante aliquid sumere licet.

Sed alicui ad adorandum solum, seu devotionis, seu cujusvis rei prætextu ad ostendendum non deferatur.

Deferri autem debet hoc sanctum Sacramentum ab Ecclesia ad privatas ægrotantium domos decenti habitu, superposito mundo velamine, manifeste atque honorifice, ante pectus cum omni reverentia et timore, semper lumine præcedente.

Parochus igitur processurus ad communicandum infirmum, aliquot campanæ ictibus jubeat convocari Parochianos, seu Confraternitatem SS. Sacramenti, ubi fuerit instituta, seu alios pios Christifideles, qui sacram Eucharistiam cum cereis, seu intorticiis comitentur, et umbellam, seu baldachinum, ubi haberi potest, deferant.

Præmoneat, ut ægri cubiculum mundetur, et in eo paretur mensa linteo mundo cooperta, in quo SS. Sacramentum decenter deponatur. Parentur luminaria, ac duo vascula, alterum cum vino, alterum cum aqua. Præterea linteum mundum ante pectus communicandi ponatur, atque alia ad ornatum loci, pro cujusque facultate.

Ubi vero convenerint, qui Eucharistiam comitaturi sunt; Sa-

cerdos indutus superpelliceo, et stola, et, si haberi potest, pluviali albi coloris, Acolythis, seu Clericis, aut etiam Presbyteris, si locus feret, superpelliceo pariter indutis comitatus, decenter, et de more acceptas aliquot Particulas consecratas, vel unam tantum; si longius, aut difficiliter iter sit faciendum, ponet in pyxide, seu parva custodia, quam proprio suo operculo cooperit; et velum sericum superimponit: ipse vero Sacerdos imposito sibi prius ab utroque humero oblongo velo decenti, utraque manu accipiat vas cum Sacramento, et deinde umbellam, seu baldachinum subeat, nudo capite processurus.

Præcedat semper Acolythus, vel alius minister deferens laternam (noctu autem hoc Sacramentum deferri non debet, nisi necessitas urgeat); sequantur duo Clerici, vel qui illorum vices supplent, quorum alter aquam benedictam cum aspersorio, et bursam cum corporali, quod supponendum erit vasculo SS. Sacramenti super mensa in cubiculo infirmi, et cum linteolo purificatorio ad digitos Sacerdotis abstergendos; alter hunc librum Ritualem deferat, et campanulam jugiter pulset. Succedant deinde deferentes intorticia. Postremo Sacerdos Sacramentum gestans elevatum ante pectus sub umbella, dicens Psalmum *Miserere*, et alios Psalmos, et Cantica.

Quod si longius, aut difficiliter iter obeundum sit, et fortasse etiam equitandum, necesse erit vas, in quo Sacramentum defertur, bursa decenter ornata, et ad collum appensa, apte includere, et ita ad pectus alligare, atque adstringere, ut neque decidere, neque pyxide excuti Sacramentum queat.

**Ingrediens vero locum, ubi jacet infirmus dicat:**

**Ÿ.** Pax huic dómui.

**R.** Et ómnibus habitántibus in ea.

Tum depositum Sacramentum super mensa, supposito corporali, genuflexus adorat, omnibus in genua procumbentibus: et mox accepta aqua benedicta, aspergit infirmum, et cubiculum, dicens Antiphonam: Aspérges me, Dómine, hyssópo, et mundábor: lavábis me, et super nivem dealbábor: et primum versum **Psalmi**, *Miserere*, cum Glória Patri, etc. Sicut erat, etc.

Deinde repetitur Antiphona: Aspérges me, etc.  
 Postea *Ÿ*. Adjutórium nostrum in nómine Dómini.  
*R*. Qui fecit cælum et terram.  
*Ÿ*. Dómine, exáudi oratióem meam.  
*R*. Et clamor meus ad te véniat.  
*Ÿ*. Dóminus vobíscum. *R*. Et cum spírítu tuo.

## ORÉMUS.

**E**XAUDI nos, Dómine sancte, Pater omnípotens, ætérne Deus: et mittere dignéris sanctum Angelum tuum de cælis, qui custódiat, fóveat, próteget, vísitet, atque deféndat omnes habitántes in hoc habitáculo. Per Christum Dóminum nostrum.

*R*. Amen.

His dictis, accedat ad infirmum, ut cognoscat, num sit bene dispositus ad accipiendum sacrum Viaticum, et utrum velit aliqua peccata confiteri; et illum audiat, atque absolvat: quamvis prius deberet esse rite confessus, nisi necessitas aliter urgeat.

Postea facta de more Confessione generali, sive ab infirmo, sive ejus nomine ab alio, Sacerdos dicit: Misereátur, etc. Indulgéntiam, etc.

Deinde facta genuflexione, accipit Sacramentum de vasculo, atque illud elevans ostendit infirmo dicens: Ecce Agnus Dei, ecce qui tollit peccáta mundi, et more solito ter dicat: Dómine, non sum dignus, ut intres sub tectum meum; sed tantum dic verbo, et sanábitur anima mea.

Et infirmus simul cum Sacerdote dicat eadem verba, saltem semel, submissa voce: Tum Sacerdos dans infirmo Eucharistiam, dicat: Accipe, frater (vel soror) Viaticum Córporis Dómini nostri Jesu Christi, qui te

custódiat ab hoste maligno, et perdúcat in vitam ætérnam. Amen.

Si vero Communio non datur per modum Viatici, dicat more ordinario: Corpus Dómini nostri Jesu Christi custódiat ánimam tuam in vitam ætérnam. Amen.

Quod si mors immineat, et periculum sit in mora, tunc dicto Misereátur, etc., prædictis precibus omnibus vel ex parte omissis, ei statim Viaticum præbeatur.

Postea Sacerdos abluat digitos, nihil dicens: et infirmo detur ablutio. Deinde dicat:

Ÿ. Dóminus vobíscum. R. Et cum spíritu tuo.

#### ORÉMUS.

**D**OMINE sancte, Pater omnípotens, ætérne Deus, te fidéliter deprecámur, ut accipiénti fratri nostro (vel soróri nostræ) sacrosánctum Corpus Dómini nostri Jesu Christi Fílii tui, tam córpori, quam ánimæ prosit ad remédium sempitérnum: Qui tecum vivit et regnat in unitáte Spíritus sancti Deus, per ómnia sæcula sæculórum. R. Amen.

His expletis, si altera particula Sacramenti super fuerit (superesse autem semper debet, præterquam in casu jam dicto), genuflectit, surgit, et accipiens vas cum Sacramento, facit cum eo signum Crucis super infirmum, nihil dicens, et reverenter illud deferens, ordine quo venerat, revertitur ad Ecclesiam dicendo Psalm. Laudáte Dóminum de cælis, etc. et alios Psalmos, et Hymnos, prout tempus feret.

Cum pervenerit ad Ecclesiam, ponit Sacramentum super Altare, adorat, deinde dicit:

Ÿ. Panem de cælo præstitisti ei.



R. Omne delectaméntum in se habéntem.

Y. Dóminus vobíscum.

R. Et cum spírítu tuo.

ORÉMUS.

**D**EUS, qui nobis sub Sacraménto mirábili passiónis tuæ memóriam reliquisti; tríbue, quæsumus, ita nos córporis et sánguinis tui sacra mystéria venerári, ut redemptiónis tuæ fructum in nobis júgiter sentiámus: Qui vivis et regnas cum Deo Patre in unitáte Spírítus sancti Deus, per ómnia sæcula sæculórum.

R. Amen.

Deinde annuntiat Indulgentias a Summis Pontificibus concessas Sanctissimum Sacramentum comitantibus.

Postea cum Sacramento in pyxide velo cooperta faciat signum Crucis super populum, nihil dicens. Postremo illud in loco suo reponat.

Quod si ob difficultatem, aut longitudinem itineris, vel quia ea qua decet veneratione, Sacramentum ad Ecclesiam commode reportari non potest, sumpta fuerit una tantum Particula consecrata, ut dictum est, tunc ea infirmo administrata, Sacerdos, prædictis precibus recitatis, cum manu benedicit, et una cum aliis privato habitu, extinctis luminibus, umbella demissa, latente pyxide, ad Ecclesiam, vel domum quisque suam revertatur.

## DE SACRAMENTO EXTREMÆ UNCTIONIS.

**E**XTREMÆ Uctionis Sacramentum a Christo Domino institutum, tamquam cælestis medicina, non animæ solum, sed etiam corpori salutaris, omni studio ac diligentia, periculose ægrotantibus adhibendum est, et eo quidem tempore, si fieri possit, cum illis adhuc integra mens et ratio viget, ut ad uberiorem Sacramenti gratiam percipiendam, ipsi etiam suam fidem, ac piam animi voluntatem conferre possint, dum sacro liniuntur Oleo.

In quo illud in primis ex generali Ecclesiæ consuetudine observandum est, ut si tempus, et infirmi conditio permittat, ante Extremam Uctionem, Pœnitentiæ, et Eucharistiæ Sacramenta infirmis præbeantur.

Habeat igitur Parochus loco nitido et decenter ornato, in vase argenteo, seu stanneo diligenter custoditum sacrum Oleum infirmorum, quod in singulis annis Feria V. in Cœna Domini ab Episcopo benedictum, veteri combusto, renovandum est. Id tamen, si forte infra annum aliquo modo ita deficiat, ut sufficere non posse videatur, neque aliud benedictum haberi queat, modico oleo non benedicto in minori quantitate superinfuso, reparari potest.

Oleum porro ipsum vel per se solum, vel in bombacio seu re simili servari potest; sed ad evitandum effusionis periculum multo commodius ad infirmos defertur in bombacio.

Debet autem hoc Sacramentum infirmis præberi, qui cum ad usum rationis pervenerint, tam graviter laborant, ut mortis periculum imminere videatur; et iis, qui præ senio deficiunt, et in diem videntur morituri etiam sine alia infirmitate.

Infirmis autem, qui, dum sana mente, et integris sensibus essent, illud petierint, seu verisimiliter petiissent, seu dederint signa contritionis, etiamsi deinde loquelam amiserint, vel amentes effecti sint, vel delirent, aut non sentiant, nihilominus præbeatur.

Sed si infirmus dum phrenesi, aut amentia laborat, verisimiliter posset quidquam facere contra reverentiam Sacramenti, non inungatur, nisi periculum tollatur omnino.

Impœnitentibus vero, et qui in manifesto peccato mortali moriuntur, et excommunicatis, et nondum baptizatis, penitus denegetur.

Non ministretur etiam prælium inituris, aut navigationem, aut peregrinationem, aut alia pericula subituris, aut reis ultimo supplicio mox afficiendis, aut pueris rationis usum non habentibus.

Si quis autem laborat in extremis, et periculum imminet ne decedat antequam finiantur Uctiones, cito ungetur, incipiendo ab eo loco: *Per istam sanctam Uctionem, etc.* ut infra: deinde, si adhuc supervivat, dicantur Orationes prætermisæ suo loco positæ.

Si vero dum inungitur, infirmus decedat, Presbyter ultra non procedat, et prædictas Orationes omittat.

Quod si dubitet an vivat adhuc, Uctionem prosequatur, sub conditione pronunciando formam, dicens: *Si vivis, per istam sanctam Uctionem, etc.*, ut infra.

Si autem acciderit, infirmum post peccatorum suorum confessionem ad exitum vitæ properare, tunc cum sacro Viatico poterit et Oleum infirmorum ad eum deferri per ipsum Sacerdotem, qui defert sacram Eucharistiam. Si tamen alius Presbyter, vel Diaconus, qui Oleum sanctum deferat, haberi possit, per ipsum deferatur, qui superpelliceo indutus, cum Oleo sacro occulte delato sequatur Sacerdotem Viaticum portantem; et postquam infirmus Viaticum sumpserit, inungatur a Sacerdote.

In eadem infirmitate hoc Sacramentum iterari non debet, nisi diuturna sit, ut si cum infirmus convalescit, iterum in periculum mortis inciderit.

Quinque vero corporis partes præcipue ungi debent, quas velut sensuum instrumenta homini natura tribuit, nempe oculi, aures, nares, os et manus: attamen pedes etiam et renes ungenti sunt; sed renum unctio in mulieribus, honestatis gratia, semper omittitur; atque etiam in viris, quando infirmus commode moveri non potest. Sed sive in mulieribus, sive in viris, alia corporis pars pro renibus ungi non debet.

Manus vero, quæ reliquis infirmis interius ungi debent, Presbyteris exterius ungantur.

Dum oculos, aures, et alia corporis membra, quæ paria sunt, Sacerdos ungit, caveat, ne alterum ipsorum inungendo, Sacramenti formam prius absolvat, quam ambo hujusmodi paria membra perunxerit.

Si quis autem sit aliquo membro mutilatus, pars loco illi proxima inungatur, eadem verborum forma.

Hujus autem Sacramenti forma, qua Sancta Romana Ecclesia utitur, solemnissimum illa præcatio est, quam Sacerdos ad singulas unctiones adhibet, cum ait:

*Per istam sanctam Uctionem, et suam piissimam misericordiam, indulgeat tibi Dominus quidquid per visum, sive per auditum, etc. deliquisti.*

## ORDO MINISTRANDI

### SACRAMENTUM

## EXTREMÆ UNCTIONIS.

**S**ACERDOS igitur Sacramentum ministraturus, quatenus fieri poterit, parari curet apud infirmum mensam mappa candida coopertam, itemque vas, in quo sit bombacium, seu quid simile in septem globulos distinctum, ad abstergendas partes inunctas; medullam panis ad detergendos digitos; et aquam ad abluendas Sacerdotis manus; ceream item candelam, quæ deinde accensa ipsi ungenti lumen præbeat. Denique operam dabit, ut quanta poterit munditia ac nitore hoc Sacramentum ministretur.

Deinde convocatis Clericis seu ministris, vel saltem uno Clerico, qui Crucem sine hasta, Aquam benedictam cum aspersorio, et librum Ritualem deferat, ipse Parochus decenter accipit vas sacri Olei infirmorum sacco serico violacei coloris inclusum, illudque caute deferat, ne effundi possit. Quod si longius iter peragendum, aut etiam equitandum sit, vel alias adsit periculum effusionis, vas Olei sacco, aut bursa inclusum, ut dictum est, ad collum appendat, ut commodius et securius perferat. Procedat autem sine sonitu campanulæ.

Cum perventum fuerit ad locum, ubi jacet infirmus, Sacerdos intrans cubiculum, dicit: Pax huic dómui.

*R.* Et ómnibus habitántibus in ea.

Deinde deposito Oleo super mensam, superpelliceo,

stolaque violacea indutus, ægroto Crucem pie deosculandam porrigit; mox in modum crucis eum Aqua benedicta, et cubiculum, et circumstantes aspergit, dicens Antiphonam: Aspérget me, Dómine, etc. Quod si ægrotus voluerit confiteri, audiat illum, et absolvat. Deinde piis verbis illum consoletur, et de hujus Sacramenti vi, atque efficacia, si tempus ferat, breviter admoneat: et quantum opus sit, ejus animam confirmet, et in spem erigat vitæ æternæ.

Postea dicat *Ÿ*. Adjutórium nostrum in nómine Dómini.

*R*. Qui fecit cælum et terram.

*Ÿ*. Dóminus vobíscum.

*R*. Et cum spírítu tuo.

#### ORÉMUS.

**I**NTROEAT, Dómine Jesu Christe, domum hanc sub nostræ humilitátis ingrèssu, ætérna felicitas, divína prospéritas, seréna lætítia, cháritas fructuósa, sánitas sempitérna: effúgiat ex hoc loco accéssus dæmonum: adsint Angeli pacis, domúmque hanc déserat omnis málgna discórdia. Magnífica, Dómine, super nos nomen sanctum tuum; et bédic ✠ nostræ conversatióni: sanctífica nostræ humilitátis ingrèssum, qui sanctus et qui pius es, et pérmanes cum Patre et Spírítu sancto in sæcula sæculórum. Amen.

Orémus, et deprecémur Dóminum nostrum Jesum Christum, ut bédicéndo bédicat ✠ hoc tabernáculum, et omnes habitántes in eo, et det eis Angelum bonum custódem, et faciat eos sibi servíre ad conside-

rándum mirabilia de lege sua: avértat ab eis omnes contrárias potestátes: erípiat eos ab omni formídine, et ab omni perturbatióne, ac sanos in hoc tabernáculo custodíre dignétur. Qui cum Patre et Spíritu sancto vivit et regnat Deus in sæcula sæculórum. Amen.

## ORÉMUS.

**E**XAUDI nos, Dómine sancte, Pater omnípotens, ætérne Deus: et mittere dignéris sanctum Angelum tuum de cælis, qui custódiat, fóveat, próteget, vísitet, atque deféndat omnes habitántes in hoc habitáculo. Per Christum Dóminum nostrum. Amen.

Quæ Orationes, si tempus non patiat, ex parte, vel in totum poterunt omitti. Tum de more facta Confessione generali, latino, vel vulgari sermone, Sacerdos dicat: Misereátur, etc. Indulgéntiam, etc.

Antequam Parochus incipiat ungere infirmum, mo-  
neat adstantes, ut pro illo orent, et ubi commodum fuerit, pro loco et tempore, et adstantium numero, vel qualitate, recitent Septem Psalmos Pœnitentiales cum Litanis, vel alias Preces, dum ipse Unctionis Sacramentum administrat. Mox dicat:

**I**N nomine Patris ✠, et Fílii ✠, et Spíritus ✠ sancti, extingúatur in te omnis virtus diáboli per impositionem mánuum nostrárum, et per invocationem ómnium Sanctórum Angelórum, Archangelórum, Patriarchárum, Prophetárum, Apostolórum, Mártyrum, Confessórum, Vírginum, atque ómnium simul Sanctórum. Amen.

Deinde intincto pollice in Oleo sancto, in modum Crucis ungit infirmum in partibus hic subscriptis, aptando proprio loco verba formæ in hunc modum:

## AD OCULOS.

PER istam sanctam Unctiõnem ✠, et suam piíssimam misericórdiam, indúlgeat tibi Dóminus quidquid per visum deliquísti. Amen.

Minister vero, si est in Sacris, vel ipsemet Sacerdos, post quamlibet Unctionem, tergat loca inuncta novo globulo bombacii, vel rei similis, eumque in vase mundo reponat, et ad Ecclesiam postea deferat, comburat, cineresque projiciat in Sacrarium.

## AD AURES.

Per istam sanctam Unctiõnem ✠, et suam piíssimam misericórdiam, indúlgeat tibi Dóminus quidquid per auditum deliquísti. Amen.

## AD NARES.

Per istam sanctam Unctiõnem ✠, et suam piíssimam misericórdiam, indulgeat tibi Dóminus quidquid per odorátum deliquísti. Amen.

## AD OS, COMPRESSIS LABIIS.

Per istam sanctam Unctiõnem ✠, et suam piíssimam misericórdiam, indúlgeat tibi Dóminus quidquid per gustum et locutiõnem deliquísti. Amen.

## AD MANUS.

Per istam sanctam Unctiõnem ✠, et suam piíssimam misericórdiam, indúlgeat tibi Dóminus quidquid per tactum deliquísti. Amen.

Et adverte, quod Sacerdotibus, ut dictum est, manus non inunguntur interius, sed exterius.

## AD PEDES.

Per istam sanctam Uctionem ✠, et suam piissimam misericórdiam, indúlgeat tibi Dóminus quidquid per gressum deliquísti. Amen.

## AD LUMBOS, SIVE RENES.

Per istam sanctam Uctionem ✠, et suam piissimam misericórdiam, indúlgeat tibi Dóminus quidquid per lumbórum delectatióem deliquísti. Amen.

Hæc autem unctio ad lumbos, ut dictum est, omititur semper in fœminis, et etiam in viris, qui ob infirmitatem vix, aut sine periculo moveri non possunt.

Quibus omnibus peractis, Sacerdos dicit:

Kyrie eléison. Christe eléison. Kyrie eléison. Pater noster.

Ÿ. Et ne nos indúcas in tentatióem.

R. Sed líbera nos a malo.

Ÿ. Salvum fac servum tuum.

R. Deus meus, sperántem in te.

Ÿ. Mitte ei, Dómine, auxiliúm de sancto.

R. Et de Sion tuére eum.

Ÿ. Esto ei, Dómine, turris fortitúdinis.

R. A fácie inimíci.

Ÿ. Nihil proficiat inimícus in eo.

R. Et filius iniquitátis non appónat nocére ei.

Ÿ. Dómine, exáudi oratióem meam.

R. Et clamor meus ad te véniat.

Ÿ. Dóminus vobíscum.

R. Et cum spírítu tuo.

## ORÉMUS.

**D**OMINE Deus, qui per Apóstolum tuum Jacóbum locútus es: Infirmátur quis in vobis? Indúcat



Presbyteros Ecclésiæ, et orent super eum, ungentes eum Oleo in nómine Dómini: et oratio fidei salvabit infirmum, et alleviabit eum Dóminus: et si in peccátis sit, remittentur ei: cura, quæsumus, Redemptor noster, grátia sancti Spíritus languóres istius infirmi, ejúsque sana vúlnera, et dimítte peccáta, atque dolóres cunctos mentis et córporis ab eo expélle, plenámque intérius et extérius sanitátem misericórditer redde, ut ope misericórdiæ tuæ restitútus, ad prístina reparétur officia. Qui cum Patre et Spíritu sancto vivis, et regnas Deus in sæcula sæculórum.

## ORÉMUS.

**R**ESPICE, quæsumus, Dómine, fámulum tuum **N.** in infirmitáte sui córporis fatiscéntem, et ánimam réfove, quam creásti: ut castigatióibus emendátus, se tua séntiat medicína salvátum. Per Christum Dóminum nostrum. Amen.

## ORÉMUS.

**D**OMINE sancte, Pater omnípotens, ætérne Deus, qui benedictiónis tuæ grátiam ægris infundéndo corpóribus, factúram tuam múltiplici pietáte custódis: ad invocatiónem tui Nóminis benígnus assiste; ut fámulum tuum ab ægritúdine liberátum, et sanitáte donátum, déxtera tua érigas, virtúte confirmes, potestáte tueáris, atque Ecclésiæ tuæ sanctæ, cum omni desideráta prosperitáte, restítuas. Per Christum Dóminum nostrum. **R.** Amen.

Ad extremum, pro personæ qualitate, salutaria monita breviter præbere poterit, quibus infirmus ad moriendum in Domino confirmetur, et ad fugandas dæmonum tentationes roboretur.

Denique Aquam benedictam, et Crucem, nisi aliam habeat, coram eo relinquat, ut illam frequenter aspiciat, et pro sua devotione oseuletur et amplectatur.

Admoneat etiam domesticos, et ministros infirmi, ut si morbus ingravescat, vel infirmus incipiat agonizare, statim ipsum Parochum accersant, ut morientem adjuvet, ejusque animam Deo commendet: sed si mors immineat, priusquam discedat, Sacerdos animam Deo rite commendabit.

Quæ autem pertinent ad visitationem, curamque infirmorum, et ad juvandos morientes, ad Commendationem Animæ, et ad Exequias, infra suis locis præscribuntur.

## SEPTEM PSALMI PŒNITENTIALES

### CUM LITANIIS.

PRO INFIRMIS, DUM SACRO LINIUNTUR OLEO, SEU PRO  
ALIA NECESSITATE, DICUNTUR FLEXIS GENIBUS.

Antiphona. Ne reminiscáris

#### PSALMUS 6.

**D**OMINE, ne in furóre tuo árguas me: \* neque in  
ira tua corrípias me.

Miserére mei, Dómine, quóniam infirmus sum: \* sana  
me, Dómine, quóniam conturbáta sunt ossa mea.

Et ánima mea turbáta est valde: \* sed tu, Dómine,  
usquequó?

Convértere, Dómine, et éripe ánimam meam: \* sal-  
vum me fac propter misericórdiam tuam.

Quóniam non est in morte qui memor sit tui: \* in  
inférno autem quis confitébitur tibi?

Laborávi in gémitu meo, lavábo per síngulas noctes  
lectum meum: \* lácrymis meis stratum meum rigábo.

Turbátus est a furóre óculus meus: \* inveterávi inter  
omnes inimícos meos.

Discédite a me omnes qui operámini iniquitátem: \*  
quóniam exaudivit Dóminus vocem fletus mei.

Exaudivit Dóminus deprecationem meam: \* Dó-  
minus orationem meam suscepit.

Erubéscant, et conturbéntur veheménter omnes ini-  
míci mei: \* convertántur et erubéscant valde velóciter.

Glória Patri, etc.

## PSALMUS 31.

**B**EATI quorum remissæ sunt iniquitâtes: \* et quorum tecta sunt peccâta.

Beâtus vir, cui non imputâvit Dóminus peccátum, \* nec est in spírítu ejus dolus.

Quóniam tácui, inveteravérunt ossa mea, \* dum clamárem tota die.

Quóniam die ac nocte graváta est super me manus tua: \* convérsus sum in ærúmna mea, dum configitur spina.

Delíctum meum cógnitum tibi feci, \* et injustítiam meam non abscondi.

Dixi: Confitébor advérsus me injustítiam méam Dómino: \* et tu remisísti impietátem peccáti mei.

Pro hac orábit ad te omnis sanctus, \* in témpore opportúno.

Verúntamen in dilúvio aquárum multárum, \* ad eum non approximábunt.

Tu es refúgium meum a tribulatióne, quæ circúmdedit me: \* exultátió mea, érue me a circumdántibus me.

Intelléctum tibi dabo, et ínstruam te in via hac, qua gradiéris: \* firmábo super te óculos meos.

Nolíte fieri sicut equus et mulus, \* quibus non est intelléctus.

In camo et fræno maxíllas eórum constrínge, \* qui non appróximant ad te.

Multa flagélla peccatóris: \* sperántem autem in Dómino misericórdia circúmdabit.

Lætámini in Dómino et exultáte justi: \* et gloriámini omnes recti corde.

Glória Patri, etc.

## PSALMUS 37.

**D**OMINE ne in furóre tuo árguas me, \* neque in ira tua corrípias me.

Quóniam sagíttæ tuæ infixæ sunt mihi: \* et confirmásti super me manum tuam.

Non est sánitas in carne mea a fácie iræ tuæ: \* non est pax óssibus meis a fácie peccatórum meórum.

Quóniam iniquitátes meæ supergréssæ sunt caput meum: \* et sicut onus grave gravátæ sunt super me.

Putruérunt et corrúptæ sunt cicatríces meæ, \* a fácie insipiéntiæ meæ.

Miser factus sum, et curvátus sum usque in finem: \* tota die contristátus ingrediébar.

Quóniam lumbi mei impléti sunt illusióibus: et non est sánitas in carne mea.

Afflíctus sum, et humiliátus sum nimis: \* rugiébam a gémitu cordis mei.

Dómine, ante te omne desidérium meum: \* et gémitus meus a te non est abscónditus.

Cor meum conturbátum est, derelíquit me virtus mea: \* et lumen oculórum meórum, et ipsum non est mecum.

Amíci mei, et próximi mei \* advérsum me appropinquavérunt, et stetérunt.

Et qui juxta me erant, de longe stetérunt: \* et vim faciébant qui quærébant ánimam meam.

Et qui inquirébant mala mihi, locúti sunt vanitátes: \* et dolos tota die meditabántur.

Ego autem tamquam surdus non audiébam: \* et sicut mutus non apériens os suum.

Et factus sum sicut homo non áudiens: \* et non habens in ore suo redargutiónes.

Quóniam in te, Dómine, sperávi: \* tu exáudies me, Dómine Deus meus.

Quia dixi: Nequándo supergáudeant mihi inimíci mei: \* et dum commovéntur pedes mei, super me magna locúti sunt.

Quóniam ego in flagélla parátus sum: \* et dolor meus in conspéctu meo semper.

Quóniam iniquitátem meam annuntiábo: \* et cogitábo pro peccáto meo.

Inimíci autem mei vivunt, et confirmáti sunt super me; \* et multiplicáti sunt qui odérunt me iníque.

Qui retríbuunt mala pro bonis, detrahébant mihi: \* quóniam sequébar bonitátem.

Ne derelínquas me, Dómine Deus meus: \* ne discéseris a me.

Inténde in adjutórium meum, \* Dómine Deus salútis meæ.

Glória Patri, etc.

### PSALMUS 50.

**M**ISERERE mei, Deus, \* secúndum magnam misericórdiam tuam.

Et secúndum multitudínem miseratiónum tuárum, \* dele iniquitátem meam.

Amplius lava me ab iniquitáte mea: \* et a peccáto meo munda me.

Quóniam iniquitátem meam ego cognósco: \* et peccátum meum contra me est semper.

Tibi soli peccávi, et malum coram te feci: \* ut justifícéris in sermónibus tuis, et vincas cum judicáris.

Ecce enim in iniquitátibus concéptus sum: \* et in peccátis concépit me mater mea.

Ecce enim veritatem dilexisti: \* incerta, et occulta sapientiæ tuæ manifestasti mihi.

Aspérget me hyssópo, et mundabor; \* lavábis me, et super nivem dealbabor.

Auditui meo dabis gáudium et lætítiam: \* et exultábunt ossa humiliáta.

Avérte fáciem tuam a peccátiis meis: \* et omnes iniquitátes meas dele.

Cor mundum crea in me, Deus: \* et spíritum rectum innova in viscéribus meis.

Ne projicias me a fácie tua: \* et spíritum sanctum tuum ne áuferas a me.

Redde mihi lætítiam salutáris tui: \* et spírítu principáli confirma me.

Docébo iníquos vias tuas: \* et impíi ad te converténtur.

Líbera me de sanguínibus Deus, Deus salútis meæ: \* et exultábit lingua mea justítiam tuam.

Dómine, lábia mea apéries: \* et os meum annuntiábit láudem tuam.

Quóniam si voluisses sacrificium dedíssem útique: \* holocáustis non delectáberis.

Sacrificium Deo spíritus contribulátus: \* cor contrítum et humiliátum, Deus, non despícies.

Benigne fac, Dómine, in bona voluntáte tua Sion: \* ut ædificéntur muri Jerúsalem.

Tunc acceptábis sacrificium justítiæ, oblatiónes, et holocáusta: \* tunc impónent super altáre tuum vítulos.

Glória Patri, etc.

### PSALMUS 101.

**D**OMINE, exáudi oratióem meam: \* et clamor meus ad te véniat.

Non avértas fáciem tuam a me : \* in quacúmque die tribulor, inclína ad me áurem tuam.

In quacúmque die invocávero te, \* velóciter exáudi me.

Quia defecérunt sicut fumus dies mei : \* et ossa mea sicut crémium aruérunt.

Percússus sum ut fœnum, et áruit cor meum : \* quia oblítus sum comédere panem meum.

A voce gémitus mei \* adhæsít os meum carni meæ.

Símilis factus sum pellicáno solitúdinis : \* factus sum sicut nyctícorax in domicélio.

Vigilávi, \* et factus sum sicut passer solitárius in tecto.

Tota die exprobrábant mihi inimíci mei : \* et qui laudábant me advérsus me jurábant.

Quia cínerem tamquam panem manducábam, \* et potum meum cum fletu miscébam.

A fácie iræ et indignatiónis tuæ : \* quia élevans allisísti me.

Dies mei sicut umbra declinavérunt : \* et ego sicut fœnum áruí.

Tu autem, Dómine, in ætérnum pérmanes : \* et memoriále tuum in generatióem et generatióem.

Tu exúrgens miseréberis Sion : \* quia tempus miseréndi ejus, quia venit tempus.

Quóniam placuérunt servis tuis lápides ejus : \* et terræ ejus miserebúntur.

Et tímébunt gentes nomen tuum, Dómine, \* et omnes reges terræ glóriam tuam.

Quia ædificávit Dóminus Sion : \* et vidébitur in glóriam sua.

Respéxit in oratióem humílium : \* et non sprévit precem eórum.



Scribántur hæc in generatióne áltera : \* et pópulus,  
qui creábitur, laudábit Dóminum :

Quia prospéxit de excélsa sancto suo : \* Dóminus de  
cælo in terram aspéxit :

Ut audíret gémitus compeditórum : \* ut sólveret filios  
interemptórum :

Ut annúntient in Sion nomen Dómini : \* et láudem  
ejus in Jerúsalem.

In conveniéndo pópulos in unum, \* et reges ut sér-  
viant Dómino.

Respóndit ei in via virtútis suæ : \* Paucitátem dié-  
rum meórum núntia mihi.

Ne révoques me in dimídio diérum meórum : \* in  
generatiónem et generatiónem anni tui.

Inítio tu, Dómine, terram fundásti : \* et ópera má-  
nuum tuárum sunt cæli.

Ipsi períbunt, tu autem pérmanes : \* et omnes sicut  
vestiméntum veteráscent.

Et sicut opertórium mutábis eos, et mutabúntur : \*  
tu autem idem ipse es, et anni tui non deficient.

Fílii servórum tuórum habitábunt : \* et semen eórum  
in sæculum dirigétur.

Glória Patri, etc.

### PSALMUS 129.

**D**E profúndis clamávi ad te, Dómine : \* Dómine  
exáudi vocem meam.

Fiant áures tuæ intendéntes, \* in vocem deprecatió-  
nis meæ.

Si iniquitátes observáveris, Dómine : \* Dómine quis  
sustinébit?

Quia apud te propitiátio est : \* et propter legem tuam  
sustínui te, Dómine.

Sustínuit ánima mea in verbo ejus: \* sperávit ánima mea in Dómino.

A custódia matutína usque ad noctem: \* speret Israel in Dómino.

Quia apud Dóminum misericórdia: \* et copiósá apud eum redéptio.

Et ipse rédimet Israel, \* ex ómnibus iniquitátibus ejus.

Glória Patri, etc.

PSALMUS 142.

**D**OMINE, exáudi oratiómem meam: áuribus pércipe obsecratiómem meam in veritáte tua: \* exáudi me in tua justítia.

Et non intres in júdicium cum servo tuo: \* quia non justificábitur in conspéctu tuo omnis vivens.

Quia persecútus est inimícus ánimam meam: \* humiliávit in terra vitam meam.

Collocávit me in obsúris sicut mórtuos sæculi: \* et ansiátus est super me spíritus meus, in me turbátum est cor meum.

Memor fui diérum antiquórum, meditátus sum in ómnibus opéribus tuis: \* in factis mánuum tuárum meditábar.

Expámdi manus meas ad te: \* ánima mea sicut terra sine aqua tibi:

Velóciter exáudi me, Dómine: \* defécit spíritus meus.

Non avértas fáciem tuam a me: \* et símilis ero descendéntibus in lacum.

Audítam fac mihi mane misericórdiam tuam: \* quia in te sperávi.

Notam fac mihi viam, in qua ámbulem : \* quia ad te levávi ánimam meam.

Eripe me de inimícis meis, Dómine, ad te confúgi ; \* doce me fácere voluntátem tuam, quia Deus meus es tu.

Spíritus tuus bonus dedúcet me in terram rectam : \* propter nomen tuum, Dómine, vivificábis me in æquitáte tua.

Edúces de tribulatióne ánimam meam : \* et in misericórdia tua dispérdes inimícos meos.

Et perdes omnes qui tríbulant ánimam meam : \* quóniam ego servus tuus sum.

Glória Patri, etc.

**Antiphona.** Ne reminiscáris, Dómine, delícta nostra, vel paréntum nostrórum, neque vindíctam sumas de peccátis nostris.

### LITANIÆ.

**K**YRIE eléison.

Christe eléison.

Kyrie eléison.

Christe áudi nos.

Christe exáudi nos.

Pater de cælis Deus,

miserére nobis.

Fíli Redémptor mundi Deus,

miserére nobis.

Spíritus sancte Deus,

miserére nobis.

Sancta Trínitas unus Deus,

miserére nobis.

Sancta María,

ora pro nobis.

Sancta Dei génitrix,

ora.

Sancta Virgo vírginum,

ora.

Sancte Míchael,

ora.

Sancte Gábriel,

ora.

Sancte Ráphael,

ora.

Omnes sancti Angeli, et Archángeli,	oráte pro nobis.
Omnes sancti beatórum Spirítuum órdenes,	oráte.
Sancte Joánnes Baptísta,	ora.
Sancte Joseph,	ora.
Omnes sancti Patriárchæ, et Prophétæ,	oráte.
Sancte Petre,	ora.
Sancte Páule,	ora.
Sancte Andréa,	ora.
Sancte Jacóbe,	ora.
Sancte Joánnes,	ora.
Sancte Thoma,	ora.
Sancte Jacóbe,	ora.
Sancte Philíppe,	ora.
Sancte Bartholomæe,	ora.
Sancte Matthæe,	ora.
Sancte Simon,	ora.
Sancte Thaddæe,	ora.
Sancte Mathía,	ora.
Sancte Bárnaba,	ora.
Sancte Luca,	ora.
Sancte Marce,	ora.
Omnes sancti Apóstoli, et Evangelístæ,	oráte.
Omnes sancti Discípuli Dómini,	oráte.
Omnes sancti Innocéntes,	oráte.
Sancte Stéphane,	ora.
Sancte Lauréti,	ora.
Sancte Vincéti,	ora.
Sancti Fabiáne, et Sebastiáne,	oráte.
Sancti Joánnes, et Páule,	oráte.
Sancti Cosma, et Damiáne,	oráte.
Sancti Gervási, et Protási,	oráte.
Omnes sancti Mártyres,	oráte.

Sancte Sylvéster,	ora pro nobis.
Sancte Gregóri,	ora.
Sancte Ambrósi,	ora.
Sancte Augustíne,	ora.
Sancte Hierónyme,	ora.
Sancte Martíne,	ora.
Sancte Nicoláe,	ora.
Omnes sancti Pontífices, et Confessóres,	oráte.
Omnes sancti Doctóres,	oráte.
Sancte Antóni,	ora.
Sancte Benedícite,	ora.
Sancte Bernárde,	ora.
Sancte Domínice,	ora.
Sancte Francíscæ,	ora.
Omnes sancti Sacerdótes, et Levítæ,	oráte.
Omnes sancti Mónachi, et Eremítæ,	oráte.
Sancta María Magdaléna,	ora.
Sancta Agatha,	ora.
Sancta Lúcia,	ora.
Sancta Agnes,	ora.
Sancta Cæcília,	ora.
Sancta Catharína,	ora.
Sancta Anastásia,	ora.
Omnes sanctæ Vírgines, et Víduæ,	oráte.
Omnes Sancti, et Sanctæ Dei,	intercédite pro nobis.
Propítius esto,	parce nobis, Dómine.
Propítius esto,	exáudi nos, Dómine.
Ab omni malo,	libera nos, Dómine.
Ab omni peccáto,	libera.
Ab ira tua,	libera.
A subitánea, et improvísá morte,	libera.
Ab insídiis diabóli,	libera.

Ab ira, et ódio, et omni mala voluntáte, líbera nos, Dómine.

A spíritu fornicatiónis, líbera.

A fúlgure, et tempestáte, líbera.

A flagélló terræmótu, líbera.

A peste, fame, et bello, líbera.

A morte perpétua, líbera.

Per mystérium sanctæ Incarnatiónis tuæ, líbera.

Per Advéntum tuum, líbera.

Per Nativitátem tuam, líbera.

Per Baptísmum, et sanctum Jejúnium tuum, líbera.

Per Crucem, et Passiόνem tuam, líbera.

Per Mortem, et Sepultúram tuam, líbera.

Per sanctam Resurrectiόνem tuam, líbera.

Per admirábilem Ascensiόνem tuam, líbera.

Per advéntum Spíritus sancti Parácliti, líbera.

In die iudícii, líbera.

Peccatóres, Te rogámus áudi nos.

Ut nobis parcas, te rogámus.

Ut nobis indúlgeas, te rogámus.

Ut ad veram pœniténtiam nos perdúcere dignéris, te rogámus áudi nos.

Et Ecclésiám tuam sanctam régere, et conserváre dignéris, te rogámus áudi nos.

Ut Domnum Apostólicum, et omnes Ecclesiásticos órdenes in sancta religióne conserváre dignéris, te rogámus áudi nos.

Ut inimícos sanctæ Ecclésiæ humiliáre dignéris, te rogámus áudi nos.

Ut Régibus et Príncipibus Christiánis pacem et veram concórdiam donáre dignéris, te rogámus.

Ut cuncto pópulo Christiáno pacem et unitátem largíri dignéris, te rogámus.

Ut nosmetipsos in tuo sancto servitio confortare, et  
conservare digneris, te rogamus.

Ut mentes nostras ad cælestia desideria erigas,  
te rogamus.

Ut omnibus benefactoribus nostris sempiterna bona re-  
tribuas, te rogamus.

Ut animas nostras, fratrum, propinquorum, et bene-  
factorum nostrorum ab æterna damnatione eripias,  
te rogamus.

Ut fructus terræ dare, et conservare digneris,  
te rogamus.

Ut omnibus fidelibus defunctis requiem æternam do-  
nare digneris, te rogamus.

Ut nos exaudire digneris, te rogamus.

Fili Dei, te rogamus audi nos.

Agnus Dei, qui tollis peccata mundi, parce nobis, Dó-  
mine.

Agnus Dei, qui tollis peccata mundi, exaudi nos, Dó-  
mine.

Agnus Dei, qui tollis peccata mundi, miserere nobis.

Christe audi nos, Christe exaudi nos. Kyrie eléison.

Christe eléison. Kyrie eléison.

Pater noster: *secreto.*

*Ÿ.* Et ne nos inducas in tentationem.

*R.* Sed libera nos a malo.

### PSALMUS 69.

**D**EUS, in adiutorium meum intende: \* Dómine, ad  
adjuvandum me festina.

Confundantur, et revereantur, \* qui quærunt animam  
meam:

Avertantur retrorsum, et erubescant, \* qui volunt  
mihi mala:

Avertántur statim erubescéntes, \* qui dicunt mihi :  
Euge, éuge.

Exúltent et læténtur in te omnes qui quærun't te, \* et  
dicant semper : Magnificétur Dóminus : qui diligunt  
salutáre tuum.

Ego vero egénus, et páuper sum : \* Deus, ádjuva me.

Adjútor meus, et liberátor meus es tu : \* Dómine, ne  
moréris. Glória Patri, etc.

Ÿ. Salvos fac servos tuos.

R. Deus meus sperántes in te.

Ÿ. Esto nobis, Dómine, turris fortitúdinis.

R. A fácie inimíci.

Ÿ. Nihil proficiat inimícus in nobis,

R. Et filius iniquitátis non appónat nocére nobis.

Ÿ. Dómine, non secúndum peccáta nostra fácias  
nobis.

R. Neque secúndum iniquitátes nostras retríbuas  
nobis.

Ÿ. Orémus pro Pontífice nostro **N.**

R. Dóminus consérvet eum, et vivíficet eum, et beá-  
tum fáciat eum in terra, et non tradat eum in ánimam  
inimicórum ejus.

Ÿ. Orémus pro benefactóribus nostris.

R. Retribúere dignáre, Dómine, ómnibus nobis  
bona faciéntibus propter nomen tuum vitam ætérrnam.  
Amen.

Ÿ. Orémus pro fidélibus defúctis.

R. Réquiem ætérrnam dona eis Dómine, et lux per-  
pétua lúceat eis.

Ÿ. Requiéscant in pace. **R.** Amen.

Ÿ. Pro frátribus nostris absentibus.

R. Salvos fac servos tuos, Deus meus, sperántes  
in te.



**V.** Mitte eis, Dómine, auxiliúm de sancto.

**R.** Et de Sion tuére eos.

**V.** Dómine, exáudi oratióem meam.

**R.** Et clamor meus ad te véniat.

**V.** Dóminus vobíscum.

**R.** Et cum spíritu tuo.

## ORÉMUS.

**D**EUS, cui próprium est miseréri semper et párcere ; súscipe deprecatióem nostram : ut nos, et omnes fámulos tuos, quos delictórum caténa constríngit, miserátio tuæ pietátis cleménter absólvat.

**E**XAUDI, quæsumus Dómine, súpplicum preces, et confiténtium tibi parce peccátis : ut páriter nobis indulgéntiam tríbuas benígnus et pacem.

**I**NEFFABILEM nobis, Dómine, misericórdiam tuam cleménter osténde : ut simul nos et a peccátis ómnibus éxuas, et a pœnis, quas pro his merémur, erípias.

**D**EUS, qui culpa offénderis, pœniténtia placáris, preces pópuli tui supplicántis propítius réspice : et flagélla tuæ iracúndiæ, quæ pro peccátis nostris merémur, avérte.

**O**MNIPOTENS sempitérne Deus, miserére fámulo tuo Pontífici nostro **N.** et dírige eum secúndum tuam cleméntiam in viam salútis ætérnæ : ut te donánte tibi plácita cúpiat, et tota virtúte perficiat.

**D**EUS, a quo sancta desidéria, recta consília, et justa sunt ópera, da servis tuis illam, quam mundus dare non potest, pacem : ut et corda nostra mandátis tuis dédita, et hóstium subláta formídine, témpora sint tua protectióe tranquílla.

**U**RE igne sancti Spíritus renes nostros, et cor nostrum, Dómine: ut tibi casto córpore serviámus, et mundo corde placeámus.

**F**IDELIUM, Deus, ómnium cónditor et redémptor, animábus famulórum, famularúmque tuárum remissionem cunctórum tríbe peccatórum: ut indulgéntiam, quam semper optavérunt, piis supplicatióibus consequántur.

**A**CTIONES nostras, quæsumus Dómine, aspirádo præveni, et adjuvádo proséquere: ut cuncta nostra orátio, et operátio a te semper incípiat, et per te cœpta finiátur.

**O**MNIPOTENS sempitérne Deus, qui vivórum domináris símul et mortuórum, omniúmque miseréris, quos tuos fide et ópere futúros esse prænoúscis: te súpplices exorámus: ut pro quibus effúndere preces decrévimus, quosque vel præsens sæculum adhuc in carne rétinet, vel futúrum jam exútos córpore suscepit, intercedéntibus ómnibus Sanctis tuis, pietátis tuæ cleméntia, ómnium delictórum suórum véniam consequántur. Per Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sæcula sæculórum.

**R.** Amen.

**V.** Dóminus vobíscum. **R.** Et cum spíritu tuo.

**V.** Exáudiat nos omnipotens et miséricors Dóminus.

**R.** Amen.

**V.** Et Fidélium ánimæ per misericórdiam Dei requiéscant in pace. **R.** Amen.

## DE VISITATIONE ET CURA INFIRMORUM.

**P**AROCBUS in primis meminisse debet, non postremas esse muneris sui partes, ægotantium curam habere. Quare cum primum noverit, quempiam ex Fidelibus curæ suæ commissis ægotare, non expectabit ut ad eum vocetur, sed ultro ad illum accedat; idque non semel tantum, sed sæpius, quatenus opus fuerit; horteturque parochiales suos, ut ipsum admoneant, cum aliquem in Parochia sua ægotare contigerit, præcipue si morbus gravior fuerit.

Ad hoc juvabit, præsertim in amplis Parochiis, ægotorum notam, seu catalogum habere, ut cujusque statum et conditionem cognoscat, eorumque memoriam facilius retinere, et illis opportune subvenire possit.

Quod si Parochus legitime impeditus, infirmorum, ut quando plures sunt, visitationi interdum vacare non potest: id præstandum curabit per alios Sacerdotes, si quos habet in Parochia sua, aut saltem per laicos homines pios, et christiana charitate præditos.

Ægrotos visitans, ea, qua Sacerdotes Domini decet, honestate et gravitate se habeat, ut non ægris solum, sed sibi et domesticis verbo et exemplo prosit ad salutem.

Eorum vero præcipuam curam geret, qui humanis auxiliis destituti, benigni ac providi Pastoris charitatem et operam requirunt. Quibus si non potest ipse succurrere de suo et eleemosynas illis, prout debet, si facultas suppetit, erogare; quantum fieri potest, sive per charitatis, vel alterius nominis Confraternitatem, si in ea civitate, vel loco fuerit, sive per privatas, sive per publicas collectas et eleemosynas, illorum necessitatibus succurrendum curabit.

In primis autem spiritualem ægotantium curam suscipiat, omnemque diligentiam in eo ponat, ut in viam salutis eos dirigat, atque a diabolicis insidiis salutarium adjumentorum præsidio defendat, ac tueatur.

Accedat autem ad ægotum ita paratus, ut in promptu habeat argumenta ad persuadendum apta, ac præsertim Sanctorum exempla, quæ plurimum valent: quibus eum in Domino console-

tur, excitet, ac recreet. Horteturque, ut omnem spem suam in Deo ponat, peccatorum suorum pœniteat, divinam misericordiam imploret, et infirmitatis pœnas, tamquam paternam Dei visitationem, patienter ferat, et ad salutem suam provenisse credat, ut vitam, moresque suos melius instituat.

Deinde qua par est prudentia et charitate, hominẽ ad sacram confessionem inducat, et confitentem audiat, etiamsi velit totius vitæ peccata confiteri; ac si opus fuerit, tam infirmo, quam ejus familiaribus vel propinquis in memoriam revocet, quod Lateranensis Concilii, ac plurium Summorum Pontificum decretis caveatur sub gravibus pœnis, ne medici ultra tertiam vicem ægrotos visitent, nisi prius ipsis certo constet, illos Confessionis Sacramento rite expiatis fuisse.

Illud præterea diligenter servari curabit, ne quis pro corporali salute aliquid ægroto suadeat, vel adhibeat, quod in detrimentum animæ convertatur.

Ubi vero periculum immineat, Parochus monebit ægrotum, ne dæmonum astutia, neque medicorum pollicitationibus, neque propinquorum, aut amicorum blanditiis se ullo modo decipi sinat; quo minus ea, quæ ad animæ salutem pertinent, opportune procuret, et qua par est devotione et celeritate, sancta Sacramenta, dum sana mens est, integrique sensus, religiose suscipiat, citra fallacem illam, ac perniciosam procrastinationem, quæ plurimos ad æterna supplicia perduxit, in diesque, fallente diabolo, perducit.

Quod si æger aliquis hortationibus ac monitis Sacerdotum vel amicorum et domesticorum consiliis adduci non potest, ut velit peccata sua confiteri, tunc non omnino desperanda res est, sed quamdiu ille vivit, repetendæ sunt frequenter variæ et efficaces Sacerdotum, et aliorum piorum hominum exhortationes; proponendaque æternæ salutis damna, et sempiternæ mortis supplicia; ostendendaque immensa Dei misericordia, eum ad pœnitentiam provocantis, ad ignoscendum paratissimi. Adhibendæ sunt etiam tum privatæ, tum publicæ ad Deum preces, ad divinam gratiam impetrandam pro salute miseri decumbentis.

Videbit denique Sacerdos, quibus potissimum tentationibus, aut pravis opinionibus æger sit subjectus, eique, prout opus fuerit, apta remedia prudenter adhibebit.

Sacras imagines Christi Domini crucifixi, beatæ Mariæ virginis, et Sancti, quem æger præcipue veneratur, ob oculos ejus apponi curabit. Vasculum item adsit Aquæ benedictæ, qua frequenter aspergatur.

Proponet etiam ægrotanti, prout ejus conditio feret, aliquas Orationes, et pias mentis ad Deum excitationes: præsertim versiculos e Psalmorum libro, vel Orationem Dominicam, et salutationem Angelicam, Symbolum Fidei, vel Passionis Domini nostri meditationem, et Sanctorum martyria et exempla, ac cælestis gloriæ beatitudinem. Hæc tamen, opportune et discrete suggerantur, ne ægroto molestia, sed levamen afferatur.

Consoletur infirmum, dicens, se pro eo in Missæ sacrificio, et aliis precibus oraturum, curaturumque ut alii itidem pro eo faciant, idque re ipsa præstabit.

Si morbus gravior, vel cum periculo fuerit; ægroto suadeat, ut dum integra mente est, rem suam omnem recte constituat, et testamentum faciat; si quid habeat alienum, restituat, et ad remedium animæ suæ pro facultatibus, quod in Domino ei placuerit, disponat: sed hæc suggerendo, omnis avaritiæ nota caveatur.

Hortetur denique, ut si convaluerit, ante omnia ad Ecclesiam veniat, ubi Deo gratias agat de restituta valetudine, ut sacram Communionem pie suscipiat; ac deinceps meliorem vitæ disciplinam teneat.

Sequentes preces omnes, vel ex parte prout tempus, et ægrotorum conditio feret, pro arbitrio Sacerdotis dici, vel omitti possunt.

Sacerdos igitur infirmi cubiculum ingressus, primum dicat:

Ÿ. Pax huic dómui.

R. Et ómnibus habitántibus in ea.

Mox infirmum, et lectum ejus, et cubiculum aspergat Aqua benedicta, dicens Antiphonam: Aspérges, etc.

Deinde erga infirmum officium suum præstet, ut supra dictum est. Quo præstito, vel antequam discedat, dicere poterit supra infirmum aliquem Psalmum ex quatuor prioribus Pœnitentialibus, vel Psalmum Qui hábitat, etc. cum Glória Patri, in fine: postea dicat: Kyrie eléison, Christe eléison. Kyrie eléison. Pater noster.

- V. Et ne nos indúcas in tentatiónem.  
 R. Sed líbera nos a malo.  
 V. Salvum fac servum tuum.  
 R. Deus meus, sperántem in te.  
 V. Mitte ei, Dómine, auxiliúm de sancto.  
 R. Et de Sion tuére eum.  
 V. Nihil proficiat inimícus in eo.  
 R. Et filius iniquitátis non appónat nocére ei.  
 V. Esto ei, Dómine, turris fortitúdinis.  
 R. A fácie inimíci.  
 V. Dóminus opem ferat illi.  
 R. Super lectum dolóris ejus.  
 V. Dómine, exáudi oratiónem meam.  
 R. Et clamor meus ad te véniat.  
 V. Dóminus vobíscum.  
 R. Et cum spíritu tuo.

## ORÉMUS.

**D**EUS, cui próprium est miseréri semper et párcere, súscipe deprecatiónem nostram: ut nos, et hunc fámulum tuum, quos delictórum caténa constríngit, miserátio tuæ pietátis cleménter absólvat.

**D**EUS, infirmitátis humánæ singuláre præsidium, auxilií tui super infirmum fámulum tuum osténde virtútem: ut ope misericórdiæ tuæ adjútus, Ecclésiæ tuæ sanctæ incólumis repræsentári mereátur.

**C**ONCEDE hunc fámulum tuum, quæsumus Dómine Deus, perpétua mentis et córporis sanitáte gaudére: et gloriósa beátæ Mariæ semper vírginis intercessióne, a præsentí liberári tristítia, et æténa pérfrui lætítia. Per Christum Dóminum nostrum. **R.** Amen.

Benedictio Dei omnipoténtis, Patris **+**, et Fílii, et Spíritus sancti, descéndat super te, et máneat semper.

**R.** Amen.

Deinde aspergat eum Aqua benedicta.

Qui sequuntur Psalmi, et Evangelia, cum Precibus, pro temporis etiam opportunitate, et pro ægrotantium desiderio. Sacerdotis arbitrio dici poterunt. Psalm. 6. Dómine, ne in furóre tuo, etc. fol. 127. in fine Glória Patri.

**Ÿ.** Dóminus vobíscum. **R.** Et cum spírítu tuo.

**Ÿ.** Sequéntia sancti Evangélii secúndum Matthæum.

**R.** Glória tibi Dómine.

Dum Sacerdos dicit Sequéntia, etc. facit signum Crucis de more super se in fronte, ore, et in pectore, similiter super infirmum, si fuerit masculus, et si ob infirmitatem non potest se signare.

Si autem fuerit fœmina, dum Sacerdos se signat, illa per semetipsam in locis prædictis se signet, si potest: si vero non potest, alia mulier eam signet: et hoc idem in sequentibus Evangeliiis servetur.

### MATTH. 8.

**I**N illo tẽpore: Cum introísset Jesus Caphárnaum, accessit ad eum Centúrio, rogans eum, et dicens: Dómine, puer meus jacet in domo paralyticus, et male torquétur. Et ait illi Jesus: Ego véniam, et curábo eum. Et respóndens Centúrio, ait: Dómine, non sum dignus ut intres sub tectum meum; sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites: et dico huic: Vade, et vadit; et álii: Veni, et venit; et servo meo: Fac hoc, et facit. Audiens autem Jesus mirátus est, et sequéntibus se dixit: Amen dico vobis, non invéni tantam fidem in Israel. Dico autem vobis,

quod multi ab Oriénte, et Occidénte vénient, et recumbent cum Abraham, et Isaac, et Jacob in regno cælórum : filii autem regni ejiciéntur in ténebras exterióres ; ibi erit fletus, et stridor déntium. Et dixit Jesus Centurióni : Vade, et sicut credidísti, fiat tibi. Et sanátus est puer in illa hora.

## ORÉMUS.

**O**MNIPOTENS, sempitérne Deus, salus æténa crédentium, exáudi nos pro infirmo fámulo tuo **N.** pro quo misericórdiæ tuæ implorámus auxiliúm : ut réddita sibi sanitáte, gratiárum tibi in Ecclésia tua réferat actiónes. Per Christum Dóminum nostrum.

**R.** Amen.

## PSALMUS 15.

**C**ONSERVA, me, Dómine, quóniam sperávi in te. \*  
Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, \* mirificávit omnes voluntátes meas in eis.

Multiplicátæ sunt infirmitátes eórum : \* póstea acceleravérunt.

Non congregábo conventícula eórum de sanguínibus, \* nec memor ero nóminum eórum per lábia mea.

Dóminus pars hæreditátis meæ, et cálicis mei : \* tu es, qui restítues hæreditátem meam mihi.

Funes cecidérunt mihi in præcláris ; \* étenim hæreditas mea præclára est mihi.

Benedícam Dóminum, qui tríbuit mihi intellectum : \* însuper et usque ad noctem increpuérunt me renes mei.



Providébam Dóminum in conspéctu meo semper : \*  
quóniam a dextris est mihi, ne commóvear.

Propter hoc lætátum est cor meum, et exultávit  
lingua mea : \* însuper et caro mea requiészet in spe.

Quóniam non derelínques ánimam meam in inférno : \*  
nec dabis sanctum tuum vidére corruptiónem.

Notas mihi fecísti vias vitæ, adimplébis me lætítia  
cum vultu tuo : \* delectatiónes in dèxtera tua usque in  
finem.

Glória Patri, etc.

Ÿ. Dóminus vobíscum. R. Et cum spírítu tuo.

Ÿ. Sequéntia sancti Evangélii secúndum Marcum.

R. Glória tibi, Dómine.

### MARC. 16. c.

**I**N illo témpore : Recumbéntibus úndecim discípulis,  
appáruit illis Jesus, et exprobrávit incredulitátem  
eórum, et durítiam cordis ; quia iis, qui víderant eum  
resurrexisse, non credidérunt. Et díxit eis : Eúntes  
in mundum univérsum, prædicáte Evangélium omni  
creatúra. Qui crediderit, et baptizátus fúerit, salvus  
erit : qui vero non crediderit, condemnábitur. Signa  
autem eos, qui crediderint, hæc sequéntur : In nómine  
meo dæmónia ejíciant : linguis loquéntur novis : ser-  
péntes tollent : et si mortíferum quid bíberint, non eis  
nocébit : super ægros manus impónent, et bene habé-  
bunt.

### ORÉMUS.

**V**IRTUTUM cæléstium Deus, qui ab humánis cor-  
póribus omnem languórem, et omnem infirmitá-  
tem præcepti tui potestáte depéllis : adésto propítius  
huic fámulo tuo **N.**, ut fugátis infirmitátibus, et víribus

recéptis, Nomen sanctum tuum, instauráta prótinus sanitáte, benedícat. Per Christum Dóminum nostrum.

**R.** Amen.

**PSALMUS 19.**

**E**XAUDIAT te Dóminus in die tribulatiónis: \* prótegat te nomen Dei Jacob.

Mittat tibi auxiliúm de sancto: \* et de Sion tueátur te.

Memor sit omnis sacrificii tui: \* et holocáustum tuum pingue fiat.

Tribuat tibi secúndum cor tuum: \* et omne consílium tuum confirmet.

Lætábimur in salutári tuo: \* et in nómine Dei nostri magnificábimur.

Impleat Dóminus omnes petitiónes tuas: \* nunc cognóvi quóniam salvum fecit Dóminus Christum suum.

Exáudiet illum de cælo sancto suo: \* in potentátibus salus dexteræ ejus.

Hi in cúrribus, et hi in equis: \* nos autem in nómine Dómini Dei nostri invocábimus.

Ipsi obligáti sunt, et cecidérunt: \* nos autem surréximus, et erécti sumus.

Dómine, salvum fac regem: \* et exáudi nos in die qua invocavérimus te.

Glória Patri, etc.

**V.** Dóminus vobíscum. **R.** Et cum spíritu tuo.

**V.** Sequéntia sancti Evangélii secúndum Lucam.

**R.** Glória tibi, Dómine.

**LUC. 4. G.**

**I**N illo témpore: Surgens Jesus de synagóga, introívit in domum Simónis. Socrus autem Simónis

tenebátur magnis fébribus, et rogavérunt illum pro ea. Et stans super illam, imperávit febrí: et dimísit illam. Et contínuo surgens ministrábat illis. Cum autem sol occidísset, omnes qui habébant infirmos váriis languóribus, ducébant illos ad eum. At ille síngulis manus impónens, curábat eos.

## ORÉMUS.

**D**OMINE sancte, Pater omnípotens, ætérne Deus, qui fragilitátem humánæ conditiónis, infúsa virtútis tuæ dignatióne, confirmas, ut salutáribus remédiis pietátis tuæ córpora nostra et mentes vegeténtur: super hunc fámulum tuum propítius inténde; ut omni necessitáte corpóreæ infirmitátis exclúsa, grátia in eo prístinæ sanitátis perfécte reparétur. Per Christum Dóminum nostrum. **R.** Amen.

## PSALMUS 85.

**I**NCLINA, Dómine, áurem tuam, et exáudi me: \* quóniam inops et páuper sum ego.

Custódi ánimam meam, quóniam sanctus sum: \* salvum fac servum tuum, Deus meus, sperántem in te.

Miserére mei, Dómine, quóniam ad te clamávi. tota die: \* lætífica ánimam servi tui, quóniam ad te, Dómine, ánimam meam levávi.

Quóniam, tu, Dómine, suávis et mitis: \* et multæ misericórdiæ ómnibus invocántibus te.

Auribus pércipe, Dómine, oratióne meam: \* et inténde voci deprecatiónis meæ.

In die tribulatiónis meæ clamávi ad te: \* quia exaudísti me.

Non est símilis tui in diis, Dómine: \* et non est secúndum ópera tua.

Omnes gentes quascúmque fecísti, vénient, et adorábunt coram te, Dómine: \* et glori ficábunt nomen tuum.

Quóniam magnus es tu, et fáciens mirabília: \* tu es Deus solus.

Deduc me, Dómine, in via tua, et ingrédíar in veritate tua: \* lætétur cor meum ut tímeat nomen tuum.

Confitébor tibi, Dómine Deus meus, in toto corde meo, \* et glori ficábo nomen tuum in ætérnum.

Quia misericórdia tua magna est super me: \* et eruísti ánimam meam ex inférno inferióri.

Deus, iníqui insurrexérunt super me, et synagóga poténtium quæsiérunt ánimam meam: \* et non proposuérunt te in conspéctu suo.

Et tu, Dómine Deus miserátor et miséricors, \* pátiens, et multæ misericórdiæ, et verax.

Réspice in me, et miserére mei, \* da impérium tuum púero tuo: et salvum fac filium ancillæ tuæ.

Fac mecum signum in bonum, ut vídeant qui odérunt me, et confundántur: \* quóniam tu, Dómine, adjuvísti me, et consolátus es me. Glória Patri, etc.

**Ÿ.** Dóminus vobíscum. **R.** Et cum spíritu tuo.

**Ÿ.** Sequéntia sancti Evangélii secúndum Joánnem.

**R.** Glória tibi, Dómine.

#### JOAN. 5.

**I**N illo témpore: Erat dies festus Judæórum, et ascéndit Jesus Jerosólymam. Est autem Jerosólymis Probática piscína, quæ cognominátur hebráice Bethsáida, quinque pórticus habens. In his jacébat multitúdo magna languéntium, cœcórum, claudórum, aridórum expectántium aquæ motum. Angelus autem

Dómini descendébat secúndum tempus in piscínam : et movebátur aqua. Et qui prior descendisset in piscínam post motiónem aquæ, sanus fiébat a quacúmque detinebátur infirmitáte. Erat autem quidam homo ibi trigínta et octo annos habens in infirmitáte sua. Hunc cum vidisset Jesus jacéntem, et cognovisset quia jam multum tempus habéret, dicit ei : Vis sanus fieri? Respóndit ei lánguidus: Dómine, hóminem non hábeo, ut cum turbáta fúerit aqua, mittat me in piscínam: dum vénio enim ego, álius ante me descendit. Dicit ei Jesus: Surge, tolle grabátum tuum, et ámbula. Et statim sanus factus est homo ille: et sústulit grabátum suum, et ambulábat. Erat autem sábbatum in die illo. Dicébant ergo Judæi illi, qui sanátus fúerat: Sábbatum est, non licet tibi tóllere grabátum tuum. Respóndit eis: Qui me sanum fecit, ille mihi dixit: Tolle grabátum tuum, et ámbula. Interrogavérunt ergo eum: Quis est ille homo, qui dixit tibi: Tolle grabátum tuum, et ámbula? Is autem, qui sanus fúerat efféctus, nesciébat quis esset. Jesus enim declinávit a turba constitúta in loco. Póstea invénit eum Jesus in templo, et dixit illi: Ecce sanus factus es: jam noli peccáre, ne detérius tibi áliquid contíngat.

## ORÉMUS.

**R**ESPICE, Dómine, fámulum tuum in infirmitáte sui córporis laborántem, et ánimam réfove, quam creásti; ut castigatióibus emendátus, contínuo se sentiat tua medicína salvátum. Per Christum Dóminum nostrum. **R.** Amen.

## PSALMUS 90.

QUI hábitat in adjutório Altíssimi, \* in protectióne Dei cæli commorábitur.

Dicet Dómino: Suscéptor meus es tu, et refúgium meum: \* Deus meus, sperábo in eum.

Quóniam ipse liberávit me de láqueo venántium, \* et a verbo áspero.

Scápulis suis obumbrábit tibi: \* et sub pennis ejus sperábis.

Scuto circúmdabit te véritas ejus: \* non timébis a timóre noctúrno.

A sagítta volánte in die, a negótio perambulánte in ténebris: \* ab incúrsu, et dæmónio meridiáno.

Cadent a látere tuo mille, et decem mília a dextris tuis: \* ad te autem non appropinquábit.

Verúmtamen óculis tuis considerábis: \* et retributióne peccatórum vidébis.

Quóniam tu es, Dómine, spes mea: \* Altíssimum posuísti refúgium tuum.

Non accédet ad te malum: \* et flagéllum non appropinquábit tabernáculo tuo.

Quóniam ángelis suis mandávit de te: \* ut custódiant te in ómnibus viis tuis.

In mánibus portábunt te: \* ne forte offéndas ad lápidem pedem tuum.

Super áspidem et basilíscum ambulábis: \* et conculcábis leónem et draconem.

Quóniam in me sperávit, liberábo eum: \* prótegam eum, quóniam cognóvit nomen meum.

Clamábit ad me, et ego exáudiam eum: \* cum ipso sum in tribulatióne, erípiam eum et glorificábo eum.

Longitúdine diérum replébo eum : \* et osténdam illi salutáre meum.

Glória Patri, et Fílio, et Spirítui sancto.

Sicut erat in princípío, et nunc, et semper, et in sæcula sæculórum. Amen.

#### ORÉMUS.

**O**MNIPOTENS sempitérne Deus, infirmitátem fámulí tui propítius respice : atque ad protegéndum eum dexteram tuæ majestátis exténde. Per Christum Dóminum nostrum.

**R.** Amen.

Completa Oratione ultima, Sacerdos imponat dexteram manum super caput infirmí, et dicat :

Super ægros manus impónent, et bene habébunt. Jesus Mariæ Fílio, mundi salus, et Dóminus, méritis et intercessióne sanctórum Apostolórum suórum Petri et Páuli, et ómnium Sanctórum, sit tibi clemens et propítius. Amen.

Postea dicat **Ÿ.** Dóminus vobíscum. **R.** Et cum spírítu tuo.

**Ÿ.** Inítium sancti Evangélii secúndum Joánnem.

**R.** Glória tibi, Dómine.

#### JOANN. 1.

**I**N princípío erat Verbum, et Verbum erat apud Deum, et Deus erat Verbum. Hoc erat in princípío apud Deum. Omnia per ipsum facta sunt : et sine ipso factum est nihil, quod factum est. In ipso vita erat, et vita erat lux hóminum : et lux in ténebris lucet, et ténebræ eam non comprehendérunt. Fuit homo missus a Deo, cui nomen erat Joánnes. Hic venit in testimónium, ut testimónium perhiberet de lúmíne, ut

omnes créderent per illum. Non erat ille lux, sed ut testimónium perhibéret de lúmine. Erat lux vera, quæ illúminat omnem hóminem veniéntem in hunc mundum. In mundo erat, et mundus per ipsum factus est, et mundus eum non cognóvit. In propria venit, et sui eum non recepérunt: quotquot autem recepérunt eum, dedit eis potestátem filios Dei fieri, his, qui credunt in nómine ejus: qui non ex sanguínibus, neque ex voluntáte carnis, neque ex voluntáte viri, sed ex Deo nati sunt. Et VERBUM CARO FACTUM EST, et habitávit in nobis, et vídimus glóriam ejus, glóriam quasi unigéniti a patre, plenum grátiae, et veritátis.

**R.** Deo grátias.

**Postea benedicens infirmum subjungat, dicens.** Benedíctio Dei omnipoténtis, Patris ✠, et Fílii, et Spíritus sancti, descéndat super te, et máneat semper.

**R.** Amen.

**Deinde aspergat eum Aqua benedicta.**

**Si fuerint plures infirmi in eodem cubiculo, vel loco, Preces et Orationes prædictæ dicuntur super eos in numero plurali. Quæ omnia etiam poterunt, arbitrio Sacerdotis, breviora fieri.**



## MODUS JUVANDI MORIENTES.

**I**NGRAVESCENTE morbo, Parochus infirmum frequentius visitabit, et ad salutem diligenter juvare non desinet, monebitque instante periculo se confestim vocari, ut in tempore præsto sit morienti, sumptoque sanctissimo Viatico, et sacra Uctione adhibita, si periculum immineat, statim commendationis animæ officium præstabit, de quo infra. Sed si tempus suppetat, sequentia pietatis officia præstare poterit, si ita expedire judicaverit, pro conditione personæ.

Ac primo, si ægrotus Indulgentiam legitima auctoritate concessam consequi possit, eam illi reducat ad mentem, proponatque, quid ad eam consequendam agi debeat: præsertim, ut contrito corde sanctissimum nomen JESU semel, vel sæpius invocet.

Deinde hortetur infirmum, et excitet, ut dum mente viget, eliciat actus fidei, spei, et charitatis, aliarumque virtutum, nempe :

Ut firmiter credat omnes articulos Fidei, et quidquid Sancta Romana Ecclesia Catholica et Apostolica credit, et docet.

Ut speret, Christum Dominum nostrum pro sua immensa clementia sibi fore propitium; et merito ejus sanctissimæ Passionis, et per intercessionem B. Mariæ, et omnium Sanctorum, se vitam æternam consecuturum.

Ut toto corde diligit, et maxime diligere cupiat Dominum Deum ea dilectione, qua illum diligunt Beati, Sanctique omnes.

Ut ob amorem Dei doleat ex corde de omni offensa qualitercumque contra Deum, et proximum commissa.

Ut ex corde ob amorem Dei parcat omnibus, qui sibi quoquo modo fuerint molesti, aut inimici.

Ut ab iis veniam postulet, quos aliquando dictis, aut factis offendit.

Ut quem patitur dolorem et morbi molestiam, propter Deum in pœnitentiam peccatorum suorum patienter toleret.

Ut si Dominus sibi salutem corporis præstare dignabitur, proponat de cetero pro viribus suis a peccatis cavere, et ejus mandata servare.

**Hortetur præterea, ut eo modo quo potest saltem ex corde ita per intervalla precetur :**

Miserére mei, Deus, secúndum magnam misericórdiam tuam.

In te, Dómine, sperávi, non confúndar in ætérnum.

In manus tuas, Dómine, comméndo spíritum meum, redemísti me, Dómine, Deus veritátis.

Deus, in adjutórium meum inténde: Dómine, ad adjuvándum me festína.

Esto mihi, Dómine, in Deum protectórem.

Deus, propítius esto mihi peccatóri.

Dulcíssime Dómine Jesu Christe, per virtútem sanctíssimæ Passiónis tuæ, récipe me in númerum electórum tuórum.

Dómine Jesu Christe, súscipe spíritum meum.

María mater grátia, mater misericórdia, tu me ab hoste prótege, et hora mortis súscipe.

Sancte Angele Dei, mihi custos assiste.

Omnes Sancti Angeli, et omnes Sancti intercédite pro me, et mihi succúrrite.

Hæc, et his similia poterit prudens Sacerdos vulgari, vel latino sermone, pro personæ captu, morienti suggerere.

Deinde sequentes preces quanta poterit majori devotione dicat, admoneatque domesticos, et circumstantes, ut simul orent pro moriente.

## ORDO

### COMMENDATIONIS ANIMÆ.

**P**ARROCHUS ad decedentis animæ commendationem accedens, Clericum saltem unum, si potest, secum habeat, qui deferat vasculum Aquæ benedictæ, superpelliceum, et stolam violaceam, quibus ipse Sacerdos ante infirmi cubiculum indutus, locum ingrediens, dicat: Pax huic dómui, et ómnibus habitántibus in ea. Deinde aspergat ægrotum, lectum, et circumstantes Aqua benedicta, dicens: Aspérges me, Dómine, hysópo, et mundábor, etc.

Postea Salvatoris nostri Crucifixi imaginem ægrotosculandam præbeat, verbis efficacibus eum ad spem æternæ salutis erigens, ipsamque imaginem coram eoponat, ut illam aspiciens, salutis suæ spem sumat.

Deinde accensa candela, genibus flexis cum omnibus circumstantibus breves Litanias devote recitet, in hunc modum :

**K**YRIE eléison.  
Christe eléison.

Kyrie eléison.

Sancta María,

Ora pro eo.

Omnes Sancti Angeli, et Archángeli,

oráte pro eo.

Sancte Abel,

ora.

Omnis chorus Justórum,

oráte.

Sancte Abraham,

ora.

Sancte Joánnes Baptísta,

ora.

Sancte Joseph,

ora.

Omnes Sancti Patriárchæ, et Prophétæ,	oráte pro eo.
Sancte Petre,	ora.
Sancte Páule,	ora.
Sancte Andréa,	ora.
Sancte Joáannes,	ora.
Omnes Sancti Apóstoli, et Evangelístæ,	oráte.
Omnes Sancti Discípuli Dómini,	oráte.
Omnes Sancti Innocéntes,	oráte.
Sancte Stéphane,	ora.
Sancte Lauréti,	ora.
Omnes Sancti Mártyres,	oráte.
Sancte Sylvéster,	ora.
Sancte Gregóri,	ora.
Sancte Augustíne,	ora.
Omnes Sancti Pontífices, et Confessóres,	oráte.
Sancte Benedicte,	ora.
Sancte Francísce,	ora.
Omnes Sancti Mónachi, et Eremítæ,	oráte.
Sancta María Magdaléna,	ora.
Sancta Lúcia,	ora.
Omnes Sanctæ Vírgines, et Víduæ,	oráte.
Omnes Sancti, et Sanctæ Dei,	Intercédite pro eo.
Propítius esto,	Parce ei, Dómine.
Propítius esto,	Líbera eum, Dómine.
Propítius esto,	líbera.
Ab ira tua,	líbera.
A perículo mortis,	líbera.
A mala morte,	líbera.
A pœnis inférni,	líbera.
Ab omni malo,	líbera.
A potestáte diaboli,	líbera.
Per Nativitátem tuam,	líbera.

Per Crucem, et Passiõnem tuam,      libera eum, Dómine.  
 Per Mortem, et Sepultúram tuam,      libera.  
 Per gloriósam Resurrectiõnem tuam,      libera.  
 Per admirábilem Ascensiõnem tuam,      libera.  
 Per grátiam Spíritus sancti Parácliti,      libera.  
 In die Judícii,      libera eum, Dómine.  
 Peccatóres,      Te rogámus áudi nos.  
 Ut ei parcas,      Te rogámus áudi nos.  
 Kyrie eléison.    Christe eléison.    Kyrie eléison.

Deinde cum in agone sui exitus anima anxietur,  
 dicantur sequentes Orationes:

## ORATIO.

**P**ROFICISCERE, ánima Christiána, de hoc mundo,  
 in nómine Dei Patris omnipoténtis, qui te creávit:  
 in nómine Jesu Christi Fílii Dei vivi, qui pro te passus  
 est: in nómine Spíritus sancti, qui in te effúsus est: in  
 nómine Angelórum et Archangelórum: in nómine  
 Thronórum et Dominatiónum: in nómine Principá-  
 tum et Potestátum: in nómine Chérubim et Séra-  
 phim: in nómine Patriarchárum et Prophetárum: in  
 nómine Sanctórum Apostolórum et Evangelistárum:  
 in nómine Sanctórum Mártyrum et Confessórum: in  
 nómine Sanctórum Monachórum et Eremitárum: in  
 nómine Sanctárum Vírginum, et ómnium Sanctórum  
 et Sanctárum Dei. Hódie sit in pace locus tuus, et  
 habitatio tua in sancta Sion. Per eúmdem Christum  
 Dóminum nostrum. **R.** Amen.

## ORATIO.

**D**EUS miséricors, Deus clemens, Deus, qui secúndum  
 multitudinem miseratiónum tuárum peccáta pœ-  
 niténtium deles, et præteritórum críminum culpas

vénia remissionis évacuas : réspice propítius super hunc fámulum tuum **N.**, et remissionem ómnium peccatórum suórum tota cordis confessióne poscéntem deprecátus exáudi. Rénova in eo, piíssime Pater, quidquid terréna fragilitáte corrúptum, vel quidquid diabólica fráude violátum est : et unitáti córporis Ecclésiæ membrum redemptionis annécte. Miserére, Dómine, gemítuum, miserére lacrymárum ejus : et non habéntem fidúciam, nisi in tua misericórdia, ad tuæ sacraméntum reconciliatiónis admítte. Per Christum Dóminum nostrum. **R.** Amen.

**C**OMMENDO te omnipoténti Deo, charíssime frater, et ei, cujus es creatúra, commítto : ut cum humanitátis débitum morte interveniénte persólveris, ad Auctórem tuum, qui te de limo terræ formáverat, revertáris. Egrediénti itaque ánimæ tuæ de córpore, spléndidus Angelórum cœtus occúrrat : judex Apostolórum tibi senátus advéniat : candidatórum tibi Mártyrum triumphátor exercitus óbviet : liliáta rutilántium te Confessórum turba circúmdet : jubilántium te Vírginum chorus excípiat, et beátæ quiétis in sinu Patriarchárum te compléxus astríngat : mitis, atque festívus Christi Jesu tibi aspéctus appáreat, qui te inter assisténtes sibi júgiter interésse decérnat. Ignóres omne quod horret in ténebris, quod stridet in flammis, quod crúciat in torméntis. Cedat tibi tetérrimus Sátanas cum satellítibus suis : in advéntu tuo te comitántibus Angelis contremíscat, atque in ætérnæ noctis chaos immáne effúgiat. Exúrgat Deus, et dissipéntur inimíci ejus ; et fúgiant qui odérunt eum, a fácie ejus. Sicut déficit fumus, deficient : sicut fluit cera a fácie ignis, sic péreant peccatóres a fácie Dei : et justí epuléntur,

et exúltent in conspéctu Dei. Confundántur ígitur, et erubéscant omnes tartáreæ legiões, et ministri Sátanæ iter tuum impedire non áudeant. Líberet te a cruciátu Christus, qui pro te crucifixus est. Líberet te ab ætérna morte Christus, qui pro te mori dignátus est. Constítuat te Christus Fílius Dei vivi intra Paradísi sui semper amœna viréntia, et inter oves suas te verus ille Pastor agnóscat. Ille ab ómnibus peccátis tuis te absólvat; atque ad déxteram suam in electórum suórum te sorte constítuat. Redemptórem tuum fácie ad fáciem vídeas, et præsens semper assístens, manifestíssimam beátis óculis aspícias veritátem. Constitútus ígitur inter ágmina beatórum, contemplatiónis divínæ dulcédine potiáris in sæcula sæculórum. *R.* Amen.

## ORATIO.

**S**USCIPE, Dómine, servum tuum in locum sperándæ sibi salvatiónis a misericórdia tua. *R.* Amen.

Líbera, Dómine, ánimam servi tui ex ómnibus perículis inférni, et de láqueis pœnárum, et ex ómnibus tribulatió nibus. *R.* Amen.

Líbera, Dómine, ánimam servi tui, sicut liberásti Hénoc et Elíam de commúni morte mundi. *R.* Amen.

Líbera, Dómine, ánimam servi tui, sicut liberásti Noë de dilúvio. *R.* Amen.

Líbera, Dómine, ánimam servi tui, sicut liberásti Abraham de Ur Chaldæórum. *R.* Amen.

Líbera, Dómine, ánimam servi tui, sicut liberásti Job de passió nibus suis. *R.* Amen.

Líbera, Dómine, ánimam servi tui, sicut liberásti Isaac de hóstia, et de manu patris sui Abrahæ.

*R.* Amen.

Líbera, Dómine, ánimam servi tui, sicut liberásti Lot de Sódomis, et de flamma ignis.

*R.* Amen.

Líbera, Dómine, ánimam servi tui, sicut liberásti Móysen de manu Pharaónis regis Ægyptiórum.

*R.* Amen.

Líbera, Dómine, ánimam servi tui, sicut liberásti Daniélem de lacu leónum. *R.* Amen.

Líbera, Dómine, ánimam servi tui, sicut liberásti tres púeros de camíno ignis ardéntis, et de manu regis iníqui. *R.* Amen.

Líbera, Dómine, ánimam servi tui, sicut liberásti Susánnam de falso crímine. *R.* Amen.

Líbera, Dómine, ánimam servi tui, sicut liberásti David de manu regis Saul, et de manu Golíæ.

*R.* Amen.

Líbera, Dómine, ánimam servi tui, sicut liberásti Petrum, et Páulum de carcéribus. *R.* Amen.

Et sicut beatíssimam Theclam Víriginem et Mártirem tuam de tribus atrocíssimis torméntis liberásti, sic liberáre dignéris ánimam hujus servi tui, et tecum fácias in bonis congaudére cæléstibus. *R.* Amen.

#### ORATIO.

COMMENDAMUS tibi, Dómine, ánimam fámuli tui **C** N., precamúrque te, Dómine Jesu Christe Salvátor mundi, ut propter quam ad terram misericórditer descendísti, Patriarchárum tuórum sínibus insinuáre non rénuas. Agnósce, Dómine, creatúram tuam, non a diis aliénis creatam, sed a te solo Deo vivo et vero; quia non est álius Deus præter te, et non est secúndum ópera tua. Lætífica, Dómine, ánimam ejus in conspéctu



tuo, et ne memíneris iniquitátum ejus antiquárum, et ebrietátum, quas suscitávit furor, sive fervor mali desiderii. Licet enim peccáverit, tamen Patrem, et Fílium, et Spíritum sanctum non negávit, sed crédidit, et zelum Dei in se hábuit, et Deum, qui fecit ómnia, fidéliter adorávit.

## ORATIO.

**D**ELICTA juventútis, et ignorántias ejus, quæsumus ne memíneris, Dómine: sed secúndum magnam misericórdiam tuam memor esto illíus in glória claritátis tuæ. Aperiántur ei cæli, collæténtur illi Angeli. In regnum tuum, Dómine, servum tuum súscipe. Suscípiat eum sanctus Míchael Archángelus Dei, qui militiæ cælestis méruit principátum. Véniant illi óbviám sancti Angeli Dei, et perdúcant eum in civitátem cælestem Jerúsalem. Suscípiat eum beátus Petrus Apóstolus, cui a Deo claves regni cælestis tráditæ sunt. Adjuvet eum sanctus Páulus Apóstolus, qui dignus fuit esse vas electiónis. Intercédant pro eo sanctus Joánnes eléctus Dei Apóstolus, cui reveláta sunt secréta cælestia. Orent pro eo omnes Sancti Apóstoli, quibus a Dómino data est potéstas ligándi, atque solvéndi. Intercédant pro eo omnes Sancti et Elécti Dei, qui pro Christi nómine torménta in hoc sæculo sustinuérunt: ut vínculis carnis exútu, pervenire mereátur ad glóriam regni cælestis, præstánte Dómino nostro Jesu Christo: Qui cum Patre et Spíritu sancto vivit et regnat in sæcula sæculórum.

*R.* Amen.

Si vero diutius laboret anima, poterit legi super eum hoc Evangelium S. Joannis.

## JOANN. 17.

**S**UBLEVATIS óculis in cælum Jesus, dixit: Pater, venit hora, clarifica Fílium tuum, ut Fílius tuus claríficet te: sicut dedísti ei potestátem omnis carnis, ut omne, quod dedísti ei, det eis vitam ætérnam. Hæc est autem vita ætérna: ut cognóscant te solum Deum verum, et quem misísti Jesum Christum. Ego te clarificávi super terram: opus consummávi, quod dedísti mihi ut fáciam: et nunc clarifica me tu, Pater, apud temetípsum, claritáte, quam hábui prius quam mundus esset, apud te. Manifestávi nomen tuum homínibus, quos dedísti mihi de mundo. Tui erant, et mihi eos dedísti: et sermónem tuum servavérunt. Nunc cognovérunt quia ómnia, quæ dedísti mihi, abs te sunt: quia verba, quæ dedísti mihi, dedi eis: et ipsi accepérunt, et cognovérunt vere quia a te exívi, et credidérunt, quia tu me misísti. Ego pro eis rogo: non pro mundo rogo, sed pro his, quos dedísti mihi: quia tui sunt: et mea ómnia tua sunt, et tua mea sunt: et clarificátus sum in eis. Et jam non sum in mundo, et hi in mundo sunt, et ego ad te vénio. Pater sancte, serva eos in nómine tuo, quos dedísti mihi: ut sint unum, sicut et nos. Cum essem cum eis, ego servábam eos in nómine tuo. Quos dedísti mihi, custodívi: et nemo ex eis périit, nisi filius perditionis, ut Scriptúra impleátur. Nunc autem ad te vénio: et hæc loquor in mundo, ut hábeant gáudium meum implétum in semetípsis. Ego dedi eis sermónem tuum, et mundus eos ódio hábuit, quia non sunt de mundo, sicut et ego non sum de mundo. Non rogo ut tollas eos de mundo, sed ut serves eos a malo. De mundo non sunt, sicut et ego non sum de mundo. Sanctífica eos in veritáte.

Sermo tuus veritas est. Sicut tu me misisti in mundum, et ego misi eos in mundum. Et pro eis ego sanctifico meipsum: ut sint et ipsi sanctificati in veritate. Non pro eis autem rogo tantum, sed et pro eis, qui credituri sunt per verbum eorum in me: ut omnes unum sint, sicut tu, Pater, in me, et ego in te, ut et ipsi in nobis unum sint: ut credat mundus, quia tu me misisti. Et ego claritatem, quam dedisti mihi, dedi eis: ut sint unum, sicut et nos unum sumus. Ego in eis, et tu in me: ut sint consummati in unum: et cognoscat mundus quia tu me misisti, et dilexisti eos, sicut et me dilexisti. Pater, quos dedisti mihi, volo ut ubi sum ego, et illi sint mecum: ut videant claritatem meam, quam dedisti mihi: quia dilexisti me ante constitutionem mundi. Pater juste, mundus te non cognovit, ego autem te cognovi: et hi cognoverunt, quia tu me misisti. Et notum feci eis nomen tuum, et notum faciam: ut dilectio, qua dilexisti me, in ipsis sit, et ego in ipsis.

Passio Domini nostri Jesu Christi secundum

Joannem.

JOANN. 18.

**I**N illo tempore: Egressus est Jesus cum discipulis suis trans torrentem Cedron, ubi erat hortus, in quem introivit ipse, et discipuli ejus. Sciebat autem et Judas, qui tradebat eum, locum: quia frequenter Jesus convenerat illuc cum discipulis suis. Judas ergo cum accepisset cohortem, et a Pontificibus, et Pharisæis ministros, venit illuc cum laternis, et facibus, et armis. Jesus itaque sciens omnia, quæ ventura erant super eum, processit, et dixit eis: Quem queritis? Responderunt ei: Jesum Nazarenum. Dicit eis Jesus:

Ego sum. Stabat autem et Judas, qui tradébat eum, cum ipsis. Ut ergo dixit eis: Ego sum; abiérunt retrórsum, et cecidérunt in terram. Iterum ergo interrogávit eos: Quem quæritis? Illi autem dixerunt: Jesum Nazarénum. Respóndit Jesus: Dixi vobis, quia ego sum: si ergo me quæritis, sínite hos abíre. Ut implerétur sermo, quem dixit: Quia quos dedísti mihi, non pérdidi ex eis quemquam. Simon ergo Petrus habens gládium edúxit eum: et percússit pontíficis servum, et abscídit aurículam ejus dexteram. Erat autem nomen servo Malchus. Dixit ergo Jesus Petro: Mitte gládium tuum in vagínam. Cálicem, quem dedit mihi Pater, non bibam illum? Cohors ergo, et tribúnus, et minístri Judæórum comprehendérunt Jesum, et ligavérunt eum: et adduxérunt eum ad Annam primum; erat enim socer Cáiphæ, qui erat pón-tifex anni illíus. Erat autem Cáiphas, qui consílium déderat Judæis: Quia éxpedit unum hóminem mori pro pópulo. Sequebátur autem Jesum Simon Petrus, et álius discípus. Discípus autem ille erat notus pontífici, et introívit cum Jesu in átrium pontíficis. Petrus autem stabat ad óstium foris. Exívit ergo discípus álius, qui erat notus pontífici, et dixit ostiáriæ: et introdúxit Petrum. Dicit ergo Petro ancílla ostiária: Numquid et tu ex discípulis es hóminis istíus? Dicit ille: Non sum. Stabant autem servi et minístri ad prunas, quia frigus erat, et calefaciébant se. Erat autem cum eis et Petrus stans, et calefaciens se. Pón-tifex ergo interrogávit Jesum de discípulis-suis, et de doctrína ejus. Respóndit ei Jesus: Ego palam locú-tus sum mundo: ego semper dócui in Synagóga, et in templo, quo omnes Judæi convéniunt: et in occúlto

locútus sum nihil. Quid me intérogas? intéroga eos, qui audiérunt quid locútus sim ipsis: ecce hi sciunt quæ dixerim ego. Hæc autem cum dixisset, unus assistens ministrórum dedit álapam Jesu, dicens: Sic respóndes pontífici? Respóndit ei Jesus: Si male locútus sum, testimónium pérhibe de malo: si autem bene, quid me cædis? Et misit eum Annas ligátum ad Cáipham pontíficem. Erat autem Simon Petrus stans, et calefáciens se. Dixérunt ergo ei: Numquid et tu ex discípulis ejus es? Negávit ille, et dixit: Non sum. Dicit ei unus ex servis pontíficis cognátus ejus, cujus absceidit Petrus aurículam: Nonne ego te vidi in horto cum illo? Iterum ergo negávit Petrus: et statim gallus cantávit. Addúcunt ergo Jesum a Cáipha in prætórium. Erat autem mane: et ipsi non introiérunt in prætórium, ut non contaminaréntur, sed ut manducárent Pascha. Exívit ergo Pilátus ad eos foras, et dixit: Quam accusatiónem affértis advérsus hóminem hunc? Respóndérunt, et dixérunt ei: Si non esset hic malefáctor, non tibi tradidissémus eum. Dixit ergo eis Pilátus: Accípite eum vos, et secúndum legem vestram judicáte eum. Dixérunt ergo ei Judæi: Nobis non licet interficere quemquam. Ut sermo Jesu implerétur, quem dixit, significans qua morte esset moritúrus. Introívit ergo íterum in prætórium Pilátus, et vocávit Jesum, et dixit ei: Tu es rex Judæórum? Respóndit Jesus: A temetípso hoc dicis, an álii dixérunt tibi de me? Respóndit Pilátus: Numquid ego Judæus sum? Gens tua, et pontífices tradidérunt te mihi: quid fecísti? Respóndit Jesus: Regnum meum non est de hoc mundo: si ex hoc mundo esset regnum meum, ministri mei útique decertárent ut non tráderer

Judæis: nunc autem regnum meum non est hinc. Dixit itaque ei Pilátus: Ergo rex es tu? Respóndit Jesus: Tu dicis quia rex sum ego. Ego in hoc natus sum, et ad hoc veni in mundum, ut testimónium perhibeam veritati: omnis, qui est ex veritate, áudit vocem meam. Dicit ei Pilátus: Quid est veritas? Et cum hoc dixisset, iterum exívit ad Judæos, et dicit eis: Ego nullam invénio in eo cáusam. Est autem consuetúdo vobis, ut unum dimíttam vobis in Pascha: vultis ergo dimíttam vobis regem Judæórum? Clamavérunt ergo rursus omnes, dicéntes: Non hunc, sed Barábbam. Erat autem Barábbas latro. Tunc ergo apprehéndit Pilátus Jesum, et flagellávit. Et mílites plecténtes corónam de spinis, imposuérunt cápiti ejus: et veste purpúrea circumdedérunt eum. Et veniébant ad eum, et dicébant: Ave rex Judæórum: et dabant ei álapas. Exívit ergo iterum Pilátus foras, et dicit eis: Ecce addúco vobis eum foras, ut cognoscátis quia nullam invénio in eo cáusam. (Exívit ergo Jesus portans corónam spíneam, et purpúreum vestiméntum.) Et dicit eis: Ecce homo. Cum ergo vidíssent eum pontífices, et mínistri, clamábant, dicéntes: Crucifige, crucifige eum. Dicit eis Pilátus: Accípite eum vos, et crucifigite: ego enim non invénio in eo cáusam. Respóndérunt ei Judæi: Nos legem habémus, et secúndum legem debet mori, quia filium Dei se fecit. Cum ergo audíssent Pilátus hunc sermónem, magis tímuit. Et ingrèssus est prætórium iterum: et dixit ad Jesum: Unde es tu? Jesus autem respónsum non dedit ei. Dicit ergo ei Pilátus: Mihi non lóqueris? nescis quia potestátem hábeo crucifigere te, et potestátem hábeo dimíttere te? Respóndit Jesus: Non habéres potestá-

tem adversum me ullam, nisi tibi datum esset desuper. Propterea qui me tradidit tibi, majus peccatum habet. Et exinde querebat Pilatus dimittere eum. Judaei autem clamabant, dicentes: Si hunc dimittis, non es amicus Caesaris: omnis enim qui se regem facit, contradicit Caesari. Pilatus autem cum audisset hos sermones, adduxit foras Jesum: et sedit pro tribunali in loco, qui dicitur Lithostrotos, hebraice autem Gabatha. Erat autem Parascève Paschæ, hora quasi sexta, et dicit Judæis: Ecce rex vester. Illi autem clamabant: Tolle, tolle, crucifige eum. Dicit eis Pilatus: Regem vestrum crucifigam? Responderunt pontifices: Non habemus regem, nisi Cæsarem. Tunc ergo tradidit eis illum ut crucifigeretur. Susceperunt autem Jesum, et eduxerunt. Et bajulans sibi crucem, exivit in eum, qui dicitur Calvariæ, locum, hebraice autem Gólgotha: ubi crucifixerunt eum, et cum eo alios duos, hinc et hinc, médium autem Jesum. Scripsit autem et titulum Pilatus: et posuit super crucem. Erat autem scriptum: Jesus Nazarenus, Rex Judæorum. Hunc ergo titulum multi Judæorum legerunt; quia prope civitatem erat locus, ubi crucifixus est Jesus: et erat scriptum hebraice, græce, et latine. Dicebant ergo Pilato pontifices Judæorum: Noli scribere, Rex Judæorum: sed quia ipse dixit: Rex sum Judæorum. Respondit Pilatus: Quod scripsi, scripsi. Milites ergo cum crucifixissent eum, acceperunt vestimenta ejus (et fecerunt quatuor partes, unicuique militi partem) et tunicam. Erat autem tunica inconsutilis, desuper contexta per totum. Dixerunt ergo ad invicem: Non scindamus eam, sed sortiámur de illa cujus sit. Ut Scriptúra impleretur, dicens:

Partiti sunt vestiménta mea sibi : et in vestem meam miserunt sortem. Et mílites quidem hæc fecerunt. Stabant autem juxta crucem Jesu mater ejus, et soror matris ejus María Cléophe, et María Magdaléne. Cum vidisset ergo Jesus matrem, et discipulum stantem, quem diligébat, dicit matri suæ: Múlier, ecce filius tuus. Deínde dicit discipulo: Ecce mater tua. Et ex illa hora accépit eam discipulus in sua. Póstea sciens Jesus quia ómnia consummáta sunt, ut consummarétur Scriptúra, dixit: Sítio. Vas ergo érat pósito acéto plenum. Illi autem spóngiam plenam acéto, hyssópo circumponéntes, obtulérunt ori ejus. Cum ergo accepisset Jesus acétum, dixit: Consummátum est. Et inclináto cápite trádidit spíritum. Judæi ergo (quóniam Parascéve erat), ut non remanérent in cruce córpora Sábbato (erat enim magnus dies ille Sábbati), rogavérunt Pilátum ut frangeréntur eórum crura, et tolleréntur. Venérunt ergo mílites: et primi quidem fregérunt crura, et altérius, qui crucifixus est cum eo. Ad Jesum autem cum veníssent, ut vidérunt eum jam mórtuum, non fregérunt ejus crura: sed unus mílitum láncea latus ejus apéruit, et contínuo exívit sanguis et aqua. Et qui vidit, testimónium perhíbuit: et verum est testimónium ejus. Et ille scit quia vera dicit: ut et vos credátis. Facta sunt enim hæc, ut Scriptúra implerétur: Os non comminuétis ex eo. Et íterum alia Scriptúra dicit: Vidébunt in quem transfixérunt. Post hæc autem rogávit Pilátum Joseph ab Arimathæa (eo quod esset discipulus Jesu, occúltus autem propter metum Judæórum), ut tólleret corpus Jesu. Et permísit Pilátus. Venit ergo, et tulit corpus Jesu. Venit autem et Nicodémus, qui vénerat ad Jesum nocte pri-



num, ferens mixturam myrrhæ, et áloes, quasi libras centum. Accepérunt ergo corpus Jesu, et ligavérunt illud línteis cum aromátibus, sicut mos est Judæis sepe- líre. Erat autem in loco, ubi crucifixus est, hortus; et in horto monuméntum novum, in quo nondum quisquam pósito erat. Ibi ergo propter Parascéven Judæórum, quia juxta erat monuméntum, posuérunt Jesum.

Oratio ad Dominum Jesum Christum de singulis articulis Passionis ejus, dicenda a moriente, vel ab alio pro eo.

Ÿ. Adorámus te, Christe, et benedícimus tibi.

R. Quia per sanctam crucem tuam redemísti mundum.

**D**EUS, qui pro redemptione mundi voluísti nasci, circumcídí, a Judæis reprobári, a Juda tradítore ósculo tradi, vínculis alligári, sicut agnus innocens ad víctimam duci, atque conspéctibus Annæ, Cáiphæ, Piláti, et Heródis indecénter offérri, a falsis téstibus accusári, flagéllis et oppróbriis vexári, sputis cónspui, spinis coronári, cólaphis cædi, arúndine pércuti, fácie velári, véstibus éxui, cruci clavis affigi, in cruce levári, inter latrónes deputári, felle et acéto potári, et lancea vulnerári. Tu, Dómine, per has sanctíssimas pœnas tuas, quas ego indignus récolo, et per sanctam crucem et mortem tuam, libera me, ( *vel, si alius dicit pro eo, libera fámulum tuum N.* ) a pœnis inférni, et perdúcere dignéris, quo perduxísti latrónem tecum crucifixum. Qui cum Patre et Spírítu sancto vivis et regnas in sæcula sæculórum. Amen.

Dici præterea possunt sequentes Psalmi.

## PSALMUS 117.

**C**ONFITEMINI Dómino quóniam bonus: \* quóniam in sæculum misericórdia ejus.

Dicat nunc Israel quóniam bonus: \* quóniam in sæculum misericórdia ejus.

Dicat nunc domus Aaron: \* quóniam in sæculum misericórdia ejus.

Dicant nunc qui timent Dóminum: \* quóniam in sæculum misericórdia ejus.

De tribulatióne invocávi Dóminum: \* et exaudivit me in latitúdine Dóminus.

Dóminus mihi adjútor: \* non timébo quid fáciat mihi homo.

Dóminus mihi adjútor: \* et ego despíciam inimícos meos.

Bonum est confidere in Dómino, \* quam confidere in hómine:

Bonum est speráre in Dómino, \* quam speráre in princípibus.

Omnes gentes circuiérunt me: \* et in nómine Dómini quia ultus sum in eos.

Circumdántes circumdedérunt me: \* et in nómine Dómini quia ultus sum in eos.

Circumdedérunt me sicut apes, et exarsérunt sicut ignis in spinis: \* et in nómine Dómini quia ultus sum in eos.

Impúlsus evérsus sum ut cáderem: \* et Dóminus suscépit me.

Fortitúdo mea, et laus mea Dóminus: \* et factus est mihi in salútem.

Vox exultatiónis et salútis, \* in tabernáculis iustórum.

Déxtera Dómini fecit virtútem: déxtera Dómini exaltávit me, \* déxtera Dómini fecit virtútem.

Non móriar, sed vivam: \* et narrábo ópera Dómini.

Castígans castigávit me Dóminus: \* et morti non trádidit me.

Aperíte mihi portas justítiæ, ingræssus in eas confitébor Dómino: \* hæc porta Dómini, justi intrábunt in eam.

Confitébor tibi quóniam exaudísti me: \* et factus es mihi in salútem.

Lápidem, quem reprobavérunt ædificántes: \* hic factus est in caput ánguli.

A Dómino factum est istud: \* et est mirábile in óculis nostris.

Hæc est dies, quam fecit Dóminus: \* exultémus, et lætémur in ea.

O Dómine, salvum me fac, O Dómine, bene prospere: \* benedíctus qui venit in nómine Dómini.

Benedíximus vobis de domo Dómini: \* Deus Dóminus, et illúxit nobis.

Constitúite diem solémnem in condénsis, \* usque ad cornu altáris.

Deus meus es tu, et confitébor tibi: \* Deus meus es tu, et exaltábo te.

Confitébor tibi quóniam exaudísti me: \* et factus es mihi in salútem.

Confitémini Dómino quóniam bonus: \* quóniam in sæculum misericórdia ejus.

Glória Patri, etc.

### PSALMUS 118.

**B**EATI immaculáti in via: \* qui ámbulant in lege Dómini.

Beáti qui scrutántur testimónia ejus: \* in toto corde exquirunt eum.

Non enim qui opéranur iniquitátem, \* in viis ejus ambulavérunt.

Tu mandásti \* mandáta tua custodiri nimis.

Utinam dirigántur viæ meæ, \* ad custodiéndas justificatiónes tuas.

Tunc non confúndar, \* cum perspéxero in ómnibus mandátis tuis.

Confitébor tibi in directi óne cordis, \* in eo quod didici judícia justítiæ tuæ.

Justificatiónes tuas custódiam: \* non me derelínquas usquequáque.

In quo córrigit adolescéntior viam suam? \* in custodiéndo sermónes tuos.

In toto corde meo exquisívi te: \* ne repéllas me a mandátis tuis.

In corde meo abscondi elóquia tua: \* ut non peccem tibi.

Benedíctus es, Dómine: \* doce me justificatiónes tuas.

In lábiis meis \* pronuntiávi ómnia judícia oris tui.

In via testimoniórum tuórum delectátus sum, \* sicut in ómnibus divítiis.

In mandátis tuis exercébor: \* et considerábo vias tuas.

In justificatiónebus tuis meditábor: \* non oblivíscar sermónes tuos.

Glória Patri, etc.

**R**ETRIBUE servo tuo, vivífica me: \* et custódiam sermónes tuos.

Revéla óculos meos: \* et considerábo mirabília de lege tua.

Incola ego sum in terra : \* non abscondas a me mandata tua.

Concupivit anima mea desiderare justificationes tuas, \* in omni tempore.

Increpasti superbos : \* maledicti qui declinant a mandatis tuis.

Aufer a me opprobrium et contemptum : \* quia testimonia tua exquisivi.

Etenim sederunt principes, et adversum me loquebantur : \* servus autem tuus exercebatur in justificationibus tuis.

Nam et testimonia tua meditatio mea est : \* et consilium meum justificationes tuæ.

Adhæsit pavimento anima mea : \* vivifica me secundum verbum tuum.

Vias meas enuntiavi, et exaudisti me : \* doce me justificationes tuas.

Viam justificationum tuarum instrue me : \* et exercabor in mirabilibus tuis.

Dormitavit anima mea præ tædio : \* confirma me in verbis tuis.

Viam iniquitatis amove a me : \* et de lege tua miserere mei.

Viam veritatis elégi : \* judicia tua non sum oblitus.

Adhæsi testimoniis tuis, Dómine : \* noli me confundere.

Viam mandatorum tuorum cucurri, \* cum dilatasti cor meum.

Glória Patri, etc.

Tres piæ et utiles morientibus Orationes, cum tribus Pater noster, et tribus Ave María, in agone mortis recitandæ.

**Primo dicitur:** Kyrie eléison. Christe eléison.  
Kyrie eléison. Pater noster. Ave María.

**ORATIO.**

**D**OMINE Jesu Christe, per tuam sanctíssimam agóniam, et oratiónem, qua orásti pro nobis in monte Olivéti, quando factus est sudor tuus sicut guttæ sanguinis decurréntis in terram: óbsecro te, ut multitudinem sudóris tui sanguinei, quem præ timóris angústia copiosíssime pro nobis effudísti, offérre et osténdere dignéris Deo Patri omnipoténti contra multitudinem ómnium peccatórum hujus fámuli tui **N**, et libera eum in hac hora mortis suæ ab ómnibus pœnis et angústiiis, quas pro peccátis suis se timet meruisse. Qui cum Patre et Spíritu sancto vivis et regnas Deus in sæcula sæculórum. **R.** Amen.

**Secundo dicitur:** Kyrie eléison. Christe eléison.  
Kyrie eléison. Pater noster. Ave María.

**ORATIO.**

**D**OMINE Jesu Christe, qui pro nobis mori dignátus es in cruce, óbsecro te, ut omnes amaritúdes passiónum, et pœnarum tuárum, quas pro nobis míseris peccatóribus sustinuísti in cruce, máxime in illa hora, quando sanctíssima ánima tua egréssa est de sanctíssimo córpore tuo, offérre et osténdere dignéris Deo Patri omnipoténti pro ánima hujus fámuli tui **N**, et libera eum in hac hora mortis ab ómnibus pœnis et passiónibus, quas pro peccátis suis se timet meruisse. Qui cum Patre, et Spíritu sancto vivis et regnas Deus in sæcula sæculórum. **R.** Amen.

**Tertio dicitur:** Kyrie eléison. Christe eléison.  
Kyrie eléison. Pater noster. Ave María.

## ORATIO.

**D**OMINE Jesu Christe, qui per os Prophætæ dixisti :  
In charitatē perpétua diléxi te, ídeo attráxi te  
miserans: óbsecro te, ut eámdem charitatē tuam,  
quæ te de cælis in terram ad tolerándas ómnium pas-  
siónum tuárum amaritúdes attráxit, offérre et ostén-  
dere dignéris Deo Patri omnipoténti pro ánima hujus  
fámuli tui **N.**, et líbera eum ab ómnibus passióibus  
et pœnis, quas pro peccátis suis timet se meruisse. Et  
salva ánimam ejus in hac hora éxitus sui. Aperi ei  
jánuam vitæ, et fac eum gaudere cum Sanctis tuis in  
glória ætérna. Et tu, piíssime Dómine Jesu Christe,  
qui redemísti nos pretiosíssimo Sáanguine tuo, miserere  
ánimæ hujus fámuli tui, et eam introducere dignéris  
ad semper viréntia et amœna loca Paradísi, ut vivat  
tibi amóre indivisibili, qui a te, et ab eléctis tuis num-  
quam separári potest. Qui cum Patre et Spíritu sancto  
vivas et regnas Deus in sæcula sæculorum. **Ry.** Amen.

## IN EXPIRATIONE.

**C**UM vero tempus expirandi institerit, tunc maxime ab omnibus circumstantibus, flexis genibus vehementer orationi instandum est. Ipse vero moriens, si potest, dicat, vel si non potest, assistens, sive Sacerdos pro eo clara voce pronuntiet: **JESU, JESU, JESU.** Quod, et ea, quæ sequuntur, ad illius aures, si videbitur, etiam sæpius repetat: **In manus tuas, Dómine, comméndo spíritum meum. Dómine Jesu Christe, súscipe spíritum meum. Sancta María, ora pro me. María mater grátiae, mater misericórdiæ, tu me ab hoste prótege, et hora mortis súscipe.**

Tunc ubi viget pia consuetudo, pulsetur campana Parochialis Ecclesiæ aliquibus ictibus, ad significandum fidelibus in urbe, vel loco, aut extra in suburbanis existentibus, instantem mortem expirantis ægroti, ut pro eo Deum rogare possint.

Egressa anima de corpore, statim dicatur hoc :

**R.** Subveníte Sancti Dei, occúrrite Angeli Dómini, \* Suscipiéntes ánimam ejus, \* Offeréntes eam in conspéctu Altíssimi.

**V.** Suscípiat te Christus, qui vocávit te, et in sinum Abrahæ Angeli dedúcant te.

**R.** Suscipiéntes ánimam ejus, \* Offeréntes eam in conspéctu Altíssimi.

**V.** Réquiem ætérnam dona ei, Dómine, et lux perpétua lúceat ei. \* Offeréntes eam in conspéctu Altíssimi.

**Kyrie eléison. Christe eléison. Kyrie eléison.**



Pater noster.

Ÿ. Et ne nos indúcas in tentatiónem.

R. Sed libera nos a malo.

Ÿ. Réquiem ætérnam dona ei, Dómine.

R. Et lux perpétua lúceat ei.

Ÿ. A porta ínferi.

R. Erue, Dómine, ánimam ejus.

Ÿ. Requiéscat in pace.

R. Amen.

Ÿ. Dómine, exáudi oratiónem meam.

R. Et clámor meus ad te véniat.

Ÿ. Dóminus vobíscum.

R. Et cum spírítu tuo.

#### ORÉMUS.

**T**IBI, Dómine, commendámus ánimam fámuli tui **N**, ut defúnctus sæculo tibi vivat: et quæ per fragilitátem humanæ conversatiónis peccáta commísit, tu vénia misericordíssimæ pietátis abstérge. Per Christum Dóminum nostrum.

R. Amen.

Interim detur campana signum transitus defuncti pro loci consuetudine, ut audientes pro ejus anima Deum precentur. Deinde corpus de more honeste compositum, loco decenti cum lumine collocetur: ac parva crux super pectus inter manus defuncti ponatur, aut ubi crux desit, manus in modum crucis componantur, interdumque aspergatur aqua benedicta, et interim donec efferatur, qui adsunt, sive Sacerdotes, sive alii, orabunt pro defuncto.

## DE EXEQUIIS.

**S**ACRAS Cæremonias ac ritus, quibus ex antiquissima traditione, et Summorum Pontificum institutis sancta mater Ecclesia Catholica in filiorum suorum exequiis uti solet, tamquam vera religionis mysteria, Christianæque pietatis signa, et fidelium mortuorum saluberrima suffragia, Parochi summo studio servare debent, atque usu retinere.

His itaque præstandis, qua par est modestia ac devotione ita se habebunt, ut ad defunctorum salutem, simulque ad virorum pietatem, quemadmodum vere sunt, non ad quæstum ejusmodi ritus sancti instituti esse videantur.

Nullum corpus sepeliatur, præsertim si mors repentina fuerit, nisi post debitum temporis intervallum, ut nullius omnino de morte relinquatur dubitandi locus.

Quod antiquissimi est instituti, illud, quantum fieri poterit, retineatur, ut Missa, præsentem corpore defuncti, pro eo celebretur, antequam sepulturæ tradatur.

Si quis die festo sit sepeliendus, Missa propria pro defunctis præsentem corpore celebrari poterit; dum tamen Conventualis Missa et Officia divina non impediuntur, magnaue diei celebritas non obstat.

Caveant omnino Parochi, alique Sacerdotes, ne sepulturæ, vel exequiarum, seu anniversarii Mortuorum officii causa quidquam paciscantur, aut tamquam pretium exigant; sed iis eleemosynis contenti sint, quæ aut probata consuetudine dari solent, aut Ordinarius constituerit. Neque permittant, ut pallia, aut alia Altaris ornamenta, ad ornatum feretri, vel tumbæ adhibeantur.

Cum autem antiquissimi ritus Ecclesiastici sit cereos accensos in exequiis et funeribus deferre, caveant item ne ejusmodi ritus omittatur, ac ne quid avare, aut indigne in eo committatur.

Pauperes vero, quibus mortuis nihil, aut ita parum superest, ut propriis impensis humari non possint, gratis omnino sepeliantur; ac debita lumina suis impensis, si opus fuerit, adhibeant Sacerdotes, ad quos defuncti cura pertinet, vel aliqua pia Confraternitas, si fuerit, juxta loci consuetudinem.

Ubi viget antiqua consuetudo sepeliendi mortuos in Cœmeteriis, retineatur; et ubi fieri potest, restituatur: at vero cui locus sepul-

turæ dabitur in Ecclesia, humi tantum detur. Cadavera autem prope altaria non sepeliantur.

Sepulchra Sacerdotum, et Clericorum cujuscumque Ordinis, ubi fieri potest, a sepulchris laicorum separata sint, ac decentiori loco sita; atque ita, ubi commodum fuerit, ut aliqua pro Sacerdotibus, alia pro inferioris Ordinis Ecclesiæ ministris parata sint.

Sacerdos, aut cujusvis Ordinis Clericus defunctus, vestibus suis quotidianis communibus usque ad talarem vestem inclusive, tum desuper sacro vestitu Sacerdotali, vel Clericali, quem Ordinis sui ratio deposcit, indui debet. Sacerdos quidem super talarem vestem, amictu, alba, cingulo, manipulo, stola, et casula, seu planeta violacea sit indutus.

Diaconus vero induatur amictu, alba, cingulo, manipulo, stola super humerum sinistrum, quæ sub axilla dextera annectatur, et dalmatica violacea.

Subdiaconus autem amictu, alba, cingulo, manipulo, et tunica.

Alii præterea inferiorum Ordinum Clerici superpelliceo supra vestem talarem ornari debent, singuli prædicti cum tonsura, ac biretis suis.

Nullum porro cadaver perpetuæ sepulturæ traditum ex ulla cujusvis Ordinis Ecclesia asportari liceat, nisi de licentia Ordinarii.

Laici cadaver, quolibet generis aut dignitatis titulo præditus ille fuerit, Clerici ne deferant, sed laici.

Corpora defunctorum in ecclesia ponenda sunt pedibus versus altare majus; vel si conduntur in Oratoriis, aut Capellis, ponantur cum pedibus versis ad illarum altaria: quod etiam pro situ et loco fiat in sepulchro. Presbyteri vero habeant caput versus altare.

Ceterum nemo Christianus in communione fidelium defunctus, extra Ecclesiam, aut Cœmeterium rite benedictum sepeliri debet; sed si necessitas cogat ex aliquo eventu aliquando ad tempus aliter fieri, curetur, ut quatenus fieri poterit, corpus in locum sacrum quamprimum transferatur; et interim semper crux capiti illius apponi debet, ad significandum illum in Christo quievisse.

### QUIBUS NON LICET DARE ECCLESIASTICAM SEPULTURAM.

**I**GNORARE non debet Parochus, qui ab Ecclesiastica sepultura ipso jure sunt excludendi, ne quemquam ad illam contra sacrorum Canonum decreta umquam admittat.

Negatur igitur Ecclesiastica sepultura paganis, judæis, et omnibus infidelibus; hæreticis, et eorum fautoribus; apostatis a Christiana fide; schismaticis, et publicis excommunicatis majori excommunicatione; interdictis nominatim, et iis, qui sunt in loco interdicto, eo durante.

Seipsos occidentibus ob desperationem, vel iracundiam, non tamen si insania id accadat, nisi ante mortem dederint signa pœnitentiæ.

Morientibus in duello, etiamsi ante obitum dederint pœnitentiæ signa.

Manifestis, et publicis peccatoribus, qui sine pœnitentia perierunt.

Iis de quibus publice constat, quod semel in anno non susceperunt Sacramenta Confessionis, et Communionis in Pascha, et absque ullo signo contritionis obierunt.

Infantibus mortuis absque Baptismo.

Ubi vero in prædictis casibus dubium occurrit, Ordinarius consulatur.

### EXEQUIARUM ORDO.

CONSTITUTO tempore, quo corpus ad Ecclesiam deferendum est, convocetur Clerus, et alii, qui funeri interesse debent, et in Parochialem, vel in aliam Ecclesiam, juxta loci consuetudinem, ordine convenient; ac datis certis campanæ signis, eo modo et ritu, quo in eo loco fieri solet, Parochus indutus superpelliceo, et stola nigra, vel etiam pluviali ejusdem coloris, Clerico præferente Crucem, et alio aquam benedictam, ad domum defuncti una cum aliis procedit. Distribuuntur cerei, et accenduntur intorticia. Mox ordinatur Processio, præcedentibus laicorum Confraternitatibus, si adsint; tum sequitur Clerus regularis, et sæcularis per ordinem; binique procedunt, prælata Cruce, devote Psalmos, ut infra, decantantes, Parocho præcedente feretrum cum luminibus; inde sequuntur alii funus comitantes, et pro defuncto Deum rite deprecantes sub silentio.

Parochus vero, antequam cadaver efferatur, illud aspergit aqua benedicta, mox dicit Antiphonam: *Si iniquitates*, cum Psalm. *De profundis clamavi*, etc. in fine: *Requiem æternam dona ei, Domine, et lux perpetua luceat ei*, repetit Antiphonam totam, *Si iniquitates*, etc.

Deinde cadaver effertur, Parochusque de domo procedens, statim

gravi voce intonat Antiphonam: *Exultabunt Domino*, et Cantores inchoant Psalm. *Miserere*, etc. Clero alternatim prosequente; at si longitudo itineris postulaverit, dicuntur Psalmi Graduales, *Ad Dominum cum tribularer*, etc. vel alii Psalmi ex Officio Mortuorum, et in fine cujuslibet Psalmi dicitur: *Requiem æternam dona ei, Domine*, etc. qui Psalmi devote, distincte, gravique voce recitari debent usque ad Ecclesiam.

Ad ingressum Ecclesiæ repetitur Antiphona: *Exultabunt Domino ossa humiliata*. Deinde Ecclesiam ingressi, cantant Responsorium, Cantore incipiente, et Clero alternatim respondente, videlicet:



Sub-ve-ní - te San-cti De-



i, oc-cúr - ri-te



An-ge-li Dó - mi - ni:



Su-sci-pi-én-tes á-ni-mam e - jus:



Of-fe-rén-tes e - am in con-

spé - ctu Al - tis - si-mi.

Su-scí-pi-at te Chri-stus,

qui vo - cá - vit te: et in si - nu


A - bra-hæ An - ge - li de - dú -

cant te. Su - sci - pi - én - tes.

*Ÿ.* Ré-qui-em æ - tér - nam

do-na e - i, Dó - mi-ne. *R.* Et lux

per - pé - tu - a lú - ce - at



Deposito feretro in medio Ecclesiæ, ita ut defuncti pedes, si fuerit laicus, sint versus Altare majus: si vero fuerit Sacerdos, ut dictum est, caput sit versus ipsum Altare; et cereis accensis circa corpus, statim, nisi quid impediatur, ut infra monebitur, dicatur Officium Mortuorum, cum tribus Nocturnis, et Laudibus, ut infra ponitur; et duo ex Clero incipiant absolute Invitatorium: Regem, cui ómnia vivunt, Veníte, adorémus; et repetitur a Clero: Regem, cui ómnia vivunt, Veníte adorémus.

Psalmus. Veníte, exultémus, etc. et duplicantur Antiphonæ.

Ad finem Officii post Antiphonam Cantici Benedictus, etc. Ego sum resurréctio, etc. dicitur Pater noster, secreto.

Ÿ. Et ne nos indúcas in tentatiónem.

R. Sed líbera nos a malo.

Ÿ. A porta ínferi.

R. Erue, Dómine, ánimam ejus.

Ÿ. Requiéscat in pace.

R. Amen.

Ÿ. Dómine, exáudi oratiónem meam.

R. Et clamor meus ad te véniat.

Ÿ. Dóminus vobíscum.

R. Et cum spíritu tuo.

## ORÉMUS.

## ORATIO.

**A**BSOLVE, quæsumus Dómine, ánimam fámuli tui ab omni vínculo delictórum: ut in resurrectiónis glória inter Sanctos et Eléctos tuos resuscitátus respíret. Per Christum Dóminum nostrum. **R.** Amen.

Dum in Officio dicuntur Laudes, Sacerdos cum ministris paratur ad celebrandam Missam solemnem pro defuncto, si tempus congruens fuerit, ut in die depositionis in Missali Romano.

Finita Missa, Sacerdos, deposita casula, seu planeta, et manipulo, accipit pluviale nigri coloris: et Subdiaconus accipit Crucem, et accedit ad feretrum, et se sistit ad caput defuncti cum cruce, medius inter duos Acolythos, seu Ceroferarios cum candelabris et candelis accensis: et omnes alii de Clero veniunt ordinatim in gradu suo cum candelis accensis, et stant in circuitu feretri: tum sequitur Sacerdos cum Diacono, et assistente, aliisque ministris, et facta reverentia Altari, sistit se contra Crucem ad pedes defuncti, retro adstantibus ei a sinistris duobus Acolythis, uno cum thuribulo et navicula incensi, altero cum vase aquæ benedictæ et aspersorio, et Acolytho, seu Clerico tenente librum, absolute dicit sequentem Orationem:

**N**ON intres in iudícium cum servo tuo, Dómine, quia nullus apud te justificábitur homo, nisi per te omnium peccatórum ei tribuátur remíssio. Non ergo eum, quæsumus, tua judiciális senténtia premat, quem tibi vera supplicátio fidei Christiánæ comméndat; sed grátia tua illi succurrénte, mereátur evádere iudícium ultiónis, qui dum víveret, insignítus est signáculo sanctæ Trinitátis: qui vivis et regnas in sæcula sæculórum. **R.** Amen.



Deinde Cantore incipiente, Clerus circumstans cantat sequens Responsorium :



Lí-be-ra me, Dó - mi-ne, de



mor-te æ-tér - na, in di-e il-




la tre-mén - da: Quan-do cæ-



li mo - vén-di sunt et ter - ra:










Dum vé - ne-ris ju-di-



cá - re sæ-



cu-lum per ignem. ✠. Tremens factus sum





ju - di - cá - re




sæ - cu - lum per ig - nem.



Ÿ. Ré - qui - em æ - té - rnam do - na e - is, Dó -



mi - ne, et lux per - pé - tu - a lú - ce - at e - is.



Repetitur. Lí - be - ra me, Dó - mi - ne.

Dum cantatur prædictum Responsorium, Sacerdos, Acolytho et Diacono ministrante, accipit incensum de navicula, et ponit in thuribulum; et finito R̄. Cantor cum primo Choro dicit:



Ky - ri - e e - lé - i - son

Et secundus  
Chorus  
respondet:

Christe

Deinde omnes  
simul dicunt.

e-lé - i-son. Kyri-e

e - lé - i - son.

Detailed description: The image shows three lines of musical notation on a four-line staff. The first line contains two phrases: 'e-lé - i-son.' and 'Kyri-e'. The second line contains the phrase 'e - lé - i - son.' The notation consists of square notes and diamond-shaped notes on a four-line staff, with a clef at the beginning of each line.

Mox Sacerdos dicit alta voce: **Pater noster:** et secreto dicitur ab omnibus; et ipse interim accipit a Diacono vel Acolythro aspersorium aquæ benedictæ, et facta profunda inclinatione Crucis, quæ est ex adverso, Diacono, seu ministro genuflectente, et fimbrias pluvialis sublevante, circumiens feretrum (si transit ante Sacramentum, genuflectit), aspergit corpus defuncti; deinde reversus ad locum suum, Diacono ministrante, accipit thuribulum, et eodem modo circuit feretrum, et corpus incensat, ut asperserat: postea reddito thuribulo ei, a quo acceperat, stans in loco suo, Acolythro, seu alio ministro tenente librum apertum ante se, dicit:

Detailed description: A single line of musical notation on a four-line staff, featuring square and diamond-shaped notes with a clef at the beginning.

℟. Et ne nos in-dú-cas in ten-ta - ti - ó-nem.

Detailed description: A single line of musical notation on a four-line staff, featuring square and diamond-shaped notes with a clef at the beginning.

℞. Sed lí - be-ra nos a ma-lo.



*V.* A por-ta ín-fe-ri.




*R.* E - ru - e, Dó-mi - ne, á - ni - mam e - jus.



*V.* Re-qui-és-cat in pa-ce. *R.* A-men.




*V.* Dó-mi-ne, ex-á-u-di o-ra-ti-ó-nem me-am.



*R.* Et clamor me-us ad te vé-ni-at.



*V.* Dó-mi-nus vo-bís-cum.



*R.* Et cum spí-ri - tu - o.

ORÉMUS.

ORATIO.

**D**EUS, cui próprium est misereri semper, et párcere :  
te súpplices exorámus pro ánima fámuli tui **N**,  
quam hódie de hoc sæculo migráre jussísti, ut non

tradas eam in manus inimíci, neque obliviscáris in finem, sed júbeas eam a sanctis angelis súscipi, et ad pátriam paradísi perdúci: ut quia in te sperávit, et credidit, non pœnas inférni sustíneat, sed gáudia æterna possídeat. Per Christum Dóminum nostrum.

**R.** Amen.

Si defunctus fuerit Sacerdos, in Oratione dicatur: pro ánima fámuli tui Sacerdótis, quam, etc.

Finita Oratione, corpus defertur ad Sepulchrum, si tunc deferendum sit: et dum portatur, Clerici cantant Antiphonam:



In Pa-ra-dísum de-dúcant te An - ge - li: in



tu-o ad-vén-tu su - scí-piant te Már-ty-res,



et perdúcant te in ci - vi - tá - tem sanctam Je-



rú-sa-lem. Cho-rus An-ge-ló - rum te



su - scí - pi - at, et cum Lá - za - ro quondam páu-



pe - re æ - tér - nam há - be - as ré - qui - em.


Cum autem pervenerit ad Sepulchrum, si non est benedictum, Sacerdos illud benedicit, dicens hanc Orationem.

## ORÉMUS.

**D**EUS, cujus miseratióne ánimæ fidélium requi-  
 éscunt, hunc túmulum benedicere dignáre, eíque  
 Angelum tuum sanctum députa custódem : et quorum,  
 quarúmque córpora hic sepeliúntur, ánimas eórum ab  
 ómnibus absólve vínculis delictórum, ut in te semper  
 cum Sanctis tuis sine fine læténtur. Per Christum  
 Dóminum nostrum. *R.* Amen.

Dicta Oratione, Sacerdos aqua benedicta aspergat,  
 deinde incenset corpus defuncti, et tumulum.

Quod si corpus tunc ad sepulturam non deferatur,  
 omisso Responsorio: In Paradísus, etc. et bene-  
 dictione sepulchri, si jam est benedictum, prose-  
 quatur officium, ut infra: quod numquam omittitur;  
 et intonet Antiphonam.



Et dicitur  
 Canticum  
 Benedictus

E-go sum


E u o u a e.

Et repetitur :



Antiphona.

E-go sum re-surrécti-o



et vi - ta, qui cre - dit in me, é - ti - am



si mórtu - us fú - e - rit, vi - vet, et om - nis



qui vi - vit, et cre - dit in me, non mo - ri é - tur



in æ - tér - num.

Postea Sacerdos dicit:

Kyrie eléison.

Christe eléison.

Kyrie eléison.

Pater noster. *Interim corpus aspergit.*

*V.* Et ne nos indúcas in tentatiónem.

*R.* Sed líbera nos a malo.

*V.* A porta ínferi.

*R.* Erue, Dómine, ánimam ejus.

*V.* Requíescat in pace. *R.* Amen.

*V.* Dómine, exáudi oratiónem meam.

*R.* Et clamor meus ad te véniat.

*V.* Dóminus vobíscum.

*R.* Et cum spírítu tuo.



## ORÉMUS.

**F**AC, quæsumus Dómine, hanc cum servo tuo defúncto (vel fámula tua defúncta) misericórdiam, ut factórum suórum in pœnis non recípiat vicem, qui (vel quæ) tuam in votis ténuit voluntátem: ut sicut hic eum (vel eam) vera fides junxit fidélium turmis; ita illic eum (vel eam) tua miserátio sóciat angélicis choris.

Per Christum Dóminum nostrum. *R.* Amen.

*V.* Réquiem æternam dona ei, Dómine.

*R.* Et lux perpétua lúceat ei.

*V.* Requiéscat in pace.

*R.* Amen.

*V.* Anima ejus, et ánimæ ómnium fidélium defunctórum per misericórdiam Dei requiéscant in pace.

*R.* Amen.

Deinde a Sepultura in Ecclesiam, vel in Sacristiam revertentes, dicant sine cantu Antiphonam: Si iniquitátes, cum Psalmo: De profúndis, etc. Réquiem ætérnam, etc.

Si vero ob rationabilem causam, videlicet ob temporis angustiam, vel aliorum funerum instantem necessitatem, prædictum Officium Mortuorum cum tribus Nocturnis, et Laudibus dici non potest; deposito in Ecclesia feretro cum corpore, dicatur saltem primum Nocturnum cum Laudibus, vel etiam sine Laudibus, maxime ubi ejusmodi viget consuetudo, incipiendo ab Invitatorio: Regem, cui ómnia vivunt, Veníte adorémus. Et postea omnia alia dicantur, quæ supra præscripta sunt dicenda post Officium Mortuorum, et Missam.

Quod si etiam ea fuerit temporis angustia, vel alia

urgens necessitas, ut unum Nocturnum cum Laudibus dici non possit, aliæ prædictæ preces et suffragia numquam omittantur.

Missa vero, si hora fuerit congruens, ritu pro defunctis, ut in die obitus præsentem corpore, non omitatur, nisi obstet magna diei solemnitas, aut aliqua necessitas aliter suadeat: et post Missam fiat ut supra.



Convértere ánima mea in réquiem tuam : \* quia Dóminus benefécit tibi.

Quia erípuit ánimam meam de morte : \* óculos meos a lácrymis, pedes meos a lapsu.

Placébo Dómino \* in regióne vivórum.


Réquiem ætérnam, etc.



Antiphona. Pla-cé-bo Dó - mi-no in re-



gi - ó - ne vi - vó-rum.



Antiphona. He-i mi-hi. E u o u a e.

### PSALMUS 119.

**A**D Dóminum cum tribulárer clamávi : \* et exaudívit me.

Dómine, líbera ánimam meam a lábiis iníquis, \* et a lingua dolósa.


Quid detur tibi, aut quid apponátur tibi \* ad linguam dolósam ?

Sagíttae poténtis acútæ, \* cum carbónibus desolatóriis.

Heu mihi, quia incolátus meus prolongátus est : habitávi cum habitántibus Cédar : \* multum íncola fuit ánima mea.

Cum his qui odérunt pacem, eram pacíficus : \* cum loquébar illis, impugnábant me gratis.

Réquiem ætérnam, etc.



Antiphona. He-i mi-hi Dó-mi-ne: qui-a



in-co-lá-tus me-us pro - lon - gá - tus est.



Antiphona. Dó - minus. E u o u a e.

### PSALMUS 120.

**L**EVAVI óculos meos in montes, \* unde véniet  
auxílium mihi.

Auxílium meum a Dómino, \* qui fécit cælum et  
terram.

Non det in commotióem pedem tuum: \* neque  
dormítet qui custódit te.

Ece non dormitábit, neque dórmiét, \* qui custódit  
Israel.

Dóminus custódit te, Dóminus protéctio tua, \* super  
manum dexteram tuam.

Per diem sol non uret te: \* neque luna per noc-  
tem.

Dóminus custódit te ab omni malo: \* custódiat áni-  
mam tuam Dóminus.

Dóminus custódiat intróitum tuum, et éxitum tuum: \*  
ex hoc nunc, et usque in sæculum.

Réquiém ætérnam, etc.

Antiphona. Dó - mi-nus cu-stó-dit te ab  
 om-ni ma-lo: cu-stó - di-at á-nimam tu-  
 am Dó - mi-nus.

Antiphona. Si i-ni-quitátes. E u o u a e.

## PSALMUS 129.

**D**E profúndis clamávi ad te, Dómine: \* Dómine,  
 exáudi vocem meam.

Fiant áures tuæ intendéntes, \* in vocem deprecatió-  
 nis meæ.

Si iniquitátes observáveris, Dómine: \* Dómine, quis  
 sustinébit?

Quia apud te propitiátio est: \* et propter legem tuam  
 sustínui te, Dómine.

Sustínuit ánima mea in verbo ejus: \* sperávit ánima  
 mea in Dómino.

A custódia matutína usque ad noctem: \* speret  
 Israel in Dómino.

Quia apud Dóminum misericórdia: \* et copiósá apud  
 eum redéptio.

Et ipse rédimet Israel, \* ex ómnibus iniquitatibus  
ejus.

Réquiem ætérnam, etc.



Antiphona. Si i-ni-qui-tá-tes ob-ser-vá-ve-ris



Dó-mi-ne: Dó-mi-ne, quis su-sti-né-bit?



Antiphona. O-pe-ra. E u o u a e.

### PSALMUS 137.

**C**ONFITEBOR tibi, Dómine, in toto corde meo: \*  
quóniam audísti verba oris mei.

In conspéctu angelórum psallam tibi: \* adorábo ad  
templum sanctum tuum, et confitébor nómini tuo.

Super misericórdia tua, et veritáte tua: \* quóniam  
magnificásti super omne, nomen sanctum tuum.

In quacúmque die invocávero te, exáudi me: \* mul-  
tiplicábis in ánima mea virtútem.

Confiteántur tibi, Dómine, omnes reges terræ: \* quia  
audiérunt ómnia verba oris tui.

Et cantent in viis Dómini: \* quóniam magna est  
glória Dómini.

Quóniam excélsus Dóminus, et humília respicit: \* et  
alta a longe cognóscit.

Si ambulávero in médio tribulatiónis, vivificábis me: \* et super iram inimicórum meórum extendísti manum tuam, et salvum me fecit déxtera tua.

Dóminus retribuet pro me: \* Dómine, misericórdia tua in sæculum: ópera mánuum tuárum ne despicias.

Réquiem ætérnam, etc.



Antiphona. O-pe-ra má-num tu-á-rum



Dó-mi-ne ne de - spí - ci - as.




Ÿ. Au-dí-vi vocem de cæ-lo, dicéntem mi-hi.



Ry. Be-á-ti mór-tu-i, qui in Dómino moriún-tur.

Ad Magnificat.



Antiphona. Om - ne E u o u a e.

Canticum B. Mariæ Virginis.

Luc. Cap. I. v. 46.

**M**AGNIFICAT \* ánima mea Dóminum :  
Et exultávit spíritus meus \* in Deo salutári meo.  
Quia respéxit humilitátem ancillæ suæ : \* ecce enim  
ex hoc beátam me dicent omnes generatiónes.



Quia fecit mihi magna, qui potens est: \* et sanctum nomen ejus.

Et misericórdia ejus a progénie in progénies \* tímén-tibus eum.

Fecit poténtiam in bráchio suo: \* dispérsit supérbos mente cordis sui.

Depósuit poténtes de sede, \* et exaltávit húmiles.

Esuriéntes implévit bonis: \* et dívites dimísit inánes.

Suscépit Israel púerum suum, \* recordátus misericór-diæ suæ.

Sicut locútus est ad patres nostros, \* Abraham, et sémini ejus in sæcula.


Réquiem ætérnam, etc.



Antiphona. Om - ne quod dat mi - hi



Pa - ter, ad me vé - ni et: et



e - um qui venit ad me, non e - jí - ci - am foras.

Preces infrascriptæ dicuntur flexis genibus, similiter et ad Laudes.

Pater noster, secreto.

℣. Et ne nos indúcas in tentatiónem.

℞. Sed líbera nos a malo.

## PSALMUS 144.

**L**AUDA, ánima mea, Dóminum, laudábo Dóminum  
in vita mea: \* psallam Deo meo quámdiu fúero.

Nolíte confidere in princípibus: \* in filiis hóminum,  
in quibus non est salus.

Exíbit spíritus ejus, et revertétur in terram suam: \*  
in illa die períbunt omnes cogitatiónes eórum.

Beátus, cujus Deus Jacob adjútor ejus, spes ejus in  
Dómino Deo ipsíus: \* qui fecit cælum et terram, mare,  
et ómnia, quæ in eis sunt.

Qui custódit veritátem in sæculum, facit judícium  
injúriam patiéntibus: \* dat escam esuriéntibus.

Dóminus solvit compeditos: \* Dóminus illúminat  
cæcos.

Dóminus érigit elisos: \* Dóminus díligit justos.

Dóminus custódit ádvenas, pupillum et víduam suscí-  
piet: \* et vias peccatórum dispérdet.

Regnábit Dóminus in sæcula, Deus tuus Sion, \* in  
generatióem, et generatióem.

Réquiem ætérnam, etc.

**Ÿ.** A porta ínferi.

**R.** Erue, Dómine, ánimam ejus.

**Ÿ.** Requíescat in pace. **R.** Amen.

**Ÿ.** Dómine, exáudi oratióem meam.

**R.** Et clamor meus ad te véniat.

**Ÿ.** Dóminus vobíscum.

**R.** Et cum spíritu tuo.

## In die depositionis Defuncti.

## ORATIO.

**A**BSOLVE, quæsumus Dómine, ánimam fámuli tui  
**N.** ( **vel** fámulæ tuæ ), ut defúnctus ( **vel** defúncta )

sæculo tibi vivat: et quæ per fragilitatem carnis humana conversatione commisit, tu vènia misericordissimæ pietatis abstérge. Per Christum Dóminum nostrum. *Ry.* Amen.

*Vel.*

**D**EUS, cui próprium est miserèri semper et párcere, te súpplīces exorámus pro ánima fámuli tui *N.* (*vel* fámulæ tuæ), quam hódie de hoc sæculo migráre jussisti: ut non tradas eam in manus inimici, neque obliviscáris in finem; sed júbeas eam a sanctis ángelis súscipi, et ad pátriam Paradísi perdúci: ut qui in te sperávit et crédidit, non pœnas inférni sustíneat, sed gáudia ætérna possídeat. Per Christum Dóminum nostrum. *Ry.* Amen.

*In die tertio, septimo, et trigesimo depositionis Defuncti.*

*ORATIO.*

**Q**UÆSUMUS Dómine, ut ánime fámuli tui *N.* (*vel* fámulæ tuæ), cujus depositiónis diem tértium (*vel* séptimum, *vel* trigésimum) commemorámus, Sanctórum, atque Electórum tuórum largíri dignéris consórtium; et rorem misericórdiæ tuæ perénnem infúndas. Per Christum Dóminum nostrum. *Ry.* Amen.

*IN ANNIVERSARIO.*

*ORATIO.*

**D**EUS, indulgentiárum Dómine, da ánime fámuli tui *N.* (*vel* fámulæ tuæ), (*vel* animábus famulórum, famularúmque tuárum), cujus (*vel* quórum) anniversárium depositiónis diem commemorámus, refrigeríi sedem, quiétis beatitúdinem, et lúminis claritátem. Per Christum Dóminum nostrum.

*Ry.* Amen.

## ALLÆ DIVERSE PRO DEFUNCTIS.

## PRO SUMMO PONTIFICE DEFUNCTO. ORATIO.

**D**EUS qui inter summos Sacerdotes famulum tuum **N.** ineffabili tua dispositione connumerari voluisti: presta quæsumus; ut qui unigeniti Filii tui vices in terris gererat, sanctorum tuorum Pontificum consortio perpetuo aggregetur. Per eundem Christum Dominum nostrum. *R.* Amen.

## PRO DEFUNCTO EPISCOPO. ORATIO.

**D**EUS, qui inter apostolicos Sacerdotes famulum tuum **N.** pontificali fecisti dignitate vigere: presta quæsumus; ut eorum quoque perpetuo aggregetur consortio. Per Christum Dominum nostrum.

*R.* Amen.

*Si fuerint plures, dicitur in numero plurali.*

Pro Episcopo Cardinali defuncto, dicatur: famulum tuum **N.** Episcopum Cardinalem pontificali fecisti dignitate, etc.

Pro Presbytero Cardinali, dicatur: famulum tuum **N.** Presbyterum Cardinalem sacerdotali, etc.

Pro Diacono autem Cardinali, dicatur Oratio. Inclina, Domine, etc. quæ habetur paulo infra, hoc modo: ut animam famuli tui **N.** Diaconi Cardinalis, quam de hoc sæculo, etc.

## PRO DEFUNCTO SACERDOTE. ORATIO.

**D**EUS, qui inter apostolicos Sacerdotes, famulum tuum **N.** sacerdotali fecisti dignitate vigere: presta quæsumus; ut eorum quoque perpetuo aggregetur consortio. Per Christum Dominum nostrum.

*R.* Amen.

## VEL ORATIO.

**P**RÆSTA, quæsumus Domine, ut anima famuli tui **N.** Sacerdotis, quem in hoc sæculo commorantem

sacris munéribus decorásti, in cælésti sede gloriósa semper exúltet. Per Christum Dóminum nostrum.

*R.* Amen.

PRO UNO DEFUNCTO.

ORATIO.

**I**NCLINA, Dómine, áurem tuam ad preces nostras, quibus misericórdiam tuam súpplīces deprecámur: ut ánimam fámuli tui *N.*, quam de hoc sæculo migráre jussísti, in pacis, ac lucis regióne constítuas, et sanctórum tuórum júbeas esse consórtem. Per Christum Dóminum nostrum. *R.* Amen.

PRO UNA DEFUNCTA.

ORATIO.

**Q**UÆSUMUS Dómine, pro tua pietáte miserére ánimæ fámulæ tuæ *N.*, et a contágiis mortalitátis exútam, in ætérnæ salvatiónis partem restítue. Per Christum Dóminum nostrum. *R.* Amen.

PRO DEFUNCTIS FRATRIBUS, PROPINQUIS, ET BENEFECTORIBUS.

ORATIO.

**D**EUS, vénia largítor, et humanæ salútis amátor, quæsumus cleméntiam tuam, ut nostræ congregatiónis fratres, propínquos, et benefactóres, qui ex hoc sæculo transiérunt, beáta María semper vírgine intercedénte, cum ómnibus sanctis tuis, ad perpétuæ beatitúdinis consórtium pervenire concédas. Per Christum Dóminum nostrum. *R.* Amen.

PRO FIDELIBUS DEFUNCTIS.

GENERALIS ORATIO.


**F**IDELIUM Deus ómnium cónditor et Redémptor, animábus famulórum, famularúmque tuárum remissionem cunctórum tríbue peccatórum: ut indulgéntiam, quam semper optavérunt, piis supplicatióibus consequántur: Qui vivis et regnas in sæcula sæculórum. *R.* Amen.

*V.* Réquiem ætérnam dona eis, Dómine.


*R.* Et lux perpétua luceat eis.

*V.* Requiéscant in pace. *R.* Amen.

AD MATUTINUM.




Re-gem, cu-i óm-ni-a vi-vunt, Ve-ní-



te a - do-ré - mus.

*Chorus*  
*repetit.*




Re-gem.


PSALMUS 94.



Ve-ní-te, e-xul-témus Dó-mi-no, ju-bi-lé-



mus De-o sa-lu-tá-ri nos-tro: præ-oc-cu-



pémus fá-ci-em e-jus in confes-si-ó-ne,



et in psal-mis ju-bi-lé-mus e - i



Re - gem.



Quóni-am Deus magnus Dóminus, et Rex



magnus su-per om-nes De-os: quo-ni-am




non re-pél-let Dó-mi-nus plebem suam,



qui-a in ma-nu e-jus sunt omnes fi-nes



ter-ræ, et al-ti-tú-di-nes món-ti-um



ip-se cón-spi-cit. Ve-ní-te.



Quóni-am ip-sí us-est ma-re, et i-pse



fe-cit il-lud, et á-ri-dam fun-da-vé-



runt manus e-jus: ve-ní-te a-do-ré-mus,



et pro-ci-dá-mus an-te De-um: plo-



ré-mus co-ram Dó-mi-no, qui fe-cit nos;



qui-a i-pse est Dó-mi-nus De-us no-



ster: nos au-tem pó-pu-lus e-jus,



et o-ves pás-cu-æ e-jus. Re-gem.



Hó-di-e si vo-cem e-jus au-di-é-



ri-tis, no-lí-te ob-du-rá-re cor-da





ve-stra, si-cut in e-xa-cer-ba-ti-ó-ne




se-cún-dum di-em ten-ta-ti-ó-nis in



de-sér-to: u-bi ten-ta-vé-runt me



pa-tres ve-stri, pro-ba-vé-runt, et




vi-dé-runt ó-pe-ra me-a. Ve-ní-te.



Qua-dra-gín-ta an-nis pró-xi-mus fu-i



ge-ne-ra-ti-ó-ni hu-ic, et di-xi:



Sem-per hi er-rant cor-de: i-psi ve-ro



non co-gno-vé-runt vi - as me-as, qui-bus



ju-rá-vi in i - ra me-a, si in - tro-í-



bunt in ré-qui-em me-am. Re - gem.



Ré-qui-em æ - tér-nam do-na e - is



Dó-mi-ne, et lux per-pé-tu - a



lú - ce - at e - is. Ve - ní - te.



Re - gem cu - i óm-ni - a vi-vunt,



Ve - ní - te a - do - ré - mus.



Antiphona. Dí - ri-ge. E u o u a e.

PSALMUS 5.

VERBA mea áuribus percípe, Dómine, \* intéllige clamórem meum.

Inténde voci oratiónis meæ, \* rex meus et Deus meus.

Quóniam ad te orábo: \* Dómine, mane exáudies vocem meam.

Mane astábo tibi et vidébo: \* quóniam non Deus volens iniquitátem tu es.

Neque habitábit juxta te malignus: \* neque permanébunt injústi ante óculos tuos.

Odísti omnes, qui operántur iniquitátem: \* perdes omnes, qui loquúntur mendácium.

Virum sánguinum, et dolósum abominábitur Dóminus: \* ego autem in multítudine misericórdiæ tuæ.

Introíbo in domum tuam: \* adorábo ad templum sanctum tuum in timóre tuo.

Dómine, deduc me in justítia tua: \* propter inimícos meos dírige in conspéctu tuo viam meam.

Quóniam non est in ore eórum véritas: \* cor eórum vanum est.

Sepúlchrum patens est guttur eórum, linguis suis dolóse agébant: \* júdica illos, Deus.

Décidant a cogitatióibus suis, secúndum multítudinem impietátum eórum expélle eos; \* quóniam irritavérunt te, Dómine.

Et læténtur omnes qui sperant in te, \* in ætérnum exultábunt, et habitábis in eis.

Et gloriabúntur in te omnes qui díligunt nomen tuum, \* quóniam tu benedíces justo.

Dómine, ut scuto bonæ voluntátis tuæ \* coronásti nos.

Réquiem ætérrnam, etc.



Antiphona. Dí - ri-ge Dó - mi-ne



De-us me-us in conspéctu tu-o vi - am meam



Antiphona. Con-vér - te - re Dó - mi-ne.



E u o u a e.

### PSALMUS 6.

**D**OMINE, ne in furóre tuo árguas me, \* neque in ira tua corrípias me.

Miserére mei, Dómine, quóniam infirmus sum : \* sana me, Dómine, quóniam conturbáta sunt ossa mea.

Et ánima mea turbáta est valde : \* sed tu Dómine, úsquequo ?

Convértere, Dómine, et éripe ánimam meam : \* sal-  
vum me fac propter misericórdiam tuam.

Quóniam non est in morte qui memor sit tui: \* in inférno autem quis confitébitur tibi?

Laborávi in gémitu meo, lavábo per síngulas noctes lectum meum: \* lácrymis meis stratum meum rigábo.

Turbátus est a furóre óculus meus: \* inveterávi inter omnes inimícos meos.

Discédite a me omnes qui operámini iniquitátem: \* quóniam exaudivit Dóminus vocem fletus mei.

Exaudivit Dóminus deprecatióem meam, \* Dóminus oratióem meam suscepit.

Erubéscant, et conturbéntur veheménter omnes inimíci mei: \* convertántur, et erubéscant valde velóciter.

Réquiem ætérrnam, etc.



Antiphona.

Convér - te - re Dó - mi - ne,



et é - ri - pe á - nimam me - am : quó - ni - am



non est in mor - te, qui me - mor sit tu - i.



Antiphona.

Ne quan - do.

E u o u a e.

## PSALMUS 7.

**D**OMINE Deus meus, in te sperávi: \* salvum me fac ex ómnibus persecúentibus me, et libera me.

Ne quando rápiat ut leo ánimam meam, \* dum non est qui rédimat, neque qui salvum fáciat.

Dómine Deus meus si feci istud, \* si est iníquitas in mánibus meis:

Si réddidi retribuentibus mihi mala, \* decídám mérito ab inimícis meis inánis.

Persequátur inimícus ánimam meam, et comprehéndat, et concúlcet in terra vitam meam, \* et glóriam meam in púlverem dedúcat.

Exúrge, Dómine, in ira tua: \* et exaltáre in finibus inimicórum meórum.

Et exúrge, Dómine Deus meus, in præcépto quod mandásti: \* et synagóga populórum circúmdabit te.

Et propter hanc in altum regrédere: \* Dóminus júdicat pópulos.

Júdicá me, Dómine, secúndum justítiam meam, \* et secúndum innocéntiam meam super me.

Consumétur nequítia peccatórum, et díriges justum, \* scrutans corda et renes Deus.

Justum adjutórium meum a Dómino, \* qui salvos facit rectos corde.

Deus judex justus, fortis, et pátiens: \* numquid iráscitur per síngulos dies?

Nisi convérsi fuéritis, gládium suum vibrábit: \* arcum suum teténdit, et parávit illum.

Et in eo parávit vasa mortis, \* sagíttas suas ardéntibus effécit.

Ecce partúriit injustítiam: \* concépit dolórem, et péperit iniquitátem.

Lacum aperuit, et effodit eum : \* et incidit in foveam, quam fecit.

Convertetur dolor ejus in caput ejus : \* et in verticem ipsius iniquitas ejus descendet.

Confitebor Domino secundum justitiam ejus : \* et psallam nomini Domini altissimi.

Réquiem æternam, etc.



Antiphona.

Ne quan-do rá-pi-at ut



le - o á - nimam me - am, dum non est qui



ré - di-mat, ne-que qui sal - vum fá - ci - at.



Y. A por-ta ín - fe - ri.



Ry. E-ru-e Dó-mi-ne á - ni-mas e - ó - rum.

Pater noster, totum secreto.

Lectiones leguntur sine Absolutione, Benedictione, et Titulo.

## LECTIO I.

## JOB 7.

**P**ARCE mihi, Dómine, nihil enim sunt dies mei. Quid est homo, quia magnificas eum? aut quid appónis erga eum cor tuum? Vísitas eum dilúculo, et súbito probas illum. Usquequó non parcis mihi, nec dimíttis me ut glútiam salívam meam? Peccávi, quid fáciam tibi, O custos hóminum? quare posuísti me contrárium tibi, et factus sum mihimetípsi gravis? Cur non tollis peccátum meum, et quare non áufers iniquitátem meam? ecce, nunc in púlvere dórmiam: et si mane me quæsíeris, non subsístam.


Lectiones terminantur sine Tu autem, vel alia conclusione.



*R.* Cre - do quod Redémptor me-



us vi - vit: et in no-vís-si-



mo di - e, de ter - ra sur-re-



ctú - rus sum: Et in car - ne me-






a vi-dé - bo De - um



sal - va - tó - rem me - um.



Y. Quem vi - sú - rus sum,



e - go ip - se et non á - li - us,



et ó - cu - li me - i con - spe - ctú -



ri sunt. Et in car - ne.

LECTIO II.

JOB 10.

**T**ÆDET ánimam meam vitæ meæ, dimittam advérsum me elóquium meum, loquar in amaritúdine ánimæ meæ. Dicam Deo: Noli me condemnáre: indica mihi cur me ita júdices. Numquid bonum tibi vidétur, si calumniéris me, et ópprimas me opus mánuum tuárum, et consílium impiórum ádjuves? Num-


quid óculi cárnei tibi sunt : aut sicut videt homo, et tu vidébis? Numquid sicut dies hóminis dies tui, et anni tui sicut humana sunt témpora, ut quæras iniquitatem meam, et peccátum meum scrutéris? Et scias quia nihil ímpium fécerim, cum sit nemo qui de manu tua possit erúere.



*R.* Qui Lá - za-rum re - su-sci-tá - sti




a monumén-to fœ - ti-dum :



Tu e - is Dó - mi-ne,



do-na ré - qui-em, et lo - cum in-



dul - gén - ti - æ.



*Y.* Qui ventú-rus es ju-di-



cá - re vi - vos et mór - tu - os,



et sæ - culum per i -



gnem. Tu e - is.


## LECTIO III.

## JOB 10. B.

**M**ANUS tuæ fecerunt me, et plasmaverunt me totum in circuitu: et sic repente præcipitas me? Meménto, quæso, quod sicut lutum féceris me, et in púlverem redúces me. Nonne sicut lac mulsísti me, et sicut cáseum me coagulásti? Pelle et cárnibus vestísti me: óssibus et nervis compegísti me: vitam et misericórdiam tribuísti mihi, et visitátio tua custodívit spíritum meum.



Ry. Dó - mi - ne, quando vé -



ne - ris ju - di - cá - re ter - ram,



u - bi me ab-scón - dam a vul-



tu i - ræ tu - æ?



Qui - a pec - cá - vi ni - mis



in vi - ta me - a.



✠. Com-mís-sa me - a



pa - vé - sco, et an-te te e - ru - bé-




sco: dum vé - ne-ris ju-di-cá - re, no-li



me condemná - re.



Qui - a pec - cá - vi.



Ré-quiem æ - tér-nam do-na e-



is Dó - mi-ne: et lux per-pé - tu-a



lú - ce-at e - is.



Qui - a pec - cá - vi.

IN SECUNDO NOCTURNO.



Antiphona. In lo-co pás-cu-æ. E u o u a e.



Confundántur omnes iníqua agéntes \* supervácue.

Vias tuas, Dómine, demónstra mihi: \* et sémitas tuas édoce me.

Dirige me in veritáte tua, et doce me: \* quia tu es Deus salvátor meus, et te sustínui tota die.

Reminíscere miseratiónum tuárum, Dómine, \* et misericordiárum tuárum, quæ a sæculo sunt.

Delicta juventútis meæ, \* et ignorántias meas ne memíneris.

Secúndum misericórdiam tuam meménto mei tu: \* propter bonitátem tuam, Dómine.

Dulcis et rectus Dóminus: \* propter hoc legem dabit delinquéntibus in via.

Diriget mansuétos in iudício: \* docébit mites vias suas.

Univérsæ viæ Dómini, misericórdia et véritas, \* requiréntibus testaméntum ejus, et testimónia ejus.

Propter nomen tuum, Dómine, propitiáberis peccáto meo: \* multum est enim.

Quis est homo qui timet Dóminum? \* legem státuit ei in via, quam elégit.

Anima ejus in bonis demorábitur: \* et semen ejus hæreditábit terram.

Firmaméntum est Dóminus timéntibus eum: \* et testaméntum ipsíus ut manifestétur illis.

Oculi mei semper ad Dóminum: \* quóniam ipse evéllet de láqueo pedes meos.

Réspice in me, et miserére mei: \* quia únicus et pauper sum ego.

Tribulatiónes cordis mei multiplicátæ sunt: \* de necessitatibus meis érue me.

Vide humilitátem meam, et labórem meum: \* et dimítte univérsa delicta mea.


Réspice inimícos meos quóniam multiplicáti sunt, \*  
et ódio iníquo odérunt me.

Custódi ánimam meam, et érue me: \* non erubéscam  
quóniam sperávi in te.

Innocéntes et recti adhæsérunt mihi: \* quia sustí-  
nui te.

Líbera, Deus, Israel, \* ex ómnibus tribulatióibus  
suis.

Réquiem ætérnam, etc.




Antiphona. De - lí - cta ju - ven - tú - tis me -



æ, et i - gno - rán - ti - as me - as ne me -



mí - ne - ris Dó - mi - ne.



Antiphona. Cre - do vi - dé - re E u o u a e.

#### PSALMUS 26.

**D**OMINUS illuminátio mea, et salus mea; \* quem  
timébo?

Dóminus protéctor vitæ meæ; \* a quo trepidábo?

Dum apprópíant super me nocéntes, \* ut edant car-  
nes meas.



Qui trébulant me inimíci mei, \* ipsi infirmáti sunt, et cecidérunt.

Si consistant advérsus me castra, \* non timébit cor meum.

Si exúrgat advérsus me prælium, \* in hoc ego sperábo.

Unam pétii a Dómino, hanc requíram, \* ut inhábitem in domo Dómini ómnibus diébus vitæ meæ:

Ut vídeam voluptátem Dómini, \* et vísitem templum ejus.

Quóniam abscondit me in tabernáculo suo: \* in die malórum protéxit me in abscondito tabernáculi sui.

In petra exaltávit me: \* et nunc exaltávit caput meum super inimícos meos.

Circuívi, et immolávi in tabernáculo ejus hóstiam vociferatiónis: \* cantábo, et psalmum dicam Dómino.

Exáudi, Dómine, vocem meam, qua clamávi ad te: \* miserére mei, et exáudi me.

Tibi dixit cor meum, exquisívit te fácies mea: \* fáciem tuam, Dómine, requíram.

Ne avértas fáciem tuam a me: \* ne declínes in ira a servo tuo.

Adjútor meus esto: \* né derelínquas me, neque despicias me, Deus salutáris meus.

Quóniam pater meus, et mater mea dereliquerunt me: \* Dóminus autem assúmpsit me.


Legem pone mihi, Dómine, in via tua: \* et dírige me in sémitam rectam propter inimícos meos.

Ne tradíderis me in ánimas tribulántium me: \* quóniam insurrexérunt in me testes iníqui, et mentíta est iníquitas sibi.

Credo vidére bona Dómini \* in terra vivéntium.

Expécta Dóminum, viríliter age: \* et confortétur cor tuum, et sústine Dóminum.

Réquiem ætérrnam, etc.



Antiphona. Cre-do vi-dé - re bo-na Dó-



mi - ni in ter - ra vi - vén - ti - um.



Ÿ. Cól-lo-cet e - os Dó-minus cum princí-pi-bus.



Ry. Cum princí-pi-bus pó-pu - li su - i.

Pater noster: totum secreto.

#### LECTIO IV.

#### JOB 13. D.

**R**ESPONDE mihi: Quantas hábeo iniquitátes et peccáta, scélera mea et delícta osténde mihi. Cur fáciem tuam abscondis, et arbitráris me inimicum tuum? Contra fólium, quod vento rápítur, osténdis poténtiam tuam, et stípulam siccam perséqueris: Scribis enim contra me amaritúdines, et consúmere me vis peccátis adolescéntiæ meæ. Posuísti in nervo pedem meum, et observásti omnes sémitas meas, et vestígia pedum meórum considerásti: Qui quasi


putrédo consuméndus sum, et quasi vestiméntum, quod coméditur a tínea.



R. Me-mén - to me - i, De - us,



qui-a ventus est vi-ta me-



a. Nec a-spí - ci-at me vi-



sus hó - mi-nis.



Ÿ. De pro-fún - dis clamávi ad te, Dó-



mi-ne, Dó - mi-ne ex-áu - di



vo - cem me - am. Nec a-spí - ci-at.

## LECTIO V.

JOB 14.

**H**OMO natus de muliere, brevi vivens tempore, replétur multis miseriis. Qui quasi flos egréditur et contéritur, et fugit velut umbra, et numquam in eodem statu pérmānet. Et dignum ducis super hujuscémōdi aperíre óculos tuos, et addúcere eum tecum in júdicium? Quis potest fácere mundum de immúndo concéptum sémīne? nonne tu qui solus es? Breves dies hóminis sunt, númerus ménsium ejus apud te est: constituísti términos ejus, qui præteríri non póterunt. Recéde páululum ab eo, ut quiéscat, donec optáta véniat, sicut mercenárii, dies ejus.


R. He - i mi - hi! Dó-mi-ne, qui - a pec -  
 cá - vi ni - mis in vi - ta  
 me - a. Quid fá - ci - am mi -  
 ser? u - bi fú - gi - am,  
 ni - si ad te De - us me -




us? Mi-se - ré - re me - i, dum



vé - ne - ris in no-



vís - si - mo di - e.



Ÿ. A - ni-ma me - a tur-bá - ta



est val - de, sed tu Dó - mi-ne



suc - cúr - re e - i.



Mi - se - ré - re.

LECTIO VI.

JOB 14. E.


QUIS mihi hoc tríbuat, ut in inférno prótegas me, et abscondas me, donec pertránseat furor tuus, et con-

stítuas mihi tempus, in quo recordéris mei? Pútasne mórtuus homo rursus vivat? cunctis diébus, quibus nunc mílito, expécto donec véniat immutátio mea. Vocábis me, et ego respondébo tibi: óperi mánuum tuárum pórriges délixteram. Tu quidem gressus meos dinumerásti, sed parce peccátis meis.

R. Ne re-cor - dé - ris pec-cá - ta  
 me - a, Dó - mi-ne, Dum  
 vé - ne-ris ju-dí - cá - re  
 sæ - culum per i-  
 gnem. ✠. Dí - ri - ge,  
 Dó - mi-ne De - us me-



us, in con-spé-ctu tu - o vi-



am me - am. Dum



vé - ne - ris. *Ÿ*. Ré - qui-em



æ - tér - nam do-na e - is Dó-



mi-ne: et lux perpé - tu - a



lú - ce-at e - is.



Dum vé - ne - ris.







ne, ut e - rí - pi - as me: Dó - mi - ne, ad

a - dju - ván - dum me ré - spi - ce.

Antiphona. Sa - na Dó - mi - ne. E u o u a e.

## PSALMUS 40.

**B**EATUS qui intélligit super egénum et páuperem : \*  
in die mala liberábit eum Dóminus.

Dóminus consérvet eum, et vivíficet eum, et beátum  
fáciat eum in terra : \* et non tradat eum in ánimam  
inimicórum ejus.

Dóminus opem ferat illi super lectum dolóris ejus : \*  
univérsum stratum ejus versásti in infirmitáte ejus.

Ego dixi : Dómine, miserére mei : \* sana ánimam  
meam, quia peccávi tibi.

Inimíci mei dixerunt mala mihi : \* Quando moriétur,  
et períbit nomen ejus ?

Et si ingrediebátur ut vidéret, vana loquebátur, \* cor  
ejus congregávit iniquitátem sibi.

Egrediebátur foras, \* et loquebátur in idípsum.

Adversum me susurrábant omnes inimíci mei : \*  
advérsus me cogitábant mala mihi.

Verbum iníquum constituérunt advérsus me : \*  
Numquid qui dormit non adjíciet ut resúrgat ?

Etenim homo pacis meæ, in quo sperávi : \* qui

edébat panes meos, magnificávit super me supplantatiónem.

Tu autem, Dómine, miserére mei, et resúscita me : \* et retríbuam eis.

In hoc cognóvi quóniam voluísti me : \* quóniam non gaudébit inimícus meus super me.

Me autem propter innocéntiam suscepísti : \* et confirmásti me in conspéctu tuo in ætérnum.

Benedíctus Dóminus Deus Israel a sæculo, et usque in sæculum : \* fiat, fiat.

Réquiem ætérnam, etc.



Antiphona. Sa - na, Dó - mi - ne, á - ni - mam



me - am qui - a pec - cá - vi ti - bi.



Antiphona. Si - tí - vit. E u o u a e.

### PSALMUS 41.

QUEMADMODUM desíderat cervus ad fontes aquárum : \* ita desíderat ánima mea ad te, Deus.

Sitívit ánima mea ad Deum fortem vivum : \* quando véniam et apparebo ante fáciem Dei ?

Fuérunt mihi lácrymæ meæ panes die ac nocte : \* dum dicitur mihi quotidie : Ubi est Deus tuus ?

Hæc recordátus sum, et effúdi in me ánimam meam : \*

quóniam transíbo in locum tabernáculi admirábilis, usque ad domum Dei.

In voce exultatiónis, et confessiόνis: \* sonus epulántis.

Quare tristis es, ánima mea? \* et quare contúrbas me?

Spera in Deo, quóniam adhuc confitébor illi: \* salutare vultus mei, et Deus meus.

Ad meípsum ánima mea conturbáta est: \* proptérea memor ero tui de terra Jordánis, et Hermóniim a monte módico.

Abyssus abyssum ínvocat, \* in voce cataractárum tuárum.

Omnia excélsa tua, et fluctus tui \* super me transiérunt.

In die mandávit Dóminus misericórdiam suam: \* et nocte cánticum ejus.

Apud me orátio Deo vitæ meæ, \* dicam Deo: Suscéptor meus es.

Quare oblítus es mei? \* et quare contristátus incédo, dum affligit me inimícus?

Dum confringúntur ossa mea, \* exprobravérunt mihi qui tríbulant me inimíci mei.

Dum dicunt mihi per síngulos dies: Ubi est Deus tuus? \* quare tristis es, ánima mea, et quare contúrbas me?

Spera in Deo, quóniam adhuc confitébor illi: \* salutare vultus mei, et Deus meus.

Réquiem ætérnam, etc.



Antiphona.

Si - tí - vit á - ni - ma me - a



ad De-um vivum: quando vé-ni-am, et



ap - pa-ré - bo an-te fá - ci-em



Dó - mi - ni?



Ÿ. Ne tra-das bé - sti - is á - ni-mas con - fi-tén-



tes ti - bi.



Ry. Et á - ni-mas páu-pe-rum tu - ó-rum ne



ob - li - vi - scá - ris in fi - nem.

Pater noster : *secreto.*

## LECTIO VII.

## JOB 17.

**S**PIRITUS meus attenuábitur, dies mei breviabúntur, et solum mihi súperest sepúlchrum. Non peccávi, et in amaritudínibus moráitur óculus meus. Libera me, Dómine, et pone me juxta te, et cujúsvis manus pugnet contra me. Dies mei transiérunt, cogitatiónes meæ dissipátæ sunt, torquéntes cor meum. Noctem vertérunt in diem, et rursum post ténebras spero lucem. Si sustinúero, inférnus domus mea est, et in ténebris stravi léctulum meum. Putrédini dixi: Pater meus es; mater mea, et soror mea, vérmibus. Ubi est ergo nunc præstolátio mea, et patiéntiam meam quis consíderat?



*R.* Peccántem me quo-tí - di - e,



et non me pœ - ni - tén - tem, ti - mor




mor - tis con - túr - bat me: Qui - a in in -



fér - no nul - la est re - dém -




pti - o, mi - se - ré - re me - i, De-



us, et sal - va me.



Ÿ. De - us in nó-mi-ne tu - o sal-



vum me fac, et in vir-tú-te tu - a




lí - be - ra me. Qui - a.

## LECTIO VIII.

## JOB 19. c.

**P**ELLI meæ, consúptis cárnibus, adhæsit os meum, et derelicta sunt tantúmmodo lábia circa dentes meos. Miserémini mei, miserémini mei, saltem vos amíci mei, quia manus Dómini tétigit me. Quare persequímini me sicut Deus, et cárnibus meis saturámini? Quis mihi tríbuat ut scribántur sermónes mei? quis mihi det ut exaréntur in libro stylo férreo, et plumbi lámína, vel celte sculpántur in sílice? Scio enim quod Redémptor meus vivit, et in novíssimo die

de terra surrecturus sum: Et rursum circumdabor pelle mea, et in carne mea videbo Deum meum. Quem visurus sum ego ipse, et oculi mei conspecturi sunt, et non alius: repósita est hæc spes mea in sinu meo.




R. Dó - mi - ne, se - cún - dum a - ctum me -



um, no - li me ju - di - cá -



re: ni - hil di - gnum in con -



spé - ctu tu - o e - gi:



i - de - o dé - pre - cor ma - je -




stá - tem tu - am, Ut tu





De - us dé - le - as i - ni - qui -



tá - tem me - am.




†. Am - pli - us la - va me,



Dó - mi - ne, ab in - ju - stí - ti - a



me - a, et a de - lí - cto me -



o mun - da me.




Ut tu De - us.

## LECTIO IX.

JOB 10. D.


**Q**UARE de vulva eduxisti me? qui útinam cónsumptus essem ne óculus me vidéret. Fuissem quasi non essem, de útero translátus ad túmulum? Numquid non páucitas diérum meórum finiétur brevi? dimítte ergo me, ut plangam páululum dolórem meum: ántequam vadam et non revértar, ad terram tenebrósam, et opértam mortis calígine: terram misériæ et tenebrárum, ubi umbra mortis, et nullus ordo, sed sempitérnus horror inhábitat.



*R.* Lí - be - ra me Dó - mi - ne de



vi - is in - fér - ni, qui por - tas æ - re - as





con - fre - gí - sti, et vi - si - tá - sti



in - fér - num, et de - dí - sti e - is lu -



men ut vi - dé - rent te: Qui e - rant




Aliud Responsorium, videlicet: **Líbera me Dó - mine,** quod dicitur in die Commemorationis om-

nium Defunctorum, et quandocumque pro Defunctis dicuntur novem Lectiones, require fol. 189.

## AD LAUDES

ABSOLUTE INCIPITUR.



Ex - ul - tábunt Dómino. E u o u a e.

Psalm 50. Miserére, ut supra pag. 130.



Antiphona. Ex - ul - tá-bunt Dó-mi-no.



os - sa hu - mi - li - á - ta.



Antiphona. Ex-áudi Dó - mi-ne. E u o u a e.

### PSALMUS 64.

**T**E decet hymnus, Deus, in Sion: \* et tibi reddétur votum in Jerúsalem.

Exáudi oratióem meam: \* ad te omnis caro véniet.

Verba iniquórum prævaluérunt super nos: \* et impietátibus nostris tu propitiáberis.

Beátus quem elegísti et assumpsísti: \* inhabitábit in átriis tuis.

Replébimur in bonis domus tuæ : \* sanctum est templum tuum, mirábile in æquitáte.

Exáudi nós, Deus, salutáris noster, \* spes ómnium finium terræ, et in mari longe.

Præparans montes in virtúte tua, accínctus poténtia : \* qui contúrbas profúndum maris, sonum flúctuum ejus.

Turbabúntur gentes, et tímébunt qui hábitant términos a signis tuis : \* éxitus matutíni et vespere delectábis.

Visitásti terram et inebriásti eam : \* multiplicásti locupletáre eam.

Flumen Dei replétum est aquis, parásti cibum illórum : \* quóniam ita est præparátio ejus.

Rivos ejus inébria, múltiplica genímína ejus : \* in stillicídiis ejus lætábitur gérminans.

Benedíces corónæ anni benignitátis tuæ : \* et campi tui replébúntur ubertáte.

Pinguéscent speciósa desérti : \* et exultatióne colles accingéntur.

Indúti sunt aríetes óvium, et valles abundábunt frumento : \* clamábunt, étenim hymnum dicent.

Réquiem ætérnam, etc.



Antiphona. Ex-áu-di, Dó - mi-ne, o - ra - ti - ó-



nem me - am, ad te omnis ca - ro vé - ni - et.



*Antiphona.* Me sus-cé - pit. E u o u a e.

**PSALMUS 62.**

**D**EUS Deus meus, \* ad te de luce vígilo.  
Sítívit in te ánima mea, \* quam múltipliciter tibi  
caro mea.

In terra desérta, et ínvia, et inaquósa : \* sic in sancto  
appáruí tibi, ut vidérem virtútem tuam, et glóriam  
tuam.

Quóniam mélior est misericórdia tua super vitas : \*  
lábia mea laudábunt te.

Sic benedícam te in vita mea : \* et in nómine tuo  
levábo manus meas.

Sicut ádipe et pinguédine repleátur ánima mea : \* et  
lábiis exultatiónis laudábit os meum.

Si memor fui tui super stratum meum, in matutínis  
meditábor in te : \* quia fuísti adjútor meus.

Et in velaménto alárum tuárum exultábo, adhæsit  
ánima mea post te : \* me suscepit délixtera tua.

Ipsi vero in vanum quæsiérunt ánimam meam, in-  
troíbunt in inferióra terræ : \* tradéntur in manus gládii,  
partes vúlpium erunt.

Rex vero lætábitur in Deo, laudabúntur omnes qui  
jurant in eo : \* quia obstrúctum est os loquéntium  
iníqua.

**PSALMUS 66.**

**D**EUS misereátur nostri, et benedícat nobis : \* illú-  
minet vultum suum super nos, et misereátur  
nostri.

Ut cognoscámus in terra viam tuam: \* in ómnibus géntibus salutáre tuum.

Confiteántur tibi pópuli, Deus: \* confiteántur tibi pópuli omnes.

Læténtur, et exúltent gentes: \* quóniam júdicas pópulos in æquitáte, et gentes in terra dírigis.

Confiteántur tibi pópuli, Deus: confiteántur tibi pópuli omnes: \* terra dedit fructum suum.

Benedícat nos Deus, Deus noster, benedícat nos Deus: \* et métuant eum omnes fines terræ.

Réquiem ætérrnam, etc.



Antiphona. Me su - scé - pit dex - te - ra



tu - a, Dó - mi - ne.



Antiphona. A por - ta ín - fe - ri. E u o u a e.

CANTICUM EZECHIE.

ISAÏÆ 38.

**E**GO dixi: In dimídio diérum meórum \* vadam ad portas ínferi.

Quæsívi resíduum annórum meórum: \* dixi: Non vidébo Dóminum Deum in terra vivéntium.

Non aspíciam hómínem ultra, \* et habitatórem quiétis.

Generatio mea ablata est, et convoluta est a me, \* quasi tabernaculum pastorum.

Præcisata est velut a texente, vita mea: dum adhuc ordierer, succidit me: \* de mane usque ad vesperam finies me.

Sperabam usque ad mane: \* quasi leo sic contrivit omnia ossa mea.

De mane usque ad vesperam finies me. \* Sicut pullus hirundinis sic clamabo, meditabor ut columba.

Attenuati sunt oculi mei, \* suspicientes in excelsum.

Domine, vim patior, responde pro me. \* Quid dicam, aut quid respondebit mihi, cum ipse fecerit?

Recogitabo tibi omnes annos meos \* in amaritudine animæ meæ.

Domine, si sic vivitur, et in talibus vita spiritus mei: corripies me, et vivificabis me. \* Ecce in pace amaritudo mea amarissima.

Tu autem eruisti animam meam ut non periret: \* projecisti post tergum tuum omnia peccata mea.

Quia non infernus confitebitur tibi, neque mors laudabit te: \* non expectabunt qui descendunt in lacum, veritatem tuam.

Vivens vivens ipse confitebitur tibi, sicut et ego hodie: \* pater filiis notam faciet veritatem tuam.

Domine, salvum me fac, \* et psalmos nostros cantabimus cunctis diebus vitæ nostræ in domo Domini.

Réquiem æternam, etc.



Antiphona. A por-ta ín-fe-ri é - ru - e,





Júvenes et vírgines, senes cum junióribus láudent nomen Dómini: \* quia exaltátum est nomen ejus solius.

Conféssio ejus super cælum et terram: \* et exaltávit cornu pópuli sui.

Hymnus ómnibus sanctis ejus: \* filiis Israel, pópulo appropinquánti sibi.

### PSALMUS 149.

**C**ANTATE Dómino cánticum novum: \* laus ejus in ecclésia sanctórum.

Lætétur Israel in eo, qui fecit eum: \* et filii Sion exúltent in rege suo.

Láudent nomen ejus in choro: \* in tympano, et psaltério psallant ei.

Quia beneplácitum est Dómino in pópulo suo: \* et exaltábit mansuétos in salútem.

Exultábunt sancti in glória: \* lætabúntur in cubílibus suis.

Exaltatiónes Dei in gútture eórum: \* et gládii ancípites in mánibus eórum.

Ad faciéndam vindíctam in natió nibus: \* increpatiónes in pópulis.

Ad alligá ndos reges eórum in compédibus: \* et nó biles eórum in máncis férreis.

Ut fá ciant in eis jú dicium conscrí ptum: \* glória hæc est ómnibus sanctis ejus.

### PSALMUS 150.

**L**AUDATE Dóminum in sanctis ejus: \* laudáte eum in firmamé nto virtútis ejus.

Laudáte eum in virtútibus ejus: \* laudáte eum se cú ndum multítú dinem magnítú dinis ejus.

Laudáte eum in sono tubæ: \* laudáte eum in psalterio et cíthara.

Laudáte eum in tympano et choro: \* laudáte eum in chordis et órgano.

Laudáte eum in cymbalis benesonántibus, laudáte eum in cymbalis jubilatiónis: \* omnis spíritus láudet Dóminum.

Réquiem ætérnam, etc.



Antiphona. Om-nis spí - ri-tus láu - det



Dó - mi - num.



Ÿ. Au-dí - vi vo-cem de cæ - lo di-céntem mi-hi.



Ÿ. Be-á - ti mór-tu - i qui in Dó-mi-no mo-ri-úntur.



Antiphona. E-go sum. E u o u a e.

CANTICUM ZACHARÆ.

LUC. 1. G.

**B**ENEDICTUS Dóminus Deus Israel, \* quia visitávit, et fecit redemptiόνem plebis suæ.

Et eréxit cornu salútis nobis: \* in domo David púeri sui.

Sicut locútus est per os sanctórum, \* qui a sæculo sunt, prophetárum ejus:

Salútem ex inimícis nostris, \* et de manu ómnium qui odérunt nos:

Ad faciéndam misericórdiam cum pátribus nostris: \* et memorári testaménti sui sancti.

Jusjurándum, quod jurávit ad Abraham patrem nostrum, \* datúrum se nobis:

Ut sine timóre, de manu inimicórum nostrórum liberáti, \* serviámus illi.

In sanctitáte et justítia coram ipso, \* ómnibus diébus nostris.

Et tu, puer, prophéta Altíssimi vocáberis: \* præbis enim ante fáciem Dómini paráre vias ejus.

Ad dandam sciéntiam salútis plebi ejus: \* in remissionem peccatórum eórum:

Per víscera misericórdiæ Dei nostri: \* in quibus visitávit nos, óriens ex alto:

Illumináre his qui in ténebris et in umbra mortis sedent: \* ad dirigéndos pedes nostros in viam pacis.

Réquiem ætérnam, etc.



*Antiphona.* E-go sum re-sur-réc-ti - o, et vi-



ta: qui cre - dit in me, é - ti-am-si mór-



tu-us fú - e - rit, vi-vet, et om-nis qui vi-



vit, et credit, in me, non mo-ri - é - tur



in æ - tér-num.

Deinde, Pater noster.

Psalm. De profúndis fol. 202. cum Precibus et Orationibus Officio congruentibus, ut supra in Vesperis, fol. 205.

### DE OFFICIO FACIENDO

In exequiis, absente corpore defuncti, et in die tertio, septimo, trigesimo et anniversario.

**S**I faciendæ sint Exequiæ absente corpore, eo die, quo bene visum fuerit, in Ecclesia dicatur Officium Mortuorum, cum tribus Nocturnis, et Laudibus, et Antiphonis duplicatis, vel saltem unum Nocturnum cum tribus Lectionibus, et Laudibus, et Missa. Post Missam, Celebrans deponit manipulum et planetam, accipit pluviale nigri coloris, et præcedentibus Subdiacono cum Cruce, et Clero, et duobus Ceroferariis cum luminaribus accensis, et duobus Acolythis, uno cum navicula incensi et thuribulo, et altero cum vaseculo

Aquæ benedictæ et aspersorio, et hoc libro Rituali, accedit cum Diacono a sinistris ad locum tumuli, et ibi a circumstante Clero cantatur. *R.* Libera me, Dómine, etc. fol. 189. Interim ministratur incensum, benedicitur, et imponitur in thuribulum.

Postea dicitur: Kyrie eléison, Christe eléison, Kyrie eléison. Sacerdos dicit Pater noster, et dum secreto dicitur, accipit aspersorium, circuit tumbam aspergens, deinde incensat eodem modo, ut dictum est.

Postea dicit: *Ÿ.* Et ne nos indúcas in tentatiónem.

*R.* Sed libera nos a malo.

*Ÿ.* A porta ínferi.

*R.* Erue, Dómine, ánimam ejus.

*Ÿ.* Requíescat in pace. *R.* Amen.

*Ÿ.* Dómine, exáudi oratiónem meam.

*R.* Et clamor meus ad te véniat.

*Ÿ.* Dóminus vobíscum.

*R.* Et cum spírítu tuo.

#### ORÉMUS.

**A**BSOLVE, quæsumus Dómine, ánimam fámuli tui *N.* (vel fámulæ tuæ), ut defúnctus (vel defúncta) sæculo tibi vivat: et quæ per fragilitátem carnis humana conversatióne commísit, tu vénia misericordíssimæ pietátis abstérge. Per Christum Dóminum nostrum. *R.* Amen.

Vel dicatur Oratio, quæ dicta est in Missa, vel alia conveniens.

*Ÿ.* Réquiem ætérnam dona ei, Dómine.

*R.* Et lux perpétua lúceat ei.

*Ÿ.* Requíescat in pace. *R.* Amen.

Si Officium fuerit pro pluribus defunctis, Oratio et









Antiphona. Hic ac - cí - pi - et. E u o u a e.

PSALMUS 23.

**D**OMINI est terra, et plenitúdo ejus: \* orbis terrárum et univérsti qui hábitant in eo.

Quia ipse super mária fundávit eum: \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus, et mundo corde, \* qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino: \* et misericórdiam a Deo salutári suo.

Hæc est generátio quæréntium eum, \* quæréntium fáciem Dei Jacob.

Attóllite portas príncipes vestras, et elevámini portæ æternáles: \* et introíbit rex glóriæ.

Quis est iste rex glóriæ? \* Dóminus fortis et potens: Dóminus potens in prælio.

Attóllite portas príncipes vestras, et elevámini portæ æternáles, \* et introíbit rex glóriæ.

Quis est iste rex glóriæ? \* Dóminus virtútum ipse est rex glóriæ.

Glória Patri, etc.



Antiphona. Hic ac - cí - pi - et be - ne - di - cti - ó -



nem a Dó-mi-no, et mi-se-ri-cór-di-am a



De-o sa-lu-tá-ri su-o, qui-a hæc est ge-



ne-rá-ti-o quærénti-um Dó-minum.

**Postea dicitur:** Kyrie eléison. Christe eléison.  
Kyrie eléison.

Pater noster **secreto.** Interim corpus aspergit.

**Y.** Et ne nos indúcas in tentatiónem.

**R.** Sed líbera nos a malo.

**Y.** Me autem propter innocéntiam suscepísti.

**R.** Et confirmásti in conspéctu tuo in ætérnum.

**Y.** Dóminus vobíscum.

**R.** Et cum spírítu tuo.

#### ORÉMUS.

**O**MNIPOTENS et mitíssime Deus, qui ómnibus párvulis renátis fonte Baptísmatis, dum migrant a sæculo, sine ullis eórum méritis, vitam illico largíris ætérnam, sicut ánimæ hujus párvuli hódie crédimus te fecísse: fac nos, quæsumus Dómine, per intercessiónem beátæ Mariæ semper Vírginis, et ómnium Sanctórum tuórum, hic purificáti tibi méntibus famulári, et in

paradiso cum beáteis párvulis perénniter sociári. Per Christum Dóminum nostrum. *R.* Amen.

Dum portatur ad tumulum, et etiamsi tunc non portetur, dicitur:




*Antiphona.* Jú - ve-nes. E u o u a e.

*Psalmus.* Laudáte Dóminum de cælis, etc. fol. 253. et in fine Glória Patri.



*Antiphona.* Jú - ve-nes, et vír-gi - nes,



se-nes cum ju - ni - ó - ri - bus láudent nomen



Dó - mi - ni.

Kyrie eléison. Christe eléison. Kyrie eléison.

Pater noster *secreto.*

*V.* Et ne nos indúcas in tentatiónem.

*R.* Sed libera nos a malo.

*V.* Sínite párvulos veníre ad me.

*R.* Tálium est enim regnum cælórum.

*V.* Dóminus vobíscum.

*R.* Et cum spírítu tuo.

## ORÉMUS.

**O**MNIPOTENS sempitérne Deus, sanctæ puritátis amátor, qui ánimam hujus párvuli ad cælórum regnum hódie misericórditer vocáre dignátus es: dignéris étiam, Dómine, ita nobíscum misericórditer ágere; ut méritis tuæ sanctíssimæ Passiónis, et intercessióne beátæ Mariæ semper Vírginis, et ómnium Sanctórum tuórum, in eódem regno nos cum ómnibus Sanctis et Eléctis tuis semper fácias congaudére. Qui vivis et regnas cum Deo Patre, in unitáte Spíritus sancti Deus, per ómnia sæcula sæculórum. **R.** Amen.

Deinde Sacerdos corpus aspergat aqua benedicta, et thurificet, similiter et tumulum: postea sepeliatur. Cum autem a sepultura revertuntur in Ecclesiam, dicatur:



Benedícite ignis et æstus Dómino: \* benedícite frigus et æstus Dómino.

Benedícite rores et pruína Dómino: \* benedícite gelu et frigus Dómino.

Benedícite glácies et nives Dómino: \* benedícite noctes et dies Dómino.

Benedícite lux et ténebræ Dómino: \* benedícite fúlgura et nubes Dómino.

Benedícat terra Dóminum: \* láudet et superexáltet eum in sæcula.

Benedícite montes et colles Dómino: \* benedícite univérſa germinántia in terra Dómino.

Benedícite fontes Dómino: \* benedícite mária et flúmina Dómino.

Benedícite cete, et ómnia quæ movéntur in aquis, Dómino: \* benedícite omnes vólucres cæli Dómino.

Benedícite omnes béstiæ et pécora Dómino: \* benedícite filii hóminum Dómino.

Benedícat Israel Dóminum: \* láudet et superexáltet eum in sæcula.

Benedícite sacerdótes Dómini Dómino: \* benedícite servi Dómini Dómino.

Benedícite spíritus et ánimæ justórum Dómino: \* benedícite sancti et húmiles corde Dómino.

Benedícite Ananía, Azaría, Mísael Dómino: \* laudáte et superexaltáte eum in sæcula.

Benedicámus Patrem et Fílium cum sancto Spíritu: \* laudémus et superexaltémus eum in sæcula.

Benedíctus es, Dómine, in firmaménto cæli: \* et laudábilis, et glorióſus, et superexaltátus in sæcula.

Antiphona. Be-ne-dí - ci-te Dó - mi-num

om-nes e - lé - cti e - jus, á - gi-te di - es

læ - tí - ti - æ, et con - fi - té - mi - ni il - li.

Deinde ante altare dicit Sacerdos:

*Ÿ.* Dóminus vobíscum.

*R.* Et cum spírítu tuo.

ORÉMUS.

**D**EUS, qui miro órdine Angelórum ministéria, homínúmque dispénsas: concéde propítius; ut a quibus tibi ministrántibus in cælo semper assístitur, ab his in terra vita nostra muniátur. Per Christum Dóminum nostrum.

*R.* Amen.

## DE SACRAMENTO MATRIMONII.

**P**AROCHUS admonitus de aliquo Matrimonio in sua Parochia contrahendo, primum cognoscat ex his ad quos spectat, qui et quales sint, qui Matrimonium contrahere volunt: An inter eos sit aliquod canonicum impedimentum: Utrum sponte, libere, et secundum honestatem Sacramenti velint contrahere: Utrum sint in ætate legitima, ut vir saltem quatuordecim, mulier duodecim annos expleverit; et uterque sciat rudimenta Fidei, cum ea deinde filios suos docere debeant.

Noverit ex probatis Auctoribus, quæ sint canonica impedimenta matrimonii contrahendi, et quæ contractum dirimant; et qui sint gradus consanguinitatis et affinitatis, et item cognationis spiritualis ex Baptismi, vel Confirmationis Sacramento contractæ.

Habeat in primis ipse bene cognita præcepta illa omnia, quæ in Matrimoniis rite conficiendis servari oportere, sacri Canones, præcipue sancta Synodus Tridentina jussit; dabitque operam ut illa in Parochia sua accurate, exacteque serventur.

Præsertim vero meminerit, Matrimonia inter raptorem et raptam, dum ipsa in raptoris potestate manserit, inita, nec non clandestina, et quælibet Matrimonia, quæ aliter quam præsentem Parocho, vel alio Sacerdote de ipsius Parochi, vel Ordinarii licentia, et duobus, vel tribus testibus contrahuntur, ex ipsius Concilii decretis, irrita omnino, ac nulla esse.

Est autem proprius Parochus, qui adesse debet, is, in cujus Parochia Matrimonium celebratur, sive viri, sive mulieris.

Caveat præterea Parochus, ne facile ad contrahendum Matrimonium admittat vagos ac peregrinos, et qui incertas habent sedes; neque item eos, qui antea conjugati fuerunt, ut sunt uxores militum, vel captivorum, vel aliorum qui peregrinantur; nisi diligenter de iis omnibus facta inquisitione, et re ad Ordinarium delata, ab eoque habita ejusmodi Matrimonii celebrandi licentia, quæ gratis concedatur.

Antequam Matrimonium contrahatur, ter a proprio contrahentium Parocho continuis diebus festis in Ecclesia intra Missarum solemnias, ad ipsius Concilii præscriptum, publice denuntietur, inter quos Matrimonium sit contrahendum.

Si vero vir, et mulier Parochiæ sint diversæ, in utraque Parochia

fiant denuntiationes: quibus denunciationibus factis, si nullum legitimum opponatur impedimentum, ad celebrationem Matrimonii procedatur. Sed si quid obstat, ultra Parochus non procedat.

Quod si aliquando probabilis fuerit suspicio, vel alia rationabilis causa subsit, arbitrio Episcopi, Matrimonium malitiose impediri posse, si tot præcesserint denuntiationes, tunc de licentia Ordinarii, vel una tantum fiat denuntiatio, vel saltem Parocho, et duobus, vel tribus testibus præsentibus, Matrimonium celebretur. Deinde ante illius consummationem denuntiationes in Ecclesia fiant: ut si aliqua subsunt impedimenta facilius detegantur, nisi aliter Ordinarius ipse expedire judicaverit.

Has autem denuntiationes Parochus facere non aggrediatur, nisi prius de utriusque contrahentis libero consensu sibi bene constet.

Si vero infra duos menses post factas denuntiationes Matrimonium non contrahatur, denuntiationes repetantur, nisi aliter Episcopo videatur.

Denuntiationes autem fiant hoc modo. Inter Missarum solemnium Parochus populum admoneat in hanc sententiam vulgari sermone.

*Notum sit omnibus hic præsentibus, quod N. vir, et N. mulier, ex tali, vel tali familia, et Parochia, Deo adjuvante, intendunt inter se contrahere Matrimonium. Proinde admonemus omnes et singulos, ut si quis noverit aliquod consanguinitatis, vel affinitatis, aut cognationis spiritualis, vel quodvis aliud impedimentum inter eos esse, quod Matrimonium contrahendum invicem impediatur, illud quamprimum nobis denuntiare debeat; et hoc admonemus primo, si fuerit prima; vel secundo, si fuerit secunda; vel tertio, si fuerit tertia denuntiatio.*

Moneat Parochus conjuges, ut ante benedictionem Sacerdotalem in templo suscipiendam, in eadem domo non cohabitent, neque Matrimonium consumment, nec etiam simul maneant, nisi aliquibus propinquis, vel aliis præsentibus; quæ benedictio a nullo alio, quam ab ipso Parocho, seu ab alio Sacerdote de ipsius Parochi, vel Ordinarii licentia, fieri debet.

Caveat etiam Parochus, ne quando conjuges in primis nuptiis benedictionem acceperint, eos in secundis benedicat, sive mulier, sive etiam vir ad secundas nuptias transeat. Sed ubi ea viget consuetudo, ut si mulier nemini umquam nupserit, etiamsi vir aliam uxorem habuerit, nuptiæ benedicantur, ea servanda est. Sed viduæ nuptias non benedicat, etiamsi ejus vir numquam uxorem duxerit.



Matrimonium in Ecclesia maxime celebrari decet: sed si domi celebratum fuerit præsentem Parocho et testibus, sponsi veniant ad Ecclesiam benedictionem accepturi, et tunc caveat Sacerdos, ne iterum a contrahentibus consensum exigat; sed tantum benedictionem illis conferat, celebrata Missa, ut infra dicitur.

Admoneantur præterea conjuges, ut antequam contrahant, sua peccata diligenter confiteantur, et ad Ss. Eucharistiam, atque ad Matrimonii Sacramentum suscipiendum pie accedant, et quomodo in eo recte et christiane conversari debeant, diligenter instruantur ex divina Scriptura, exemplo Tobiae et Saræ, verbisque Angeli Raphaelis eos docentis, quam sancte conjuges debeant convivere.

Postremo meminerint Parochi, a Dominica I. Adventus usque ad diem Epiphaniæ, et a Feria IV. Cinerum usque ad Octavam Paschæ inclusive, solemnitates nuptiarum prohibitas esse, ut nuptias benedicere, sponsam traducere, nuptialia celebrare convivia. Matrimonium autem omni tempore contrahi potest. Nuptiæ vero qua decet modestia et honestate fiant: sancta enim res est Matrimonium, sancteque tractandum.

Quæ omnia fere ex sacri Concilii Tridentini decretis desumpta, et item alia, quæ ibi de Matrimonio rite contrahendo præcipiuntur, sunt diligenter servanda.

## RITUS CELEBRANDI

### MATRIMONII SACRAMENTUM.

**P**AROCCHUS igitur Matrimonium celebraturus, publicationibus factis tribus diebus Festis, ut dictum est, si nullum obstet legitimum impedimentum, in Ecclesia superpelliceo et alba stola indutus, adhibito uno saltem Clerico superpelliceo pariter induto, qui librum et vas Aquæ benedictæ cum aspersorio deferat, coram tribus, aut duobus testibus, virum, et mulierem, quos parentum, vel propinquorum suorum præsentia

cohonestari decet, de consensu in Matrimonium interroget utrumque singillatim in hunc modum vulgari sermone.\*

*N.* vis accipere *N.* hic præsentem in tuam legitimam uxorem juxta ritum sanctæ Matris Ecclesiæ?

*Respondeat Sponsus: Volo.*

*Mox Sacerdos Sponsam interroget: N.* vis accipere *N.* hic præsentem in tuum legitimum maritum juxta ritum sanctæ Matris Ecclesiæ?

*Respondeat Sponsa: Volo.*

*Nec sufficit consensus unius, sed debet esse amborum, et expressus aliquo signo sensibili, sive fiat per se, sive per procuratorem.*

*Anglice:*

\* *Q.* *N.* Wilt thou take *N.* here present for thy lawful wife, according to the rite of our holy Mother the Church? *A.* I will.

*Q.* *N.* Wilt thou take *N.* here present for thy lawful husband, according to the rite of our holy Mother the Church? *A.* I will.

*Gallice:*

*D.* *N.* Voulez-vous prendre *N.*, qui est ici présente, pour votre légitime épouse, suivant le rite de notre mère la sainte Eglise. *R.* Oui, je le veux.

*D.* Et vous, *N.*, voulez-vous prendre *N.*, qui est ici présent, pour votre légitime époux, suivant le rite de notre mère la sainte Eglise? *R.* Oui, je le veux.

*Germanice:*

*F.* *N.* Wollt ihr (wollen Sie) diese hier gegenwärtige *N.* nach dem Gebrauche der heiligen katholischen Kirche, unserer Mutter, zu eurem (Ihrem) rechtmäßigen Weibe nehmen. *A.* Ich will.

*F.* *N.* Wollt ihr (wollen Sie) diesen hier gegenwärtigen *N.* nach dem Gebrauche der heiligen katholischen Kirche, unserer Mutter, zu eurem (Ihrem) rechtmäßigen Manne nehmen. *A.* Ich will.

Mutuo igitur contrahentium consensu intellecto, Sacerdos jubeat eos invicem jungere dexteras: \* dicens: Ego conjúngo vos in matrimónium, In nómine Patris ✠, et Fílii, et Spíritus sancti. Amen. Vel aliis utatur verbis juxta receptum uniuscujusque Provinciae ritum: postea eos aspergat Aqua benedicta.

Mox benedicit annulum.

### BENEDICTIO ANNULI.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dómine, exáudi oratiónem meam.

R. Et clamor meus ad te véniat.

Ÿ. Dóminus vobíscum.

R. Et cum spíritu tuo.

### ORÉMUS.

**B**ENEDIC ✠, Dómine, ánnulum hunc, quem nos in tuo nómine benedícimus ✠, ut quæ eum gestá-

---

\* Tunc primum sponsus, deinde sponsa sibi invicem fidem dare poterint sequenti formula:

I, N. N., take thee N. N. for my lawful wife (husband), to have and to hold from this day forward, for better for worse, for richer for poorer, in sickness and in health, till death do us part.

*Deinde Sacerdos dicit, " ego conjungo vos, &c., ut supra."*

#### *Gallice:*

Je vous prends pour ma femme (mon Mari) N., et ma légitime Epouse (mon légitime Epoux), et je vous jure que je vous serais fidèle Mari, (Epouse,) et que je vous assisterai de tout mon pouvoir en toutes vos nécessités, tant qu'il plaira à Dieu de nous laisser ensemble.

#### *Germanice:*

Ich N. N. nehme Dich N. N. mir zu einer ehelichen Gattin (Gatten) und gelobe Dir an, die eheliche Treue zu bewahren, Dich nimmermehr zu verlassen, es sei in Kreuz, in Krankheit und allerlei Widerwärtigkeit, bis an mein letztes Ende, dazu helfe mir Gott, die heil. Mutter Gottes und alle lieben Heiligen. Amen.

verit, fidelitátem íntegram suo sponso tenens, in pace, et voluntáte tua permáneat, atque in mútua charitáte semper vivat. Per Christum Dóminum, etc.

Deínde Sacerdos aspergat anulum áqua benedicta in modum Crucis; et sponsus acceptum anulum de manu Sacerdotis, imponit in digito annulari sinistræ manus sponsæ,\* Sacerdote dicente: In nómine Patris ✠, et Fílii, et Spíritus sancti. Amen.

Mox subjungat: *Ÿ.* Confirma hoc Deus quod operátus es in nobis.

*R.* A templo sancto tuo, quod est in Jerúsalem. Kyrie eléison. Christe eléison. Kyrie eléison.

Pater noster *secreto.*

*Ÿ.* Et ne nos indúcas in tentatiónem.

*R.* Sed líbera nos a malo.

*Ÿ.* Salvos fac servos tuos.

*R.* Deus meus, sperántes in te.

*Ÿ.* Mitte eis, Dómine, auxiliúm de sancto.

*R.* Et de Sion tuére eos.

*Ÿ.* Esto eis, Dómine, turrís fortitúdinis.

*R.* A fácie inimíci.

*Ÿ.* Dómine, exáudi oratiónem meam.

*R.* Et clamor meus ad te véniat.

*Ÿ.* Dóminus vobíscum.

*R.* Et cum spíritu tuo.

\* Dum sponsus anulum imponit digito sponsæ dicit "*With this ring I thee wed, and I plight unto thee my truth:*" tunc Sacerdos dicit *In Nomine Patris*, etc., ut supra.

*Gallice:*

Mon Epouse, je vous donne cet Anneau en signe de Mariage.

*Germanice:*

Mit diesem Ringe eheliche ich Dich und gelobe Dir meine Treue.

## ORÉMUS.

**R**ESPICE, quæsumus Dómine, super hos fámulos tuos, et institútis tuis, quibus propagatióem húmáni géneris ordinásti, benígnus assiste; ut qui te auctóre jungúntur, te auxiliánte servéntur: Per Christum Dóminum nostrum. *R.* Amen.

His expletis, si benedicendæ sint nuptiæ, Parochus Missam pro Sponso et Sponsa, ut in Missali Romano, celebret servatis omnibus, quæ ibi præscribuntur.\*

Cæterum, si quæ Provinciæ aliis, ultra prædictas, laudabilibus consuetudinibus et cæremoniis in celebrando Matrimonii Sacramento utantur, eas sancta Tridentina Synodus optat retineri.

Peractis omnibus, Parochus manu sua describat in libro Matrimoniorum nomina conjugum, et testium, et alia juxta formulam præscriptam; idque, licet alius Sacerdos, vél a se, vel ab Ordinario delegatus, Matrimonium celebraverit.†

## DE BENEDICTIONE MULIERIS POST PARTUM.

**S**I qua puerpera post partum; juxta piam ac laudabilem consuetudinem, ad Ecclesiam venire voluerit, pro incolumitate sua Deo gratias actura, petieritque a Sacerdote benedictionem, ipse superpelliceo et stola alba indutus, cum ministro aspergillum deferente, ad fores Ecclesiæ accedat, ubi illam foris ad limina genu-

---

\* Solemnis benedictio Nuptiarum quæ in Missali habetur, nonnisi in Missa impertienda est. S. R. C., 23 Jun., 1853: et 14 Aug., 1858.

— *Nota Edit.*

† Modus assistendi Matrimoniis mixtis ad calcem Appendicis reperietur. — *Nota Edit.*

flectentem, et candelam accensam in manu tenentem,  
Aqua benedicta aspergat, deinde dicat:

Ÿ. Adjutórium nostrum in nómine Dómini.

R. Qui fecit cælum et terram.

Antiphona. Hæc accípiet.

Psalmus. Dómini est terra fol. 261. cum Glória Patri, etc.

Et repetitur Antiphona: Hæc accípiet benedictiónem a Dómino, et misericórdiam a Deo salutári suo: quia hæc est generátio quæréntium Dóminum.

Deinde porrigens ad manum mulieris extremam partem stolæ, eam introducit in Ecclesiam, dicens:

Ingrédere in templum Dei, adóra Fílium beátæ Mariæ Vírginis, qui tibi fœcunditátem tríbuit prolis.

Et ipsa ingressa, genuflectit coram Altari, et orat, gratias agens Deo de beneficiis sibi collatis; et Sacerdos dicit:

Kyrie eléison. Christe eléison. Kyrie eléison.

Pater noster secreto.

Ÿ. Et ne nos indúcas in tentatiónem.

R. Sed líbera nos a malo.

Ÿ. Salvam fac ancíllam tuam, Dómine.

R. Deus meus, sperántem in te.

Ÿ. Mitte ei, Dómine, auxílium de Sancto.

R. Et de Sion tuére eam.

Ÿ. Nihil proficiat inimícus in ea.

R. Et filius iniquitátis non appónat nocére ei.

Ÿ. Dómine, exáudi oratiónem meam.

R. Et clamor meus ad te véniat.

Ÿ. Dóminus vobíscum.

R. Et cum spírítu tuo.

## ORÉMUS.

**O**MNIPOTENS sempitérne Deus, qui per beátæ Mariæ Vírginis partum fidélium pariéntium dolóres in gáudium vertísti: réspice propítius super hanc fámulam tuam, ad templum sanctum tuum pro gratiárum actióne lætam accedéntem, et præsta: ut post hanc vitam ejúsdem beátæ Mariæ méritis et intercessióne, ad ætérnæ beatitúdinis gáudia cum prole sua perveníre mereátur. Per Christum Dóminum nostrum.

**R.** Amen.

Deinde illam aspergit iterum **Aqua benedicta in modum Crucis, dicens: Pax, et benedictio Dei omnipoténtis, Patris ✠, et Fílii, et Spíritus sancti, descendat super te, et máneat semper. Amen.**

# DE BENEDICTIONIBUS

## REGULÆ GENERALES.

**N**OVERIT Sacerdos, quarum rerum benedictiones ad ipsum, et quæ ad Episcopum suo jure pertineant, ne majoris dignitatis munera temere, aut imperite unquam usurpet propria auctoritate.

In omni benedictione extra Missam, Sacerdos saltem superpelliceo, et stola pro ratione temporis utatur, nisi aliter in Missali notetur.

Stando semper benedicat, et aperto capite.

In principio cujusque benedictionis dicat :

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Dóminus vobíscum.

*R.* Et cum spíritu tuo.

Deinde dicatur Oratio propria una, vel plures, prout suo loco notatum fuerit. Postea rem aspergat Aqua benedicta, et ubi notatum fuerit, pariter incenset, nihil dicendo.

Cum Sacerdos aliquid benedicturus est, habeat ministrum cum vase Aquæ benedictæ et aspergillo, et cum hoc Rituali libro, seu Missali.

Caveat, ne benedictionis causa ponat aliquid indecens super Altare, veluti esculenta; sed quod ejusmodi est, ponatur super mensam, commodo loco paratam.

## ORDO AD FACIENDAM AQUAM BENEDICTAM.

**D**IEBUS Dominicis, et quandocumque opus fuerit, præparato sale et aqua munda benedicenda in Ec-



clesia, vel Sacristia, Sacerdos superpelliceo et stola violaceâ indutus, primo dicit:

*Ÿ. Adjutorium nostrum in nómine Dómini.*

*R. Qui fecit cælum et terram.*

Deinde absolute incipit Exorcismus salis.

**E**XORCIZO te creatúra salis, per Deum ✠ vivum, per Deum ✠ verum, per Deum ✠ sanctum, per Deum, qui te per Eliséum prophétam in aquam mitti jussit, ut sanarétur sterilitas aquæ: ut efficiáris sal exorcizátum in salútem credéntium: et sis omnibus suméntibus te sánitas ánimæ et córporis; et effúgiat, atque discédât a loco, in quo aspérsus fúeris, omnis phantásia, et nequítia, vel versútia diabólicæ fráudis, omnisque spíritus immúndus, adjurátus per eum, qui ventúrus est judicáre vivos et mórtuos, et sæculum per ignem. *R. Amen.*

#### ORÉMUS.

**I**MMENSAM cleméntiam tuam, omnípotens ætérne Deus, humíliter implorámus: ut hanc creatúram salis, quam in usum géneris humáni tribuísti, bene ✠ dícere, et sancti ✠ ficáre tua pietáte dignéris: ut sit ómnibus suméntibus, salus mentis et córporis: et quidquid ex eo tactum, vel respérsus fúerit, cáreat omni immundítia, omníque impugnatíone spirituális nequítiae. Per Dóminum.

#### EXORCISMUS AQUÆ, ET DICITUR ABSOLUTE.

**E**XORCIZO te creatúra aquæ, in nómine Dei Patris ✠ omnipoténtis, in nómine Jesu ✠ Christi Fílii ejus Dómini nostri, et in virtúte Spíritus ✠ sancti: ut fias aqua exorcizáta ad effugándam omnem potestátem

inimici; et ipsum inimicum eradicare et explantare valeas cum angelis suis apostaticis: per virtutem ejusdem Domini nostri Jesu Christi, qui venturus est judicare vivos et mortuos, et saeculum per ignem.

R. Amen.

ORÉMUS.

**D**EUS, qui ad salutem humani generis, maxima quaeque Sacramenta in aquarum substantia condidisti: adesto propitius invocationibus nostris, et elemento huic multiformis purificationibus praeparato virtutem tuae bene ✠ dictionis infunde; ut creatura tua mysteriis tuis serviens, ad abigendos daemones, morbosque pellendos divinae gratiae sumat effectum; ut quidquid in domibus, vel in locis Fidelium, haec unda resperserit, careat omni immunditia, liberetur a noxa: non illic resideat spiritus pestilens, non aura corrumpens: discendant omnes insidiae latentis inimici; et si quid est, quod aut incolumitati habitantium invidet, aut quieti, aspersione hujus aquae effugiat, atque discadat: ut salubritas per invocationem sancti tui nominis expetita, ab omnibus sit impugnationibus defensa. Per Dominum nostrum.

Hic ter mittit sal in aquam in modum Crucis, dicendo semel: Commixtio salis et aquae pariter fiat in nomine Pa ✠ tris, et Fi ✠ lii, et Spiritus ✠ sancti. Amen.

✠. Dominus vobiscum.

R. Et cum spiritu tuo.

ORÉMUS.

**D**EUS, invictae virtutis auctor, et insuperabilis imperii rex, ac semper magnificus triumphator: qui

advérsæ dominationis vires réprimis: qui inimíci rugiéntis sævítiám súperas: qui hostíles nequítias potén-ter expúgnas: te, Dómine, treméntes et súpplíces de-precámur, ac pétimus; ut hanc creatúram salis et aquæ dignánter aspicias, benígnus illústres, pietátis tuæ rore sanctífices; ut ubicúmque fúerit aspérsa, per invoca-tiónem sancti tui Nómínis, omnis infestátio immúndi spíritus abigátur, terrórque vénenósi serpéntis procul pellátur, et præsentia sancti Spíritus, nobis misericór-diam tuam poscéntibus, ubíque adesse dignétur. Per Dóminum. . . . In unitáte ejúsdem Spíritus, etc.

Post benedictionem Aquæ, Sacerdos Dominicis die-bus antequam incipiat Missam, aspergit Altare, deinde se, et ministros, ac populum, prout in Missali præscri-bitur.

Postea Christifideles possunt de ista Aqua benedicta in vasculis suis accipere, et secum deferre ad aspergen-dos ægros, domos, agros, vineas, et alia, et ad eam ha-bendam in cubiculis suis, ut ea quotidie et sæpius aspergi possint.

## BENEDICTIO CANDELARUM

### EXTRA DIEM PURIFICATIONIS B. MARIÆ VIRGINIS.

℣. Adjutórium nostrum in nómine Dómini.

℞. Qui fecit cælum et terram.

℣. Dóminus vobíscum.

℞. Et cum spíritu tuo.

### ORÉMUS.

**D**OMINE Jesu Christe, Fíli Dei vivi, béne ✠ dic candélas istas supplicatióibus nostris; infúnde eis, Dómine, per virtútem sanctæ Cru ✠ cis, benedi-

ctiónem cæléstem, qui eas ad repelléndas ténébras humano géneri tribuísti; talémque benedictiónem signáculo sanctæ Cru ✠ cis accipient; ut quibuscúmque locis accénsæ, sive pósitæ fúerint, discédant príncipes tenebrárum, et contremíscant, et fúgiant pávidi cum ómnibus mínistris suis ab habitatióibus illis, nec præsumant ámplius inquietáre, aut molestáre serviétes tibi omnipoténti Deo: Qui vivis, et regnas in sæcula sæculórum. *R.* Amen.

## BENEDICTIO DOMORUM

### IN SABBATO SANCTO PASCHÆ.

**P**AROCHUS, seu alius Sacerdos, superpelliceo et stola alba indutus, cum ministro deferente vas aquæ ex benedictione Fontium ante perfusionem Chrismatis acceptæ, visitat domus suæ Parochiæ, aspergens eas eadem Aqua benedicta.

Ingrediens domum dicit: Pax huic dómui, et ómnibus habitántibus in ea.

Deinde aspergens loca præcipua domus, et eos qui habitant in ea, dicit Antiphonam: Vidi aquam egrediéntem de templo a látere dextro, allelúja: et omnes, ad quos pervénit aqua ista, salvi facti sunt, et dicent, allelúja, allelúja.

*Psalm.* Confitémini Dómino, quóniam bonus; quóniam in sæculum misericórdia ejus.

*V.* Glória Patri, etc.

*Repetitur Antiphona.* Vidi aquam, etc.

Deinde dicit *V.* Osténde nobis Dómine, misericórdiam tuam, allelúja.

*R.* Et salutáre tuum da nobis, allelúja.

**Ÿ.** Dómine, exáudi oratiónem meam.

**R.** Et clamor meus ad te véniat.

**Ÿ.** Dóminus vobiscum.

**R.** Et cum spíritu tuo.

## ORÉMUS.

**E**XAUDI nos, Dómine sancte, Pater omnípotens ætérne Deus: et sicut dómos Hebræórum in éxitu de Ægypto, agni sángine linítas (quod Pascha nostrum, in quo immolátus est Christus, figurábat) ab Angelo percutiénte custodísti: ita mittere dignéris sanctum Angelum tuum de cælis, qui custódiat, fóveat, prótegat, vísitet, atque deféndat omnes habitántes in hoc habitáculo. Per eúmdem Christum Dóminum nostrum. **R.** Amen.

## ALIA BENEDICTIO DOMORUM

ALIO TEMPORE FACIENDA CUM ASPERSIONE AQUÆ  
BENEDICTÆ.

**P**AROCHUS, seu alii Sacerdotes volentes aliquam particularem domum, vel generaliter domos Fide-  
lium alio tempore infra annum aspergere Aqua bene-  
dicta, ingredientes domum, dicant: Pax huic dómui,  
et ómnibus habitántibus in ea.

Deinde loca aspergendo, dicant **Antiphonam**: Aspér-  
ges me, Dómine, hyssópo, et mundábor: lavábis me,  
et super nivem dealbábor.

**Psalmus.** Miserére mei, Deus, secúndum magnam  
misericórdiam tuam.

**Ÿ.** Glória Patri, etc.

Et repetitur **Antiphona.** Aspérges me, etc.

**Ÿ.** Dómine, exáudi oratiómem meam.

**R.** Et clamor meus ad te véniat

**Ÿ.** Dóminus vobíscum.

**R.** Et cum spírítu tuo.

#### ORÉMUS.

**E**XAUDI nos, Dómine sancte, Pater omnípotens, ætérne Deus: et mittere dignéris sanctum Angelum tuum de cælis, qui custódiat, fóveat, prótegat, vísitet, atque deféndat omnes habitántes in hoc habitáculo. Per Christum Dóminum nostrum. **R.** Amen.

Deinde aspergat Aqua benedicta.

#### BENEDICTIO LOCI.

**Ÿ.** Adjutórium nostrum in nómine Dómini.

**R.** Qui fecit cælum et terram.

**Ÿ.** Dómine, exáudi oratiómem meam.

**R.** Et clamor meus ad te véniat.

**Ÿ.** Dóminus vobíscum.

**R.** Et cum spírítu tuo.

#### ORÉMUS.

**B**ENEDIC ✠, Dómine, Deus omnípotens, locum istum (**vel** domum istam): ut sit in eo (**vel** in ea) sánitas, cástitas, victória, virtus, humílitas, bónitas, et mansuetúdo, plenitúdo legis, et gratiárum áctio Deo Patri, et Fílio, et Spírítui sancto; et hæc benedíctio máneat super hunc locum (**vel** super hanc domum) et super habitántes in eo (**vel** in ea) nunc et semper.

Et aspergat Aqua benedicta.

## ALIA BENEDICTIO DOMUS NOVÆ.

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Dóminus vobíscum.

*R.* Et cum spíritu tuo.

## ORÉMUS.

**T**E Deum Patrem omnipoténtem suppliciter exorá-  
mus pro hac domo, et habitatóribus ejus, ac rebus;  
ut eam bene ✠ dícere, et sancti ✠ ficáre, ac bonis  
ómnibus ampliáre dignéris: tríbue eis, Dómine, de  
rore cæli abundántiam, et de pinguédine terræ vitæ  
substántiam, et desidéria voti eórum ad efféctum tuæ  
miseratiónis perdúcas. Ad intróitum ergo nostrum  
bene ✠ dícere, et sancti ✠ ficáre dignéris hanc domum,  
sicut benedicere dignátus es domum Abraham, Isaac,  
et Jacob: et intra parietes domus istíus, Angeli tuæ  
lucis inhábitent; eámque, et ejus habitatóres custó-  
diant. Per Christum Dóminum nostrum. *R.* Amen.

*Deinde aspergat Aqua benedicta.*

## BENEDICTIO THALAMI.

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Dóminus vobíscum.

*R.* Et cum spíritu tuo.

## ORÉMUS.

**B**ENEDIC ✠, Dómine thálamum hunc; ut omnes  
habitántes in eo, in tua pace consístant, et in tua  
voluntáte permáneant, et senéscant, et multiplicéntur

in longitudinem diérum, et ad regna cælórum pervé-  
niant. Per Christum Dóminum nostrum. **R.** Amen.  
Postea aspergat Thalamum Aqua benedicta.

### BENEDICTIO NOVÆ NAVIS.

**V.** Adjutórium nostrum in nómine Dómini.

**R.** Qui fecit cælum et terram.

**V.** Dóminus vobíscum.

**R.** Et cum spírítu tuo.

### ORÉMUS.

**P**ROPITIARE, Dómine, supplicatióibus nostris, et béne **✠** dic navem istam délixtera tua sancta, et omnes qui in ea vehéntur, sicut dignátus es benedicere arcam Noe ambulántem in dilúvio: pórrige eis, Dómine, délixteram tuam; sicut porrexísti beáto Petro ambulánti super mare; et mitte sanctum Angelum tuum de cælis, qui líberet, et custódiat eam semper a perículis univérsis, cum ómnibus quæ in ea erunt; et fámulos tuos, repúlsis adversitatíbus, portu semper optábili, cursúque tranquillo tueáris; transactísque, ac recte perféctis negótiis ómnibus iteráto témpore ad propria cum omni gáudio revocáre dignéris. Qui vis, et regnas, etc. **R.** Amen.

Aspergat Navim Aqua benedicta.

### BENEDICTIO COMMUNIS

#### SUPER FRUGES, ET VINEAS.

**V.** Adjutórium nostrum in nómine Dómini.

**R.** Qui fecit cælum et terram.

**V.** Dómine, exáudi oratiónem meam.



**R.** Et clamor meus ad te véniat.

**V.** Dóminus vobíscum.

**R.** Et cum spírítu tuo.

### ORÉMUS.

**O**RAMUS pietátem tuam, omnípotens Deus, qui has primitias creatúræ tuæ, áeris et plúviæ temperaménto nutrírre dignátus es, benedictiónis tuæ imbre perfúndas, et fructus terræ tuæ usque ad maturitátem perdúcas. Tríbue quoque pópulo tuo de tuis munéribus tibi semper grátias ágere; ut a fertilitáte terræ esuriéntium ánimas bonis ómnibus affluéntibus répleas, et egénus et páuper láudent nomen glóriæ tuæ. Per Christum Dóminum nostrum. **R.** Amen.

*Aspergat illas Aqua benedicta.*

## BENEDICTIO PEREGRINORUM

### AD LOCA SANCTA PRODEUNTIIUM.

**P**EREGRINI ad loca sancta profecturi, antequam discedant, juxta veteris Ecclesiæ institutum, debent accipere patentes, seu commendatitias litteras a suo Ordinario, seu Parocho. Quibus obtentis, et rebus suis dispositis, facta peccatorum suorum confessione, et audita Missa, in qua dicitur Oratio pro Peregrinantibus, ss. Eucharistiam devote suscipiant. Expleta Missa, Sacerdos super eos genuflexos dicit sequentes preces.

*Antiphona. In viam pacis.*

*Canticum. Benedíctus. fol. 255. in fine, Glória Patri.*

*Repetitur Antiphona. In viam pacis et prosperitátis*

dirigat vos omnipotens et misericors Dominus; et Angelus Raphael comitetur vobiscum in via, ut cum pace, salute, et gaudio revertamini ad propria.

Kyrie eleison. Christe eleison. Kyrie eleison.

Pater noster, **secreto.**

**Y.** Et ne nos inducas in tentationem.

**R.** Sed libera nos a malo.

**Y.** Salvos fac servos tuos.

**R.** Deus meus, sperantes in te.

**Y.** Mitte eis, Domine, auxilium de sancto.

**R.** Et de Sion tuere eos.

**Y.** Esto eis, Domine, turris fortitudinis.

**R.** A facie inimici.

**Y.** Nihil proficiat inimicus in eis.

**R.** Et filius iniquitatis non apponat nocere eis.

**Y.** Benedictus Dominus die quotidie.

**R.** Prosperum iter faciat vobis Deus salutarium nostrorum.

**Y.** Vias tuas, Domine, demonstra nobis.

**R.** Et semitas tuas edoce nos.

**Y.** Utinam dirigantur viae nostrae.

**R.** Ad custodiendas justificationes tuas.

**Y.** Erunt prava in directa.

**R.** Et aspera in vias planas.

**Y.** Angelis suis Deus mandavit de te.

**R.** Ut custodiant te in omnibus viis tuis.

**Y.** Domine, exaudi orationem meam.

**R.** Et clamor meus ad te veniat.

**Y.** Dominus vobiscum.

**R.** Et cum spiritu tuo.

## ORÉMUS.

**D**EUS, qui filios Israel per maris médium sicco vestígio ire fecísti, quique tribus Magis iter ad te stella duce pandísti: tríbue eis, quæsumus, iter pró-sperum, tempúsque tranquíllum: ut Angelo tuo sancto cómite, ad eum, quo pergunt locum, ac demum ad æternæ salutis portum feliciter váleant pervenire.

**D**EUS, qui Abraham púerum tuum de Ur Chaldæórum edúctum, per omnes suæ peregrinatiónis vias illæsum custodísti: quæsumus; ut hos fámulos tuos custodire dignéris: esto eis, Dómine, in procínctu suffrágium, in via solátium, in æstu umbráculum, in plúvia et frígore teguméntum, in lassitúdine vehículum, in adversitáte præsídiu, in lúbrico báculo, in naufrágio portus: ut te duce, quo tendunt, prospere perveniant, et demum incólumes ad própria revertántur.

**A**DESTO, quæsumus Dómine, supplicatióibus nostris, et viam famulórum tuórum in salutis tuæ prosperitáte dispóne; ut inter omnes viæ et vitæ hujus varietátes tuo semper protegántur auxílio.

**P**RÆSTA, quæsumus omnipotens Deus: ut família tua per viam salutis incédât, et beáti Joánnis præcursóris hortaménta sectándo, ad eum, quem prædíxit, secúra perveniat, Dóminum nostrum Jesum Christum Fílium tuum.

**E**XAUDI, Dómine, preces nostras, et iter famulórum tuórum propítius comitáre, atque misericórdiam tuam, sicut ubique es, ita ubique largíre; quátenuš a cunctis adversitátibus, tua opitulatióne defénsi, gratiárum tibi réferant actiõem. Per Christum Dóminum nostrum. **Bj.** Amen.

Pax et benedictio ✠ Dei omnipotentis Patris, et Filii, et Spiritus sancti, descendat super vos, et maneat semper. Amen.

Deinde aspergantur Aqua benedicta.

Quod si unus fuerit peregrinaturus, omnia dicantur in numero singulari: ac si Sacerdos ipse, qui benedicit fuerit socius peregrinationis, dicat in persona prima numeri pluralis, quatenus congruere videbitur.

## BENEDICTIO PEREGRINORUM

### POST REDITUM.

Ÿ. Adjutorium nostrum in nomine Domini.

R. Qui fecit cælum et terram.

*Antiphona.* Ecce sic benedicetur homo, qui timet Dominum.

### PSALMUS 127.

**B**EATI omnes, qui timent Dominum: \* qui ambulat in viis ejus.

Labores manuum tuarum quia manducabis: \* beatus es, et bene tibi erit.

Uxor tua sicut vitis abundans, \* in lateribus domus tuæ.

Filii tui sicut novellæ olivarum, \* in circuitu mensæ tuæ.

Ecce sic benedicetur homo, \* qui timet Dominum.

Benedicat tibi Dominus ex Sion: \* et videas bona Jerúsalem omnibus diebus vitæ tuæ.

Et videas filios filiorum tuorum, \* pacem super Israel.

Glória Patri, etc.

**Antiphona.** Ecce sic benedicétur homo, qui timet Dóminum.

Kyrie eléison. Christe eléison. Kyrie eléison.

Pater noster, *secreto*.

Ÿ. Et ne nos indúcas in tentatiónem.

R. Sed líbera nos a malo.

Ÿ. Benedícti, qui véniunt in nómine Dómini.

R. Benedícti vos a Dómino, qui fecit cælum et terram.

Ÿ. Réspice, Dómine, in servos tuos, et in ópera tua.

R. Et dirige eos in viam mandatórum tuórum.

Ÿ. Dómine, exáudi oratiónem meam.

R. Et clamor meus ad te véniat.

Ÿ. Dóminus vobíscum.

R. Et cum spírítu tuo.

#### ORÉMUS.

**L**ARGIRE, quæsumus Dómine, fámulis tuis indulgéntiam placátus et pacem: ut páriter ab ómnibus mundéntur offénsis, et secúra tibi mente desérviant.

**O**MNIPOTENS sempitérne Deus, nostrórum téporum, vitæque dispósitor, fámulis tuis contínuæ tranquillitátis largíre subsídium: ut quos incólumes propriis labóribus reddidísti, tua fácias protectiône secúros.

**D**EUS, humílium visitátor, qui nos fratérna dilecti óne consoláris: præténde societáti nostræ grátiam tuam, ut per eos, in quibus hábitas, tuum in nobis sentiámus advéntum. Per Dóminum nostrum Jesum Christum, etc.

Deinde aspergantur **Aqua benedicta a Sacerdote dicente:** Pax, et benedíctio ✠ Dei omnipoténtis Patris, et Fílii, et Spírítus sancti, descéndat super vos, et máneat semper. Amen.

## BENEDICTIONES

## ESCULENTORUM, PRÆSERTIM IN PASCHA.

## BENEDICTIO AGNI PASCHALIS.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dóminus vobíscum.

R. Et cum spíritu tuo.

## ORÉMUS.

**D**EUS, qui per fámulum tuum Móysen, in liberatione pópuli tui de Ægypto, agnum occídi iussisti in similitúdinem Dómini nostri Jesu Christi, et utrósque postes domórum de sángine ejúsdem agni perúngi præcepísti: tu bene ✠ dícere, et sancti ✠ ficáre dignéris hanc creatúram carnis, quam nos fámuli tui ad láudem tuam súmere desiderámus, per resurrectionem ejúsdem Dómini nostri Jesu Christi: Qui tecum vivit, et regnat in sæcula sæculórum.

R. Amen.

Et mox aspergat Aqua benedicta.

## BENEDICTIO OVORUM.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dóminus vobíscum.

R. Et cum spíritu tuo.

## ORÉMUS.

**S**UBVENIAT, quæsumus Dómine, tuæ bene ✠ dictionis grátia, huic Ovórum creatúre: ut cibus salú-

bris fiat fidélibus tuis, in tuárum gratiárum actióne suméntibus, ob resurrectionem Dómini nostri Jesu Christi: Qui tecum vivit, et regnat in sæcula sæculórum. *R.* Amen.

*Et aspergat Aqua benedicta.*

## BENEDICTIO PANIS.

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Dóminus vobíscum.

*R.* Et cum spírítu tuo.

## ORÉMUS.

**D**OMINE Jesu Christe, panis Angelórum, panis vivus ætérnæ vitæ, bene ✠ dícere dignáre panem istum, sicut benedixísti quinque panes in desérto: ut omnes ex eo gustántes, inde córporis et ánimæ percípiant sanitátem: Qui vivis, et regnas in sæcula sæculórum. *R.* Amen.

*Et aspergat Aqua benedicta.*

## ALLA BENEDICTIO PANIS.

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Dóminus vobíscum.

*R.* Et cum spírítu tuo.

## ORÉMUS.

**D**OMINE sancte, Pater omnípotens, ætérne Deus, bene ✠ dícere dignéris hunc panem tua sancta spírítuáli benedictióne: ut sit ómnibus suméntibus salus mentis et córporis; atque contra omnes morbos,

et univérsas inimicórum insídias tutámen. Per Dóminum nostrum Jesum Christum Fílium tuum, panem vivum, qui de cælo descéndit, et dat vitam et salútem mundo : et tecum vivit, et regnat in unitáte Spíritus sancti Deus, per ómnia sæcula sæculórum.

*R.* Amen.

*Aspergatur Aqua benedicta.*

### BENEDICTIO NOVORUM FRUCTUUM.

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Dóminus vobiscúm.

*R.* Et cum spíritu tuo.

#### ORÉMUS.

**B**ENEDIC ✠, Dómine, hos novos fructus **N.**, et præsta : ut qui ex eis in tuo sancto Nómine vescéntur, córporis et ánimæ salúte potiántur. Per Christum Dóminum nostrum. *R.* Amen.

*Et aspergantur Aqua benedicta.*

### BENEDICTIO

#### AD QUODCUMQUE COMESTIBILE.

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Dóminus vobiscum.

*R.* Et cum spíritu tuo.

#### ORÉMUS.

**B**ENEDIC ✠, Dómine, creatúram istam **N.**, ut sit remédium salutáre géneri humáno : et præsta per



invocatiónem sancti Nóminis tui, ut quicúmque ex ea sumpserint, córporis sanitátem, et ánimæ tutélam percípiant. Per Christum Dóminum nostrum.

*R.* Amen.

*Aspergat Aqua benedicta.*

### BENEDICTIO OLEI SIMPLICIS.

*V.* Adjutórium nostrum in nómine Dómini.

*R.* Qui fecit cælum et terram.

### EXORCISMUS.

**E**XORCIZO te creatúra ólei per Deum Patrem ✠ omnipoténtem, qui fecit cælum et terram, mare, et ómnia, quæ in eis sunt. Omnis virtus adversárii, omnis exércitus diaboli, et omnis incúrsus, omne phantásma sátanæ eradicáre, et effugáre ab hac creatúra ólei, ut fiat ómnibus, qui eo usúri sunt, salus mentis et córporis, in nómine Dei Patris ✠ omnipoténtis, et Jesu ✠ Christi Fílii ejus Dómini nostri, et Spíritus ✠ sancti Parácliti, et in charitáte ejúsdem Dómini nostri Jesu Christi, qui ventúrus est judicáre vivos et mórtuos, et sæculum per ignem. *R.* Amen.

*V.* Dómine, exáudi oratiónem meam.

*R.* Et clamor meus ad te véniat.

*V.* Dóminus vobíscum.

*R.* Et cum spíritu tuo.

### ORÉMUS.

**D**OMINE Deus omnípotens, cui adstat exércitus Angelórum cum tremóre, quorum servítium spirituále cognóscitur, dignáre respícere, benedí ✠ cere, et sanctificáre hanc creatúram ólei, quam ex olivárum

succo eduxísti, et ex eo infirmos inúngi mandásti, quá-  
 tenus sanítate percépta, tibi Deo vivo et vero grátias  
 ágerent; præsta quæsumus; ut hi, qui hoc óleo, quod  
 in tuo nómine bene ✠ dícimus, usi fúerint, ab omni  
 languóre, omníque infirmitáte, atque cunctis insídiis  
 inimíci liberéntur, et cunctæ adversitátes separéntur a  
 plásmate tuo, quod pretiósó Sáanguine Fílii tui rede-  
 místi, ut numquam lædátur a morsu antíqui serpéntis.  
 Per eúndem Dóminum nostrum Jesum Christum  
 Fílium tuum, qui tecum vivit et regnat in unitáte Spí-  
 ritus sancti Deus, per ómnia sæcula sæculórum.

*R.* Amen.

*Aspergat Oleum Aqua benedicta.*

## BENEDICTIONES AB EPISCOPIS

### VEL ALIIS FACULTATEM HABENTIBUS FACIENDÆ.

---

#### BENEDICTIO

##### SACERDOTALIUM INDUMENTORUM IN GENERE.

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Dóminus vobíscum.

*R.* Et cum spírítu tuo.

#### ORÉMUS.

**O**MNIPOTENS sempitérne Deus, qui per Móysen  
 fámulum tuum Pontificália et Sacerdotália, seu  
 Levítica vestiménta, ad expléndum in conspéctu tuo  
 ministérium eórum, ad honórem et decórem Nóminis

tui fieri decrevisti: adesto propitius invocatiõibus nostris: et hæc indumentã Sacerdotãlia, desuper irrigante grãtia tua, ingenti benedictiõne per nostræ humilitãtis servitium purifi ✠ cãre, bene ✠ dicere, et conse ✠ crãre digneris: ut divinis cõltribus et sacris mysteriis apta et benedicta existant: his quoque sacris vestibus Pontifices, et Sacerdõtes, seu Levitæ tui induti, ab õmnibus impulsioniibus, seu tentationibus malignõrum spirituum muniti et defensi esse mereantur; tuisque mysteriis apte et condigne servire et inhærere, atque in his tibi placite et devõte perseverare tribue. Per Christum Dõminum nostrum. **R.** Amen.

## ORÉMUS.

**D**EUS, invictæ virtutis triumphator, et õmnium rerum creator ac sanctificator: intende propitius preces nostras: et hæc indumentã Leviticæ, Sacerdotãlis, et Pontificãlis gloriæ, ministris tuis fruenda tuo ore proprio bene ✠ dicere, sancti ✠ ficare, et conse ✠ crãre digneris: omnesque eis utentes, tuis mysteriis aptos, et tibi in eis devõte ac laudabiliter serviẽtes, gratos efficere digneris. Per Dõminum, etc.

## ORÉMUS.

**D**OMINE Deus omnipotens, qui vestimentã Pontificibus, Sacerdotibus, et Levitis in usum tabernaculi fœderis necessariã Mõysen famulum tuum agere jussisti, eumque spiritu sapiëntiæ ad id peragendum replevisti: hæc vestimentã in usum et cultum mysterii tui bene ✠ dicere, sancti ✠ ficare, et conse ✠ crãre digneris; atque ministros Altãris tui, qui ea induerint, septiformis Spiritus grãtia dignanter repleri, atque

castitátis stola, beáta fácias cum bonórum fructu óperum, ministérii congruéntis immortalitáte vestíri. Per Christum Dóminum nostrum. *R.* Amen.

*Deinde aspergit ipsa indumenta Aqua benedicta.*

## BENEDICTIO

### MAPPARUM, SIVE LINTEAMINUM ALTARIS.

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Dóminus vobíscum.

*R.* Et cum spírítu tuo.

### ORÉMUS.

**E**XAUDI, Dómine, preces nostras: et hæc linteámina sacri Altáris úsui præparáta, bene ✠ dícere, et sancti ✠ ficáre dignéris. Per Christum Dóminum nostrum. *R.* Amen.

### ORÉMUS.

**D**OMINE Deus omnípotens, qui Móysen fámulum tuum, ornáménta, et linteámina fácere per quadragínta dies docuísti, quæ étiam María téxuit, et fecit in usum ministérii, et tabernáculi fœderis: bene ✠ dícere, sancti ✠ ficáre, et conse ✠ cráre dignéris hæc linteámina ad tegéndum, involvendúmque Altáre gloriosíssimi Fílii tui Dómini nostri Jesu Christi: Qui tecum vivit, et regnat in unitáte Spírítus sancti Deus, etc.

*R.* Amen.

*Deinde aspergat Aqua benedicta.*

## BENEDICTIO CORPORALIUM.

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Dóminus vobíscum.

*R.* Et cum spírítu tuo.

## ORÉMUS.

**C**LEMENTISSIME Dómine, cujus inenarrábilis est virtus, cujus mystéria arcánis mirábilibus celebrántur: tríbue quæsumus; ut hoc linteámen tuæ propitiatiónis bene ✠ dictione sanctificétur ad consecrándum super illud Corpus et Sánguinem Dei, et Dómini nostri Jesu Christi Fílii tui: Qui tecum vivit et regnat in unitáte Spírítus sancti Deus, per ómnia sæcula sæculórum. *R.* Amen.

## ORÉMUS.

**O**MNIPOTENS sempitérne Deus, bene ✠ dicere, sancti ✠ ficáre, et conse ✠ cráre dignéris linteámen istud ad tegéndum, involvendúmque Corpus et Sánguinem Dómini nostri Jesu Christi Fílii tui: Qui tecum vivit, et regnat in unitáte, etc. *R.* Amen.

## ORÉMUS.

**O**MNIPOTENS Deus, mánibus nostris opem tuæ benedictiόνis infúnde: ut per nostram bene ✠ dictionem hoc linteámen sanctificétur, et Córporis ac Sánguinis Redemptóris nostri novum sudárium, Spírítus sancti grátia efficiátur. Per eúmden Dóminum nostrum . . . . in unitáte ejúsdem Spírítus sancti, etc.

*R.* Amen.

*Et aspergat Aqua benedicta.*

## BENEDICTIO

## TABERNACULI SEU VASCULI

## PRO SACROSANCTA EUCHARISTIA CONSERVANDA.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dóminus vobíscum.

R. Et cum spírítu tuo.

## ORÉMUS.

OMNIPOTENS sempitérne Deus, majestátem tuam súpplices deprecámur; ut vásculum hoc pro Cór-pore Filii tui Dómini nostri Jesu Christi in eo condén-do fabricátum, bene ✠ dictiónis tuæ grátia dicáre dignéris. Per eúndem Dóminum nostrum, etc.

R. Amen.

Deinde aspergit illud Aqua benedicta.

## BENEDICTIO NOVAE CRUCIS.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dómine, exáudi oratióne[m] meam.

R. Et clamor meus ad te véniat.

Ÿ. Dóminus vobíscum.

R. Et cum spírítu tuo.

## ORÉMUS.

ROGAMUS te, Dómine sancte, Pater omnípotens, ætérne Deus: ut dignéris bene ✠ dicere hoc signum Crucis tuæ, ut sit remédium salutáre géneri humano; sit solíditas fidei, proféctus bonórum óperum, redémpció animárum; sit solámen, et protéctio, ac

tutéla contra sæva jácula inimicórum. Per Christum Dóminum nostrum. *R.* Amen.

*ALIA ORATIO AD IDEM.*

**B**ENEDIC ✠ Dómine Jesu Christe, hanc Crucem tuam, per quam eripuísti mundum a potestáte dæmonum, et superásti passióne tua suggestórem peccáti, qui gaudébat in prævaricatóne primi hóm̄inis per ligni vétiti sumptiónem. *Hic aspergat Aqua benedicta.* Sanctificétur hoc signum Crucis in nómine Patris ✠ et Fílii ✠ et Spíritus ✠ sancti; ut orántes, inclinántesque se propter Dóminum ante istam Crucem, invéniant córporis et ánimæ sanitátem. Per Christum Dóminum nostrum. *R.* Amen.

Postea Sacerdos genuflexus ante Crucem devote adorat, et osculatur, et idem faciunt quicumque voluerint.

BENEDICTIO

*IMAGINUM JESU CHRISTI DOMINI NOSTRI,  
BEATÆ MARIE VIRGINIS, ET ALIORUM SANCTORUM.*

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Dóminus vobíscum.

*R.* Et cum spírítu tuo.

ORÉMUS.

**O**MNIPOTENS sempitérne Deus, qui Sanctórum tuórum imáges (*sive* effigies) sculpi, aut pingi non réprobas, ut quóties illas óculis córporis intuémur, tóties eórum actus et sanctitátem ad imitándum memóriæ óculis meditémur; hanc, quæsumus, imáginem

(seu sculpturam) in honorem et memoriam unigeniti Filii tui Domini nostri Jesu Christi (vel beatissimæ virginis Mariæ matris Domini nostri Jesu Christi, vel beati N. Apóstoli tui, vel Mártiris, vel Confessoris, aut Pontíficis, aut Virgins) adaptatam bene ✠ dicere, et sancti ✠ ficare digneris: et præsta; ut quicumque coram illa unigenitum Filium tuum (vel beatissimam Virginem, vel gloriosum Apóstolum, sive Mártirem, sive Confessorem, aut Virginem) suppliciter colere et honorare studuerit, illius méritis et obtentu a te grátiam in præsentí, et ætérnam glóriam obtíneat in futurum. Per Christum Dóminum nostrum. *R.* Amen.

Ultimo aspergat Aqua benedicta.

## RITUS

BENEDICENDI, ET IMPONENDI PRIMARIUM LAPIDEM PRO  
ECCLESIA ÆDIFICANDA SERVANDUS A SACERDOTE FACULTATEM HABENTE AB EPISCOPO.

**E**CCLESIAM ex Episcopi auctoritate tantum, juxta sacrorum Canonum decreta, ædificari fas est. Si vero Sacerdos ejus ædificationis primarium lapidem benedicendi potestatem habens, ejusmodi functionem peragat, hunc ritum servabit.

Pridie quam primarius lapis benedicatur, ligneam Crucem in loco, ubi debet esse Altare, figat ipse, vel alius Sacerdos. Sequenti vero die lapis in Ecclesiæ fundatione ponendus, qui debet esse quadratus et angularis, benedicatur hoc modo.

Sacerdos indutus amictu, alba, cingulo, stola et pluviali albi coloris, adhibitis aliquot Sacerdotibus et Clericis, sal et aquam benedicit, nisi prius in promptu



habeat jam benedictam ordinaria benedictione, ut supra 276; et interim, dum cantatur a Clericis Antiphona cum Psalmo sequenti, aspergit locum, ubi Crux posita est, cum Aqua benedicta.

*Antiphona.* Signum salutis pone, Dómine Jesu Christe, in loco isto; et non permittas introíre ángelum percutiéntem.

PSALMUS 83.

QUAM dilécta tabernácula tua, Dómine virtúum! \*  
 Q concupiscit et déficit ánima mea in átria Dómini.

Cor meum et caro mea \* exultavérunt in Deum vivum.

Etenim passer invénit sibi domum: \* et turtur nidum sibi, ubi ponat pullos suos.

Altária tua, Dómine virtúum: \* rex meus et Deus meus.

Beáti qui hábitant in domo tua, Dómine: \* in sæcula sæculórum laudábunt te.

Beátus vir cujus est auxiliium abs te: \* ascensiónes in corde suo dispósuit, in valle lacrymárum, in loco quem pósuit.

Etenim benedictiónem dabit legislátor, ibunt de virtúte in virtútem: \* vidébitur Deus deórum in Sion.

Dómine Deus virtúum, exáudi oratióem meam: \* auribus pércipe, Deus Jacob.

Protéctor noster aspice Deus: \* et réspice in fáciem Christi tui:

Quia mélior est dies una in átriis tuis \* super míllia.

Elégi abjéctus esse in domo Dei mei: \* magis quam habitáre in tabernáculis peccatórum.

Quia misericórdiam, et veritátem díligit Deus: \* grátiam et glóriam dabit Dóminus.

Non privábit bonis eos, qui ámbulant in innocéntia: \* Dómine virtútum, beátus homo qui sperat in te.

Glória Patri, etc.

Finito Psalmo, Sacerdos versus ad locum per eum aspersum, dicit:

#### ORÉMUS.

**D**OMINE Deus, qui licet cælo et terra non capiáris, domum tuam dignáris habére in terris, ubi nomen tuum júgiter invocétur: locum hunc, quæsumus, beátæ Mariæ semper vírginis, et beáti **N.** (nominando Sanctum vel Sanctam, in cujus honorem ac nomen fundabitur Ecclesia), omniúmque Sanctorum intercedéntibus méritis, seréno pietátis tuæ intúitu vísita, et per infusiónem grátiae tuæ, ab omni inquinaménto purífica, purificatúmque consérva; et qui dilécti tui David devotiónem in filii sui Salomónis ópere complevísti, in hoc ópere desidéria nostra perficere dignéris, effugiántque omnes hinc nequítiae spirituáles. Per Dóminum nostrum Jesum Christum, etc.

Postea stans benedicit primarium lapidem, dicens:

**V.** Adjutórium nostrum in nómine Dómini.

**R.** Qui fecit cælum et terram.

**V.** Sit nomen Dómini benedíctum.

**R.** Ex hoc nunc et usque in sæculum.

**V.** Lápídem, quem reprobavérunt ædificántes.

**R.** Hic factus est in caput ánguli.

**V.** Tu es Petrus.

**R.** Et super hanc petram ædificábo Ecclésiám meam.

**V.** Glória Patri, et Fílio, et Spirítui sancto.

**R.** Sicut erat in principio, et nunc, et semper, et in sæcula sæculórum. Amen.

## ORÉMUS.

**D**OMINE Jesu Christe Fili Dei vivi, qui es verus omnípotens Deus, splendor, et imágo ætérni Patris, et vita ætérna: qui es lapis anguláris de monte sine mánibus abscíssus, et immutábile fundaméntum: hunc lápidem collocándum in tuo nómine confirma; et tu, qui es princípium, et finis, in quo princípium Deus Pater ab inítio cuncta creávit, sis quæsumus, princípium, et increméntum, et consummátio ipsíus óperis, quod debet ad láudem et glóriam tui nóminis inchoári. Qui cum Patre, et Spíritu sancto vivis et regnas Deus, per ómnia sæcula sæculórum. **R.** Amen.

Tunc aspergit lapidem ipsum Aqua benedicta, et accepto cultro, per singulas partes sculpsit in eum signum Crucis, dicens: In nómine Patris ✠, et Filii ✠, et Spíritus ✠ sancti. **R.** Amen.

Quo facto dicit:

## ORÉMUS.

**B**ENEDIC ✠, Dómine, creatúram istam lápidis, et præsta per invocatiónem sancti Nóminis tui: ut quicumque ad hanc Ecclésiám ædificándam pura mente auxiliúm déderint, córporis sanitátem, et ánimæ medélam percípiant. Per Christum Dóminum nostrum.

**R.** Amen.

Postea dicantur Litaníæ ordinariæ sine Orationibus in fine positis: quibus dictis, parato cæmento, et cæmentario assistente, Sacerdos inchoat, Clericis prosequentibus, Antiphonam. Mane surgens Jacob erigébat lápidem in títulum: fundens óleum désuper, votum

vovit Dómino: Vere locus iste sanctus est, et ego nesciébam.

PSALMUS 126.

**N**ISI Dóminus ædificáverit domum, \* in vanum laboráverunt qui ædificant eam.

Nisi Dóminus custodierit civitátem, \* frustra vígilat qui custódit eam.

Vanum est vobis ante lucem súrgere: \* súrgite postquam sedéritis, qui manducátis panem dolóris.

Cum déderit diléctis suis somnum: \* ecce hæréditas Dómini, filii: merces, fructus ventris.

Sicut sagittæ in manu poténtis: \* ita filii excussórum.

Beátus vir qui implévit desidérium suum ex ipsis: \* non confundétur, cum loquétur inimícis suis in porta.

Glória Patri, etc.

**Quo dicto, Sacerdos stans tangit, et ponit ipsum primarium lapidem in fundamento, dicens: In fide Jesu Christi collocámus Lápidem istum primárium in hoc fundaménto, in nómine Pa ✠ tris, et Fí ✠ lii, et Spíritus ✠ sancti, ut vígeat vera fides hic, et timor Dei, fratérnaque diléctio; et sit hic locus destinátus oratióni, et ad invocándum, et laudándum nomen ejúsdem Dómini nostri Jesu Christi, qui cum Patre et Spíritu sancto vivit et regnat Deus, per ómnia sæcula sæculórum.**

**R.** Amen.

**Interim cæmentarius locat ipsum lapidem cum cæmento: postea Sacerdos spargit super ipsum lapidem Aquam benedictam, dicens: Aspérges me, Dómine, hyssópo, et mundábor: lavábis me, et super nivem dealbábor.**

Psalmus Miserére mei, Deus, ol. 130. dicitur totus cum Glória Patri.

Quo dicto, Sacerdos spargit Aquam benedictam per omnia fundamenta, si sunt aperta; si vero non sunt aperta, circuit aspergendo fundamenta Ecclesiæ designata. Et incipiens aspergere, inchoat Antiphonam, Clero prosequente.

*Antiphona.* O quam metuendus est locus iste! Vere non est hic aliud, nisi domus Dei, et porta cæli.

PSALMUS 86.

FUNDAMENTA ejus in montibus sanctis: \* diligit Dóminus portas Sion super omnia tabernacula Jacob.

Glória dicta sunt de te, \* civitas Dei.

Memor ero Rahab et Babylónis \* scientium me.

Ecce alienigenæ, et Tyrus, et pópulus Æthiopum, \* hi fuerunt illic.

Númquid Sion dicet: Homo, et homo natus est in ea: \* et ipse fundavit eam Altíssimus?

Dóminus narrabit in scriptúris populórum, et príncipum; \* horum, qui fuerunt in ea.

Sicut lætantium ómnium \* habitatio est in te.

Glória Patri, etc.

*Antiphona.* O quam metuendus est locus iste! Vere non est hic aliud, nisi domus Dei, et porta cæli.

Interim aspergendo procedit usque ad fundamenta aperta, seu designata, et repetita Antiphona, stans dicit:

Orémus. *Ministri:* Flectámus gènu. *R.* Leváte.

OMNIPOTENS et miséricors Deus, qui Sacerdótibus tuis tantam præ cæteris grátiam contulísti, ut quid-

quid in tuo nómine, digne, perfectéque ab eis ágitur, a te fieri credátur: quæsumus imménsam cleméntiam tuam; ut quidquid modo visitatúri sumus, vísites: et quidquid benedictúri sumus, bene ✠ d́cas: sitque ad nostræ humilitátis intróitum, sanctórum tuórum méritis, fuga dæmonum, Angeli pacis ingrèssus. Per Christum Dóminum nostrum. **R.** Amen.

**D**EUS, qui ex ómnium cohabitatióne Sanctórum ætérnum Majestáti tuæ condis habitáculum: da ædificatióni tuæ incrementa cæléstia: ut quod te jubénte fundátur, te largiénte perficiátur. Per Christum Dóminum nostrum. **R.** Amen.

### RITUS BENEDICENDI

**NOVAM ECCLESIAM, SEU ORATORIUM PUBLICUM, UT  
IBI SANCTISSIMUM MISSÆ SACRIFICIUM CELEBRARI  
POSSIT.**

**S**ACERDOS novam Ecclesiam de licentia Episcopi benedicturus, ut in ea divinum Sacrificium Missæ rite celebretur, stola ac pluviali albi coloris indutus, aliquot Sacerdotibus et Clericis adhibitis, prælata Cruce media inter duos Clericos deferentes cereos accensos, mane procedit ad primariam Ecclesiae, vel Oratorii januam: ubi stans capite aperto, conversus ad eam dicit absolute Orationem:

**A**CTIONES nostras, quæsumus Dómine, aspirándo præveni, et adjuvándo proséquere: ut cuncta nostra orátio et operátio a te semper incípiat, et per te cepta finiátur. Per Christum Dóminum nōstrum.

**R.** Amen.

Deinde inchoat Antiphonam: Aspérget me, etc. et

Clerus alternatim dicit Psalmum, Miserére, etc. fol. 130. in fine Glória Patri.

Interim circumdant exterius Ecclesiam (quæ intus debet esse vacua et nuda, et pariter Altaria nuda, excluso populo, donec absoluta sit benedictio), et Sacerdos accepto aspergillo ex herba hyssopi, ad ejus dexteram se convertens, parietes Ecclesiæ in superiori parte, et in fundamentis, cum Aqua benedicta aspergit, dicens: Aspérges me, Dómine, hyssópo, et mundábor: lavábis me, et super nivem dealbábor.

Reversi ad locum, unde Processio initium habuit, repetita Antiphona a Clero, Sacerdos stans ut prius versus Ecclesiam, dicit:

Orémus. **Ministri.** Flectámus génua. **R.** Leváte.

#### ORATIO.

**D**OMINE Deus, qui licet cælo et terra non capiáris, domum tamen dignáris habére in terris, ubi nomen tuum júgiter invocétur: locum hunc, quæsumus, beátæ Mariæ semper vírginis, et beáti **N.**, omniumque Sanctórum intercedéntibus méritis, seréno pietátis tuæ intúitu vísita, et per infusiónem grátia tuæ ab omni inquinaménto purífica, purificatúmque consérva; et qui dilécti tui David devotiónem in filii sui Salomónis ópere complevísti, in hoc ópere desidéria nostra perficere dignéris, effugiántque omnes hinc nequítia spiri- tuáles. Per Dóminum nostrum Jesum Christum Fílium tuum; qui tecum vivit et regnat in unitáte Spíritus sancti Deus, per ómnia sæcula sæculórum.

**R.** Amen.

Qua finita Oratione, omnes bini in Ecclesiam intran- tes, ad Altare majus procedunt, Litanias decantantes.

**Ubi dictum fuerit:** Ut ómnibus fidélibus defúctis réquiem ætérnam donáre dignéris, Te rogámus. áudi nos, **surgit Sacerdos, et intelligibili voce dicit:** Ut hanc Ecclésiám, et Altáre ad honórem tuum, et nomen Sancti tui **N.**, purgáre, et bene ✠ dícere dignéris, Te rogámus, áudi nos.

**Cum dicit, benedícere, manu dextera benedicit Ecclésiám, et Altare: deinde, ut prius, genuflectit donec perficientur Litaniæ, et Cantores prosequuntur: Ut nos exaudíre dignéris, Te rogámus, áudi nos.**

Fili Dei, Te rogámus, áudi nos.

Agnus Dei, qui tollis, etc.

**Dicto ultimo, Kyrie eléison, Sacerdos stans, dicit:**

Orémus. **Ministri:** Flectámus génua. **R.** Leváte.

**P**RÆVENIAT nos, quæsumus Dómine, misericórdia tua: et intercedéntibus ómnibus Sanctis tuis, voces nostras cleméntia tuæ propitiatiónis anticipet. Per Christum Dóminum nostrum.

**R.** Amen.

**Tum distans ab Altari congruenti spatio genuflexus, et se signans, dicit:** Deus, in adjutórium meum inténde, et statim surgit, Clero respondente: Dómine, ad adjuvándum me festína; ipse vero stans dicit, Glória Patri, et Fílio, et Spirítui sancto. **Chorus respondet,** Sicut erat in princípio, et nunc, et semper, et in sæcula sæculórum. Amen.

**Postea Sacerdos dicit:**

Orémus. **Ministri:** Flectámus génua. **R.** Leváte.

#### ORATIO.

**O**MNIPOTENS et miséricors Deus, qui Sacerdótibus tuis tantam præ cæteris grátiam contulísti, ut quid-



quid in tuo nómine digne, perfectéque ab eis ágitur, a te fieri credátur: quæsumus imménsam cleméntiam tuam; ut quidquid modo visitatúri sumus, vísites; et quidquid benedicatúri sumus, bene ✠ dícas: sitque ad nostræ humilitátis intróitum, Sanctórum tuórum méritis, fuga dæmonum, Angeli pacis ingræssus. Per Dóminum, etc.

His dictis, inchoat Antiphonam. Bénedic Dómine, domum istam nómini tuo ædificátam, cum tribus Psalmis sequentibus, videlicet.

## PSALMUS 119.

**A**D Dóminum, cum tribulárer, clamávi: \* et exaudivit me.

Dómine, líbera ánimam meam a lábiis iníquis, \* et a lingua dolósa.

Quid detur tibi, aut quid apponátur tibi, \* ad linguam dolósam.

Sagittæ poténtis acútæ, \* cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: \* multum íncola fuit ánima mea.

Cum his, qui odérunt pacem, eram pacíficus: \* cum loquébar illis, impugnábant me gratis.

Glória Patri, etc.

## PSALMUS 120.

**L**EVAVI óculos meos in montes, \* unde véniet auxiliúm mihi.

Auxílium meum a Dómino, \* qui fecit cælum, et terram.

Non det in commoti6nem pedem tuum: \* neque dormitet, qui cust6dit te.

Ecce non dormitabit, neque d6rmiet, \* qui cust6dit Israel.

D6minus cust6dit te, D6minus prot6ctio tua, \* super manum d6xteram tuam.

Per diem sol non uret te: \* neque luna per noctem.

D6minus cust6dit te ab omni malo: cust6diat 6nimam tuam D6minus.

D6minus cust6diat intr6itum tuum, et 6xitum tuum: \* ex hoc nunc et usque in s6eculum.

Gl6ria Patri, etc.

### PSALMUS 121.

**L**ÆTATUS sum in his, quæ dicta sunt mihi: \* in domum D6mini 6bimus.

Stantes erant pedes nostri, \* in 6triis tuis Jer6salem.

Jer6salem, quæ 6dificatur ut civitas: \* cujus participatio ejus in id6psum.

Illuc enim ascend6runt tribus tribus D6mini: \* testimoni6nium Israel ad confit6ndum n6mini D6mini.

Quia illic sed6runt sedes in iudicio, \* sedes super domum David.

Rogate quæ ad pacem sunt Jer6salem: \* et abundantia dilig6ntibus te.

Fiat pax in virtute tua: \* et abundantia in t6rribus tuis.

Propter fratres meos, et pr6ximos meos, \* loqu6bar pacem de te.

Propter domum D6mini Dei nostri, \* quæsivi bona tibi.

Gl6ria Patri, etc.

**Antiphona.** Bénedic, Dómine, domum istam nómini tuo ædificátam.

Interim aspérgit interius parietes in parte superiori et inferiori, inchoans aspersionem a parte Evangelii, dicens: Asperges me, etc. tum ad Altare reversus, dicit:

Orémus. **Ministri:** Flectámus génua. **R.** Leváte.

**D**EUS, qui loca nómini tuo dicánda sanctíficas, efúnde super hanc oratiónis domum grátiam tuam: ut ab ómnibus hic nomen tuum invocántibus auxílium tuæ misericórdiæ sentiátur. Per Dóminum.

**R.** Amen.

His peractis, dicitur Missa de tẽpore occurrenti, vel de Sancto.

Ecclesia vero, quamvis a simplici Sacerdote, ut supra, sit benedicta, ab Episcopo tamen consecranda est.

## RITUS

### RECONCILIANDI ECCLESIAM VIOLATAM, SI NONDUM ERAT AB EPISCOPO CONSECRATA.

**E**CCLESIAE violatæ reconciliatio per sacerdotem ab Episcopo delegatum fiat hoc modo. Altare Ecclesiæ omnino nudetur, provideaturque, ut Ecclesia possit libere circumiri tam exterius, quam interius, si fieri potest. Paretur vasculum cum Aqua benedicta, et aspergillum de herba hyssopo factum. Sacerdos indutus amictu, alba, cingulo, stola, et pluviali albo, adhibitis aliquot Sacerdotibus et Clericis, procedit ad primariam Ecclesiæ portam, ubi stans, Antiphonam incipit, dicens, Clero prosequente: Aspérges me, Dómine,

hyssópo, et mundábor: lavábis me, et super nivem dealbábor.

Psalmus. Miserére etc. fol. 130. totus cum Glória Patri. Quo finito, Antiphona repetitur. Interim dum Antiphona, et Psalmus dicuntur, Sacerdos cum Aqua benedicta aspergit in circuitu extrinsecus Ecclesiam, et Cœmeterium, simul aspergendo alternatim ad parietes Ecclesiæ, ac ad terram Cœmeterii, præsertim ad loca contaminata. Quo facto, redit ad locum, ubi incepit aspergere, et stans dicit:

#### ORÉMUS.

**O**MNIPOTENS et miséricors Deus, qui Sacerdótibus tuis tantam præ cæteris grátiam contulisti, ut quidquid in tuo nómine digne, perfectéque ab eis ágitur, a te fieri credátur: quæsumus imménsam cleméntiam tuam; ut quod modo visitatúri sumus, vísites, et quidquid benedictúri sumus, bene ✠ dicas: sitque ad nostræ humilitátis intróitum, Sanctórum tuórum méritis, fuga dæmonum, Angeli pacis ingræssus. Per Christum, etc.

R. Amen.

Deinde Sacerdos incipit Litanias, et ingreditur Ecclesiam cum Clero, cantando eas: acceditque ante Altare majus, coram quo genuflectit: cumque dictum fuerit: Ut ómnibus fidélibus defúctis réquiem ætérnam donáre dignéris. R. Te rogámus, áudi nos.

Sacerdos surgit, et clara voce dicit: Ut hanc Ecclé-siam, et Altáre hoc, ac Cœmetérium purgáre, et reconcí ✠ liáre dignéris, Te rogámus, áudi nos.

Quibus dictis, rursus genuflectit, et Litanix perficiuntur. Quibus finitis, Sacerdos versus ad dictum Altare dicit:

Orémus. *Et Ministri* : Flectámus génuá. *Ry.* Leváte.

**P**RÆVENIAT nos, quæsumus Dómine, misericórdia tua : et intercedéntibus ómnibus Sanctis tuis, voces nostras cleméntia tuæ propitiatiónis antícipet. Per Christum Dóminum nostrum. *Ry.* Amen.

Deinde Sacerdos genuflectit ante Altare, et se signo Crucis muniens, clara voce dicit : Deus, in adjutórium meum inténde ; tum surgit, et Chorus, seu adstantes Clerici respondent : Dómine, ad adjuvándum me festína ; et Sacerdos stans, dicit : Glória Patri, et Fílio, et Spirítui sancto.

*Ry.* Sicut erat in princípio, et nunc, et semper, et in sæcula sæculórum. Amen.

Quo dicto, Sacerdos inchoat, Clero prosequente, Antiphonam : Exúrgat Deus, et dissipéntur inimíci ejus, et fúgiant, qui odérunt eum, a fácie ejus.

PSALMUS 67.

**I**N ecclésiis benedicite Deo Dómino, \* de fóntibus Israel.

*Repetitur Antiphona.*

Ibi Bénjamin adolescentulus, \* in mentis excéssu.

*Repetitur Antiphona.*

Príncipes Juda, duces eórum : \* príncipes Zábulon, príncipes Néphtali.

*Repetitur Antiphona.*

Manda, Deus, virtúti tuæ : \* confirma hoc, Deus, quod operátus es in nobis.

*Repetitur Antiphona.*

A templo tuo in Jerúsalem, \* tibi ófferent reges múnera.

*Repetitur Antiphona.*

Increpa feras arúndinis, congregátio taurórum in vaccis populórum : \* ut exclúdent eos, qui probáti sunt argénto.

*Repetitur Antiphona.*

Díssipa gentes, quæ bella volunt: vénient legáti ex Ægypto: \* Æthiopia prævéniét manus ejus Deo.

*Repetitur Antiphona.*

Regna terræ, cantáte Deo: \* psállite Dómino.

*Repetitur Antiphona.*

Psállite Deo, qui ascéndit super cælum cæli, \* ad oriéntem.

*Repetitur Antiphona.*

Ecce dabit voci suæ vocem virtútis, date glóriam Deo super Israel, \* magnificéntia ejus et virtus ejus in núbibus.

*Repetitur Antiphona.*

Mirábilis Deus in Sanctis suis, Deus Israel ipse dabit virtútem et fortitúdinem plebi suæ, \* benedíctus Deus.

*Et non dicitur Glória Patri, sed Antiphona repetitur. Interim dum Antiphona et Psalmi prædicti dicuntur, Sacerdos circuit ecclesiam intrinsecus aspergendo: aspergit etiam specialiter loca contaminata. Quo facto stans in Presbyterio versus ad Altare, dicit:*

**D**EUS, qui in omni loco dominatiónis tuæ clemens et benígnus purificátor assístis: exáudi nos, quæsumus, et concéde: ut in pósterum inviolábilis hujus loci permáneat benedíctio, et tui múnus beneficia, univérsitas fidélium, quæ súpplícat, percípere mereátur. Per Christum Dóminum nostrum.

*R.* Amen.

Deinde dicitur Missa de die occurrenti.

Simplex Sacerdos tantum ex privilegio Sedis Apostolicæ potest Ecclesiam ab Episcopo consecratam reconciliare, et tunc utatur ritu in Pontificali præscripto; procedatque indutus amictu, alba, cingulo, stola, et pluviali albi coloris, adhibitis secum aliis Presbyteris, et Clericis superpelliceis indutis cum Aqua ab Episcopo ad hunc usum rite benedicta.

## RITUS

### BENEDICENDI NOVUM CÆMETERIUM PER SACERDOTEM AB EPISCOPO DELEGATUM.

**P**RIDIE quam fiat benedictio, ponitur in medio Cæmeterii benedicendi lignea Crux, alta ad staturam hominis, et ante ipsam Crucem in terra figitur paxillus tridens ligneus altus ad cubitum unum, aptus ad affigendum illi tres candelas.

Sequenti die mane Sacerdos in Sacristia paratus amictu, alba, cingulo, stola, ac pluviali albi coloris, adhibitis aliquot Sacerdotibus et Clericis indutis superpelliceis, qui deferant vasculum Aquæ benedictæ, aspergillum, et thuribulum cum incensi navicula, et hoc Rituali libro, et tribus candelis cereis, procedit ad Cæmeterium benedicendum, ante Crucem in medio positam, et affiguntur, et accenduntur tres candelæ super ligneum paxillum: et Sacerdos ante Crucem et candelas stans, discooperto capite, dicit:

### ORÉMUS.

**O**MNIPOTENS Deus, qui es custos animarum, et tutela salutis, fides credentium: respice propitius ad nostræ servitutis officium, et ad intróitum nostrum purgétur, bene ✠ dicátur, et sancti ✠ ficétur hoc

Cœmetérium, ut humána cõrpora hic post vitæ cursum quiescência, in magno iudicii die simul cum felicibus animabus mereántur adipisci vitæ perénnis gáudia. Per Christum Dóminum nostrum. *R.* Amen.

Mox ante ipsam Crucem omnes genibus flexis dicunt Litanias ordinarias, incipiente Cantore, cæteris respondentibus; et cum dictum fuerit: Ut ómnibus fidélibus defúntis, etc. Te rogámus, áudi nos. Sacerdos surgit, et clara voce dicit, producens manu signum Crucis: Ut hoc Cœmetérium purgáre, et bene ✠ dícere dignéris. Te rogámus, áudi nos. Deinde Sacerdos, ut prius, genuflectit, et Litiariæ perficiuntur.

Quibus finitis, surgunt omnes, et Sacerdos Crucem aspergit Aqua benedicta, dicens Antiphonam: Aspérge me, Dómine, hyssópo, et mundábor: lavábis me, et super nivem dealbábor.

Psalmus. Miserére, fol. 130, dicitur totus ab adstantibus, cum Glória Patri. Quo dicto, repetitur Antiphona. Dum dicitur Psalmus, Sacerdos circuit, et perambulat totum Cœmeterium, incipiens ad ejus dexteram, aspergens ubique Aqua benedicta: quo facto, redit ante Crucem, et ad ipsam respiciens, dicit:

#### ORÉMUS.

**D**EUS, qui es totius orbis cõnditor, et humáni géneris redemptor, cunctarúmque creaturarum visibílium et invisibílium perféctus dispósitor: te súplici voce, ac puro corde expóscimus; ut hoc Cœmetérium, in quo famulórum, famularúmque tuárum cõrpora quiéscere debent, post currícula hujus vitæ labéntia, pur ✠ gáre, bene ✠ dícere, et sancti ✠ ficáre



dignéris : quique remissionem ómnium peccatórum per tuam magnam misericórdiam in te confidentibus præstitisti, corpóribus quoque eórum in hoc Cœmetério quiescéntibus, et tubam primi Archángeli expectántibus, consolatióem perpétuam largíte impertíre. Per Christum Dóminum nostrum. *R.* Amen.

Tunc figit in summitate Crucis unam ex tribus candelis ardentibus, et alias duas similiter ardentes in duobus brachiis ejusdem Crucis. Deinde incensat ipsam Crucem, et aspergens Aqua benedicta, redit cum Ministris in sacristiam.

## ORDO

RECONCILIANDI CÆMETERIUM VIOLATUM SIVE ECCLÉSIE CONTIGUUM SIT, SIVE SEPARATUM, UBI ECCLÉSIA NON EST POLLUTA.

**M**ANE diei, qua facienda est reconciliatio, Sacerdos, si ab Episcopo facultatem habeat, adhibitis aliis Sacerdotibus et Clericis indutis superpelliceis, in sacristia, aut alio decenti loco vestitus amictu, alba, cingulo, stola, et pluviali albi coloris, accedit ad medium Cœmeterii, Clerico vasculum Aquæ benedictæ, et aspergillum deferente, et ibi super tapete genuflectit una cum Ministris, et Cantores, aliique omnes genibus flexis, dicunt Litanias. In quibus cum dictum fuerit: Ut ómnibus fidélibus defúctis, etc. Te rogámus, áudi nos. Sacerdos surgit, et manu dextera producens signum Crucis super Cœmeterium, clara voce dicit: Ut hoc Cœmetérium recon ✠ ciliáre, et sancti ✠ ficáre dignéris. *R.* Te rogámus áudi nos.

Quibus dictis, ut prius genuflectit, Cantoribus Litanias perficientibus. Quibus finitis, surgunt omnes, et Sacerdos, accepto aspergillo cum Aqua benedicta, inchoat Antiphonam: *Aspérge me, Dómine, hyssópo, Clero prosequente, et mundábor: lavábis me, et super nivem dealbábor.*

*Psal. Miserére, fol. 130, dicitur totus sine Glória Patri.*

*In fine repetitur Antiphona: Aspérge me, etc.*

Dum hæc dicuntur, Sacerdos circuit totum Cœmeterium, incipiens ad ejus dexteram, aspergens ubique Aqua benedicta, præsertim in loco, ubi violatio commissæ est. Quo peracto, redit ad locum ubi Litanie dictæ fuerunt, et ibi stans dicit:

*Orémus. Et Ministri: Flectámus génua. R. Leváte.*

**D**OMINE pie, qui agrum figuli prætio Sánguini tui in sepultúram peregrinórum comparári voluísti, quæsumus, dignánte remíniscere clementíssimi hujus mystérii tui. Tu es enim, Dómine, figulus noster: tu quiétis nostræ ager: tu agri hujus prætium. Tu dedísti étiam, et suscepísti. Tu de prætio tui vivífici Sánguini nos requiêscere donásti. Tu ergo, Dómine, qui es offensiónis nostræ clementíssimus indúltor, expectantíssimus judicátor, judícii tui superabundantíssimus miserátor, judícium tuæ justíssimæ severitátis abscondens post miseratióne tuæ piæ redemptiόνis, adesto exauditor, et efféctor nostræ reconciliatiónis: hocque Cœmeterium peregrinórum tuórum cælestis patriæ incolátum expectántium, benígnus purífica et reconcíliá; et hic tumulatórum et tumulandórum córpora, de poténtia, et pietáte tuæ resurrectiόνis ad gló-

riam incorruptiónis non damnans, sed gloríficans resúscita. Qui ventúrus es judicáre vivos et mórtuos, et sæculum per ignem. *R.* Amen.

## RITUS

### ABSOLVENDI ET BENEDICENDI POPULOS ET AGROS EX APOSTOLICÆ SEDIS INDULTO.

**A**CCEPTO diplomate Pontificio, constituatur dies Dominica Delegato, et populo commodior pro ejusdem diplomatis publicatione, et executionis inchoatione.

Die constituta, mane fiat concio, qua doceatur populus de contentis in diplomate Pontificio, et de præparatione ad futuram absolutionem, et benedictionem. Deinde Missa celebrétur a Delegato pro remissione peccatorum, sine **Glória in excélsis**, cum única Oratione, et **Credo**, in paramentis violaceis: qua finita, deposita casula et manipulo, induatur Celebrans pluviali violaceo, et si sit Episcopus, mitram simplicem assumat; et omnibus genuflexis ante Altare, cantentur Litanie Sanctorum, omissis Precibus et Orationibus post eas dici solitis.

Sedeat Delegatus, dictis Litaniis, cooperto capite, in sede sibi parata super scabello Altaris, vel in sede Episcopali, si est Episcopus, seu super faldistorio posito super dicto scabello, cum duobus Ministris paratis more Diaconali et Subdiaconali sine manipulis, adstantibus hinc inde a lateribus omnibus de Clero; et alta voce ab aliquo legatur diploma, audiente populo, quo lecto, dicat Delegatus: **Deo grátias.**

Tunc nomine populi ille, qui ibi pro Diacono as-

sistit, profunde inclinatus a sinistris Delegati, facit Confessionem in cantu.



Con-fi-te-or De-o om-ni-po-tén-ti, be-á-tæ



Ma-rí-æ semper Vírgini, be-á-to Michaé-li



Archánge-lo, be-á-to Jo-án-ni Baptístæ, sanctis



A-pós-to-lis Pe-tro, et Páulo, ómnibus Sanctis,



et ti-bi Pa-ter, qui-a peccávi nimis co-gi-ta-



ti-ó-ne, ver-bo et ó-pe-re: mea culpa, mea



cul-pa, me-a má-xima culpa. I-de-o precor



be - á - tam Marí - am semper Vírginem, be - á - tum



Micha - é - lem Archángelum, be - á - tum Jo - á - nnem



Bap - tís - tam, sanctos A - pós - to - los Petrum et Páu -



lum, omnes Sanctos, et te Pa - ter, o - rá - re



pro me ad Dó - mi - num De - um nostrum.

Qua finita, si est Episcopus, assumpto baculo Pasto-  
rali in sinistra manu, et adhuc sedens cooperto capite,  
incipit Psalm. Miserére, fol. 130. Et in fine, Glória  
Patri. Et prosequitur alium Psalmum: Deus mise-  
reátur, fol. 250. Et in fine, Glória Patri, super uni-  
versum Clerum et Populum genuflexum, recitando  
tales Psalmos sine cantu, alternatim a Delegato, et  
Clero.

Quibus finitis, Delegatus stans detecto capite, bacu-  
loque deposito, si est Episcopus, versus populum mani-  
bus junctis, dicit: Kyrie eléison.

**Respondet Clerus:** Christe eléison. Kyrie eléison.  
Pater noster, *secreto.*

**V.** Et ne nos indúcas in tentatiónem.

**R.** Sed libera nos a malo.

**V.** Salvos fac servos tuos.

**R.** Deus meus, sperántes in te.

**V.** Nihil proficiat inimícus in eis.

**R.** Et filius iniquitátis non appónat nocére eis.

**V.** Esto eis, Dómine, turris fortitudinis.

**R.** A fácie inimíci.

**V.** Dómine, exáudi oratiónem meam.

**R.** Et clamor meus ad te véniat.

**V.** Dóminus vobíscum.

**R.** Et cum spírítu tuo.

#### ORÉMUS.

**D** EUS, cui próprium est miseréri semper, et párcere, súscipe deprecatiónem nostram: ut nos et omnes fámulos tuos, quos delictórum caténa constringit, miserátio tuæ pietátis cleménter absólvat. Per Dóminum nostrum Jesum Christum, etc. **R.** Amen.

**Deinde sedens Delegatus cooperto capite, et si est Episcopus, assumpto baculo, dicit:**

**M** ISEREA TUR vestri, omnipotens Deus, et dimís-  
sis peccátis vestris, perdúcat vos ad vitam ætér-  
nam. **R.** Amen.

**I** NDULGENTIAM, absolutiόnem, et remissiόnem  
peccatórum vestrórum tríbuat vobis omnipotens et  
miséricors Dóminus. **R.** Amen.

**Manuque dextera super Populum genuflexum ex-  
tensa, addit:**

**A**UCTORITATE Dei omnipotentis, et beatorum Apostolorum Petri et Pauli, a Sanctissimo Domino nostro Papa **N.** mihi concessa, absolvo vos et omnes hujus loci, ab omni vinculo excommunicationis, suspensionis, interdicti, aliisque Ecclesiasticis sententiis, censuris, et poenis etiam in litteris die Cœnæ Domini solitis legi contentis per vos incursis, quas modo ignoratis, juxta tenorem Pontificii diplomatis proxime lecti. Et restituo vos omnes communioni, et unitati Fidelium, et sanctis Sacramentis Ecclesiæ. In nomine Patris ✠, et Filii, et Spiritus sancti. **R.** Amen.

Si est Episcopus, facit ter signum Crucis.

Tunc Delegatus adhuc sedens, per se ipsum, vel alium firmioris vocis, indicit dies tres singillatim pro jejuniis; et decernit diem Dominicam sequentem, vel aliam arbitrio suo, pro Communionem, Benedictionem Agrorum et Populi, et Indulgentia Plenaria.

Die constituta, Populus universus debet communicare, et hora competenti Delegatus cantabit Missam, quæ est ad finem Missalis, sub titulo, pro quacumque necessitate; cum paramentis violaceis, sine Glória, cum unica oratione, et Credo.

Et in fine Missæ Celebrans benedicit de more, et si est Episcopus, dat Indulgentias.

Finita Missa, Delegatus, et duo Ministri assumunt paramenta alba, et si est Episcopus, mitram pretiosam; et genuflexis ante Altare cum universo Clero et Populo cantantur Litanie Sanctorum, repetito ter **Ÿ.** Ut fructus terræ dare, et conservare digneris, Te rogamus, audi nos.

Illisque finitis, Delegatus stans detecto capite, manibus junctis dicit: Pater noster, secreto.

**Ÿ.** Et ne nos indúcas in tentatiónem.

**R.** Sed líbera nos a malo.

**Et additur a Clero in cantu.**

**PSALMUS 84.**

**B**ENEDIXISTI, Dómine, terram tuam : \* avertísti captivitátem Jacob.

Remisísti iniquitátem plebis tuæ : \* operuísti ómnia peccáta eórum.

Mitigásti omnem iram tuam : \* avertísti ab ira indignatiónis tuæ.

Convérte nos, Deus salutáris noster : \* et avérte iram tuam a nobis.

Numquid in ætérnum irascéris nobis? \* aut extédes iram tuam a generatióne in generatiónem?

Deus, tu convérsus vivificábis nos : \* et plebs tua lætábitur in te.

Osténde nobis, Dómine, misericórdiam tuam : \* et salutáre tuum da nobis.

Audiam quid loquátur in me Dóminus Deus : \* quóniam loquétur pacem in plebem suam.

Et super sanctos suos, \* et in eos, qui convertúntur ad cor.

Verúmtamen prope tíméntes eum salutáre ipsíus : \* ut inhábitet glória in terra nostra.

Misericórdia et véritas obviavérunt sibi : \* justítia, et pax osculátæ sunt.

Véritas de terra orta est : \* et justítia de cælo prospéxit.

Etenim Dóminus dabit benignitátem : \* et terra nostra dabit fructum suum.



Justítia ante eum ambulábit: \* et ponet in via gressus suos.

Glória Patri, etc.

Quo finito, Delegatus dicit:

Y. Benedíces corónæ anni benignitátis tuæ.

R. Et campi tui replebúntur ubertáte.

Y. Oculi ómnium in te sperant, Dómine.

R. Et tu das illis escam in témpore opportúno.

Y. Dómine, exáudi oratióne meam.

R. Et clamor meus ad te véniat.

Y. Dóminus vobíscum.

R. Et cum spírítu tuo.

#### ORÉMUS.

**D**EUS, refúgium nostrum et virtus, adésto piis Ecclésiæ tuæ précibus, auctor ipse pietátis, et præsta; ut quod fidéliter pétimus, effícaciter consequámur.

**D**EUS, qui in omni loco dominatiónis tuæ clemens et benignus assístis: exáudi nos, quæsumus, et concéde; ut in pósterum inviolábilis hujus loci permáneat benedíctio ✠, et tui múneris beneficia, univérsitas hæc Fidélium, quæ súpplicat, percípere mereátur.

**O**RAMUS pietátem tuam, omnípotens Deus, ut fructus terræ, quos áeris et plúviæ temperaménto nutrírè dignáris, benedictiόνis tuæ imbre perfúndas, et tríbuas huic pópulo tuo de tuis munéribus tibi semper grátias ágere: ut fertilitáte terræ, esuriéntium ánimas bonis affluéntibus répleas, et egénus et páuper láudent nomen glóriæ tuæ. Per Christum Dóminum nostrum. R. Amen.

Postea assumpto baculo, si est Episcopus, et coo-

perto capite dicit *Delegatus*: *Benedictio Dei omnipotentis, Patris ✠, et Filii et Spiritus sancti, super agros, et bona quaecúmque loci hujus plena descéndat, et máneat semper. Amen.*

*Si est Episcopus, facit ter signum Crucis.*

Deinde accepto de manu dignioris de Clero *Aquæ benedictæ aspensorio, aspergit versus quatuor mundi partes, dicens sine cantu, et sine Psalmo Antiphonam: Aspérges me hyssópo, et mundábor: lavábis me, et super nivem dealbábor.*

*Pro benedictione Populi, operto capite, manibus junctis, dicit: Pater noster, secreto.*

*Ÿ. Et ne nos indúcas in tentatiónem.*

*R. Sed libera nos a malo.*

*Ÿ. Salvos fac servos tuos.*

*R. Deus meus, sperántes in te.*

*Ÿ. Non secúndum peccáta nostra fácias nobis.*

*R. Neque secúndum iniquitátes nostras retríbuas nobis.*

*Ÿ. Mitte nobis, Dómine, auxiliúm de sancto.*

*R. Et de Sion tuére nos.*

*Ÿ. Dómine, exáudi oratiónem meam.*

*R. Et clamor meus ad te véniat.*

*Ÿ. Dóminus vobíscum.*

*R. Et cum spírítu tuo.*

#### ORÉMUS.

**P**ROTECTOR in te sperántium, Deus, exáudi preces pópuli tui, et præsta: ut véniat super nos sperátæ a te benedictiόνis ubértas, et pietátis tuæ munéribus júgiter perfruámur. Per Dóminum nostrum, etc.

*R. Amen.*

Tunc Diaconus cantat alta voce: Humiliáte vos ad Apostólicam benedictiónem, et Delegatus stans operto capite, et si est Episcopus, baculum sinistra tenens manu, benedicit semel, et si est Episcopus, ter, dicens.

**A**UCTORITATE Dei omnipoténtis, et beatórum Apostolórum Petri et Páuli, et Sanctíssimi Dómini nostri Papæ **N.** benedíco vos, et omnes hujus loci: In nómine Patris **✠**; et Fílii, et Spíritus sancti.

Demum cantetur Hymn. Te Deum, inchoatus a Delegato; quo finito, Delegatus cantat Orationem pro gratiarum actione.

#### ORATIO.

**D**EUS, cujus misericórdiæ non est númerus, et bonitátis infinitus est thesáurus: piíssimæ majestáti tuæ pro collátis donis grátias ágimus tuam semper cleméntiam exorántes; ut qui peténtibus postuláta concédís, eósdem non déserens, ad præmia futúra dispónas. Per Dóminum nostrum Jesum Christum, etc.

**R.** Amen.

Cantores addunt. Benedicámus Dómino.

**R.** Deo grátias.

#### METHODUS

INDICTIONIS PRÆMITTENDÆ PONTIFICIÆ BENEDICTIONI STATIS DIEBUS SUPER POPULUM ELARGIENDÆ: RITUSQUE IN EA SERVANDUS A REGULARIBUS, QUIBUS A S. SEDE HUIUSMODI FACULTAS INDULTA EST, VEL INDULGEBITUR.

**A**DMONEATUR Populus de Indulgentia a Sede Apostolica concessa, de præceptis operibus pro ea lucrificianda, de die, quo visitanda est designata

Ecclesia, de hora denique, qua dabitur Pontificia Benedictio. De quibus, quatenus opus sit etiam schedis impressis, et consuetis locis palam affixis certior fiat.

Postquam statutis die et hora Populus ad Ecclesiam convenerit, alta voce legantur Apostolicæ Litteræ, seu Decreta, quibus Indulgentia conceditur, una cum potestate Benedictionem Apostolicam super Populum effundendi, ut de delegatione audientibus constet; et concessio ex latino sermone in vulgarem accommodatum ad Populi intelligentiam conversa pronuncietur. Populus ad suorum scelerum detestationem pio, brevique sermone excitetur: post quæ Sacerdos, nullis circumstantibus Ministris, stola et superpelliceo indutus, ut in Rituali hoc præscribitur, quum agitur de Benedictionibus, quæ extra Missam Presbyteris permittuntur, ante Altare genuflexus sequentibus verbis Dei opem impleret.

*Ÿ.* Adjutorium nostrum in nomine Domini.

*R.* Qui fecit cælum et terram.

*Ÿ.* Domine, exaudi orationem meam.

*R.* Et clamor meus ad te veniat.

*Ÿ.* Dominus vobiscum.

*R.* Et cum spiritu tuo.

Deinde stans sequentem recitet Orationem.

#### ORÉMUS.

**O**MNIPOTENS et miséricors Deus, da nobis auxilium de sancto, et vota populi hujus in humilitate cordis veniam peccatorum poscentis, tuamque benedictionem præstolantis et gratiam, clementer exaudi: dexteram tuam super eum benignus extende, ac pleni-

túdinem divínæ benedictiónis effúnde, qua bonis ómnibus cumulátus, felicitátem et vitam consequátur ætérnam. Per Christum Dóminum nostrum.

R. Amen.

Post quam ad cornu Epistolæ accedat, ut in *Actis Ecclesiæ Mediolanensis par. 4. Benedicet in Ecclesia, ad Altare, stans in cornu Epistolæ*: et stans in cornu Epistolæ, non trina, hoc est, triplici signo Crucis, sed una benedictione, unico videlicet signo Crucis, benedicat, proferens alta voce hæc verba:

Benedícat vos omnipotens Deus ✠ Pater, et Fílius, et Spíritus sanctus. R. Amen.

## RITUS

### BENEDICTIONIS APOSTOLICÆ IN ARTICULO MORTIS. A SACERDOTIBUS AD ID DELEGATIS IMPERTIENDÆ.

**B**ENEDICTIO in Articulo Mortis cum soleat impertiri post Sacramenti Pœnitentiæ, Eucharistiæ, et Extremæ Unctionis illis Infirmis, qui vel illam petierint, dum sana mente et integris sensibus erant, seu verisimiliter petiissent, vel dederint signa contritionis; impertienda iisdem est, etiam si postea linguæ, cæterorumque sensuum usu sint destituti, aut in delirium, vel amentiam inciderint. Excommunicatis vero, impœnitentibus, et qui in manifesto peccato mortali moriuntur, est omnino deneganda.

Habens prædictam facultatem, ingrediendo cubiculum, ubi jacet infirmus, dicat: *Pax huic domui, etc.* ac deinde ægrotum, cubiculum, et circumstantes aspergat Aqua benedicta, dicendo Antiphonam: *Asperges me, etc.*

Quod si ægrotus voluerit confiteri, audiat illum, et absolvat. Si Confessionem non petat, excitet illum ad eliciendum actum contritionis; de hujus Benedictionis efficacia ac virtute, si tempus ferat, breviter admoneat; tum instruat, atque hortetur, ut morbi incommoda ac dolores in anteactæ vitæ expiationem libenter perferat, Deoque sese paratum offerat ad ultro acceptandum quidquid ei placuerit, et mortem ipsam patienter obeundam in satisfactionem

pœnarum, quas peccando promeruit. Tum piis ipsum verbis consoletur, in spem erigens, fore ut ex divinæ munificentiae largitate eam pœnarum remissionem, et vitam sit consecuturus æternam.

**Sacerdos dicat:**

**V.** Adjutórium nostrum in nómine Dómini.

**R.** Qui fecit cælum et terram.

**Antiphona.** Ne reminiscáris, Dómine delicta fámuli tui (**vel** ancillæ tuæ), neque vindictam sumas de peccátis ejus.

Kyrie eléison. Christe eléison. Kyrie eléison.

Pater noster, **secreto.**

**V.** Et ne nos indúcas in tentatiónem.

**R.** Sed líbera nos a malo.

**V.** Salvum fac servum tuum (**vel** ancíllam tuam, **et sic deinceps**).

**R.** Deus meus, sperántem in te.

**V.** Dómine, exáudi oratiónem meam.

**R.** Et clamor meus ad te véniat.

**V.** Dóminus vobíscum.

**R.** Et cum spíritu tuo.

#### ORÉMUS.

**C**LEMENTISSIME Deus, Pater misericordiárum, et Deus totíus consolatiónis, qui néminem vis perire in te credéntem, atque sperántem: secúndum multitudínem miseratiónum tuárum réspice propítius fámulum tuum **N.**, quem tibi vera fides, et spes christiána comméndat. Vísitá eum in salutári tuo, et per Unigéniti tui passiónem et mortem, ómnium ei delictórum suórum remissionem, et véniam cleménter indúlge: ut ejus ánima in hora éxitus sui te Júdicem propitiátum invéniat, et in Sáanguine ejúsdem Fílii tui ab omni

mácula ablúta, transíre ad vitam mereátur perpétuam.  
Per eúndem Christum Dóminum nostrum.

**R.** Amen.

Tum dicto ab uno ex Clericis adstantibus Confiteor,  
Sacerdos dicat, Misereátur, etc. Deinde :

**D**OMINUS noster Jesus Christus Fílius Dei vivi,  
qui beáto Petro Apóstolo suo dedit potestátem  
ligándi, atque solvéndi : per suam piíssimam miseri-  
córdiam recípiat Confessióem tuam, et restítuat tibi  
stolam primam, quam in Baptísmate recepísti : et ego  
facultáte mihi ab Apostólica Sede tribúta, Indulgén-  
tiam Plenáriam, et remissionem ómnium peccatórum  
tibi concédo.

In nómine Patris, etc.

Per sacrosáctæ humánæ reparatiónis mystéria, re-  
míttat tibi omnipotens Deus omnes præsentis, et futúre  
vitæ pœnas, Paradísi portas apériat, et ad gáudia sempi-  
térna perdúcat. Amen.

Benedícat te omnipotens Deus, Pater, Fílius, et Spí-  
ritus sanctus. Amen.

Si vero infirmus sit adeo morti proximus, ut neque  
Confessionis generalis faciendæ, neque præmissarum  
precum recitandarum tempus suppetat, statim Sacerdos  
Benedictionem ei impertiatur.

## DE PROCESSIONIBUS.

**P**UBLICÆ sacræque Processiones, seu supplicationes, quibus ex antiquissimo Ss. Patrum instituto Catholica Ecclesia vel ad excitandam Fidelium pietatem, vel ad commemoranda Dei beneficia, eique gratias agendas, vel ad divinum auxilium implorandum uti consuevit, qua par est religione celebrari debent; continent enim magna ac divina mysteria, et salutares Christianæ pietatis fructus eas pie exequentes a Deo consequuntur: de quibus Fideles præmonere et erudire, quo tempore magis opportunum fuerit, Parochorum officium est.

Videant in primis Sacerdotes, alique Ecclesiastici Ordinis, ut in his Processionibus ea modestia ac reverentia tum ab ipsis, tum ab aliis adhibeatur, quæ piis et religiosis hujusmodi actionibus maxime debetur.

Omnes decenti habitu, superpelliceis, vel aliis sacris vestibus, sine galeris, nisi pluvia cogente, induti, graviter, modeste, ac devote bini suo loco procedentes, sacris precibus ita sint intenti, ut remoto risu, mutuoque colloquio, et vago oculorum aspectu, populum etiam ad pie, devoteque precandum invitent.

Laici a Clericis, femine a viris separatae, orantes prosequantur.

Præferatur Crux, et ubi fuerit consuetudo, vexillum sacris Imaginibus insignitum, non tamen factum militari seu triangulari forma.

Edendi ac bibendi abusum, secumque esculenta et poculenta deferendi in sacris Processionibus, agrisque lustrandis, et suburbanis Ecclesiis visitandis, tollere Parochi studeant; ac Fideles, præsertim die Dominica, quæ proxime Rogationes antecedit, quam hæc dedebeat corruptela, sæpius admoneant.

Processiones prius fieri debent, deinde Missa solemniter celebrari: nisi aliter ob gravem causam interdum Ordinario, vel Clero videatur.

Processiones autem quædam sunt ordinariæ, quæ fiunt certis diebus per annum, ut in festo Purificationis B. Mariæ semper Virginis, et in Dominica Palmarum, et in Litaniis Majoribus in festo S. Marci, et in Minoribus Rogationum triduo ante Ascensionem Domini, et in festo SS. Corporis Christi, vel aliis diebus pro consuetudine Ecclesiarum.



Quædam vero sunt extraordinariæ, ut quæ variis, ac publicis Ecclesiæ de causis in dies indicuntur.

## DE PROCESSIONE

## IN DIE FESTO PURIFICATIONIS B. MARIE VIRGINIS.

COMPLETA benedictione, et distributione Candelarum, ut in Missali Romano reformato, fit Processio. Et primo Celebrans imponit incensum in thuribulum; deinde Diaconus vertens se ad populum, dicit:



Pro - ce - dá - mus in pa - ce.

Et Chorus respondet:



In nó - mi - ne Chri - sti, A - men.

Præcedit thuriferarius cum thuribulo fumigante, deinde Subdiaconus paratus deferens Crucem, medius inter duos Acolythos cum candelabris, et candelis accensis: sequitur Clerus per ordinem, ultimo Celebrans cum Diacono a sinistris, omnes cum candelis accensis in manibus: et cantantur Antiphonæ sequentes.



Antiphona. Ad - ór - na thá - lamum tu - um

Si - on, et sú - sci-pe Re-gem

Chri - stum: am-plécte-re Ma-

rí - am, quæ est cœ-lé - stis

por-ta: i - psa e - nim por - tat Re-

gem gló - ri-æ no - vi lú - minis:

Sub-sí - stit Vir - go, ad-dú - cens má-

nibus Fí - li-um an - te lu-cí - fe-

rum gé-ni-tum: quem accí - pi-ens Sí - me-on



in ul-nas su - as, præ-di - cá - vit



pó - pulis Dó - minum e-



um es-se vi - tæ et mor-




tis, et Sal - va - tó - rem mun - di.



*Alia Aña.* Re-spón-sum ac - cé-pit Sí-me-on



a Spí-ri-tu san-cto, non vi-sú - rum se mor-




tem, ni-si vi-dé-ret Christum Dó-mi-ni:



et cum in-dú-ce-rent pú - e-rum in templum



ac-cé-pit e - um in ul-nas su - as,



et be - ne - dí - xit De - um, et di - xit: Nunc di -



mít - tis ser - vum tu - um Dó - mi - ne in pa - ce.



Ÿ. Cum in - dú - ce - rent pú - e - rum Je - sum pa - rén -



tes e - jus, ut fá - ce - rent secúndum consue -



tú - di - nem legis pro e - o: i - pse ac - cé - pit



e - um in ul - nas su - as.

Et ingrediendo Ecclesiam cantatur:



Ry. Ob-tu-lé - runt pro e - o Dó - mi-no



par túr - tu-rum, aut du-



os pul - los co - lum - bá-



rum : Sic-ut scri - ptum est in le-



ge Dó - mi-ni.



Y. Post-quam im-plé-ti sunt di-es pur-ga - ti - ó-




nis Ma-rí - æ se-cúndum le - gem Mó-



y - si, tu - lé - runt Jesum in Je-rú - sa-lem,



Celebrans imponit incensum in thuribulum, et Diaconus vertens se ad populum, dicit:



Pro - ce - dá - mus in pa - ce.

Et Chorus respondet:




In nó - mi - ne Chri - sti, A - men.

Præcedit thuriferarius cum thuribulo fumigante, deinde Subdiaconus paratus deferens Crucem, medius inter duos Acolythos cum candelabris, et candelis accensis: sequitur Clerus per ordinem, ultimo Celebrans cum Diacono a sinistris, omnes cum ramis in manibus, et cantantur sequentes Antiphonæ, vel omnes, vel aliquæ, quousque durat Processio.



Antiphona. Cum ap - pro - pin - quá - ret Dó - mi - nus



Je - ro - só - lyman, misit du - os ex di - scí - pu -



lis su - is, di - cens: I - te in ca - stéllum, quod



con-tra vos est; et in-ve-ni-é - tis pullum




á - si-næ al - li-gá-tum, super quem nullus hó-



minum se - dit: sól-vi-te, et ad-dú-ci-te mi-hi.



Si quis vos in-ter-ro-gá-ve-rit, dí-ci-te: O-pus



Dó-mi-no est. Sol-vén-tes ad-du-xé-runt ad



Je-sum: et im-po-su-é-runt il - li ve-sti-ménta



su - a, et se-dit su-per e-um: á - li - i ex-pandé-



bant vestimén-ta su-a in vi-a: á - li - i ra-mos






de ar-bó-ri-bus ster-nébant: et qui sequebántur,



cla-mábant: Ho-sán - na, be-ne-díctus qui ve-nit



in nó-mi-ne Dó - mi-ni: be-ne-dí-ctum regnum



pa-tris no-stri David: Ho-sán - na in ex-cél-



sis, mi-se-ré-re no - bis fi - li Da - vid.



*Alia Antiph.* Cum au-dís-set pó-pulus, qui-a



Jesus ve - nit Je - ro-só-lymam, ac-ce-pé-runt



ramos palmárum: et ex - i - é-runt e - i ób-




vi-am, et cla-má-bant pú-e-ri, di-cén-tes:



Hic est, qui ven-tú-rus est in sa-lú-tem pó-



pu-li, hic est sa-lus no-stra, et re-dém-



pti-o I-sra-el. Quantus est iste, cu-i




Throni et Do-mi-na-ti-ó-nes oc-cúr-runt?



No-li ti-mé-re fi-li-a Si-on: ec-ce Rex tu-



us ve-nit ti-bi; sedens super pullum á-si-



næ, sic-ut scriptum est: Salve Rex fabri-cá-tor



mun - di, qui ve - ní - sti re - dí - me-re nos.



*Alia Antiph.* An - te sex di - es so - lém - nis



Paschæ, quando ve - nit Dó - mi - nus in ci - vi -



tá - tem Je - rú - sa - lem, occur - ré - runt e - i pú -




e - ri: et in má - ni - bus portá - bant ra - mos



pal - má - rum, et cla - má - bant vo - ce magna,



dicén - tes: Hosán - na in ex - cél - sis: bene -



dí - ctus qui ve - ní - sti in multi - tú - di - ne miseri -



cór-di - æ tu - æ. Hosán - na in ex - cél - sis.



*Alia Antiph.* Occúrrunt tur - bæ cum fló - ri -




bus et pal - mis Redemptó - ri ób - vi - am :



et vi - ctó - ri tri - umhán - ti di - gna dant



ob - sé - qui - a : Fí - li - um De - i o - re Gen -



tes præ - di - cant : et in láudem Chri - sti



vo - ces to - nant per nú - bi - la : Ho - sán -



na in ex - cél - sis.



*Alia Antiph.* Cum Angelis et pú - e - ris fi - dé - les



in - ve - ni - á - mur, triump - há - tó - ri mor - tis cla -



mán - tes: Ho - sán - na in ex - cél - sis.



*Alia Antiph.* Tur - ba mul - ta, quæ convé - ne - rat



ad di - em fe - stum, cla - má - bat Dó - mi - no:







Be - ne - dí - ctus qui ve - nit in nó - mi - ne Dó -



mi - ni, Ho - sán - na in ex - cél - sis.

In reversione Processionis, duo, vel quatuor Cantores intrant in Ecclesiam, et clauso ostio, stantes versa

facie ad Processionem, incipiunt, *Ÿ*. Glória, laus, etc., et decantant duos primos versus. Sacerdos vero cum aliis extra Ecclesiam repetit eosdem. Deinde qui sunt intus, cantant versus sequentes, vel omnes, vel partem, prout videbitur; et qui sunt extra, ad quoslibet duos versus respondent, Glória, laus, etc., sicut in principio.





ri - a, la - us. Cœtus in ex - cël - sis te




láudat cœ - li-cus om - nis, Et mor-tá - lis




ho - mo, et cun-cta cre - á - ta si - mul.



Gló - ri - a Plebs He-bræ-a ti - bi cum



pal-mis ób - vi - a ve - nit: Cum pre-ce,



vo-to, hymnis, ád - su-mus ec - ce ti - bi.



Gló - ri - a, la - us. Hi ti - bi pas-sú - ro



sol - vébant mú - ni - a lá - u-dis: Nos ti - bi



re - gnán - ti pán - gimus ec - ce me - los. Gló -  
 ri - a, la - us. Hi pla - cu - é - re ti - bi, plá - ce -  
 at de - vó - ti - o no - stra, Rex bo - ne, Rex  
 clemens, cu - i bo - na cun - cta pla - cent.  
 Gló - ri - a, la - us.

Postea Subdiaconus hastili Crucis percutit portam :  
 qua statim aperta, Processio intrat Ecclesiam cantando  
 Responsorium.



In - gre - di - én - te Dó - mi - no in sanctam ci -  
 vi - tá - tem, He - bræ - ó - rum pú - e - ri






re-sur-re-cti-ó-nem vi-tæ pro-nun-ti-án-



tes, cum ra-mis pal-má-rum, Ho-sán-



na cla-má-bant in ex-cél-sis.



†. Cum au-dís-set pó-pu-lus, quod Je-sus



ve-ní-ret Je-ro-só-ly-mam, e-xi-



é-runt ób-vi-ame-



i. Cum ra-mis.


Et non dicitur, Glória Patri, etc.

Deinde dicitur Missa, et rami tenentur in manibus, dum cantatur Passio, et Evangelium tantum.

## ORDO

SERVANDUS IN LITANIARUM MAJORUM PROCESSIONE,  
QUÆ IN FESTO S. MARCI CELEBRATUR.

**C**LERUS, et populus hora statuta, mane in Ecclesia congregati, omnes contrito et humili corde Deum flexis genibus paulisper precentur. Sacerdos pluviali cum ministris, vel saltem superpelliceo et stola violacei coloris sit indutus: cujus coloris habitu in reliquis Processionibus semper utatur, præterquam in Processionibus Corporis Christi, et quæ fiunt solemnibus diebus, vel in gratiarum actionem; quibus diebus utitur colore propriæ solemnitati congruenti. Cæteri vero Sacerdotes et Clerici superpelliceis induti, sequentem Antiphonam stantes concinant.



Antiphona. Ex-úr-ge Dó-mi-ne ád - ju - va



nós, et lí - be - ra nos pro-pter no - men



tu - um: Ps. De-us áu - ri-bus no - stris au-



dí - vimus: Patres no-stri an-nun-ti-a - vé-



In Litaniis minoribus Rogationum serventur omnia, ut supra in Litaniis majoribus.

## DE PROCESSIONE

### IN FESTO SANCTISSIMI CORPORIS CHRISTI.

**D**ECENTER ornentur Ecclesiæ et parietes viarum, per quas est transeundum, tapetibus et aulæis, et sacris imaginibus, non autem profanis, aut vanis figuris, seu indignis ornamentis.


Sacerdos primum Missam celebret, in qua duas hostias consecret, et sumpta una, alteram in Tabernaculum in Processione deferendum ita reponat, ut per vitrum, seu crystallum, quo ipsum tabernaculum circumseptum esse debet, exterius adorantibus appareat, veloque operiatur, donec auferatur ab altari. Peracto autem Sacrificio, et processione jam inchoata, ordine, quo jam supra dictum est in Litaniis majoribus, Sacerdos pluviali albo indutus, ter incenset Sacramentum genuflexus.

Deinde Diaconus oblongum ac decens velum circumponit scapulis Sacerdotis, qui parte veli ante pectus pendente, utraque manu cooperta, Ostensorium, seu Tabernaculum a Diacono sibi porrectum reverenter suscipit in supremo Altaris gradu: mox ad Altare ascendit, et Sacramentum ante faciem tenens, vertit se ad populum, inde descendit sub umbella comitantibus ministris, et duo Acolythi vel Clerici cum thuribulis effumantibus præcedunt.

Omnes procedunt nudo capite accensos cereos gestantes, et sequentes Hymnos pro longitudine Processionis devote concinentes. Dum vero Sacerdos

discedit ab altari, Clerus, vel Sacerdos cantare incipit  
sequentem :

## HYMNUS.



Pan-ge lingua glori - ó - si Cór - po - ris



my - sté - ri-um, Sanguinisque preti - ó - si,



Quem in mundi pré - ti-um Fructus ven-



tris ge - ne - ró - si, Rex ef - fú - dit gén - ti - um.

Nobis datus, nobis natus

Ex intácta Vírgine,

Et in mundo conversátus,

Sparso verbi sémine,

Sui moras incolátus

Miro cláusit órđine.

In suprémæ nocte cænæ,

Recúbens cum frátribus,

Observáta lege plene

Cibis in legálibus,

Cibum turbæ duodénæ

Se dat suis mánibus.

Verbum caro, panem verum  
 Verbo carnem éfficit:  
 Fitque sanguis Christi merum,  
 Et si sensus déficit,  
 Ad firmándum cor sincérum  
 Sola fides súfficit.  
 Tantum ergo Sacraméntum  
 Venerémur cernui:  
 Et antiquum documéntum  
 Novo cedat rítui:  
 Præstet fides suppleméntum  
 Sénsuum deféctui.  
 Genitóri, Genitóque  
 Laus et jubilátio,  
 Salus, honor, virtus quoque  
 Sit et benedictio:  
 Procedénti ab utróque  
 Compar sit laudátio. Amen.


## HYMNUS.




Sa-cris so - lém-ni-is jun - cta sint gáu-



di-a, Et ex præ-cór-di-is so - nent præ-



có-ni-a; Re-cé-dant vé - te-ra, no - va



sint óm - ni - a, Corda, vo - ces, et ó - pe - ra.

Noctis recólitur cœna novíssima,  
 Qua Christus créditur agnum et ázyma  
 Dedísse frátribus, júxta legítima  
 Priscis indúlta pátribus.

Post agnum typicum, explétis épulis,  
 Corpus Domínicum datum discíplis,  
 Sic totum ómnibus, quod totum síngulis,  
 Ejus fatémur mánibus.

Dedit fragílibus córporis férculum,  
 Dedit et trístibus sánguinis póculum,  
 Dicens: Accípíte quod trado vásculum,  
 Omnes ex eo bíbite.

Sic sacrificium istud instítuit,  
 Cujus officium commítte vóluit  
 Solis Presbyteris, quibus síc cóngruit,  
 Ut sumant, et dent cæteris.

Panis Angélicus fit panis hóminum;  
 Dat panis cælicus figúris términum.  
 O res mirábilis! mandúcat Dóminum  
 Páuper, servus et húmilis.

Te Trína Déitas, Unaque póscimus,  
 Sic nos tu vísita, sicut te cólimus;  
 Per tuas sémitas duc nos quo téndimus,  
 Ad lucem, quam inhábitas. Amen.

## HYMNUS.



Ver-bum su - pér - num pró - di-ens,  
 Nec Pa - tris lin-quens déx - te-ram, Ad  
 o - pus su-um éx - i-ens, Ve-nit ad  
 vi - tæ vé - spe-ram.

In mortem a discipulo  
 Suis tradendus æmulis,  
 Prius in vitæ férculo  
 Se trádedit discipulis.  
 Quibus sub bina spécie  
 Carnem dedit et Sáanguinem,  
 Ut dúplicitis substántiæ  
 Totum cibáret hóminem.  
 Se nascens dedit sócium,  
 Convéscens in edúlium,  
 Se móriens in prétium,  
 Se regnans dat in præmium.  
 O salutáris Hóstia,  
 Quæ cæli pandis óstium:



Bella præmunt hostília,  
 Da robur, fer auxiliúm.  
 Uni, Trinóque Dómino  
 Sit sempitérna glória:  
 Qui vitam sine término  
 Nobis donet in pátria. Amen.

## HYMNUS.

Sa-lú - tis hu - má - næ Sa - tor, Je -  
 su vo - lú - ptas cór - di - um, Or - bis re -  
 dém - pti Cón - di - tor, Et ca - sta lux a -  
 mán - ti - um.

Qua victus es cleméntia,  
 Ut nostra ferres crímina,  
 Mortem subíres innocens,  
 A morte nos ut tólleres!  
 Perrúmpis inférnum chaos,  
 Vincis caténas détrahis;  
 Victor triúmphi nóbili  
 Ad déxteram Patris sedes.

Te cogat indulgéntia,  
 Ut damna nostra sárCIAS,  
 Tuíque vultus cómpotes  
 Dites beáto lúmine.

Tu dux ad astra, et sémita,  
 Sis meta nostris córdibus,  
 Sis lacrymárum gáudium,  
 Sis dulce vitæ præmium. Amen.

### HYMNUS.

Æ - tér - ne Rex al - tís - si - me, Re - dém -  
 ptor et fi - dé - li - um, Cui mors per -  
 ém - pta dé - tu - lit, Sum - mæ tri - úm -  
 phum gló - ri - æ.

Ascéndis orbes síderum,  
 Quo te vocábat cælitus  
 Colláta, non humánitus,  
 Rerum potéstas ómnium.

Ut trina rerum máchina  
 Cæléstium, terréstrium,  
 Et inferórum cóndita,  
 Flectat genu jam súbdita  
 Tremunt vidéntes Angeli  
 Versam vicem mortálium:  
 Peccat caro, mundat caro,  
 Regnat Deus, Dei caro.  
 Sis ipse nostrum gáudium,  
 Manens Olympo præmium,  
 Mundi regis qui fábricam,  
 Mundána vincens gáudia.  
 Hinc te precántes, quæsumus,  
 Ignósce culpis ómnibus,  
 Et corda sursum súbleva  
 Ad te supérna grátia.  
 Ut cum repénite cœperis  
 Clarére nube Júdicis,  
 Pœnas repéllas débitas,  
 Reddas corónas pérditas.  
 Jesu tibi sit glória,  
 Qui victor in cœlum redis,  
 Cum Patre, et almo Spíritu,  
 In sempitérna sæcula. Amen.

Te Deum laudámus, fol. 376.

Benedíctus Dóminus Deus Israel, fol. 255.

Magnificat, fol. 204.

Peracta Processione, et Ss. Sacramento ad Ecclesiam reportato, et super Altari deposito, omnes Ecclesiastici, qui adsunt, hinc inde ordine genuflexi illud reverenter adorantes, dum Sacerdos de more incensat, sequentem Hymni partem concinant.

**T**ANTUM ergo Sacraméntum,  
 Venerémur cernui:  
 Et antiquum documéntum  
 Novo cedat rítui:  
 Præstet fides suppleméntum  
 Sénsuum deféctui.  
 Genitóri, Genitóque  
 Laus et jubilátio,  
 Salus, honor, virtus quoque  
 Sit et benedíctio:  
 Procedéti ab utróque  
 Compar sit laudátio. Amen.

Postea duo Clerici dicant:

*V.* Panem de cælo præstitisti eis, allelúja.

*R.* Omne delectaméntum in se habéntem, allelúja.

Deinde Sacerdos stans dicit: Orémus.

**D**EUS, qui nobis sub Sacraménto mirábili, passiónis  
 tuæ memóriam reliquisti: tríbue, quæsumus, ita  
 nos Córporis et Sánguinis tui sacra mystéria venerári;  
 ut redemptiónis tuæ fructum in nobis júgiter sentiá-  
 mus: Qui vivis, et regnas in sæcula sæculórum.

*R.* Amen.

Tunc Sacerdos facta genuflexione, cum Sacramento  
 semel benedicat populum in modum crucis, nihil  
 dicens: postea illud reverenter deponat.

Hic autem modus benedicendi servatur etiam in  
 aliis Processionibus faciendis cum SS. Sacramento.

#### DE PROCESSIONE AD PETENDAM PLUVIAM.

**A**GUNTUR omnia, ut supra in Litaniiis majoribus,  
 usque ad finem Litaniarum, in quarum precibus

**bis dicitur:** Ut congruéntem plúviam fidélibus tuis concédere dignéris, Te rogámus, áudi nos.

**In fine postea dicitur, Pater noster, secreto.**

**Ÿ.** Et ne nos indúcas in tentatiónem.

**R.** Sed líbera nos a malo.

**PSALMUS 146.**

**L**AUDATE Dóminum, quóniam bonus est psalmus: \*  
Deo nostro sit jucúnda, decóraque laudátio.

Ædíficans Jerúsalem Dóminus: \* dispersiões Israélis congregábit.

Qui sanat contrítos corde: \* et álligat contritiónes eórum.

Qui númerat multitudínem stellárum: \* et ómnibus eis nómina vocat.

Magnus Dóminus noster, et magna virtus ejus: \* et sapiéntiæ ejus non est númerus.

Suscípiens mansuétos Dóminus: \* humílians autem peccatóres usque ad terram.

Præcínite Dómino in confessiõe: \* psállite Deo nostro in cíthara.

Qui óperit cælum núbibus: \* et parat terræ plúviam.

Qui prodúcit in móntibus fœnum: \* et herbam servitúti hóminum.

Qui dat juméntis escam ipsórum: \* et pullis corvórum invocántibus eum.

Non in fortitúdone equi voluntátem habébit: \* nec in tíbiis viri beneplácitum erit ei.

Beneplácitum est Dómino super timéntes eum: \* et in eis, qui sperant supér misericórdia ejus.

Glória Patri, etc.

Quo finito, dicuntur preces.

Ÿ. Operi Dómine, cælum núbibus.

R. Et para terræ plúviam.

Ÿ. Ut producat in móntibus fœnum.

R. Et herbam servitúti hóminum.

Ÿ. Riga montes de superióribus tuis.

R. Et de fructu óperum tuórum satiábitur terra.

Ÿ. Dómine, exáudi oratiónem meam.

R. Et clamor meus ad te véniat.

Ÿ. Dóminus vobíscum.

R. Et cum spíritu tuo.

#### ORÉMUS.

**D**EUS, in quo vívimus, movémur, et sumus, plúviam nobis tríbue congruéntem: ut præsentibus subsidiis sufficiénter adjúti, sempitérna fiduciálius appetámus.

#### ORATIO.

**P**RÆSTA, quæsumus omnípotens Deus: ut qui in afflictióné nostra de tua pietáte confidimus, contra advérsa ómnia tua semper protectiósne muniámur.

#### ORATIO.

**D**A nobis, quæsumus Dómine, plúviam salutárem: et áridam terræ fáciem fluéntis cælestibus dignánter infúnde. Per Dóminum nostrum, etc.

R. Amen.

Ÿ. Dóminus vobíscum.

R. Et cum spíritu tuo.

Ÿ. Benedicámus Dómino.

R. Deo grátias.

Ÿ. Exáudiat nos omnípotens et miséricors Dóminus.

R. Amen.

Ÿ. Fidélium animæ per misericórdiam Dei requiæscant in pace. R. Amen.

PROCESSIO AD POSTULANDAM SERENITATEM.

OMNIA fiant, ut supra in Litaniis majoribus, et in Litaniarum precibus bis dicatur: Ut fidélibus tuis áeris serenitátem concédere dignéris. Te rogámus áudi nos.

Ad finem obsecrationum dicitur: Pater noster.

Ÿ. Et ne nos indúcas in tentatiónem.

R. Sed líbera nos a malo.

PSALMUS 66.

DEUS, misereátur nostri, et benedícat nobis: \* illúminet vultum suum super nos, et misereátur nostri.

Ut cognoscámus in terra viam tuam: \* in ómnibus géntibus salutáre tuum.

Confiteántur tibi pópuli, Deus: \* confiteántur tibi pópuli omnes.

Læténtur et exúltent gentes: \* quóniam júdicas pópulos in æquitáte, et gentes in terra dírigis.

Confiteántur tibi pópuli, Deus, confiteántur tibi pópuli omnes: \* terra dedit fructum suum.

Benedícat nos Deus, Deus noster, benedícat nos Deus: \* et métuant eum omnes fines terræ.

Glória Patri.

Ÿ. Adduxísti, Dómine, spíritum tuum super terram.

R. Et prohibítæ sunt plúviæ de cælo.

Ÿ. Cum obdúxero núbibus cælum.

R. Apparébit arcus meus, et recordábor fæderis mei.

**Ÿ.** Illústra fáciem tuam, Dómine, super servos tuos.

**R.** Et bénedic sperántes in te.

**Ÿ.** Dómine, exáudi oratióem meam.

**R.** Et clamor meus ad te véniat.

**Ÿ.** Dóminus vobíscum.

**R.** Et cum spírítu tuo.

## ORÉMUS.

## ORATIO.

**D**EUS, qui culpa offéndetis, pœniténtia placáris: preces pópuli tui supplicántis propítius réspice: et flagélla tuæ iracúndiæ, quæ pro peccátis nostris merémur, avérte.

## ORATIO.

**A**D te nos, Dómine, clamántes exáudi, et áeris serenitátem nobis tríbue supplicántibus: ut qui juste pro peccátis nostris affligimur, misericórdia tua præveniéntem, cleméntiam sentiámus.

## ORATIO.

**Q**UÆSUMUS, omnípotens Deus, cleméntiam tuam: Quæ ut inundántiam coérceas ímbrium, et hilaritátem vultus tui nobis impertíri dignéris. Per Dóminum nostrum, etc. **R.** Amen.

## PRECES AD REPELLENDAM TEMPESTATEM.

**P**ULSENTUR campanæ, et qui adesse possunt, in Ecclesiam convocatis, dicuntur Litaníæ ordinariæ, in quibus bis dicitur: A fúlgnore, et tempestáte, etc., et post Litanias, Orationemque Dominicam dicitur:

## PSALMUS 147.

**L**AUDA, Jerúsalem, Dóminum: \* láuda Deum tuum Sion.



Quóniam confortávit seras portárum tuárum : \* benedíxit filiis tuis in te.

Qui pósuit fines tuos pacem : \* et ádipe fruménti sátiat te.

Qui emíttit elóquium suum terræ : \* velóciter currit sermo ejus.

Qui dat nivem sicut lanam : \* nébulam sicut cínerem spargit.

Mittit crystállum suam sicut buccéllas : \* ante fáciem frígoris ejus quis sustinébit?

Emíttet verbum suum, et liquefáciét ea : \* flabit spíritus ejus, et fluent aquæ.

Qui annúnciat verbum suum Jacob : \* justítias et judícia sua Israel.

Non fecit táliter omni natióni : \* et judícia sua non manifestávit eis.

Glória Patri, etc.

*Y.* Adjutórium nostrum in nómine Dómini.

*R.* Qui fecit cælum et terram.

*Y.* Osténde nobis, Dómine, misericórdiam tuam.

*R.* Et salutáre tuum da nobis.

*Y.* Adjuva nos, Deus salutáris noster.

*R.* Et propter glóriam nóminis tui, Dómine, libera nos.

*Y.* Nihil proficiat inimícus in nobis.

*R.* Et filius iniquitátis non appónat nocére nobis.

*Y.* Fiat misericórdia tua, Dómine, super nos.

*R.* Quemádmódu sperávimus in te.

*Y.* Salvum fac pópulum tuum, Dómine.

*R.* Et benedic hæreditáti tuæ.

*Y.* Non privábis bonis eos, qui ámbulant in innocéntia.

**R.** Dómine, Deus virtútum : beátus homo, qui sperat in te.

**V.** Dómine, exáudi oratióem meam.

**R.** Et clamor meus ad te véniat.

**V.** Dóminus vobíscum.

**R.** Et cum spírítu tuo.

## ORÉMUS.

## ORATIO.

**D**EUS, qui culpa offénderis, pœniténtia placáris : preces pópuli tui supplicántis propítius réspice ; et flagélla tuæ iracúndiæ, quæ pro peccátis nostris merémur, avérte.

## ORATIO.

**A** DOMO tua, quæsumus Dómine, spiritáles nequitiæ repellántur, et aereárum discédât malígnitas tempestátum.

## ORATIO.

**O**MNIPOTENS sempitérne Deus, parce metuéntibus, propitiáre supplicibus : ut post nóxios ignes núbium, et vim procellárum, in matériam tránseat láudis comminátio tempestátum.

## ORATIO.

**D**OMINE Jesu, qui imperásti ventis et mari, et facta fuit tranqúillitas magna : exáudi preces famíliæ tuæ, et præsta ; ut hoc signo sanctæ Cru cis omnis discédât sævítia tempestátum.

## ORATIO.

**O**MNIPOTENS et miséricors Deus, qui nos et castigándo sanas, et ignoscéndo consérvas : præsta supplicibus tuis ; ut et tranqúillitátibus hujus optátæ con-

solatiónis lætémur, et dono tuæ pietátis semper utámur.  
Per Dóminum nostrum Jesum Christum, etc.

R. Amen.

Aspergatur Aqua benedicta.

## PRECES

### DICENDÆ TEMPORE PENURIÆ ET FAMIS.

**A**GUNTUR omnia, ut supra in Litaniis majoribus, usque ad finem Litaniarum, in quarum precibus bis dicitur: Ut fructus terræ dare et conservare digneris, Te rogámus áudi nos.

Post Litanias dicitur: Pater noster.

Psalm. Dóminus regit, etc., fol. 226.

Ÿ. Dómine, non secúndum peccáta nostra fácias nobis.

R. Neque secúndum iniquitátes nostras retríbuas nobis.

Ÿ. Oculi ómnium in te sperant, Dómine.

R. Et tu das illis escam in témpore opportúno.

Ÿ. Meménto congregatiónis tuæ.

R. Quam possedísti ab inítio.

Ÿ. Dóminus dabit benignitátem.

R. Et terra nostra dabit fructum suum.

Ÿ. Dómine, exáudi oratióem meam.

R. Et clamor meus ad te véniat.

Ÿ. Dóminus vobíscum.

R. Et cum spírítu tuo.

### ORÉMUS.

### ORATIO.

**I**NEFFABILEM nobis, Dómine, misericórdiam tuam cleménter osténde: ut simul nos et a peccátis ómnibus éxuas, et a pœnis, quas pro his merémur, erípias.

## ORATIO.

**D**A nobis, quæsumus Dómine, piæ supplicatiónis effectum, et famem propitiátus avérte: ut mortá-  
 lium corda cognóscant, et, te indignánte, tália flagélla  
 prodíre, et, te miseránte, cessáre.

## ORATIO.

**P**OPULUM tibi súbditum pro peccátis suis fame  
 laborántem ad te, Dómine, convérte propítius:  
 qui quæréntibus regnum tuum ómnia adjiciénda esse  
 dixísti: Qui vivis et regnas cum Deo Patre, etc.

**R.** Amen.

## PROCESSIO

## TEMPORE MORTALITATIS ET PESTIS.

**F**ILAT ut supra in Litaniis majoribus, et in Litania-  
 rum precibus dicatur bis: A peste et fame, Líbera  
 nos Dómine, et infra suo loco: Ut a pestiléntiæ flagélló  
 nos liberáre dignéris, etc.

**In fine Litaniarum dicitur:** Pater noster.

**Psalm.** Dómine, ne in furóre tuo árguas me, fol. 129.

**Ÿ.** Dómine, non secúndum peccáta nostra fácias  
 nobis.

**R.** Neque secúndum iniquitátes nostras retríbuas  
 nobis.

**Ÿ.** Adjuva nos, Deus salutáris noster.

**R.** Et propter glóriam nóminis tui, Dómine, líbera  
 nos.

**Ÿ.** Dómine, ne memíneris iniquitátum nostrárum  
 antiquárum.

**R.** Cito anticípent nos misericórdiæ tuæ, quia páu-  
 peres facti sumus nimis.

- V̄. Ora pro nobis sancte Sebastiáne.  
 R̄. Ut digni efficiámur promissionibus Christi.  
 V̄. Dómine, exáudi oratiómem meam.  
 R̄. Et clamor meus ad te véniat.  
 V̄. Dóminus vobíscum.  
 R̄. Et cum spírítu tuo.

## ORÉMUS.

## ORATIO.

**E**XAUDI nos, Deus salutáris noster; et intercedénte  
 beáta et gloriósa Dei genitríce María semper vír-  
 gine, et beáto Sebastiáno mártýre tuo, et ómnibus  
 Sanctis, pópulum tuum ab iracúndiæ tuæ terróribus  
 líbera, et misericórdiæ tuæ fac largitáte secúrum.

## ORATIO.

**P**ROPITIARE, Dómine, supplicatióibus nostris, et  
 animárum et córporum medére languóribus; ut  
 remissióne percépta, in tua semper benedictióne læ-  
 témur.

## ORATIO.

**D**A nobis, quæsumus Dómine, piæ petitiónis effé-  
 ctum: et pestiléntiam, mortalitatémque propi-  
 tiátus avérte; ut mortálium corda cognóscant a te  
 indignánte tália flagélla prodíre, et te miseránte ces-  
 sáre. Per Dóminum, etc. R̄. Amen.

## PRECES

## DICENDÆ IN LITANIIS TEMPORE BELLÍ.

**P**ERACTIS omnibus ut supra in Litaniis majori-  
 bus, ad finem Litaniarum dicitur: Pater noster,  
 secreto.

**Y.** Et ne nos indúcas in tentatiónem.

**R.** Sed líbera nos a malo.

**PSALMUS 45.**

**D**EUS noster refúgium, et virtus: \* adjútor in tribulatió nibus, quæ invenérunt nos nimis.

Proptérea non timébimus dum turbábitur terra: \* et transferéntur montes in cor maris.

Sonuérunt, et turbátæ sunt aquæ eórum: \* conturbáti sunt montes in fortitúdine ejus.

Flúminis ímpetus lætíficat civitátem Dei: \* sanctificávit tabernáculum suum Altíssimus.

Deus in médio ejus, non commovébitur: \* adjuvábít eam Deus mane dilúculo.

Conturbátæ sunt gentes, et inclináta sunt regna: \* dedit vocem suam, mota est terra.

Dóminus virtútum nobíscum: \* suscéptor noster Deus Jacob.

Veníte, et vidéte ópera Dómini, quæ pósuit prodígia super terram: \* áuferens bella usque ad finem terræ.

Arcum cónteret, et confrínget arma: \* et scuta combúret igni.

Vacáte, et vidéte quóniam ego sum Deus: \* exaltábor in géntibus, et exaltábor in terra.

Dóminus virtútum nobíscum: \* suscéptor noster Deus Jacob.

Glória Patri, etc.

**Y.** Exúrge, Dómine, ádjuva nos.

**R.** Et líbera nos propter nomen tuum.

**Y.** Salvum fac pópulum tuum, Dómine.

**R.** Deus meus, sperántem in te.

**Y.** Fiat pax in virtúte tua.

- R.* Et abundantia in túrribus tuis.  
*V.* Esto nobis, Dómine, turris fortitudinis.  
*R.* A fácie inimíci.  
*V.* Arcum cónteret, et confrínget arma.  
*R.* Et scuta combúret igni.  
*V.* Mitte nobis, Dómine, auxiliúm de sancto.  
*R.* Et de Sion tuére nos.  
*V.* Dómine, exáudi oratiónem meam.  
*R.* Et clamor meus ad te véniat.  
*V.* Dóminus vobíscum.  
*R.* Et cum spírítu tuo.

## ORÉMUS.

## ORATIO.

**D**EUS, qui cónteris bella, et impugnatóres in te sperántium poténtia tuæ defensiónis expúgnas: auxiliáre fámulis tuis implorántibus misericórdiam tuam; ut inimicórum suórum feritáte depréssa, incessábili te gratiárum actióne laudémus.

## ORATIO.

**D**EUS, a quo sancta desidéria, recta consília, et justa sunt ópera: da servis tuis illam, quam mundus dare non potest, pacem; ut et corda nostra mandátis tuis dédita, et hóstium subláta formídine, témpora sint tua protectióne tranqúilla.

## ORATIO.

**H**OSTIUM nostrórum, quæsumus Dómine, elíde supérbiam, et eórum contumáciam délixteræ tuæ virtúte prostérne. Per Dóminum nostrum Jesum Christum, etc. *R.* Amen.

*Si vero bellum est contra Turcas, et alios infideles, vel hæreticos, inter preces Litaniarum bis dicatur:*

Ut inimicos sanctæ Ecclésiæ humiliare digneris, Te rogámus áudi nos. **Et addatur:** Ut Turcárum (vel hæreticórum) conátus reprímere, et ad nihilum redigere digneris, Te rogámus áudi nos.

**Et dicto** Pater noster, **dicatur Psalmus 78.**

**D**EUUS, venérunt gentes in hæreditátem tuam, poluérunt templum sanctum tuum: \* posuérunt Jerúsalem in pomórum custódiam.

Posuérunt morticína servórum tuórum, escas volatílibus cæli: \* carnes sanctórum tuórum béstiis terræ.

Effuderunt sánguinem eórum tamquam aquam in circúitu Jerúsalem: \* et non erat qui sepelíret.

Facti sumus oppróbrium vicínis nostris: \* subsanátio et illúsió his qui in circúitu nostro sunt.

Usquequó, Dómine, irascéris in finem: \* accendétur velut ignis zelus tuus?

Effúnde iram tuam in gentes, quæ te non novérunt: \* et in regna, quæ nómen tuum non invocavérunt:

Quia comedérunt Jacob: \* et locum ejus desolavérunt.

Ne memíneris iniquitátum nostrárum antiqúarum, cito antícipent nos misericórdiæ tuæ: \* quia páuperes facti sumus nimis.

Adjuva nos, Deus salutáris noster: et propter glóriam nóminis tui, Dómine, libera nos: \* et propítius esto peccátis nostris, propter nomen tuum:

Ne forte dicant in géntibus: Ubi est Deus eórum? \* et innotéscat in natió nibus coram óculis nostris.

Ultio sánguinis servórum tuórum, qui effúsus est: \* intróeat in conspéctu tuo gémitus compeditórum.

Secúndum magnitúdinem bráchii tui, \* pósside filios mortificatórum.



Et redde vicinis nostris séptuplum in sinu eórum : \*  
impropérium ipsórum, quod exprobravérunt tibi, Dó-  
mine.

Nos autem pópulus tuus, et oves páscuæ tuæ, \* con-  
fitébitur tibi in sæculum.

In generatióem et generatióem \* annuntiábimus  
láudem tuam.

Glória Patri, etc.

Ÿ. Salvos fac servos tuos.

R. Deus meus, sperántes in te.

Ÿ. Esto nobis, Dómine, turris fortitúdinis.

R. A fácie inimíci.

Ÿ. Nihil proficiat inimícus in nobis.

R. Et filius iniquitátis non appónat nocére nobis.

Ÿ. Hóstium nóminis tui, Dómine, elíde supérbiam.

R. Et eórum contumáciam déxteræ tuæ virtúte pro-  
stérne.

Ÿ. Fiant tamquam pulvis ante fáciem venti.

R. Et Angelus Dómini persequéatur eos.

Ÿ. Effúnde iram tuam in gentes, quæ te non nové-  
runt.

R. Et in regna, quæ nomen tuum non invocavérunt.

Ÿ. Mitte nobis, Dómine, auxiliúm de sancto.

R. Et de Sion tuére nos.

Ÿ. Dómine, exáudi oratióem meam.

R. Et clamor meus ad te véniat.

Ÿ. Dóminus vobíscum.

R. Et cum spírítu tuo.

ORÉMUS.

ORATIO.

**D**A, quæsumus, Ecclésiæ tuæ, miséricors Deus : ut  
sancto Spírítu congregáta, hostíli nullátenuis in-  
cursióne turbétur.

## ORATIO.

**D**EUS, qui culpa offēderis, pœnitētia placāris: preces pópuli tui supplicāntis propítius réspice: et flagélla tuæ iracúndiæ, quæ pro peccātis nostris merémur, avérte.

## ORATIO.

**O**MNIPOTENS sempitérne Deus, in cujus manu sunt ómnium potestátes, et ómnium jura regnórum: réspice in auxiliū Christianórum: ut gentes Turcárum (vel hæreticórum), quæ in sua feritáte confidunt, déxteræ tuæ poténtia conterántur. Per Dóminum nostrum, etc. *Ry.* Amen.

*Y.* Exáudiat nos Dóminus. *Ry.* Amen.

## PROCESSIO

## IN QUACUMQUE TRIBULATIONE.

**S**ERVATIS omnibus, ut supra in Litaniis majoribus, finitisque Litaniis, dicitur: Pater noster.

*Y.* Et ne nos indúcas in tentatiónem.

*Ry.* Sed líbera nos a malo.

*Psal.* Exáudiat te Dóminus, fol. 150, cum Glória Patri, vel *Psal.* Qui hábitat, fol. 154. Quo finito, dicitur:

*Y.* Deus refúgium nostrum et virtus.

*Ry.* Adjútor in tribulatió nibus.

*Y.* Salvos fac servos tuos, Dómine.

*Ry.* Deus meus, sperántes in te.

*Y.* Sanctus Deus, Sanctus fortis, Sanctus immortalis.

*Ry.* Miserére nobis.

*Ÿ.* Adjuva nos, Deus salutáris noster.

*R.* Et propter glóriam nóminis tui, Dómine, libera nos.

*Ÿ.* Dómine, exáudi oratióem meam.

*R.* Et clamor meus ad te véniat.

*Ÿ.* Dóminus vobiscum.

*R.* Et cum spíritu tuo.

## ORÉMUS.

## ORATIO.

**N**E despicias, omnipotens Deus, pópulum tuum in afflictiónem clamántem: sed propter glóriam nóminis tui, tribulátis succúrre placátus.

## ORATIO.

**I**NEFFABILEM misericórdiam tuam, Dómine, nobis cleménter osténde: ut simul nos et a peccátis ómnibus éxuas, et a pœnis, quas pro his merémur, erípias.

## ORATIO.

**C**ONCEDE nos fámulos tuos, quæsumus Dómine Deus, perpétua mentis et córporis sanitate gaudére: et gloriósa beátæ Mariæ semper vírginis intercessiónē, a præsentí liberári tristítia, et ætérna pérfrui lætítia.

## ORATIO.

**T**RIBULATIONEM nostram, quæsumus Dómine, propítius réspice: et iram tuæ indignatiónis, quam juste merémur, avérte.

## ORATIO.

**D**EUS refúgium nostrum et virtus: adésto piis Ecclésiæ tuæ précibus áuctor ipse pietátis, et præsta; ut quod fidéliter pétimus, effícaciter consequámur. Per Dóminum, etc. *R.* Amen.

## PRECES

DICENDÆ IN PROCESSIONE PRO GRATIARUM ACTIONE.

INITIO PROCESSIONIS CANTATUR HYMNUS.

**T**E Deum laudamus: te Dóminum confitemur.  
Te ætérnum Patrem omnis terra venerátur.

Tibi omnes Angeli, tibi cæli, et univérsæ potestátes.

Tibi Chérubim et Séraphim, incessábili voce pro-  
clámant:

Sanctus, Sanctus, Sanctus Dóminus Deus Sábaoth.  
Pleni sunt cæli et terra majestátis gloriæ tuæ.

Te gloriósus Apostolórum chorus,

Te Prophetárum laudábilis númerus,

Te Mártyrum candidátus láudat exércitus.

Te per orbem terrárum sancta confitétur Ecclésia.

Patrem imménsæ majestátis.

Venerándum tuum verum, et únicum Fílium.

Sanctum quoque Paráclitum Spíritum.

Tu Rex glóriæ, Christe.

Tu Patris sempitérnus es Fílius.

Tu ad liberándum susceptúrus hóminem, non hor-  
ruísti Vírginis úterum.

Tu devícto mortis acúleo, aperuísti credéntibus regna  
cælórum.

Tu ad dexteram Dei sedes, in glória Patris.

Judex créderis esse ventúrus.

Te ergo, quæsumus, tuis fámulis súbveni, quos pre-  
tíoso Sáanguine redemísti.

Ætérna fac cum Sanctis tuis in glória numerári.

Salvum fac pópulum tuum, Dómine, et benedic  
hæreditáti tuæ.

Et rege eos, et extólle illos usque in ætérnum.

Per síngulos dies benedícimus te.

Et laudámus nomen tuum in sæculum, et in sæculum sæculi.

Dignáre, Dómine, die isto sine peccáto nos custodíre.

Miserére nostri, Dómine, miserére nostri.

Fiat misericórdia tua, Dómine, super nos, quemádmódum sperávimus in te.

In te, Dómine, sperávi: non confúndar in ætérnum.

Deinde dici poterunt Psalmi, qui sequuntur, prout tempus feret.

### PSALMUS 65.

**J**UBILATE Deo omnis terra, psalmum dícite nómini ejus: \* date glóriam láudi ejus.

Dícite Deo, quam terríbilia sunt ópera tua, Dómine! \* in multítudine virtútis tuæ mentiéntur tibi inimíci tui.

Omnis terra adóret te, et psallat tibi: \* psalmum dicat nómini tuo.

Veníte, et vidéte ópera Dei: \* terríbilis in consíliis super filios hóminum.

Qui convértit mare in áridam, in flúmine pertransí-  
bunt pede: \* ibi lætábimur in ipso.

Qui dominátur in virtúte sua in ætérnum, óculi ejus super gentes respíciunt: \* qui exásperant non exaltén-  
tur in semetípsis.

Benedícite gentes Deum nostrum: \* et audítam fácite vocem laudis ejus.

Qui pósuit ánimam meam ad vitam: \* et non dedit in commotiónem pedes meos.

Quóniam probásti nos, Deus : \* igne nos examinásti, sicut examinátur argéntum.

Induxísti nos in láqueum, posuísti tribulatiónes in dorso nostro : \* imposuísti hómines super cápita nostra.

Transívimus per ignem et aquam : \* et eduxísti nos in refrigérium.

Introíbo in domum tuam in holocáustis ; \* reddam tibi vota mea, quæ distinxérunt lábia mea.

Et locútum est os meum, \* in tribulatióne mea.

Holocáusta medulláta ófferam tibi cum incénso aréatum : \* ófferam tibi boves cum hircis.

Veníte, audíte, et narrábo, omnes qui timétis Deum, \* quanta fecit ánimæ meæ.

Ad ipsum ore meo clamávi, \* et exaltávi sub lingua mea.

Iniquitátem si aspéxi in corde meo, \* non exáudiet Dóminus.

Proptérea exaudivit Deus, \* et atténdit voci deprecatiónis meæ.

Benedíctus Deus, \* qui non amóvit oratiónem meam, et misericórdiam suam a me.

Glória Patri, etc.

### PSALMUS 80.

**E**XULTATE Deo adjutóri nostro : \* jubiláte Deo Jacob.

Súmíte psalmum, et date tympanum : \* psaltérium jucúndum cum cíthara.

Buccináte in Neoméniá tuba, \* in insígni die solemnitétis vestræ.

Quia præcéptum in Israel est, \* et iudícium Deo Jacob.

Testimónium in Joseph pósuit illud, cum exíret de terra Ægypti : \* linguam, quam non nóverat, audívit.

Divértit ab onéribus dorsum ejus : \* manus ejus in cóphino serviérunť.

In tribulatióne invocásti me, et liberávi te : \* exaudivi te in abscondito tempestátis : probávi te apud aquam contradicţiónis.

Audi pópulus meus, et contestábor te : \* Israel, si audieris me, non erit in te deus recens, neque adorábis deum aliénum.

Ego enim sum Dóminus Deus tuus, qui edúxi te de terra Ægypti : \* diláta os tuum, et implébo illud.

Et non audívit pópulus meus vocem meam : \* et Israel non inténdit mihi.

Et dimísi eos secúndum desidéria cordis eórum, \* ibunt in adinventiúnibus suis.

Si pópulus meus audísset me : \* Israel si in viis meis ambuláset :

Pro níhilo fórsitan inimícos eórum humiliásem : \* et super tribulántes eos misíssem manum meam.

Inimíci Dómini mentíti sunt ei : \* et erit tempus eórum in sæcula.

Et cibávit eos ex ádipe fruménti : \* et de petra, melle saturávit eos.

Glória Patri, etc.

### PSALMUS 95.

**C**ANTATE Dómino cánticum novum : \* cantáte Dómino omnis terra.

Cantáte Dómino, et benedícite nómini ejus : \* annuntiáte de die in diem salutáre ejus.

Annuntiáte inter gentes glóriam ejus, \* in ómnibus pópulis mirabília ejus.

Quóniam magnus Dóminus, et laudábilis nimis: \* terríbilis est super omnes deos.

Quóniam omnes dii géntium dæmónia: \* Dóminus autem cælos fecit.

Conféssio, et pulchritúdo in conspéctu ejus: \* sanctimónia et magnificéntia in sanctificatióne ejus.

Afférte Dómino pátriæ gentium, afférte Dómino glóriam et honórem: \* afférte Dómino glóriam nómini ejus.

Tollite hóstias, et introíte in átria ejus: \* adoráte Dóminum in átrio sancto ejus.

Commovéatur a fácie ejus univérsa terra: \* dícite in géntibus quia Dóminus regnávit.

Etenim corréxit orbem terræ, qui non commovébitur; \* judicábit pópulos in æquitáte.

Læténtur cæli, et exúltet terra, commovéatur mare, et plenitúdo ejus: \* gaudébunt campi, et ómnia, quæ in eis sunt.

Tunc exultábunt ómnia ligna silvárum a fácie Dómini, quia venit: \* quóniam venit judicáre terram.

Judicábit orbem terræ in æquitáte: \* et pópulos in veritáte sua.

Glória Patri, etc.

### PSALMUS 99.

**J**UBILATE Deo omnis terra: \* servíte Dómino in lætítia.

Introíte in conspéctu ejus, \* in exultatióne.

Scitóte quóniam Dóminus ipse est Deus: \* ipse fecit nos, et non ipsi nos:

Pópulus ejus, et oves páscuæ ejus: \* introíte portas ejus in confessiόne, átria ejus in hymnis: confitémini illi.



Laudáte nomen ejus: quóniam suávis est Dóminus, in ætérnum misericórdia ejus, \* et usque in generatió-nem et generatió-nem véritas ejus.

Glória Patri, etc.

**PSALMUS 102.**

**B**ENEDIC ánima mea Dómino: \* et ó-mnia, quæ intra me sunt, nómini sancto ejus.

Bé-nedic ánima mea Dómino: \* et noli oblivisci omnes retributió-nes ejus:

Qui propitiátur ó-mnibus iniquitátibus tuis: \* qui sanat omnes infirmitátes tuas.

Qui ré-dimit de intéritu vitam tuam: \* qui corónat te in misericórdia et miseratió-nibus.

Qui replet in bonis desidérium tuum: \* renovábitur ut áquilæ juvéntus tua.

Fáciens misericórdias Dóminus: \* et judícium ó-mni-bus injúriam patiéntibus.

Notas fecit vias suas Móysi, \* filiis Israel voluntátes suas.

Miserátor, et miséricors Dóminus: \* longánimis, et multum miséricors.

Non in perpétuum irascétur: \* neque in ætérnum comminábitur.

Non secúndum peccáta nostra fecit nobis: \* neque secúndum iniquitátes nostras retríbuit nobis.

Quóniam secúndum altitúdinem cæli a terra: \* cor-roborávit misericórdiam suam super tíméntes se.

Quantum distat ortus ab occidén-te: \* longe fecit a nobis iniquitátes nostras.

Quómodo miserétur pater filiórum, misértus est Dó-minus tíméntibus se: \* quóniam ipse cognóvit figmén-tum nostrum.

Recordátus est, quóniam pulvis sumus: \* homo sicut fœnum dies ejus, tamquam flos agri sic efflorébit.

Quóniam spíritus pertransíbit in illo, et non subsístet: \* et non cognóscet ámplius locum suum.

Misericórdia autem Dómini ab ætérno, \* et usque in ætérnum super timéntes eum.

Et justítia illíus in filios filiórum, \* his qui servant testaméntum ejus:

Et mémores sunt mandatórum ipsíus, \* ad faciéndum ea.

Dóminus in cælo parávit sedem suam: \* et regnum ipsíus ómnibus dominábitur.

Benedícite Dómino omnes ángeli ejus: \* poténtes virtúte, faciéntes verbum illíus, ad audiéndam vocem sermónum ejus.

Benedícite Dómino omnes virtútes ejus: \* ministri ejus, qui fáctis voluntátem ejus.

Benedícite Dómino ómnia ópera ejus: \* in omni loco dominationis ejus, bédedic ánima mea Dómino.

Glória Patri, etc.

### PSALMUS 116.

**L**AUDATE Dóminum omnes gentes: \* laudáte eum omnes pópuli:

Quóniam confirmáta est super nos misericórdia ejus: \* et véritas Dómini manet in ætérnum.

Glória Patri, etc.

**Psalmus.** Laudáte Dóminum de cælis, etc., fol. 253, cum duobus sequentibus, ut supra.

**Canticum.** Benedícite ómnia ópera Dómini, fol. 264.

**Canticum.** Benedíctus Dóminus Deus Israel, fol. 255.

**Hæc autem prædicta, prout longitudo itineris postu-**

laverit, vel omnia, vel ex parte cantari possunt. Deinde in Ecclesia, ubi fit statio, ante altare dicuntur sequentes Versus, et Orationes.

*V.* Benedíctus es, Dómine Deus patrum nostrórum.

*R.* Et laudábilis, et gloriósus in sæcula.

*V.* Benedicámus Patrem, et Fílium cum sancto Spíritu.

*R.* Laudémus, et superexaltémus eum in sæcula.

*V.* Benedíctus es, Dómine, in firmaménto cæli.

*R.* Et laudábilis, et gloriósus, et superexaltátus in sæcula.

*V.* Bénedic ánima mea Dómino.

*R.* Et noli oblivísci omnes retributiónes ejus.

*V.* Dómine, exáudi oratióem meam.

*R.* Et clamor meus ad te véniat.

*V.* Dóminus vobíscum.

*R.* Et cum spíritu tuo.

#### ORÉMUS.

#### ORATIO.

**D**EUS, cujus misericórdiæ non est númerus; et bonitátis infínitus est thesáurus: piíssimæ majestáti tuæ pro collátis donis grátias ágimus tuam semper elementiam exorántes: ut qui peténtibus postuláta concédís, eósdem non déserens, ad præmia futúra dispónas.

#### ORATIO.

**D**EUS, qui corda fidélium sancti Spíritus illustratióne docuísti; da nobis in eódem Spíritu recta sápere, et de ejus semper consolatióne gaudére.

#### ORATIO.

**D**EUS, qui néminem in te sperántem nímium afflígi permíttis, sed pium précibus præstas audítum: pro

postulationibus nostris, votisque susceptis grátias ágimus, te piíssime deprecántes; ut a cunctis semper muniamur advérsis. Per Dóminum nostrum Jesum Christum Fílium tuum: qui tecum vivit, et regnat in unitáte Spíritus sancti Deus, per ómnia sæcula sæculórum.

**R.** Amen.

## DE PROCESSIONE

### IN TRANSLATIONE SACRARUM RELIQUIARUM INSIGNIUM.

**E**CCLESIA, et viæ, per quas transeundum est, quam fieri potest decentius ormentur. Sacerdotes, et ministri vestibus induti albi, vel rubei coloris, prout Sancti, quorum Reliquiæ transferuntur, exposcunt, et cum luminaribus accensis, omnes procedant, decantantes Litanias cum invocatione Sanctorum, quorum Reliquiæ deferuntur, et Hymnum, Te Deum, etc. et Psalm. **Laudáte Dóminum de cælis**, cum duobus sequentibus, et alios Psalmos, et Hymnos de Proprio, vel de Communi eorum Sanctorum, quorum Reliquiæ transferuntur.

## DE EXORCIZANDIS

### OBSESSIS A DÆMONIO.

**S**ACERDOS, seu quivis alius legitimus Ecclesiæ minister, vexatos a dæmone exorcizaturus, ea qua par est pietate, prudentia, ac vitæ integritate præditus esse debet: qui non sua, sed divina fretus virtute, ab omni rerum humanarum cupiditate alienus, tam pium opus ex charitate constanter et humiliter exequatur. Hunc præterea maturæ ætatis esse decet, et non solum officio, sed etiam morum gravitate reverendum.

Ut igitur suo munere recte fungatur, cum alia multa sibi utilia documenta, quæ brevitatis gratia hoc loco prætermittuntur, ex probatis auctoribus, et ex usu noscere studeat; tum hæc pauca magis necessaria diligenter observabit.

In primis, ne facile credat, aliquem a dæmonio obsessum esse, sed nota habeat ea signa, quibus obsessus dignoscitur ab iis, qui vel atra bile, vel morbo aliquo laborant. Signa autem obsidentis dæmonis sunt: Ignota lingua loqui pluribus verbis, vel loquentem intelligere: Distantia, et occulta patefacere: Vires supra ætatis, seu conditionis naturam ostendere: et id genus alia, quæ cum plurima concurrunt, majora sunt indicia.

Hæc autem ut magis cognoscat, post unum, aut alterum exorcismum interroget obsessum, quid senserit in animo, vel in corpore, ut sciat etiam ad quænam verba magis diaboli conturbentur, ut ea deinceps magis inculcet ac repetat.

Advertat, quibus artibus ac deceptionibus utantur dæmones ad Exorcistam decipiendum: solent enim ut plurimum fallaciter respondere, et difficile se manifestare, ut Exorcista diu defatigatus desistat; aut infirmus videatur non esse a dæmonio vexatus.

Aliquando postquam sunt manifesti, abscondunt se, et relinquunt corpus quasi liberum ab omni molestia, ut infirmus putet se omnino esse liberatum: sed cessare non debet Exorcista, donec viderit signa liberationis.

Aliquando etiam dæmones ponunt quæcumque possunt impedimenta, ne infirmus se subjiciat exorcismis, vel conantur persuadere infirmitatem esse naturalem; interdum in medio exorcismi faciunt

dormire infirmum, et ei visionem aliquam ostendunt, subtrahendo se, ut infirmus liberatus videatur.

Aliqui ostendunt factum maleficium, et a quibus sit factum, et modum ad illud dissipandum: sed caveat, ne ob hoc ad magos, vel ad sagas, vel ad alios, quam ad Ecclesiæ ministros confugiat, aut ulla superstitione, aut alio modo illicito utatur.

Quandoque diabolus infirmum quiescere, et suscipere sanctissimam Eucharistiam permittit, ut discessisse videatur.

Denique innumerabiles sunt artes et fraudes diaboli ad decipiendum hominem, quibus ne fallatur, Exorcista cautus esse debet.

Quare memor Dominum nostrum dixisse, genus esse dæmoniorum, quod non ejicitur nisi per orationem et jejunium, *Matth.* 17. hæc duo potissimum remedia ad impetrandum divinum auxilium, dæmonesque pellendos, exemplo Ss. Patrum, quoad ejus fieri poterit, tum per se, tum per alios curet adhiberi.

In Ecclesiam, si commode fieri potest, vel in alium religiosum et honestum locum seorsum a multitudine perductus energumenus, exorcizetur; sed si fuerit ægrotus, vel persona nobilis, vel alia honesta de causa, in domo privata exorcizari poterit.

Admonéatur obsessus, si mente et corpore valeat, ut pro se oret Deum, ac jejUNET, et sacra Confessione et Communione sæpius ad arbitrium Sacerdotis se communiat; et dum exorcizatur, totum se colligat, et ad Deum convertat, ac firma fide salutem ab eo deposcat cum omni humilitate. Et cum vehementius vexatur, patienter sustineat, nihil diffidens de auxilio Dei.

Habeat præ manibus, vel in conspectu Crucifixum. Reliquiæ quoque Sanctorum, ubi haberi possint, decenter ac tuto colligatæ, et coopertæ, ad pectus, vel ad caput obsessi reverenter admoveantur; sed caveatur, ne res sacræ indigne tractentur, aut illis a dæmone ulla fiat injuria. Sanctissima vero Eucharistia super caput obsessi, aut aliter ejus corpori non admoveatur, ob irreverentiæ periculum.

Exorcista ne vagetur in multiloquio, aut supervacaneis vel curiosis interrogationibus, præsertim de rebus futuris et occultis, ad suum munus non pertinentibus; sed jubeat immundum spiritum tacere, et ad interrogata tantum respondere; neque ei credatur, si dæmon simularet se esse animam alicujus Sancti, vel defuncti, vel Angelum bonum.

Necessariæ vero interrogationes sunt, ut de numero et nomine spirituum obsidentium, de tempore quo ingressi sunt, de causa, et aliis hujusmodi. Cæteras autem dæmonis nugas, risus, et ineptias

Exorcista cohibeat, aut contemnat, et circumstantes, qui pauci esse debent, admoneat, ne hæc curent, neque ipsi interrogent obsessum; sed potius humiliter et enixe Deum pro eo precentur.

Exorcismos vero faciat ac legat cum imperio, et auctoritate, magna fide, et humilitate, atque fervore; et cum viderit spiritum valde torqueri, tunc magis instet et urgeat. Et quoties viderit obsessum in aliqua corporis parte commoveri, aut pungi, aut tumorem alicubi apparere, ibi faciat signum Crucis, et Aqua benedicta aspergat, quam exorcizando in promptu habeat.

Observet etiam ad quæ verba dæmones magis contremiscant, et ea sæpius repetat; et quando pervenerit ad comminationem, eam iterum et sæpius proferat, semper pœnam augendo; ac si videat se proficere, in ipsa perseveret per duas, tres, quatuor horas, et amplius prout poterit, donec victoriam consequatur.

Caveat proinde exorcista ne ullam medicinam infirmo obsesso præbeat, aut suadeat; sed hanc curam medicis relinquat.

Mulierem exorcizans, semper secum habeat honestas personas, quæ obsessam teneant, dum exagitur a dæmonio; quæ quidem personæ sint patienti, si fieri potest, cognatione proximæ; atque honestatis memor Exorcista caveat, ne quid dicat, vel faciat, quod sibi, aut aliis occasio esse possit pravæ cogitationis.

Dum exorcizat, utatur sacræ Scripturæ verbis potius, quam suis, aut alienis. Jubeatque dæmonem dicere, an detineatur in illo corpore ob aliquam operam magicam, aut malefica signa, vel instrumenta, quæ si obsessus ore sumpserit, evomat; vel si alibi extra corpus fuerint, ea revelet; et inventa comburantur. Moneatur etiam obsessus, ut tentationes suas omnes Exorcistæ patefaciat.

Si vero obsessus liberatus fuerit, moneatur, ut diligenter sibi caveat a peccatis, ne occasionem dæmoni præbeat in ipsum revertendi, ne fiant novissima hominis illius pejora prioribus.

Itaque Sacerdos, sive alius Exorcista, rite confessus, aut saltem corde peccata sua detestans, peracto, si commode fieri potest, Ss. Missæ sacrificio, divinoque auxilio piis precibus implorato, superpelliceo et stola violacea, cujus extrema pars ad obsessi collum circumponatur, indutus, et coram se habens obsessum ligatum, si fuerit periculum, eum, se, et astantes communiat signo Crucis, et aspergat Aqua benedicta, et genibus

flexis, aliis respondentibus, dicat Litanias ordinarias usque ad Preces inclusive.

**In fine. Antiphona.** Ne reminiscáris, Dómine, delicta nostra, vel paréntum nostrórum, neque vindíctam sumas de peccátis nostris.

Pater noster, *secreto*.

**Ÿ.** Et ne nos indúcas in tentatiónem.

**R.** Sed líbera nos a malo.

### PSALMUS 53.

**D**EUS, in nómine tuo salvum me fac: \* et in virtúte tua júdica me.

Deus, exáudi oratiónem meam: \* áuribus pércipe verba oris mei.

Quóniam aliéni insurrexérunt advérsum me, et fortes quásiérunt ánimam meam: \* et non proposuérunt Deum ante conspéctum suum.

Ecce enim Deus áduvat me: \* et Dóminus suscéptor est ánimæ meæ.

Avérte mala inimícis meis: \* et in veritáte tua dispérde illos.

Voluntárie sacrificábo tibi, \* et confitébor nómini tuo Dómine, quóniam bonum est:

Quóniam ex omni tribulatióne eripuísti me: \* et super inimícos meos despéxit óculus meus.

Glória Patri, etc.

**Ÿ.** Salvum fac servum tuum.

**R.** Deus meus, sperántem in te.

**Ÿ.** Esto ei, Dómine, turris fortitúdinis.

**R.** A fácie inimíci.

**Ÿ.** Nihil proficiat inimícus in eo.

**R.** Et filius iniquitátis non appónat nocére ei.



**V.** Mitte ei, Dómine, auxiliúm de sancto.

**R.** Et de Sion tuére eum.

**V.** Dómine, exáudi oratióem meam.

**R.** Et clamor meus ad te véniat.

**V.** Dóminus vobíscum.

**R.** Et cum spírítu tuo.

### ORÉMUS.

**D**EUS, cui próprium est miseréri semper et párcere : súscipe deprecatióem nostram, ut hunc fámulum tuum (**vel** fámulam tuam), quem (**vel** quam) delictórum caténa constríngit, miserátio tuæ pietátis cleménter absólvat.

**D**OMINE sancte, Pater omnípotens, ætérne Deus, Pater Dómini nostri Jesu Christi ; qui illum réfugam tyránnum et apóstatam gehénnæ ígnibus depuásti ; quique Unigénitum tuum in hunc mundum misísti, ut illum rugiéntem contéret : velóciter aténde, accélera, ut erípias hómínem ad imáginem et similitúdinem tuam créatum, a ruína, et dæmónio. Da, Dómine, terrórem tuum super béstiam, quæ ex téminat véneam tuam. Da fidúciám servis tuis contra nequíssimum dracónem pugnáre fortíssime, ne contémnat sperántes in te, et ne dicat, sicut in Pharaóne, qui jam dixit : Deum non novi, nec Israel dimítto. Urgeat illum délixtera tua potens discédere a fámulo tuo **N.** (**vel** a fámula tua **N.**) ✠, ne diútius præsumat captívum tenére, quem tu ad imáginem tuam fácere dignátus es, et in Fílio tuo redemísti : Qui tecum vivit et regnat in unitáte Spírítus Sancti Deus, per ómnia sæcula sæculórum. **Ry.** Amen.

Deinde præcipiat dæmoni hunc in modum.

**P**RÆCIPPIO tibi, quicumque es, spíritus immúnde, et ómnibus sóciis tuis hunc Dei fámulum obsidéntibus; ut per mystéria Incarnatiónis, Passiόνis, Resurrectiόνis et Ascensiόνis Dómini nostri Jesu Christi, per missiónem Spíritus sancti, et per advéntum ejúsdem Dómini nostri ad júdicium, dicas mihi nomen tuum, diem, et horam éxitus tui, cum áliquo signo; et, ut mihi Dei minístro, licet indígno, prorsus in ómnibus obédias: neque hanc creatúram Dei, vel circumstántes, aut eórum bona ullo modo offéndas.

Deinde legantur super obsessum hæc Evangelia, vel unum, aut alterum.

Lectio sancti Evangélii secúndum Joánnem.

Hæc dicens, signat se et obsessum in fronte, ore, et pectore.

In princípio erat Verbum, etc. fol. 155.

LÉCTIO SANCTI EVANGÉLII SECÚNDUM MARCUM.

MARC. 16.

**I**N illo témpore: Dixit Jesus discípulis suis: Eúntes in mundum univérsum, prædicáte Evangélium omni creatúre. Qui credíderit, et baptizátus fúerit, salvus erit; qui vero non credíderit, condemnábitur. Signa autem eos, qui credíderint, hæc sequéntur: In nómine meo dæmónia ejicient: linguis loquéntur novis; serpéntes tollent: et si mortíferum quid bíberint, non eis nocébit: super ægros manus impónent, et bene habébunt.

## LÉCTIO SANCTI EVANGÉLII SECÚNDUM LUCAM. LUC. 10.

**I**N illo témpore: Revérsi sunt septuagínta duo cum gáudio, dicéntes ad Jesum: Dómine, etiam dæmónia subjiciúntur nobis in nómine tuo. Et ait illis: Vidébam sátanam sicut fulgur de cælo cadéntem. Ecce dedi vobis potestátem calcánda supra serpéntes, et scorpíones, et super omnem virtútem inimíci: et nihil vobis nocébit. Verúmtamen in hoc. nolíte gaudére, quia spíritus vobis subjiciúntur: gaudéte autem, quod nómina vestra scripta sunt in cælis.

## LÉCTIO SANCTI EVANGÉLII SECÚNDUM LUCAM. LUC. 11.

**I**N illo témpore: Erat Jesus ejíciens dæmónium, et illud erat mutum. Et cum eiecísset dæmónium, locútus est mutus, et admirátæ sunt turbæ. Quidam autem ex eis dixérunt: In Beélzebub príncipe dæmoniórum ejícit dæmónia. Et álii tentántes, signum de cælo quærébant ab eo. Ipse autem ut vidit cogitatiónes eórum, dixit eis: Omne regnum in seípsum dívísus desolábitur, et domus supra domum cadet. Si autem et Sátanas in seípsum dívísus est, quómodo stabit regnum ejus? quia dícitis in Beélzebub me ejícere dæmónia. Si autem ego in Beélzebub ejício dæmónia, filii vestri in quo ejíciunt? Ideo ipsi júdices vestri erunt. Porro si in dígito Dei ejício dæmónia: profécto pervénit in vos regnum Dei. Cum fortis armátus custódit átrium suum, in pace sunt ea, quæ póssidet. Si autem fórtior eo supervéniens vícerit eum, univérsa arma ejus áuferet, in quibus confidébat, et spólia ejus distribuet.

**Ÿ.** Dómine, exáudi oratiónem meam.

**R.** Et clamor meus ad te véniat.

Ÿ. Dóminus vobíscum.

R. Et cum spírítu tuo.

ORÉMUS.

OMNIPOTENS Dómine, Verbum Dei Patris, Christe Jesu, Deus et Dóminus univérsæ creatúræ: qui sanctis Apóstolis tuis dedísti potestátem calcándi super serpéntes et scorpíones: qui inter cætera mirabílium tuórum præcépta dignátus es dícere: Dæmones effugáte: cujus virtúte motus tamquam fulgur de cælo Sá-tanas cécidit: tuum sanctum Nomen cum timóre et tremóre suppliciter déprecor, ut indigníssimo mihi servo tuo, data vénia ómnium delictórum meórum, constántem fidem, et potestátem donáre dignéris; ut hunc crudélem dæmonem, bráchii tui sancti munítus poténtia, fidénter et secúrus aggrédíar: per te, Jesu Christe Dómine Deus noster, qui ventúrus es judicáre vivos et mórtuos, et sæculum per ignem. R. Amen.

Deinde muniens se et obsessum signo Crucis, circumposita parte stolæ ad collum ejus, et dextera manu sua capiti ejus imposita, constanter et magna cum fide dicat ea quæ sequuntur.

Ÿ. Ecce Crucem Dómini, fúgite partes advérsæ.

R. Vicit leo de tribu Juda, radix David.

Ÿ. Dómine, exáudi oratiónem meam.

R. Et clamor meus ad te véniat.

Ÿ. Dóminus vobíscum.

R. Et cum spírítu tuo.

ORÉMUS.

ORATIO.

DEUS, et Pater Dómini nostri Jesu Christi, ínvo-co nomen sanctum tuum, et cleméntiam tuam supplex

expósco; ut advérsus hunc, et omnem immúndum spíritum, qui vexat hoc plasma tuum, mihi auxiliúm præstáre dignéris. Per eúmdem Dóminum nostrum.

### EXORCISMUS.

**E**XORCIZO te, immundíssime spíritus, omnis incúrsio adversárii, omne phantásma, omnis légio: in nómine Dómini nostri Jesu ✠ Christi eradicáre, et effugáre ab hoc plásmate Dei. ✠ Ipse tibi ímperat, qui te de supérnis cælórum in inferióra terræ demérgi præcépít. Ipse tibi ímperat, qui mari, ventis, et tempestátibus imperávit. Audi ergo, et time, sátana, inimíce fidei, hostis géneris humáni, mortis addúctor, vitæ raptor, justítiæ declinátor, malórum radix, fomes vitiórum, sedúctor hómínium, próditor géntium, incitátor invídiæ, orígo avarítiæ, causa discórdiæ, excitátor dolórum: quid stas, et resistis, cum scias Christum Dóminum vias tuas pérdere? Illum métue, qui in Isaac immolátus est, in Joseph venúmdatus, in agno occísus, in hómíne crucifixus, deínde inférni triumphátor fuit. *Sequentes Cruces fiant in fronte obsessi.* Recéde ergo in nómine Patris ✠, et Fílii ✠, et Spíritus ✠ sancti: da locum Spíritui sancto, per hoc signum sanctæ ✠ Crucis Jesu Christi Dómini nostri: Qui cum Patre, et eódem Spíritu sancto vivit, etc.

*Ÿ.* Dómine, exáudi oratióne meam.

*R.* Et clamor meus ad te véniat.

*Ÿ.* Dóminus vobíscum.

*R.* Et cum spíritu tuo.

## ORÉMUS.

## ORATIO.

**D**EUS, conditor et defensor generis humani, qui hominem ad imaginem tuam formasti: respice super hunc famulum tuum **N.** (vel hanc famulam tuam **N.**) qui (vel quæ) dolis immundi spiritus appetitur, quem vetus adversarius, antiquus hostis terræ, formidinis horrore circumvolat, et sensum mentis humanæ stupore defigit, terrore conturbat, et metu trepidi timoris exagitat. Repelle, Domine, virtutem diaboli, fallacisque ejus insidias amove: procul impius tentator aufugiat: sit nominis tui signo ✠ (in fronte) famulus tuus munitus, et in ánimo tutus et corpore (tres Cruces sequentes fiant in pectore daemониaci). Tu pectoris ✠ hujus interna custodias. Tu viscera ✠ regas. Tu ✠ cor confirmes. In ánima adversatrici potestatis tentamenta evanescant. Da, Domine, ad hanc invocationem sanctissimi Nominis tui gratiam, ut qui hucusque terrébat, territus aufugiat, et victus abscédat, tibi que possit hic famulus tuus et corde firmatus, et mente sincerus debitum præbere famulatum. Per Dóminum nostrum, etc. **R.** Amen.

## EXORCISMUS.

**A**DJURO te, sépens antíque, per Júdicem vivórum et mortuórum, per factórem tuum, per factórem mundi: per eum, qui habet potestátem mittere te in gehénnam, ut ab hoc famulo Dei **N.**, qui ad Ecclésiæ sinum recúrrit, cum metu, et exercitu furóris tui festinus discédas. Adjuro te íterum ✠ (in fróntè) non mea infirmitáte, sed virtúte Spíritus sancti, ut éxeas ab hoc famulo Dei **N.**, quem omnípotens Deus ad imáginem suam fecit. Cede ígitur, cede non mihi, sed

ministró Christi. Illíus enim te urget potéstas, qui te Cruci suæ subjugávit. Illíus bráchium contremísce, qui devíctis gemítibus inférni, ánimam ad lucem perduxit. Sit tibi terror corpus hómínis ✠ (in pectore), sit tibi formído imágo Dei ✠ (in fronte). Non resístas, nec moréris discédere ab hómíne isto, quóniam compláuit Christo in hómíne habitáre. Et ne contemnéndum putes, dum me peccatórem nimis esse cognóscis. Imperat tibi Deus. ✠ Imperat tibi majéstas Christi. ✠ Imperat tibi Deus Pater ✠, ímperat tibi Deus Fílius ✠, ímperat tibi Deus Spíritus ✠ sanctus. Imperat tibi Sacraméntum Crucis. ✠ Imperat tibi fides sanctórum Apostolórum Petri et Páuli, et cæterórum Sanctórum. ✠ Imperat tibi Mártyrum sanguis. ✠ Imperat tibi continéntia Confessórum. ✠ Imperat tibi pia Sanctórum et Sanctárum ómnium intercéssio. ✠ Imperat tibi Christiánæ fidei mysteriórum virtus. ✠ Exi ergo transgréssor, exi sedúctor, plene omni dolo et fallácia, virtútis inimíce, innocéntium persecútor. Da locum, diríssime; da locum, impiíssime; da locum Christo, in quo nihil invenísti de opéribus tuis: qui te spoliávit, qui regnum tuum destrúxit, qui te victum ligávit, et vasa tua dirípuit: qui te projécit in ténebras exterióres, ubi tibi cum ministris tuis erit præparátus intéritus. Sed quid truculén-te reníteris? quid temerárie detréctas? Reus es omnipoténti Deo, cujus statúta transgréssus es. Reus es Jesu Christo Dómino nostro, quem tentáre áusus es, et crucifigere præsumpsísti. Reus es humáno géneri, cui tuis persuasió-nibus venénium propínásti.

Adjúro ergo te, draco nequíssime, in nómine Agni ✠ immaculáti, qui ambulávit super áspidem et basilí-

scum, qui conculcávit leónem et draconem, ut discédas ab hómine ✠ (fiat signum Crucis in fronte), discédas ab Ecclésia Dei ✠ (fiat signum Crucis super circumstantes): contremisce, et éffuge, invocáto nómine Dómini illius, quem ínferi tremunt: cui Virtútes cælórum, et Potestátes, et Dominationés subjéctæ sunt: quem Chérubim et Séraphim indeféssis vócbis láudant, dicéntes: Sanctus, Sanctus, Sanctus Dóminus Deus Sábaoth. Imperat tibi Verbum ✠ caro factum. Imperat tibi natus ✠ ex Vírgine. Imperat tibi Jesus ✠ Nazarénus, qui te, cum discípulos ejus contémneres, elísium, atque prostrátum exíre præcépít ab hómine: quo præsénte, cum te ab hómine separásset, nec porcórum gregem íngridi præsumébas. Recéde ergo nunc adjurátus in nómine ejus ✠ ab hómine, quem ipse plasmávit. Durum est tibi velle resístere. ✠ Durum est tibi contra stímulum calcitráre. ✠ Quia quanto tárdius exis, tanto magis supplicium crescit, quia non hómines contémnis, sed illum, qui dominátor vivórum et mortuórum, qui ventúrus est judicáre vivós et mórtuos, et sæculum per ignem. *R.* Amen.

*V.* Dómine, exáudi oratióne[m] meam.

*R.* Et clamor meus ad te véniat.

*V.* Dóminus vobíscum.

*R.* Et cum spírítu tuo.

#### ORÉMUS.

**D**EUS cæli, Deus terræ, Deus Angelórum, Deus Archangelórum, Deus Prophetárum, Deus Apostolórum, Deus Mártyrum, Deus Vírginum, Deus, qui potestátem habes donáre vitam post mortem, réquiem post labórem; quia non est álius Deus præter te, nec



esse poterit verus, nisi tu, Creator cæli et terræ, qui verus Rex es, et cujus regni non erit finis: humiliter majestati gloriæ tuæ supplico, ut hunc famulum tuum de immundis spirítibus liberare digneris. Per Christum Dóminum nostrum. **R.** Amen.

### EXORCISMUS.

**A**DJURO ergo te, omnis immundissime spiritus, omne phantasma, omnis incursio sathanæ, in nómine Jesu Christi ✠ Nazaréni, qui post lavácrum Joánnis, in désertum ductus est, et te in tuis sédibus vicit: ut quem ille de limo terræ ad honórem gloriæ suæ formávit, tu désinas impugnare: et in hómine miserábili non humánam fragilitátem, sed imáginem omnipoténtis Dei contremíscas. Cede ergo Deo ✠, qui te, et malítiam tuam in Pharaóne, et in exércitu ejus per Móysen servum suum in abyssum demérsit. Cede Deo ✠ qui te per fidelíssimum servum suum David, de Rege Sáule spirituálibus cánticis pulsum fugávit. Cede Deo ✠, qui te in Juda Iscarióte prodítóre damnávit. Ille enim te divínis ✠ verbéribus tangit, in cujus conspéctu cum tuis legiónibus tremens et clamans dixisti: Quid nobis et tibi, Jesu, Fili Dei altíssimi? Venísti huc ante tempus torquere nos? Ille te perpétuis flammis urget, qui in fine témporum dictúrus est impiis: Discédite a me, maledícti, in ignem ætérnum, qui parátus est diábolo, et ángelis ejus. Tibi enim, ímpie, et ángelis tuis vermes erunt, qui numquam moriéntur. Tibi, et ángelis tuis inextinguibile præparátur incéndium; quia tu es prínceps maledícti homicídii, tu áuctor incéstus, tu sacrilegórurum caput, tu actiónum pessimárum magíster, tu hæreticó-

rum doctor, tu totius obscœnitatis inventor. Exi ergo ✠, impie, exi ✠, scelerate, exi cum omni fallacia tua: quia hominem templum suum esse voluit Deus. Sed quid diutius moraris hic? Da honorem Deo Patri ✠ omnipotenti, cui omne genu flœctitur. Da locum Domino Jesu Christo ✠, qui pro homine Sanguinem suum sacratissimum fudit. Da locum Spiritui ✠ sancto, qui per beatum Apóstolum suum Petrum te manifeste stravit in Simóne mago; qui fallaciam tuam in Ananía et Saphíra condemnávit; qui te in Heróde honorem Deo non dante percússit; qui te in magno Elyma per Apóstolum suum Páulum cœcitatís calígine pérdidit, et per eúndem de Pythoníssa verbo ímperans exíre præcépit. Discéde ergo nunc ✠, discéde ✠ sedúctor. Tibi erémus sedes est. Tibi habitatio serpens est: humiliare, et prosternere. Jam non est differendi tempus. Ecce enim Dominátor Dóminus próximatus cito, et ignis ardébit ante ipsum, et præcedet, et inflammábit in circúitu inimicos ejus. Si enim hominem fefelleris, Deum non poteris irridere. Ille te éjicit, cujus óculis nihil occultum est. Ille te expéllit, cujus virtúti univérsa subjécta sunt. Ille te exclúdit, qui tibi, et ángelis tuis præparávit ætérnam gehénnam; de cujus ore exíbit gládius acútus; qui ventúrus est judicáre vivos et mórtuos, et sæculum per ignem.

*R.* Amen.

Prædicta omnia, quatenus opus fuerit, repeti possunt, donec obsessus sit omnino liberatus.

Juvabit præterea plurimum hæc, quæ infra notantur, super obsessum devote dicere, sæpeque repetere Pater noster, Ave María, Credo.

Canticum. Magníficat. fol. 204.

Canticum. Benedíctus. fol. 255.

## SYMBOLUM S. ATHANASII.

QUICUMQUE vult salvus esse, \* ante ómnia opus est, ut téneat Cathólicam fidem.

Quam nisi quisque íntegram, inviolatámque serváverit; \* absque dúbio in ætérnum períbit.

Fides autem Cathólica hæc est: \* ut unum Deum in Trinitáte, et Trinitátem in unítate venerémur.

Neque confundéntes persónas, \* neque substántiam separántes.

Alia est enim persóna Patris, alia Fílii, \* alia Spíritus sancti.

Sed Patris, et Fílii, et Spíritus sancti una est divínitas, \* æquális glória, coætérna majéstas.

Qualis Pater, talis Fílius, \* talis Spíritus sanctus.

Increátus Pater, increátus Fílius, \* increátus Spíritus sanctus.

Imménsus Pater, imménsus Fílius, \* imménsus Spíritus sanctus.

Ætérnus Pater, ætérnus Fílius, \* ætérnus Spíritus sanctus.

Et tamen non tres ætérni, \* sed unus ætérnus.

Sicut non tres increáti, nec tres imménsi, \* sed unus increátus, et unus imménsus.

Simíliter omnípotens Pater, omnípotens Fílius, \* omnípotens Spíritus sanctus.

Et tamen non tres omnípoténtes, \* sed unus omnípotens.

Ita Deus Pater, Deus Fílius, \* Deus Spíritus sanctus.

Et tamen non tres Dii, \* sed unus est Deus.

Ita Dóminus Pater, Dóminus Fílius, \* Dóminus Spíritus sanctus.

Et tamen non tres Dómini, \* sed unus est Dóminus.

Quia sicut singillátim unamquámque persónam Deum ac Dóminum confitéri Christiána veritate compéllimur, \* ita tres Deos aut Dóminos dícere, Cathólica religióne prohibémur.

Pater a nullo est factus, \* nec creátus, nec génitus.

Fílius a Patre solo est, \* non factus, nec creátus, sed génitus.

Spíritus sanctus a Patre et Fílio, \* non factus, nec creátus, nec génitus, sed procedens.

Unus ergo Pater, non tres Patres, unus Fílius, non tres Fílii, \* unus Spíritus sanctus, non tres Spíritus sancti.

Et in hac Trinitáte nihil prius aut postérius, nihil majus aut minus, \* sed totæ tres persónæ coæternæ sibi sunt, et coæquáles.

Ita ut per ómnia, sicut jam supra dictum est, \* et únitas in Trinitáte, et Trínitas in unitáte veneránda sit.

Qui vult ergo salvus esse, \* ita de Trinitáte séntiat.

Sed necessárium est ad ætérnam salútem, \* ut incarnatiónem quoque Dómini nostri Jesu Christi fidéliter credat.

Est ergo fides recta, ut credámus et confiteámur, \* quia Dóminus noster Jesus Christus Dei Fílius, Deus et homo est.

Deus est ex substántia Patris ante sæcula génitus, \* et homo est ex substántia matris in sæculo natus.

Perfécus Deus, perfécus homo, \* ex ánima ratiónali, et humana carne subsístens.

Æquális Patri secúndum divinitátem: \* minor Patre secúndum humanitátem.

Qui licet Deus sit, et homo, \* non duo tamen, sed unus est Christus.

Unus autem non conversiōne divinitātis in carnem,  
\* sed assumptiōne humanitātis in Deum.

Unus omnino non confusiōne substantiæ, \* sed uni-  
tate personæ.

Nam sicut ánima rationalis, et caro unus est homo :  
\* ita Deus, et homo unus est Christus.

Qui passus est pro salutē nostra, descendit ad ífe-  
ros, \* tértia die resurrexit a mórtuis.

Ascéndit ad cælos, sedet ad dexteram Dei Patris omni-  
potentis ; \* inde venturus est iudicāre vivos et mórtuos.

Ad cuius advéntum omnes hómines resúrgere ha-  
bent cum corpóribus suis, \* et redditúri sunt de factis  
própriis ratióem.

Et qui bona egérunt, ibunt in vitam ætérnam ; \* qui  
vero mala, in ignem ætérnum.

Hæc est fides Cathólica : \* quam nisi quisque fidéli-  
ter, firmitérque crediderit, salvus esse non póterit.

Glória Patri, etc.

Psalm. Qui hábitat, etc. fol. 154.

### PSALMUS 67.

**E**XURGAT Deus, et dissipéntur inimíci ejus, \* et  
fúgiant qui odérunt eum, a fácie ejus.

Sicut déficit fumus, deficiant : \* sicut fluit cera a fá-  
cie ignis, sic péreant peccatóres a fácie Dei.

Et justí epuléntur, et exúltent in conspéctu Dei : \*  
et delecténtur in lætítia.

Cantáte Deo, psalmum dícite nómini ejus : \* iter fá-  
cite ei, qui ascéndit super occásum : Dóminus nomen  
illi.

Exultáte in conspéctu ejus, \* turbabúntur a fácie  
ejus, patris orphanórum, et júdicis viduárum.

Deus in loco sancto suo: \* Deus, qui inhabitare facit unus moris in domo:

Qui educit vinctos in fortitudine, \* similiter eos, qui exasperant, qui habitant in sepulchris.

Deus cum egredereris in conspectu populi tui, \* cum pertransires in deserto:

Terra mota est, etenim caeli distillaverunt a facie Dei Sinai, \* a facie Dei Israel.

Pluviam voluntariam segregabis, Deus, hereditati tuae: \* et infirmata est, tu vero perfecisti eam.

Animalia tua habitabunt in ea: \* parasti in dulcedine tua pauperi, Deus.

Dominus dabit verbum evangelizantibus, \* virtute multa.

Rex virtutum dilecti dilecti: \* et speciei domus dividere spolia.

Si dormiatis inter medios cleros, pennae columbae deargentatae, \* et posteriora dorsi ejus in pallore auri.

Dum discernit caelestis reges super eam, nive dealbabuntur in Selmon: \* mons Dei, mons pinguis.

Mons coagulatus, mons pinguis: \* ut quid suspicamini montes coagulatos?

Mons in quo beneplacitum est Deo habitare in eo: \* etenim Dominus habitabit in finem.

Carrus Dei decem millibus multiplex, millia letantium: \* Dominus in eis in Sina in sancto.

Ascendisti in altum, cepisti captivitatem: \* accepisti dona in hominibus:

Etenim non credentes, \* inhabitare Dominum Deum.

Benedictus Dominus die quotidie: \* prosperum iter faciet nobis Deus salutarium nostrorum.

Deus noster, Deus salvos faciendi: \* et Domini Domini exitus mortis.

Verúmtamen Deus confrínget cápita inimicórum suórum: \* vérticem capílli perambulántium in delíctis suis.

Dixit Dóminus: Ex Basan convértam, \* convértam in profúndum maris.

Ut intingátur pes tuus in sángine: \* lingua canum tuórum ex inimícis, ab ipso.

Vidérunt ingrèssus tuos, Deus, \* ingrèssus Dei mei: regis mei qui est in sancto.

Prævenérunt príncipes conjúcti psalléntibus, \* in médio juvenculárum tympanistriárum.

In eclésiis benedicite Deo Dómino, \* de fóntibus Israel.

Ibi Bénéjamin adolescéntulus, \* in mentis excéssu.

Príncipes Juda, duces eórum: \* príncipes Zábulon, príncipes Néphthali.

Manda, Deus, virtúti tuæ: \* confirma hoc, Deus, quod operátus es in nobis.

A templo tuo in Jerúsalem, \* tibi ófferent reges múnera.

Incépa feras arúndinis, congregátio taurórum in vaccis populórum: \* ut exclúdent eos, qui probáti sunt argénto.

Díssipa gentes, quæ bella volunt: vénient legáti ex Ægypto: \* Æthiópia præveniet manus ejus Deo.

Regna terræ, cantáte Deo: \* psállite Dómino:

Psállite Deo, qui ascéndit super cælum cæli, \* ad oriéntem.

Ecce dabit voci suæ vocem virtútis, date glóriam Deo super Israel, \* magnificéntia ejus, et virtus ejus in núbibus.

Mirábilis Deus in sanctis suis, Deus Israel ipse dabit virtútem et fortitúdinem plebi suæ, \* benedíctus Deus.

Glória Patri, etc.

*Psalmi*: Deus in adjutórium. fol. 139.

Deus in nómine tuo. fol. 388.

Confitémini Dómino. fol. 174.

PSALMUS 34.

**J**UDICA, Dómine, nocéntes me, \* expúgna impug-  
nántes me.

Apprehénde arma et scutum: \* et exúrge in adjutó-  
rium mihi.

Effúnde frámeam, et conclúde advérsus eos qui per-  
sequúntur me: \* dic ánimæ meæ: Salus tua ego sum.

Confundántur et revereántur, \* quæréntes ánimam  
meam.

Avertántur retrórsum, et confundántur \* cogitántes  
mihi mala.

Fiant tamquam pulvis ante fáciem venti, \* et án-  
gelus Dómini coárectans eos.

Fiat via illórum ténebræ et lúbrium: \* et ángelus  
Dómini pérsequens eos.

Quóniam gratis abscondérunt mihi intéritum láquei  
sui: \* supervácue exprobravérunt ánimam meam.

Véniat illi láqueus quem ignórat: et cáptio, quam  
abscondit, apprehéndat eum: \* et in láqueum cadat in  
ipsum.

Anima autem mea exultábit in Dómino: \* et delec-  
tábitur super salutári suo.

Omnia ossa mea dicent: \* Dómine, quis símilis tibi?

Erípiens ínopem de manu fortiórum ejus: \* egénium  
et páuperem a diripiéntibus eum.

Surgéntes testes iníqui, \* quæ ignorábam interrogá-  
bant me.



Retribuébant mihi mala pro bonis: \* sterilitátem ánimæ meæ.

Ego autem cum mihi molésti essent, \* induébar cilício.

Humiliábam in jejúnio ánimam meam: \* et orátio mea in sinu meo convertétur.

Quasi próximum, et quasi fratrem nostrum, sic complacébam: \* quasi lugens et cóntristátus sic humiliábar.

Et advérsus me lætáti sunt, et convenérunt: \* congregáta sunt super me flagélla, et ignorávi.

Dissipáti sunt, nec compúncti, tentavérunt me, subsannavérunt me subsannatióne: \* frenduérunt super me déntibus suis.

Dómine, quando respícies? \* restítue ánimam meam a malignitáte eórum, a leónibus únicam meam.

Confitébor tibi in ecclésia magna, \* in pópulo gravi laudábo te.

Non supergáudeant mihi qui adversántur mihi iníque: \* qui odérunt me gratis et ánnuunt óculis.

Quóniam mihi quidem pacífice loquebántur: \* et in iracúndia terræ loquéntes, dolos cogitábant.

Et dilatavérunt super me os suum: \* dixérunt: Euge, éuge, vidérunt óculi nostri.

Vidísti, Dómine, ne síleas: \* Dómine, ne discédas a me.

Exúrge, et inténde júdicio meo: \* Deus meus, et Dóminus meus: in cáusam meam.

Júdica me secúndum justítiam tuam, Dómine Deus meus, \* et non supergáudeant mihi.

Non dicant in córdibus suis: Euge, éuge, ánimæ nostræ: \* nec dicant: Devorávimus eum.

Erubéscant et revereántur simul, \* qui gratulántur malis meis.

Induántur confusióne et reveréntia, \* qui magna loquúntur super me.

Exúltent et læténtur qui volunt justítiam meam: \* et dicant semper: Magnificétur Dóminus, qui volunt pacem servi ejus.

Et lingua mea meditábitur justítiam tuam, \* tota die láudem tuam.

Glória Patri, etc.

### PSALMUS 30.

**I**N te, Dómine, sperávi, non confúndar in ætérnum: \* in justítia tua líbera me.

Inclína ad me áurem tuam, \* accélera ut éruas me.

Esto mihi in Deum protectórem: et in domum refúgii, \* ut salvum me fácias.

Quóniam fortitúdo mea, et refúgium meum es tu: \* et propter nomen tuum dedúces me, et enútries me.

Edúces me de láqueo hoc, quem abscondérunt mihi: \* quóniam tu es protéctor meus.

In manus tuas comméndo spírítum meum: \* redemísti me, Dómine Deus veritátis.

Odísti observántes vanitátes, \* supervácue.

Ego autem in Dómino sperávi: \* exultábo, et lætábor in misericórdia tua.

Quóniam respexisti humilitátem meam: \* salvásti de necessitátibus ánimam meam.

Nec conclusísti me in mánibus inimíci: \* statuísti in loco spatióso pedes meos.

Miserére mei, Dómine, quóniam tríbulor: \* conturbátus est in ira óculus meus, ánima mea, et venter meus:

Quóniam defécit in dolóre vita mea: \* et anni mei in gemítibus.

Infirmáta est in paupertáte virtus mea: \* et ossa mea conturbáta sunt.

Super omnes inimícos meos factus sum oppróbrium et vicínis meis valde: \* et timor notis meis.

Qui vidébant me, foras fugérunt a me: \* obliuóni datus sum, tamquam mórtuus a corde.

Factus sum tamquam vas pérditum: \*. quóniam audívi vituperatióem multórum commorántium in circúitu.

In eo dum convenírent simul advérsum me, \* accíperé ánimam meam consiliáti sunt.

Ego autem in te sperávi, Dómine: \* dixi: Deus meus es tu, in mánibus tuis sortes meæ.

Eripe me de manu inimicórum meórum, \* et a persequéntibus me.

Illústra fáciem tuam super servum tuum, salvum me fac in misericórdia tua: \* Dómine, non confúndar, quóniam invocávi te.

Erubéscant ímpii, et deducántur in inférnum: \* muta fiant lábia dolósa.

Quæ loquúntur advérsus justum iniquitátem, \* in superbía, et in abusióne.

Quam magna multitúdo dulcédinis tuæ, Dómine, \* quam abscondísti timéntibus te!

Perfecísti eis, qui sperant in te, \* in conspéctu filiórum hóminum.

Abscóndes eos in abscóndito faciéi tuæ \* a conturbatióne hóminum.

Próteges eos in tabernáculo tuo \* a contradicióne linguárum.

Benedíctus Dóminus: \* quóniam mirificávit misericórdiam suam mihi in civitáte muníta.

Ego autem dixi in excéssu mentis meæ: \* Projéctus sum a fácie oculórum tuórum.

Ideo exaudísti vocem oratiónis meæ, \* dum clamárem ad te.

Dilígite Dóminum omnes sancti ejus: \* quóniam veritátem requíret Dóminus, et retríbuet abundánter faciéntibus supérbiam.

Viríliter ágite, et confortétur cor vestrum, \* omnes qui sperátis in Dómino.

Glória Patri, etc.

### PSALMUS 21.

**D**EUS Deus meus, réspice in me: quare me dereliquísti? \* longe a salúte mea verba delictórum meórum.

Deus meus clamábo per diem, et non exáudies: \* et nocte, et non ad insipiéntiam mihi.

Tu autem in sancto hábitas, \* laus Israel.

In te speravérunt patres nostri: \* speravérunt, et liberásti eos.

Ad te clamavérunt, et salvi facti sunt; \* in te speravérunt, et non sunt confúsi.

Ego autem sum vermis, et non homo: \* oppróbrium hóminum, et abjéctio plebis.

Omnes vidéntes me, derisérunt me: \* locúti sunt lábiis, et movérunt caput.

Sperávit in Dómino, erípiat eum: \* salvum fáciat eum, quóniam vult eum.

Quóniam tu es, qui extraxísti me de ventre: \* spes mea ab ubéribus matris meæ. In te projéctus sum ex útero:

De ventre matris meæ Deus meus es tu, \* ne discéseris a me:

Quóniam tribulatio próxima est : \* quóniam non est qui ádjuvet.

Circumdedérunt me vítuli multi : \* táuri pingues obsederunt me.

Aperuérunt super me os suum, \* sicut leo rápiens et rúgiens.

Sicut aqua effúsus sum : \* et dispérsa sunt ómnia ossa mea.

Factum est cor meum tamquam cera liquéscens \* in médio ventris mei.

Aruit tamquam testa virtus mea, et lingua mea adhæsit fáucibus meis : \* et in púlverem mortis deduxísti me.

Quóniam circumdedérunt me canes multi : \* concílium malignántium obsédit me.

Foderunt manus meas et pedes meos : \* dinumeravérunt ómnia ossa mea.

Ipsi vero consideravérunt, et inspexérunt me : \* divisérunt sibi vestiméнта mea, et super vestem meam misérunt sortem.

Tu autem, Dómine, ne elongáveris auxílium tuum a me : \* ad defensiónem meam cónspice.

Erue a frámea, Deus, ánimam meam : \* et de manu canis únicam meam.

Salva me ex ore leónis : \* et a córnibus unicórnium humilitátem meam.

Narrábo nomen tuum frátribus meis : \* in médio ecclésiæ laudábo te.

Qui timétis Dóminum, laudáte eum : \* univérsum semen Jacob glorificáte eum.

Timeat eum omne semen Israel : \* quóniam non sprevit, neque despéxit deprecatiónem páuperis :

Nec avértit fáciem suam a me: \* et cum clamárem ad eum exaudívit me.

Apud te laus mea in ecclésia magna: \* vota mea reddam in conspéctu tíméntium eum.

Edent páuperes, et saturabúntur: et laudábunt Dóminum qui requírunt eum: \* vivent corda eórum in sæculum sæculi.

Reminiscéntur, et converténtur ad Dóminum \* univérsi fines terræ.

Et adorábunt in conspéctu ejus \* univérsæ famíliæ géntium.

Quóniam Dómini est regnum: \* et ipse dominábitur géntium.

Manducavérunt et adoravérunt omnes pingues terræ: \* in conspéctu ejus cadent omnes qui descéndunt ín terram.

Et ánima mea illi vivet: \* et semen meum serviet ipsi.

Annuntiábitur Dómino generátio ventúra: \* et annuntiábunt cæli justítiam ejus pópulo qui nascétur, quem fecit Dóminus.

Glória Patri, etc.

### PSALMUS 3.

**D**OMINE, quid multiplicáti sunt qui tríbulant me? \* multi insúrgunt advérsus me.

Multi dicunt ánimæ meæ: \* Non est salus ipsi in Deo ejus.

Tu autem, Dómine, suscéptor meus es, \* glória mea, et exáltans caput meum.

Voce mea ad Dóminum clamávi: \* et exaudívit me de monte sancto suo.

Ego dormívi, et soporátus sum : \* et exurréxi, quia Dóminus suscepit me.

Non timébo míllia pópuli circumdántis me : \* exúrge, Dómine ; salvum me fac, Deus meus.

Quóniam tu percussísti omnes adversántes mihi sine cáusa : \* dentes peccatórum contrivísti.

Dómini est salus : \* et super pópulum tuum benedíctio tua.

Glória Patri, etc.

### PSALMUS 10.

**I**N Dómino confido; quómo do dícitis ánimæ meæ : \*  
Tránsmigra in montem sicut passer?

Quóniam ecce peccatóres intendérunt arcum, paravérunt sagíttas suas in pháretra, \* ut sagíttent in obscúro rectos corde.

Quóniam quæ perfecísti, destruxérunt : \* justus autem quid fecit?

Dóminus in templo sancto suo, \* Dóminus in cælo sedes ejus :

Oculi ejus in páuperem respíciunt : \* pálpebræ ejus intérogant filios hóminum.

Dóminus intérogat justum et ímpium : \* qui autem díligit iniquitátem, odit ánimam suam.

Pluet super peccatóres láqueos : \* ignis, et sulphur, et spíritus procellárum pars cálicis eórum.

Quóniam justus Dóminus, et justítias diléxit : \* æquitátem vidit vultus ejus.

Glória Patri, etc.

### PSALMUS 12.

**U**SQUEQUO, Dómine, obliviscéris me in finem? \*  
Usquequó avértis fáciem tuam a me?

Quám diu ponam consília in ánima mea, \* dolórem in corde meo per diem?

Usquequó exaltábitur inimícus meus super me? \* rēspice, et exáudi me, Dómine Deus meus.

Illúmina óculos meos ne umquam obdórmiam in morte: \* ne quando dicat inimícus meus: Præválui advérsus eum.

Qui tríbulant me, exultábunt si motus fúero: \* ego autem in misericórdia tua sperávi.

Exultábit cor meum in salutári tuo: cantábo Dómino qui bona tríbuit mihi: \* et psallam nómini Dómini altíssimi.

Glória Patri, etc.

#### ORATIO POST LIBERATIONEM.

**O**RAMUS te, Deus omnípotens, ut spíritus iniquitátis ámplius non hábeat potestátem in hoc fámulo tuo **N.** (vel fámula tua **N.**), sed ut fúgiat, et non revertátur: ingrediátur in eum (vel in eam) Dómine, te jubénte, bónitas et pax Dómini nostri Jesu Christi, per quem redémpti sumus, et ab omni malo non timeámus, quia Dóminus nobíscum est. Qui vivit, et regnat cum Deo Patre in unitáte Spíritus sancti Deus, per ómnia sæcula sæculórum. **R̄.** Amen.



## FORMULÆ SCRIBENDÆ

### IN LIBRIS HABENDIS A PAROCHIS.

**L**IBER Baptizatorum habeatur in Ecclesiis, in quibus confertur Baptisma.

Liber Confirmatorum habeatur in Ecclesiis, in quibus confertur Chrisma.

Liber Matrimoniorum.

Liber Status animarum.

Liber Defunctorum habeatur etiam in omnibus Ecclesiis, in quibus defuncti sepeliuntur.

Hi tres habeantur a quolibet Parocho.

Advertat in primis Parochus, ut in libris tam Baptizatorum, et Confirmatorum, quam Matrimoniorum et Defunctorum exprimat semper non solum nomen personarum, quæ ibi nominantur, sed etiam familiam.

### FORMA DESCRIBENDI BAPTIZATOS IN PRIMO LIBRO.

**A**NNO Dómini .... die .... mensis .... ego **N.** Parochus hujus Ecclesiæ **S. N.** civitatis, *vel* loci **N.** baptizavi infantem natum die .... *vel* natam ex **N.** et **N.** conjugibus hujus Parochiæ, *vel* Parochiæ **S. N.** et ex tali patria, et familia, cui impositum est nomen **N.** Patrini fuerunt **N.** filius **N.** ex Parochia, seu loco **N.**, et **N.** conjux **N.** filia **N.** ex Parochia, seu loco **N.**

Si infans non fuerit ex legitimo matrimonio natus, nomen saltem alterius parentis, de quo constat, scribatur (omnis tamen infamiæ vitetur occasio): si vero de neutro constat, ita scribatur: Baptizavi infantem, cujus parentes ignorantur, natum die, etc. *ut supra.*

Si expositus sit infans, exprimatur quo die, ubi, et a quo repertus, et quot dierum verisimiliter sit; et

baptizetur sub conditione, si ignoratur fuisse baptizatum.

Si infans domi ob imminens mortis periculum baptizatus sit, tunc ita scribatur :

Anno ... die ... mensis ... *N.* natus est *N.* filius *N.* et *N.* conjugum, etc. ut supra, quem ob imminens mortis periculum, in domo rite baptizavit *N.* obstetrix probata, vel *N.* filius *N.*, ut mihi retulit *N.*

Si supervixerit infans, et ei adhibitæ sint in Ecclesia sacrae cæremoniæ, ita addatur :

Die ejusdem mensis ad Ecclesiam portatus est infans prædictus, ipsique ego Parochus sacras cæremonias et preces adhibui, et *N.* nomen imposui.

Si forte non Parochus, sed alius baptizaverit, id exprimatur.

Si fuerit baptizatus sub conditione: Si non es baptizatus, etc. id pariter exprimatur.

#### FORMA DESCRIBENDI CONFIRMATOS IN SECUNDO LIBRO.

**A** NNO ... die ... mensis ... qui fuit dies ... *N.* filius *N.* et *N.* conjugum, vel *N.* filia *N.* (et si fuerit nupta, addatur uxor *N.*) Sacramentum Confirmationis accepit a Reverendiss. D. *N.* Episcopo *N.* in Ecclesia S. *N.* civitatis *N.* loci *N.* Compater fuit *N.* filius *N.* Parochiæ S. *N.* civitatis. vel loci *N.*

· Marium descriptio in una pagina, seu prima facie folii : fœminarum vero in altera se junctim notetur.

Si confirmatus non constet, an ex legitimo Matrimonio genitus sit, vel Parentes ignorentur, servetur quod in libro Baptizatorum præscriptum est.

## FORMA DESCRIBENDI CONJUGATOS IN TERTIO LIBRO.

**A**NNO ... die ... mensis ... Denuntiationibus præmissis tribus continuis diebus Festivis, quarum prima die ... secunda die ... tertia die ... inter Missæ Parochialis solemnia habita est, nulloque legitimo impedimento detecto, ego **N.** Rector hujus Ecclesiæ Parochialis **N.** civitatis, **vel** loci **N.** filium **N.** Parochiæ **S. N.** et **N.** filiam **N.** seu relictamque **N.** (si fuerit vidua) hujus, seu Parochiæ **S. N.** in Ecclesia **N.** interrogavi, eorumque mutuo consensu habito, solemniter per verba de præsentī Matrimonio conjunxi, præsentibus testibus notis **N.** filio **N.** qui habitat in Parochia **S. N.** et **N.** filio **N.** etc. et **N.** filio **N.** etc. postea eis ex ritu **S. Matris** Ecclesiæ (si tamen nuptias benedixerit), in Missæ celebratione benedixi.

Si unus ex his, qui Matrimonium contrahere voluerint, alterius Parochiæ fuerit, antequam admittatur, Parochus, in cujus Ecclesia Matrimonium celebrari debet, denuntiationum in ejus Parochia rite factarum fidem scriptam habeat, quæ asservetur et res tota exprimatur in ipsomet libro Matrimoniorum, hac ratione.

Denuntiationes ejus Matrimonii factæ sunt etiam a **R. D. N.** Parocho Ecclesiæ **S. N.** sub cujus cura dictus **N.** **vel** dicta **N.** habitat, ut ex ipsius Parochi scripto servato apud me apparet. Denuntiationum autem prima facta est die ... secunda die ... tertia die ... inter Missæ Parochialis solemnia, nullumque impedimentum canonicum detectum est.

Si autem alteruter sit diversæ diœcesis, testimonium Parochi affirmantis denuntiationes esse rite præstitas, nullius roboris censeatur, nisi ab Episcopo, vel ab ejus

Vicario Generali illius diœcesis subscriptione et sigillo comprobatum, et ab Episcopo, seu ejus Vicario loci, ubi contrahitur Matrimonium, recognitum sit, ab eoque licentia contrahendi fuerit obtenta.

Ubi vero Ordinarii concessu, quod scripto constare debet, denuntiationes aliquæ differendæ, aut omittendæ interdum sint, ita notetur:

Anno Domini ... die ... mensis ... Denuntiationum una die festo rite facta, reliquis vero dilatis post Matrimonii celebrationem ex facultate scripto concessa a Reverendiss. N. seu Vicario N. sub die ... data, etc. infrascripti tenoris, quam penes me servo cum aliis hujusmodi facultatibus, nulloque prorsus impedimento allato, ego ut supra.

Denuntiationes vero, quæ post contractum Matrimonium fient, ita scribantur:

Anno ... die ... mensis ... qui fuit festus, etc. et sequenti, qui fuit Dominicus, etc. ejusdem mensis ego N. Rector hujus Ecclesiæ S. N. inter Missarum solemniam, Denuntiationes habui Matrimonii, jam prævia opportuna dispensatione initi inter N. et N. die prima hujus mensis, nullum tamen canonicum impedimentum ab aliquo allatum est, quo minus hujusmodi Matrimonium ratum ac firmum esse debeat.

Si autem denuntiationes omnes omittendæ sint, aut differendæ, ita scribantur.

Denuntiationibus omnibus omissis, vel dilatis, etc. ex facultate, etc. Ego Rector N. etc. ut supra.

Cæterum si alteri Presbytero ab Ordinario, vel a Parocho ipso facultas facta sit jungendi aliquos, id in libro proprii Parochi sic adnotetur ipsius Parochi manu.

**N.** Presbyter, vel Capellanus Ecclesiæ **N.** de licentia Reverendissimi Episcopi **N.** seu **N.**, ejus Vicarii lcci **N.** aut mea, quæ penes me extat, **N.** filium **N.** et **N.** etc. in Matrimonium conjunxit, etc. ut supra Et ego **N.** Parochus **N.** subscripsi, et testor, rem ita se habere.

Quod si ex denuntiationibus compertum sit, conjuges aliquo consanguinitatis, aut affinitatis gradu conjunctos esse, et nihilominus ad contrahendum fuerit cum ipsis Apostolica auctoritate dispensatum, annotetur gradus consanguinitatis, vel affinitatis dispensatæ, et compendium decreti super ea relati cum die, et anno, ac Notarii de illo rogati nomine, hoc modo :

Anno Domini ... die ... mensis ... præmissis denuntiationibus, ac comperto impedimento secundi, vel tertii, aut quarti gradus consanguinitatis, vel affinitatis, seu alio quovis etc. inter **N.** et **N.**, etc. obtentoque per eos Apostolicæ Sedis mandato de dispensando, et cum eis per Reverendissimum Episcopum **N.** auctoritate dispensato sub die ... anno ... ut constat ex Actis Notarii officii prædicti Episcopi, eos Matrimonio conjunxi, etc. ut in prædicta formula.

Denuntiationes autem factæ in diversis Parochiis, sponsi videlicet et sponsæ, ab utroque Parocho in libro notari debent, etiam si Matrimonium non sequatur.

#### FORMA DESCRIBENDI STATUM ANIMARUM IN QUARTO LIBRO.

**F**AMILIA quæque distincte in libro notetur, intervallo relicto ab unaquaque ad alteram subsequentem, in quo singillatim scribantur nomen, cognomen, ætas singulorum, qui ex familia sunt, vel tamquam advenæ in ea vivunt.

Qui vero ad sacram Communionem admissi sunt, hoc signum in margine e contra habeant: C.

Qui Sacramento Confirmationis sunt muniti, hoc signum habeant: Chr.

Qui ad alium locum habitandum accesserint, eorum nomina subducta linea notentur.

Hac igitur ratione fiat, videlicet.

Anno ... die ... mensis ... in via, seu platea, vel pago, in propriis ædibus Pauli N., vel in ædibus N. a Paulo conductis habitant,

Chr. Paulus N. Petri filius, annorum, etc.

Chr. Apollonia ejus uxor, filia Jacobi N. annorum, etc.

C. Dominicus eorum filius, annorum, etc.

C. Lucia eorum filia, annorum, etc.

C. Chr. Antonius filius N. famulus, annorum, etc.

C. Catharina N. filia N. ancilla, annorum, etc.

C. Martinus filius N. annorum, etc.

#### FORMA DESCRIBENDI DEFUNCTOS IN QUINTO LIBRO.

**D**ESCRIBATUR quis, et quæ, et cui Sacramenta ministraverit, quando quis mortuus fuerit, et ubi sepultus, quod hoc pacto fieri poterit.

Anno .... die .... mensis .... N. filius, vel filia N. ex loco N. ætatis N. (si hæc sciri possunt) in domo N. in communione S. Matris Ecclesiæ animam Deo reddidit, cujus corpus die ... sepultus est in Ecclesia S. N. mihi N., vel N. Confessario probato confessus die ... sanctissimoque Viatico reffectus die ... et sacri Olei unctione roboratus per me, die ... etc.

# APPENDIX.





## MONITUM.

**A**D commodum Missionariorum qui in hisce Fœderatis Americæ Statibus Sacro Ministerio occupantur, heic per modum Appendicis nonnulla adjiciuntur ex Pontificali Romano excerpta: itemque formulæ benedictionum, quibus Christi fideles adscribi solent piis Sodalitatibus auctoritate apostolica approbatis; nec non plures benedictiones aliis sacris usibus destinatæ, pluresque Instructiones a S. Sede recognitæ, ejusque auctoritate sancitæ. Omnibus accedit modus assistendi Matrimoniis mixtis.

## DE SACRAMENTO BAPTISMI.

Formula brevior pro benedictione fontis seu Aquæ baptismalis a Summo Pontifice Paulo III. Missionariis Peruanis apud Indos olim concessa, et nonnisi in iis locis adhibenda, ad quæ speciali Apostolicæ Sedis indulto extensa fuit.

## BENEDICTIO FONTIS

## SEU AQUÆ BAPTISMALIS.

**E**XORCIZO te, creatúra aquæ, in nómine Dei Patris omnipoténtis ✠, et in nómine Jesu Christi ✠ Filii ejus Dómini nostri, et in virtúte Spíritus ✠ sancti. Exorcízo te omnis virtus adversárii diáboli; ut omnis phantásia eradicétur, ac effugétur ab hac creatúra aquæ, et fiat fons aquæ salientis in vitam ætérnam; ut qui ex ea baptizáti fúerint, fiant Templum Dei vivi, et Spíritus sanctus hábitet in eis in remissionem peccatórum; in nómine Dómini nostri Jesu Christi, qui ventúrus est judicáre vivos et mórtuos, et sæculum per ignem.

Amen.

## ORÉMUS.

**D**OMINE sancte, Pater omnípotens, ætérne Deus, aquárum spirituálium sanctificátor, Te suppliciter deprecámur, ut hoc ministérium humilitátis nostræ respícere dignéris; et super has aquas, abluéndis et vivificándis homínibus præparátas, Angelum sanctitátis emíttas; ut peccátis prióris vitæ ablútis, reatúque detérso, purum sacráto Spíritui habitáculum regeneratióibus procúret. Per Christum Dóminum nostrum. Amen.

Infundat deinceps sanctum Oleum in aquam, in modum Crucis, dicens: Conjunctio Olei unctiōnis, et aquæ Baptismatis sanctificetur, et fecundetur. In nōmine Patris ✠, et Filii ✠, et Spīritus ✠ sancti. Amen.

Deinde Chrisma aquæ infundat in modum Crucis, et dicat: Conjunctio Chrismatis sanctificatiōnis et Olei unctiōnis et aquæ Baptismatis, sanctificetur et fecundetur. In nōmine Patris ✠, et Filii ✠, et Spīritus ✠ sancti. Amen.

## INSTRUCTIO S. CONGR. S. OFFICII

### DE NEO-CONVERSORUM RECEPTIONE.

**I**N conversione hæreticorum, inquirendum est primo de validitate baptismi in hæresi suscepti. Instituto igitur diligenti examine, si compertum fuerit, aut nullum, aut nulliter collatum fuisse, baptizandi erunt absolute. Si autem, investigatione peracta, adhuc probabile dubium de baptismi validitate supersit, tunc sub conditione iteratur, juxta ordinem baptismi Adultorum. Demum, si constiterit validum fuisse, recipiendi erunt tantummodo ad abjurationem, seu professionem fidei. Triplex igitur in conciliandis hæreticis distinguitur procedendi methodus:

I. Si baptismus absolute conferatur nulla sequitur abjunctio, nec absolutio eo quod omnia abluit sacramentum regenerationis.

II. Si baptismus sit sub conditione iterandus, hoc ordine procedendum erit; 1°. Abjunctio, seu fidei professio; 2°. Baptismus conditionalis; 3°. Confessio sacramentalis cum absolute conditionata.

III. Quando denique validum judicatum fuerit bap-

tisma, sola recipitur abjuratio, seu fidei professio, quam absolutio a censuris sequitur. Si tamen nonnunquam ejusmodi Neo-conversus valde desideret ut ritus in ejus baptismo olim omissi, hac occasione suppleantur, Sacerdos huic pio ejus voto morem gerere utique liberum habet. Debebit tamen in tali casu adhibere ordinem baptismi Adulterorum, et mutare mutanda ob baptismum jam valide susceptum.

### MODUS.

EXCIPIENDI PROFESSIONEM FIDEI CATHOLICÆ A NEO-CONVERSIS, JUXTA FORMAM A S. CONGREGATIONE S. OFFICII, DIE 20 JULII, 1859, PRÆSCRIPTAM.

**S**ACERDOS superpelliceo et stola violacei coloris indutus sedet in cornu Epistolæ (si SS. Sacramentum asservetur in tabernaculo) sin minus in medio Altaris, et coram illo genuflectit Neo-conversus; qui codicem Evangelii dextra manu tangens, emittit professionem fidei, prout inferius habetur: vel si nesciat legere, Sacerdos prælegit eidem tarde professionem, ut Conversus eamdem intelligere, et cum Sacerdote distinctis verbis pronuntiare possit.

### PROFESSION OF FAITH.

I, **N. N.**, having before my eyes the holy Gospels, which I touch with my hand, and knowing that no one can be saved without that faith which the Holy Catholic Apostolic Roman Church holds, believes and teaches, against which I grieve that I have greatly erred, inasmuch as I have held and believed doctrines opposed to her teaching.

I now, with grief and contrition for my past errors, profess that I believe the Holy Catholic Apostolic Roman Church to be the only and true Church established on earth by Jesus Christ, to which I submit myself with my whole heart. I believe all the articles that she proposes to my belief, and I reject and condemn all that she rejects and condemns, and I am ready to observe all that she commands me. And especially, I profess that I believe :

One only God in three divine Persons, distinct from, and equal to, each other—that is to say, the Father, the Son, and the Holy Ghost ;

The Catholic doctrine of the Incarnation, Passion, Death, and Resurrection of our Lord Jesus Christ ; and the personal union of the two Natures, the divine and the human ; the divine Maternity of the most holy Mary, together with her most spotless Virginity ;

The true, real, and substantial presence of the Body and Blood, together with the Soul and Divinity of our Lord Jesus Christ, in the most holy Sacrament of the Eucharist ;

The seven Sacraments instituted by Jesus Christ for the salvation of mankind—that is to say, Baptism, Confirmation, Eucharist, Penance, Extreme Unction, Order, Matrimony ;

Purgatory, the Resurrection of the dead, Everlasting life ;

The Primacy, not only of honor, but also of jurisdiction of the Roman Pontiff, successor of St. Peter, Prince of the Apostles, Vicar of Jesus Christ ;

The veneration of the Saints, and of their images ;

The authority of the Apostolic and Ecclesiastical

Traditions, and of the Holy Scriptures, which we must interpret, and understand only in the sense which our holy mother the Catholic Church has held, and does hold;

And everything else that has been defined, and declared by the sacred Canons, and by the General Councils, especially by the holy Council of Trent.

With a sincere heart, therefore, and with unfeigned faith, I detest and abjure every error, heresy, and sect opposed to the said Holy Catholic and Apostolic Roman Church. So help me God, and these his holy Gospels, which I touch with my hand.

GERMANICE :

Ich N. N., mit den heiligen Evangelien vor meinen Augen, welche ich mit meiner Hand berühre, und in der Ueberzeugung, daß Keiner selig werden kann, ohne jenen Glauben, den die heilige, katholische, apostolische, römische Kirche hält, glaubt und lehrt, und gegen den ich zu meinem Schmerze sehr gefehlt habe, indem ich mich zu Lehren bekannte und sie glaubte, welche ihrer Lehre geradezu entgegengesetzt sind, bekenne nun, mit Schmerz und Reue über meine früheren Irrthümer, daß ich glaube, daß die heilige, katholische, apostolische, römische Kirche die einzige und wahre Kirche sei, welche Jesus Christus auf Erden gestiftet hat, und welcher ich mich mit ganzem Herzen unterwerfe: Ich glaube alle Artikel, welche sie mir zu glauben vorstellt, und verwerfe und verdamme Alles was sie verwirft und verdammt, und bin bereit, Alles zu halten, was sie mir gebietet. Insbesondere bekenne ich, daß ich glaube:

Daß nur Ein einziger Gott sei in drei göttlichen Personen, unterschieden von einander, welche einander ganz gleich sind, — nämlich der Vater, der Sohn und der Heilige Geist.

Ich glaube die katholische Lehre von der Menschwerdung, von

dem Leiden, dem Tode und der Auferstehung unseres Herrn Jesu Christi; und die Vereinigung der zwei Naturen, der göttlichen und der menschlichen in Einer Person; die göttliche Mutterschaft Mariens, der Allerheiligsten, sammt ihrer ganz fleckenlosen Jungfrauschaft;

Ich glaube die wahre, wirkliche und wesentliche Gegenwart des Leibes, zugleich mit der Seele und Gottheit unseres Herrn Jesu Christi in dem Allerheiligsten Sacramente des Altars;

Ich glaube, daß es sieben Sacramente gibt, eingesetzt von Jesus Christus zum Heile der Menschen, nämlich: die Taufe, die Firmung, das Sacrament des Altars, die Buße, die letzte Delung, die Priesterweihe, die Ehe;

Ich glaube, an ein Fegfeuer, an die Auferstehung der Todten und an ein ewiges Leben;

Ich glaube, daß der römische Paps, als Nachfolger des heil. Petrus, des Fürsten der Apostel und Stellvertreters Jesu Christi, den Vorrang hat nicht blos der Ehre, sondern auch der Gerichtsbarkeit;

Ich glaube an die Verehrung der Heiligen und ihrer Bilder;

Ich nehme an die apostolischen und kirchlichen Ueberlieferungen, sowie die heiligen Schriften, welche nur in dem Sinne auszulegen und zu verstehen sind, in welchem unsere heilige Mutter, die katholische Kirche sie allzeit genommen hat und noch immer nimmt.

Endlich nehme ich an und glaube Alles, was von den heiligen Kirchensatzungen und allgemeinen Kirchen-Räthen, und besonders von dem heiligen Kirchenrath zu Trient festgesetzt und erklärt worden ist.

Mit aufrichtigem Herzen und ungeheucheltem Glauben verabscheue ich deshalb und schwöre ab jeden Irrthum, jede Ketzerei und jede Seite, die der heiligen, katholischen und apostolischen römischen Kirche entgegengesetzt ist. So wahr mir Gott helfe, und diese Seine heiligen Evangelien, die ich mit meiner Hand berühre.

Postea, Neo-converso genuflexo manente, Sacerdos sedens dicit psalmum *Miserere*, ut supra, 130 sive psalmum *De profundis*, 202, cum Gloria Patri in fine. Quo finito, Sacerdos stans dicit:

Kyrie eleison. Christe eleison. Kyrie eleison.  
Pater noster, *secreto*.

Ÿ. Et ne nos inducas in tentationem.

R. Sed libera nos a malo.

Ÿ. Salvum fac servum tuum (ancillam tuam.)

R. Deus meus, sperantem in te.

Ÿ. Domine, exaudi orationem meam.

R. Et clamor meus ad te veniat.

Ÿ. Dominus vobiscum.

R. Et cum spiritu tuo.

#### ORÉMUS.

**D**EUS, cui proprium est misereri semper et parcere; suscipe deprecationem nostram, ut hunc famulum tuum (hanc famulam tuam) quem (quam) excommunicationis catena constringit, miseratio tuæ pietatis clementer absolvat. Per Dominum nostrum Jesum Christum Filium tuum: qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Deinde Sacerdos sedet, et ad Profitentem genuflexum versus, eum ab hæresi absolvit, dicens:

Auctoritate apostolica, qua fungor in hac parte, absolvo te a vinculo excommunicationis quam\* incurristi, et restituo te sacrosanctis Ecclesiæ sacramentis, communioni et unitati fidelium in nomine Patris et Filii et Spiritus sancti. Amen.

---

\* In dubio gravi aut levi utrum pœnitens excommunicationem incurrit per hæresim professam, sacerdos hio inserat vocabulum *forsan*.



Denique abjuranti aliquam Pœnitentiam salutarem injungat, e. g. aliquas preces, visitare Ecclesiam, aut similia.

## RITUS ADMINISTRANDI CONFIRMATIONEM, AD USUM EPISCOPORUM.

[EX PONT. ROM.]

**P**ONTIFEX infantes, pueros, vel alios sacri baptismatis unda perfusos, confirmare volens, paratus supra rochetum, vel, si sit Regularis, supra superpellicium, amictu, stola, pluviali albi coloris, et mitra, accedit ad faldistorium ante medium altaris, aut in alio convenienti loco sibi paratum; et in eo sedens, renibus altari, et facie populo versis, baculum Pastoralem in sinistra tenens; populum coram se stantem admouet, quod nullus alius, nisi solus Episcopus, Confirmationis ordinarius minister est.

Nullus confirmatus debet reconfirmari.

Nullus, qui non sit confirmatus, potest esse in confirmatione patrinus, nec pater, aut mater, maritus, aut uxor.

Nullus excommunicatus, interdictus, vel gravioribus facinoribus alligatus, aut christianæ fidei rudimentis non edoctus, ingerat se ad percipiendum hoc Sacramentum, vel ad tenendum confirmandum.

Adulti deberent prius peccata confiteri, et postea confirmari, vel saltem de mortalibus, si in ea incidissent, conterantur.

Hoc Sacramento contrahitur spiritualis cognatio, impediens matrimonium contrahendum, et dirimens jam contractum; quæ cognatio confirmantem, et con-

firmatum, illiusque patrem, et matrem, ac tenentem non egreditur.

Nullus præsentet nisi unum, aut duos, non plures, nisi aliter necessitas suadeat, arbitrio Episcopi.

Confirmandi deberent esse jejuni.

Confirmato debet ligari frons, et sic manere quousque Chrisma desiccetur, vel extergatur.

Proinde, unusquisque confirmandus portet lineam vittam mundam, cum qua ligetur caput.

Nullus confirmatus discedat, nisi benedictione accepta, quam Pontifex post omnium confirmationem dabit.

Infantes per paternos ante Pontificem confirmare volentem teneantur in brachiis dextris. Adulti vero, seu alii majores ponant pedem suum super pedem dextrum patrini sui. Et ideo, neque masculi feminis patrini, neque feminae masculis matrinae esse deberent.

Quibus per ordinem ante Pontificem dispositis, Pontifex sedens lavat manus, deinde deposita mitra surgit, et stans versa facie ad confirmandos, junctis ante pectus manibus, confirmandis genua flectentibus, et manus ante pectus junctas tenentibus, dicit :

**S**PIRITUS sanctus superveniat in vos, et virtus Altissimi custodiat vos a peccatis. *R.* Amen.

Deinde signans se manu dextra a fronte ad pectus signo crucis, dicit :

*Ÿ.* Adjutorium nostrum in nomine Domini.

*R.* Qui fecit cælum et terram.

*Ÿ.* Domine, exaudi orationem meam.

*R.* Et clamor meus ad te veniat.

*Ÿ.* Dominus vobiscum.

*R.* Et cum spiritu tuo.

Tunc extensis versus confirmandos manibus, dicit :

## ORÉMUS.

**O**MNIPOTENS sempitérne Deus, qui regeneráre dignátus es hos fámulos tuos ex aqua, et Spíritu sancto; quique dedísti eis remissionem ómnium peccatórum, emítte in eos septifórmem Spíritum tuum sanctum paráclitum de cœlis. *R.* Amen.

Spíritum sapiéntiæ, et intelléctus. *R.* Amen.

Spíritum consílii, et fortitúdinis. *R.* Amen.

Spíritum sciéntiæ, et pietátis. *R.* Amen.

Adímple eos Spíritu timóris tui, et consígna eos sígno cru ✠ cis Christi, in vitam propitiátus ætérnam. Per eúndem Dóminum nostrum Jesum Christum Fílium tuum, qui tecum vivit, et regnat in unitáte ejúsdem Spíritus sancti Deus, per ómnia sæcula sæculórum. *R.* Amen.

Pontifex sedens super faldistorium prædictum, vel etiam, si multitudo confirmandorum id exegerit, dispositis illis per ordinem super gradus presbyterii, vel alibi, Pontifex stans cum mitra, illos confirmat per ordinem genuflexos, et uno ordine confirmato, illi surgunt, et alii genuflectunt, et confirmantur, et sic usque in finem. Et Pontifex inquit sigillatim de nomine cujuslibet confirmandi, sibi per patrinum, vel matrinam flexis genibus præsentati, et summitate pollicis dextræ manus Chrismate intincta, dicit:

N. Signo te signo cru ✠ cis: quod dum dicit, producit pollice signum crucis in frontem illius; deinde prosequitur:

Et confírmo te Chrísmate salútis. In nómine Patris, et Fílii, et Spíritus sancti. *R.* Amen.

Deinde leviter eum in maxilla cædit, dicens: Pax tecum.

Omnibus confirmatis, Pontifex tergit cum mica panis, et lavat pollicem, et manus super pelvim. Deinde aqua lotionis cum pane fundatur in piscinam sacrarii. Interim dum lavat manus, cantatur sequens Antiphona, vel legitur a ministris, quod etiam in similibus servari debet.



Confir-ma hoc De - us, quod o-pe-ra-tus es in



no - bis a tem-ple san - cto tu - o quod est in



Jerusalem. *Ÿ.* Gloria Pa-tri.

E u o u a e.

*R.* Sicut erat, etc. Deinde repetitur Antiphona. *Confirma hoc Deus.* Qua repetita, Pontifex deposita mitra surgit, et stans versus ad altare, junctis ante pectus manibus, dicit:

*Ÿ.* Ostende nobis, Dómine, misericórdiam tuam.

*R.* Et salutáre tuum da nobis.

*Ÿ.* Dómine, exáudi oratiónem meam.

*R.* Et clamor meus ad te véniat.

*Ÿ.* Dóminus vobíscum.

*R.* Et cum spírítu tuo.

Deinde junctis adhuc ante pectus manibus, et omnibus confirmatis devote genua flectentibus, dicit:

## ORÉMUS.

**D**EUS, qui Apóstolis tuis sanctum dedísti Spíritum, et per eos, eorúmque successóres, cæteris fidélibus tradéndum esse voluísti: réspice propítius ad humili-tátis nostræ famulátum; et præsta, ut eórum corda, quorum frontes sacro Chrísmate delinívimus, et signo sanctæ Crucis signávimus, idem Spíritus sanctus in eis supervéniens, templum glóriæ suæ dignánter inhabi-tándo perfíciat. Qui cum Patre, et eódem Spíritu sancto vivis, et regnas Deus, in sæcula sæculórum.

*R.* Amen.

Deinde dicit:

**E**CCE sic benedicétur omnis homo, qui timet Dó-minum.

Et vertens se ad confirmatos, faciens super eos si-gnum crucis, dicit:

**B**ENE ✠ DICAT vos Dóminus ex Sion, ut videátis bona Jerúsalem ómnibus diébus vitæ vestræ, et habeátis vitam ætérnam. *R.* Amen.

Expedita itaque Confirmatione, Pontifex sedens, accepta mitra, patrinis et matrinis annuntiat, quod in-struant filios suos bonis moribus, quod fugiant mala, et faciant bona, et doceant eos Credo in Deum, et Pater noster, et Ave María, quoniam ad hoc sunt obligati.

Hoc Sacramentum potest conferri minus solemniter quocumque die, hora et loco, ex causa ad arbitrium Episcopi.

## DE SACRAMENTO EUCHARISTIÆ.

INSTRUCTIO A S. R. C. DIE XII. SEPTEMBRIS 1857.

EDITA PRO SACERDOTE APOSTOLICAM FACULTATEM  
HABENTE BIS MISSAM EADEM DIE CELEBRANDI.

QUANDO Sacerdos eadem die duas Missas dissitis in locis celebrare debet, in prima dum divinum Sanguinem sumit, eum diligentissime sorbeat. Exinde super corporale ponat Calicem et palla tegat, ac junctis manibus in medio Altari dicat: *Quod ore sumpsimus etc.* et subinde admoto aquæ vasculo digitos lavet dicens. *Corpus tuum, etc.* et abstergat. Hisce peractis Calicem super Corporale manentem adhuc, deducta palla cooperiat ceu mos est, scilicet primum purificatorio linteo, deinde patena ac palla, et demum velo. Post hæc Missam prosequatur, et completo ultimo Evangelio, rursus stet in medio Altaris, et detecto Calice, inspiciat an aliquid divini Sanguinis nec ne ad imum se receperit, quod plerumque continget. Quamvis enim sacræ species primum sedulo sorptæ sint, tamen dum sumuntur, cum particulæ, quæ circum sunt, undequaque sursum deserantur, non nisi deposito Calice ad imum redeunt. Si itaque divini Sanguinis gutta quædam supersit adhuc, ea rursus ac diligenter sorbeatur, et quidem ex eadem parte qua illè primum sumptus est. Quod nullimode omittendum est, quia Sacrificiùm moraliter durat, et super extantibus adhuc vini speciebus ex divino præcepto compleri debet.

Postmodum Sacerdos in ipsum Calicem tantum saltem aquæ fundat, quantum prius vini posuerat, eamque circumactam ex eadem parte, qua S. Sanguinem biberat, in paratum vas demittat. Calicem su-

binde ipsum purificatorio linteo abstergat, ac demum cooperiat, uti alias fit atque ab altari discedat. Depositis vestibus sacris, et gratiarum actione completa, aqua e Calice demissa pro rerum adjunctis vel ad diem crastinum servetur (si nempe eo rursus Sacerdos redeat Missam habiturus) et in secunda purificatione in Calicem demittatur, vel gossipio aut stuppa absorpta comburatur, vel in Sacrario si sit exsiccanda relinquatur, vel demittatur in piscinam.

Cum autem Calix, quo Sacerdos primum est usus, purificatus jam sit, si illo ipso pro Missa altera indigeat, eum secum deferat: secus vero in altera Missa diverso Calice uti poterit.

Cum superior S. R. C. Instructio nonnisi casum respiciat, quo Sacerdos duas Missas dissitis in locis eadem die sit celebraturus; operæ pretium visum est ex Commentariis Bartholomæi Gavanti et Cajetani Mariæ Merati hic ritus adjungere a Sacerdote servandos cum utramque Missam in eadem Ecclesia offerre debet.

Hoc itaque in casu Sacerdos post haustum in prima Missa diligenter Sanguinem Domini, ommissa consueta purificatione, patena calicem, et palla patenam tegens, ac super corporale relinquens, dicet junctis manibus: *Quod ore sumpsimus Dómine etc.* Deinde digitos quibus SS. Sacramentum tetigit, in aliquo vase mundo ad hoc in Altare præparato abluet, interim dicens: *Corpus tuum Dómine etc.* abstersisque purificatorio digitis calicem velo cooperiet, velatumque ponet super corporale extensum. Absoluta Missa, si nulla in

Ecclesia sit Sacristia, calicem eodem modo super Altare relinquet; secus vero in Sacristiam deferet, ibique super corporale vel pallam in aliquo loco decenti et clauso collocabit usque ad secundam Missam; in qua, cum eodem calice uti debeat, illum rursus secum deferet ad Altare, ac super corporale extensum reponet. Cum autem in secunda Missa Sacerdos ad Offertorium devenerit, ablato velo de Calice hunc parumper versus cornu Epistolæ collocabit sed non extra corporale, factaque hostiæ oblatione cavebit ne purificatorio extergat calicem, sed eum intra corporale relinquens leviter elevabit, vinumque et aquam eidem caute imponet, ne guttæ aliquæ ad labia ipsius Calicis resiliant, quem deinde nullatenus ab intus abstersum more solito offeret.

## MODUS

SACRAM EUCHARISTIAM DEFERENDI OCCULTE AD INFIRMOS OB METUM INFIDELIUM.

Ex Constitutione Benedicti XIV. Inter Omnigenas §. 25. edita pro Servia et finitimis regionibus die 2. Februarii 1744.

UBI Turcarum vis prævalet et iniquitas, Sacerdos stolam semper habeat propriis coopertam vestibus: in sacculo, seu bursa Pixidem recondat, quam per funiculos collo appensam in sinu reponat, et nunquam solus procedat, sed uno saltem Fidei, in defectu Clerici, associetur.



## DECRETUM

### A SACRORUM RITUUM CONGREGATIONE

*die 9 Julii 1864.*

#### EDITUM DE SPECIE OLEI PRO NUTRIENDA LAMPADAE SANCTISSIMI SACRAMENTI.

**N**ONNULLI R<sup>m</sup>i Galliarum Antistites, serio perpendentes in multis suarum Diocesium Ecclesiis difficile admodum et nonnisi magnis sumptibus comparari posse Oleum olivarum ad nutriendam diu noctuque saltem unam lampadem ante Sanctissimum Eucharistiæ Sacramentum, ab Apostolica Sede declarari petierunt: utrum in casu, attentis difficultatibus et Ecclesiarum paupertate, Oleo olivarum substitui possint alia Olea, quæ ex vegetabilibus habentur, ipso non excluso Petroleo. Sacra porro Rituum Congregatio, etsi semper sollicita, ut etiam in hac parte quod usque ab Ecclesiæ primordiis circa usum Olei ex olivis inductum est, ob mysticas significationes retineatur; attamen silentio præterire minime censuit rationes ab iisdem Episcopis prolatas; ac proinde exquisito prius Voto alterius ex Apostolicarum Cæremoniarum Magistris, subscriptus Cardinalis Præfectus ejusdem Sacræ Congregationis rem omnem proposuit in Ordinariis Comitibus ad Vaticanum hodierna die habitis. E<sup>m</sup>i autem et R<sup>m</sup>i Patres Sacris tuendis Ritibus præpositi, omnibus accurate perpensis ac diligentissime examinatis, rescribendum censuerunt: “Generatim utendum esse Oleo olivarum; ubi vero haberi nequeat, remittendum prudentiæ Episcoporum ut lampades nutri-

antur ex aliis Oleis quantum fieri possit vegetabilibus.”  
Die 9 Julii 1864.

Facta postmodum de præmissis Sanctissimo Domino Nostro Pio Papæ IX. per Secretarium fidei relatione, Sanctitas Sua sententiam Sacræ Congregationis ratam habuit, et confirmavit. Die 14 iisdem Mense et Anno.

## DE BENEDICTIONE SIGNI,

### VEL CAMPANÆ.

[EX PONT. ROMANO.]

**S**IGNUM vel Campana debet benedici, antequam ponatur in campanili, hoc ordine. In primis debet Campana ipsa ita suspendi, et situari, ut commode possit intus et extra tangi, tractari, et circui; deinde prope ipsam Campanam benedicendam paratur Pontifici faldistorium; vas aquæ benedicendæ; aspersionum; vas cum sale; lintea munda ad extergendum Campanam, quando opus erit; vas Olei sancti infirmorum; sanctum Chrisma; thymiana; thus; myrrha, et thuribulum cum igne. Diaconus etiam accipit amictum, albam, cingulum, manipulum, stolam, et dalmaticam albi coloris. Quibus ordinatis, Pontifex in sacristia, aut alio convenienti loco paratus amictu, alba, cingulo, stola, pluviali albi coloris, et mitra simplici, baculum Pastoralem manu gestans, venit prope Campanam, ubi sedens super faldistorium ibidem sibi paratum, dicit cum ministris Psalmos sequentes, videlicet Psalmum. *Miserere mei Deus, \* secundum magnam misericordiam tuam. Totus dicitur cum Gloria Patri, et Sicut erat, prout supra habetur. fol. 130.*

## PSALMUS 53.

**D**EUS in nomine tuo salvum me fac: \* et in virtute tua judica me.

Deus exaudi orationem meam: \* auribus percipe verba oris mei.

Quoniam alieni insurrexerunt adversum me, et fortes quæsierunt animam meam: \* et non proposuerunt Deum ante conspectum suum.

Ecce enim Deus adjuvat me: \* et Dominus susceptor est animæ meæ.

Averte mala inimicis meis: \* et in veritate tua disperde illos.

Voluntariè sacrificabo tibi, \* et confitebor nomini tuo Domine: quoniam bonum est.

Quoniam ex omni tribulatione eripuisti me: \* et super inimicos meos despexit oculus meus.

Gloria Patri, et Sicut erat, etc.

## PSALMUS 56.

**M**ISERERE meî Deus, miserere meî: \* quoniam in te confidit anima mea.

Et in umbra alarum tuarum sperabo, \* donec transeat iniquitas.

Clamabo ad Deum altissimum, \* Deum qui benefecit mihi.

Misit de cælo, et liberavit me: \* dedit in opprobrium conculcantes me.

Misit Deus misericordiam suam, et veritatem suam, \* et eripuit animam meam de medio catulorum leonum: dormivi conturbatus.

Filii hominum dentes eorum arma et sagittæ: \* et lingua eorum gladius acutus.

Exaltare super cœlos Deus, \* et in omnem terram gloria tua.

Laqueum paraverunt pedibus meis: \* et incurvaverunt animam meam.

Foderunt ante faciem meam foveam: \* et inciderrunt in eam.

Paratum cor meum Deus, paratum cor meum: \* cantabo, et psalmum dicam.

Exurge gloria mea, exurge psalterium et cithara: \* exurgam diluculo.

Confitebor tibi in populis Domine: \* et psalmum dicam tibi in gentibus.

Quoniam magnificata est usque ad cœlos misericordia tua, \* et usque ad nubes veritas tua.

Exaltare super cœlos Deus; \* et super omnem terram gloria tua.

Gloria Patri, *et* Sicut erat, etc.

### PSALMUS 66.

**D**EUS misereatur nostrî, et benedicat nobis: \* illuminet vultum suum super nos, et misereatur nostrî.

Ut cognoscamus in terra viam tuam: \* in omnibus gentibus salutare tuum.

Confiteantur tibi populi Deus: \* confiteantur tibi populi omnes.

Lætentur et exultent Gentes: \* quoniam iudicas populos in æquitate, et Gentes in terra dirigis.

Confiteantur tibi populi Deus, confiteantur tibi populi omnes: \* terra dedit fructum suum.

Benedicat nos Deus, Deus noster, benedicat nos Deus, \* et metuant eum omnes fines terræ.

Gloria Patri, Sicut erat, etc.

## PSALMUS 69.

**D**EUS in adjutorium meum intende : \* Domine ad  
adjuvandum me festina.

Confundantur, et reveantur, \* qui quærunt ani-  
mam meam.

Avertantur retrorsùm et erubescant : \* qui volunt  
mihi mala.

Avertantur statim erubescences, \* qui dicunt mihi :  
Euge, euge.

Exultent et lætentur in te omnes, qui quærunt te, \*  
et dicant semper : Magnificetur Dominus, qui diligunt  
salutare tuum.

Ego verò egenus, et pauper sum : \* Deus adjuva me.

Adjutor meus, et liberator meus es tu : \* Domine  
ne moreris.

Gloria Patri, **et** Sicut erat, etc.

## PSALMUS 85.

**I**NCLINA, Domine, aurem tuam, et exaudi me : \*  
quoniam inops, et pauper sum ego.

Custodi animam meam, quoniam sanctus sum : \*  
salvum fac servum tuum, Deus meus, sperantem in te.

Miserere meî Domine, quoniam ad te clamavi tota  
die : \* lætifica animam servi tui, quoniam ad te, Do-  
mine, animam meam levavi.

Quoniam tu, Domine, suavis, et mitis, \* et multæ  
misericordiæ omnibus invocantibus te.

Auribus percipe, Domine, orationem meam : \* et  
intende voci deprecationis meæ.

In die tribulationis meæ clamavi ad te : \* quia exau-  
disti me.

Non est similis tuî in diis, Domine: \* et non est secundùm opera tua.

Omnes gentes quascumque fecisti, venient, et adorabunt coram te, Domine: \* et glorificabunt nomen tuum.

Quoniam magnus es tu, et faciens mirabilia: \* tu es Deus solus.

Deduc me, Domine, in via tua, et ingrediar in veritate tua: \* lætetur cor meum, ut timeat nomen tuum.

Confitebor tibi, Domine Deus meus, in toto corde meo, \* et glorificabo nomen tuum in æternum.

Quia misericordia tua magna est super me: \* et eruisti animam meam ex inferno inferiori.

Deus, iniqui insurrexerunt super me, et synagoga potentium quæsierunt animam meam: \* et non proposuerunt te in conspectu suo.

Et tu Domine Deus miserator, et misericors, \* patiens, et multæ misericordiæ, et verax.

Respice in me, et miserere meî, \* da imperium tuum puero tuo: et salvum fac filium ancillæ tuæ.

Fac mecum signum in bonum, ut videant qui oderunt me, et confundantur: \* quoniam tu, Domine, adjuvisti me, et consolatus es me.

Gloria Patri, et Sicut erat, etc.

Postremo dicitur Psalmus. De profundis clamavi ad te Domine. fol. 202.

Expletis Psalmis, surgit Pontifex, et stans cum mitra benedicit sal, et aquam dicens.

Ÿ. Adjutorium nostrum in nomine Domini.

R. Qui fecit cœlum, et terram.

**E**XORCIZO te, creatura salis, per Deum ✠ vivum, per Deum ✠ verum, per Deum ✠ sanctum, per

Deum qui te per Eliseum Prophetam in aquam mitti jussit, ut sanaretur sterilitas aquæ; ut efficiaris sal exorcizatum in salutem credentium; et sis omnibus sumentibus te sanitas animæ et coporis; et effugiat, atque discedat à loco, in quo aspersum fueris, omnis phantasia et nequitia vel versutia diabolicæ fraudis, omnisque spiritus immundus, adjuratus, per eum, qui venturus est judicare vivos et mortuos, et sæculum per ignem. *R.* Amen.

Deinde, depositis baculo Pastorali et mitra, junctis manibus dicit:

*V.* Domine, exaudi orationem meam.

*R.* Et clamor meus ad te veniat.

*V.* Dominus vobiscum.

*R.* Et cum spiritu tuo.

#### ORÉMUS.

**I**MMENSAM clementiam tuam, omnipotens æterne Deus, humiliter imploramus, ut hanc creaturam salis, quam in usum generis humani tribuisti, bene ✠ dicere, et sancti ✠ ficare tua pietate digneris; ut sit omnibus sumentibus salus mentis et corporis; et quidquid ex eo tactum, vel respersum fuerit, careat omni immunditia, omnique impugnatione spiritualis nequitiae. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Tum acceptis mitra et baculo Pastorali, super aquam absolutè dicit:

**E**XORCIZO te, creatura aquæ, in nomine Dei Pa ✠ tris omnipotentis, et in nomine Jesu Christi Fi ✠ lii ejus Domini nostri, et in virtute sancti ✠ Spiritus,

ut fias aqua exorcizata ad effugandam omnem potestatem inimici, et ipsum inimicum eradicare et explan-  
tare valeas, cum angelis suis apostaticis, per virtutem  
ejusdem Domini nostri Jesu Christi, qui venturus est  
judicare vivos et mortuos, et sæculum per ignem.

**R.** Amen.

Deinde, depositis baculo Pastoralis, et mitra, junctis  
manibus dicit:

**Ÿ.** Domine, exaudi orationem meam.

**R.** Et clamor meus ad te veniat.

**Ÿ.** Dominus vobiscum.

**R.** Et cum spiritu tuo.

#### ORÉMUS.

**D**EUS, qui ad salutem humani generis maxima quæ-  
que Sacramenta in aquarum substantia condidisti,  
adesto propitius invocationibus nostris, et elemento  
huic multimodis purificationibus præparato, virtutem  
tuæ bene ✠ dictionis infunde; ut creatura tuæ myste-  
riis tuis serviens, ad abigendos dæmones, morbosque  
pellendos, divinæ gratiæ sumat effectum; ut quidquid  
in domibus, vel in locis fidelium, hæc unda resperserit,  
careat omni immunditia, liberetur à noxa: non illic  
resideat spiritus pestilens, non aura corrumpens;  
discedant omnes insidiæ latentis inimici, et si quid est  
quod aut incolumitati habitantium invidet, aut quieti,  
aspersione hujus aquæ effugiat; ut salubritas per  
invocationem sancti tui nominis expetita, ab omnibus  
sit impugnationibus defensa. Per Dominum nostrum  
Jesum Christum Filium tuum, qui tecum vivit et  
règnat in unitate Spiritus sancti Deus, per omnia sæ-  
cula sæculorum. **R.** Amen.



Qua dicta, Pontifex adhuc sine mitra stans dicit absolute sequentem Orationem.

**B**ENE ✠ DIC, Domine, hanc aquam benedictione cœlesti, et assistat super eam virtus Spiritus sancti; ut cùm hoc vasculum ad invitandos filios sanctæ Ecclesiæ præparatum, in ea fuerit tinctum, ubicumque sonuerit hoc tintinnabulum, procul recedat virtus insidiantium, umbra phantasmatum, incursio turbinum, percussio fulminum, læsio tonitruorum, calamitas tempestatum, omnisque spiritus procellarum; et cùm clangorem illius audierint filii Christianorum, crescat in eis devotionis augmentum, ut festinantes ad piæ matris Ecclesiæ gremium, cantent tibi in Ecclesia Sanctorum canticum novum, deferentes in sono præconium tubæ, modulationem psalterii, suavitatem organi, exultationem tympani, jucunditatem cymbali; quatenùs in templo sancto gloriæ tuæ suis obsequiis et precibus invitare valeant multitudinem exercitus Angelorum. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. **R.** Amen.

Post hæc Pontifex mittit sal in aquam, in modum crucis, dicendo semel.

Commixtio salis, et aquæ pariter fiat. In nomine Pa ✠ tris, et Fi ✠ lii, et Spiritus ✠ sancti. **R.** Amen.

**V.** Dominus vobiscum.

**R.** Et cum spiritu tuo.

#### ORÉMUS.

**D**EUS invictæ virtutis auctor, et insuperabilis imperii rex, ac semper magnificus triumphator, qui

adversæ dominationis vires reprimis; qui inimici rugientis sævitiam superas; qui hostiles nequitas potenter expungas; te, Domine, trementes et supplices deprecamur, ac petimus, ut hanc creaturam salis et aquæ dignanter aspicias, benignus illustres, pietatis tuæ rore sanctifices; ut ubicumque fuerit aspersa, per invocationem sancti tui nominis, omnis infestatio im-mundi spiritus abigatur, terrorque venenosi serpentis procul pellatur; et præsentia sancti Spiritus nobis misericordiam tuam poscentibus ubique adesse dignetur. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. *R.* Amen.

*His peractis, Pontifex accepta mitra, incipit lavare Campanam cum dicta aqua; et ministri prosequuntur lotionem; lavantes eam totaliter intùs, et extrà, deindè cum linteo mundo extergunt. Pontifice interim cum mitra sedente, et cum aliis ministris dicente Psalmum, cum aliis sequentibus.*

#### PSALMUS 145.

**L**AUDA anima mea Dominum, laudabo Dominum in vita mea: \* psallam Deo meo quamdiu fuero.

Nolite confidere in principibus; \* in filiis hominum, in quibus non est salus.

Exibit spiritus ejus, et revertetur in terram suam: \* in illa die peribunt omnes cogitationes eorum.

Beatus, cujus Deus Jacob adjutor ejus, spes ejus in Domino Deo ipsius: \* qui fecit cælum et terram, mare, et omnia quæ in eis sunt.

Qui custodit veritatem in sæculum, facit judicium injuriam patientibus: \* dat escam esurientibus.

Dominus solvit compeditos: \* Dominus illuminat cæcos.

Dominus erigit elisos, \* Dominus diligit justos.

Dominus custodit advenas, pupillum, et viduam suscipiet: \* et vias peccatorum disperdet.

Regnabit Dominus in sæcula, Deus tuus Sion: \* in generatione et generationem.

Gloria Patri, *et* Sicut erat, etc.

PSALMUS 146.

**L**AUDATE Dominum, quoniam bonus est psalmus: \* Deo nostro sit jucunda, decoraque laudatio.

Ædificans Jerusalem Dominus: \* dispersiones Israël congregabit.

Qui sanat contritos corde: \* et alligat contritiones eorum.

Qui numerat multitudinem stellarum: \* et omnibus eis nomina vocat.

Magnus Dominus noster, et magna virtus ejus: \* et sapientiæ ejus non est numerus.

Suscipiens mansuetos Dominus: \* humilians autem peccatores usque ad terram.

Præcinite Domino in confessione: \* psallite Deo nostro in cithara.

Qui operit cælum nubibus: \* et parat terræ pluuiam.

Qui producit in montibus fœnum, \* et herbam servituti hominum.

Qui dat jumentis escam ipsorum, \* et pullis corvorum invocantibus eum.

Non in fortitudine equi voluntatem habebit: \* nec in tibiis viri beneplacitum erit ei.

Beneplacitum est Domino super timentes eum : \* et in eis qui sperant super misericordia ejus.

Gloria Patri, *et* Sicut erat, etc.

PSALMUS 147.

**L**AUDA Jerusalem Dominum : \* lauda Deum tuum Sion.

Quoniam confortavit seras portarum tuarum : \* benedixit filiis tuis in te.

Qui posuit fines tuos pacem : \* et adipe frumenti satiat te.

Qui emittit eloquium suum terræ : \* velociter currit sermo ejus.

Qui dat nivem sicut lanam : \* nebulam sicut cinerem spargit.

Mittit crystallum suam sicut buccellas : \* ante faciem frigoris ejus quis sustinebit ?

Emittet verbum suum, et liquefaciet ea : \* flabit spiritus ejus, et fluent aquæ.

Qui annuntiat verbum suum Jacob : \* justitias, et judicia sua Israël.

Non fecit taliter omni nationi : \* et judicia sua non manifestavit eis. Gloria Patri. Sicut erat, etc.

*Deindè Psalm.* Laudate Dominum de cælis, fol. 253, *sine* Gloria Patri : Cantate Domino canticum novum : \* laus ejus, fol. 254.


*Postremò Psalm.* Laudate Dominum in sanctis ejus, fol. 254. Gloria Patri, *et* Sicut erat, etc.

*Quibus finitis, surgit Pontifex cum mitra, et cum pollice dexteræ manus facit ab extrâ supra Campanam de Oleo sancto infirmorum signum crucis ; quo factò, deposita mitra, dicit :*





De - us ma-jes-ta - tis in - to - nu-it:



Do - mi-nus su-per a - quas mul - tas.



Ps. Af-fer-te Do-mi-no fi-li-i De-i. E u o u a e.

### PSALMUS 28.

**A**FFERTE Domino filii Dei: \* afferte Domino filios arietum.

Afferte Domino gloriam, et honorem, afferte Domino gloriam nomini ejus: \* adorete Dominum in atrio sancto ejus.

Vox Domini super aquas, Deus majestatis intonuit: \* Dominus super aquas multas.

Vox Domini in virtute: \* vox Domini in magnificentia.

Vox Domini confringentis cedros: \* et confringet Dominus cedros Libani.

Et comminuet eas tamquam vitulum Libani: \* et dilectus quemadmodum filius unicornium.

Vox Domini intercidentis flammam ignis: \* vox Domini concutientis desertum: et commovebit Dominus desertum Cades.

Vox Domini præparantis cervos, et revelabit condensa: \* et in templo ejus omnes dicent gloriam.

Dominus diluvium inhabitare facit: \* et sedebit Dominus rex in æternum.

Dominus virtutem populo suo dabit: \* Dominus benedicet populo suo in pace.

Gloria Patri, et Sicut erat, etc.

Deindè repetitur *Antiphona*. Interim Pontifex cum mitra stans facit cum pollice dexteræ manus de Oleo sancto infirmorum septem cruces exteriùs super Campanam, et deintùs cum Chrismate quatuor pari distantia, dicens, dum quamlibet crucem facit.

**S**ANCTI ✠ FICETUR, et conse ✠ cretur, Domine, signum istud. In nomine Pa ✠ tris, et Fi ✠ lii, et Spiritus ✠ sancti. In honorem sancti N. Pax tibi.

Deindè finitis *Antiphona*, et *Psalmo*, ac factis crucibus prædictis, Pontifex stans, deposita mitra, dicit:

#### ORÉMUS.

**O**MNIPOTENS sempiterne Deus, qui ante arcam fœderis per clangorem tubarum, muros lapideos, quibus adversantium cingebatur exercitus, cadere fecisti; tu hoc tintinnabulum cœlesti bene ✠ dictione perfunde; ut ante sonitum ejus longiùs effugentur ignita jacula inimici, percussio fulminum, impetus lapidum, læsio tempestatum; ut ad interrogationem propheticam, quid est tibi mare, quòd fugisti? suis motibus cum Jordanico retroactis fluento respondeant; A facie Domini mota est terra, à facie Dei Jacob, qui convertit petram in stagna aquarum, et rupem in fontes aquarum. Non ergo nobis Domine, non nobis, sed nomini tuo da gloriam, super misericordia tua; ut

cùm præsens vasculum, sicut reliqua altaris vasa, sacro Chrismate tangitur, Oleo sancto ungitur; quicumque ad sonitum ejus convenerint, ab omnibus inimici tentationibus liberi, semper fidei Catholicæ documenta sectentur. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum.

R. Amen.

Tum sedet Pontifex, et acceptâ mitrâ, imponit in thuribulo thymiama, thus, et myrrham, si haberi possunt, alioquin, quæ ex ipsis habentur: quibus impositis, thuribulum ipsum supponitur Campanæ, seu signo, ut totum fumum recipiat, schola interim cantante Antiphonam. 8 Toni.



De-us in sancto vi - a tu - a: quis Deus



ma - gnus, si - cut De - us noster? Ps. Viderunt te



a-quæ Deus, vi-derunt te a-quæ. E u o u a e.

#### PSALMUS 76.

VIDERUNT te aquæ Deus, viderunt te aquæ: \* et timuerunt, et turbatæ sunt abyssi.

Multitudo sonitus aquarum: \* vocem dederunt nubes.



Etenim sagittæ tuæ transeunt: \* vox tonitruï tui in rota.

Illuxerunt coruscationes tuæ orbi terræ: \* commota est, et contremuit terra.

In mari via tua, et semitæ tuæ in aquis multis: \* et vestigia tua non cognoscentur.

Deduxisti sicut oves populum tuum, \* in manu Moysi et Aaron.

Gloria Patri, et Sicut erat, etc.

Quibus dictis, deposita mitra, surgit Pontifex, et dicit:

#### ORÉMUS.

**O**MNIPOTENS dominator Christe, quo secundùm carnis assumptionem dormiente in navi, dum oborta tempestas mare conturbasset, te protinùs excitato et imperante, dissiluit, tu necessitatibus populi tui benignus succurre; tu hoc tintinnabulum sancti Spiritus rore perfunde; ut ante sonitum illius semper fugiat bonorum inimicus; invitetur ad fidem populus Christianus; hostilis terreatur exercitus; confortetur in Domino per illud populus tuus convocatus: ac sicut Davidica cithara delectatus desuper descendat Spiritus sanctus; atque ut Samuële agnum lactentem mactante in holocaustum regis æterni imperii, fragor aurarum turbam repulit adversantium: ità dum hujus vasculi sonitus transit per nubila, Ecclesiæ tuæ conventum manus conservet angelica; fruges credentium, mentes et corpora salvet protectio sempiterna. Per te Christe Jesu, qui cum Deo Patre vivis et regnas in unitate ejusdem Spiritus sancti Deus, per omnia sæcula sæculorum. **R.** Amen.

Demùm Diaconus, sacris vestibus albi coloris paratus, dicit :

Ÿ. Dominus vobiscum.

R. Et cum spiritu tuo.

Sequentia sancti Euangelii secundùm Lucam.

### CAP. 10.

**I**N illo tempore: Intravit Jesus in quoddam castellum: et mulier quædam Martha nomine, excepit illum in domum suam, et huic erat soror nomine Maria, quæ etiam sedens secus pedes Domini, audiebat verbum illius. Martha autem satagebat circa frequens ministerium: quæ stetit, et ait: Domine, non est tibi curæ quòd soror mea reliquit me solam ministrare? Dic ergo illi, ut me adjuvet. Et respondens dixit illi Dominus: Martha, Martha, sollicita es, et turbaris erga plurima. Porrò unum est necessarium, Maria optimam partem elegit, quæ non auferetur ab ea.

Finito Euangelio, Pontifex osculatur librum Euangeliorum per unum ex ministris sibi porrectum. Tum producit super Campanam benedictam signum crucis, et reassumpta mitra, discedens revertitur ad locum, ubi paramenta accepit, in quo dimissis sacris vestibus, vadit in pace.

## BENEDICTIO VIÆ FERREÆ ET CURRUUM

*(approbata a S. R. C.)\****Ÿ.** Adjutórium nostrum in nómine Dómini.**R.** Qui fecit cælum et terram.**Ÿ.** Dóminus vobíscum.**R.** Et cum spírítu tuo.

ORÉMUS.

**O**MNIPOTENS sempitérne Deus, qui ómnia elementa ad tuam glóriam, utilitatémque hóminum condidísti; dignáre quæsumus hanc viam férream, ejúsque instruménta bene ✠ dicere, et benígna semper tua providéntia tuéri; et dum fámuli tui velóciter próperant in via, in lege tua ambulántes, et viam mandatórum tuórum curréntes, ad cæléstem pátriam feliciter perveníre váleant. Per Christum Dóminum nostrum.

**R.** Amen.

ORÉMUS.

**P**ROPITIARE Dómine Deus supplicatióibus nostris, et béne ✠ dic currus istos déxtera tua sancta; adjúnge ad ipsos sanctos Angelos tuos, ut omnes qui in eis vehéntur, liberent et custódiant semper a perículis univérsis: et quemádmódu viro Æthiopi super currum suum sedénti, et sacra elóquia legénti, per Levítam tuum Philíppum fidem et grátiam contulísti; ita fámulis tuis viam salútis osténde, qui tua grátia adjúti, bonisque opéribus júgiter inténti, post omnes viæ et vitæ hujus varietátes æterna gáudia cónsequi mereántur. Per Christum Dóminum nostrum.

**R.** Amen.

---

\* Hæc et quæ sequuntur Benedictiones excerptæ sunt ex Appendice ad Rit. Rom., typis S. C. de Propag. Fide editum an. 1870.

Deinde Sacerdos aspergat viam et currus aqua benedicta.

### BENEDICTIO AD OMNIA

(*approbata a S. R. C.*)

Hæc benedictionis formula adhiberi potest a quovis Sacerdote pro omnibus rebus, de quibus specialis benedictio non habetur in Rituali Romano.

*Ÿ.* Adjutorium nostrum in nomine Domini.

*R.* Qui fecit cælum et terram.

*Ÿ.* Dominus vobiscum.

*R.* Et cum spiritu tuo.

### ORÉMUS.

**D**EUS, cujus verbo sanctificantur omnia, benedictionem tuam effunde super creaturam istam (vel creaturas istas) et præsta: ut quisquis ea (vel eis) secundum legem et voluntatem tuam cum gratiarum actione usus fuerit, per invocationem Sanctissimi Nominis tui, corporis sanitatem, et animæ tutelam, te auctore, percipiat. Per Christum Dominum nostrum. Amen.

Deinde illam (vel illas) Sacerdos aspergit aqua benedicta.

### INSTRUCTIO

Pro Sacerdotibus quibus Summus Pontifex facultatem delegat benedicendi Coronas, Rosaria, Cruces, Crucifixos, parvas statuas et sacra numismata cum adnexarum Indulgentiarum elencho.

**U**TRIUSQUE sexus Christifideles in primis admonitos vult Sanctitas Sua, ut quis consequi valeat Indulgentias, quæ in præfata Benedictione concedit,

necessario requiri aliquod ex enunciatis Numismatibus, Coronis etc. secum habere, aut apud se retinere.

Item orationes, devotasque preces infrascriptas, uti conditiones pro Indulgentiarum consecutione requisitas, unumquemque teneri recitare, vel secum deferendo Coronam, Crucifixum etc. vel si quis secum non habeat, eadem in cubiculo vel alio decenti loco suæ habitationis retinere, et coram eis respectivas preces recitare debet.

Præterea ab hujusmodi Benedictione Sanctitas Sua rejicit Imagines sive impressas sive depictas, necnon Cruces, Crucifixos, parvas Statuas, Numismata, vulgo Medaglie nuncupata, quæ ex ferro, stamno, plumbo, vel ex fragili alia materia, facilisque consumptionis conficiuntur.

Vult denique Sanctitas Sua Imagines et Icones benedicendas repræsentare Sanctos vel jam canonizatos, vel in Martyrologio Romano descriptos.

His pro clariori intelligentia prænotatis, Indulgentiarum series, quas quis consequi potest, nec non piorum operum implendorum elenchus recensetur, prout infra, videlicet:

Quicumque semel in singulas hebdomadas Coronam Domini, aut Beatissimæ Virginis, vel Rosarium, ejusque tertiam partem, aut Officium sive divinum sive parvum ejusdem Beatissimæ Virginis vel Defunctorum, aut septem Psalmos Pœnitentiales vel Graduales recitabit; aut rudimenta Fidei tradere, aut detentos in carcere, vel alicujus domus hospitalis ægrotos visitare, aut pauperibus subvenire, aut Missam audire, vel, si Sacerdos est, celebrare consuevit, si vere pœnitens, et Sacerdoti per Ordinarium approbato confessus sanctis-

simum Eucharistiæ Sacramentum sumpserit in quolibet ex diebus infrascriptis, nimirum diebus Festis Nativitatis Domini Nostri Jesu Christi, Epiphaniæ, Paschatis Resurrectionis, Ascensionis, Pentecostes, Sanctissimæ Trinitatis, Corporis Christi; tum diebus Purificationis, Annunciationis, Assumptionis, Nativitatis et Conceptionis Beatæ Mariæ Virginis, necnon diebus Nativitatis S. Joannis Baptistæ, Sanctorum Apostolorum Petri et Pauli, Andree, Jacobi, Joannis, Thomæ, Philippi et Jacobi, Bartholomæi, Matthæi, Simonis et Judæ, Matthiæ, Sancti Josephi Sponsi B. Mariæ Virginis, atque omnium Sanctorum, piasque ad Deum preces fuderit pro hæresum atque schismatum extirpatione, Fidei Catholicæ propagatione, pace et Christianorum Principum concordia, ceterisque Romanæ Ecclesiæ necessitatibus, in unoquoque præfatorum dierum plenariam Indulgentiam consequetur.

Qui eadem aliis Festis Domini, aut B. Virginis Mariæ peregerit, in quolibet eorum participet Indulgentiam septem annorum, ac totidem quadragenarum: qui vero quavis Dominica vel alio anni Festo, Indulgentiam quinque annorum totidemque quadragenarum. Qui demum in alio quocumque anni die ea præstabit, Indulgentiam centum dierum.

Quicumque saltem semel in hebdomada recitare consuevit Coronam aut Rosarium aut Officium B. Mariæ Virginis vel Defunctorum, aut Vesperas, vel unum saltem ex Nocturnis, et Laudes, aut septem Psalmos Pœnitentiales cum Litanis et earundem precibus, quo die id egerit, Indulgentiam centum dierum acquirat.

Quisquis animam suam Deo in articulo mortis devote

commendans, ipsamque mortem æquo ac libenti animo de manu Domini suscipere paratus, et vere pœnitens, confessus ac Sacra Communionem refectus, si valeat, alioquin contritus nomen JESU ore, si potuerit, sin minus saltem corde invocaverit, plenariam Indulgentiam consequetur.

Quicumque ante Missæ celebrationem vel sumptionem Eucharistiæ, aut recitationem divini Officii vel parvi B. Mariæ Virginis, aliquam devotam præparationem præmiserit, quinquaginta dierum Indulgentiam, qualibet vice id egerit, percipiet.

Qui detentos in carcere, aut ægrotos in Nosocomiis visitaverit, eos aliquo bono opere adjuvando, aut Doctrinam Christianam in Ecclesia vel domi filios aut propinquos aut famulos docuerit, toties Indulgentiam biscentum dierum consequetur.

Qui ad pulsum campanæ alicujus Ecclesiæ mane aut meridie aut vespere consuetas preces Angelus Domini etc. dicet, vel si eas ignoret, semel Orationem Dominicam et Salutationem Angelicam, vel dato signo sub horam noctis orandi pro Defunctis Psalmum De profundis, aut si hunc nescit, Orationem Dominicam, et Salutationem Angelicam recitabit, centum dierum Indulgentiam qualibet vice adipiscetur.

Eandem pariter consequetur Indulgentiam qui feria sexta devote cogitaverit de Passione ac Morte Domini Nostri Jesu Christi, terque Orationem Dominicam et Salutationem Angelicam recitaverit.

Quisquis vere pœnitens peccata commissa emendare firmiter proponat, conscientiam suam excutiat, ter Oratione Dominica et Angelica Salutatione devote repetitis in honorem Sanctissimæ Trinitatis, et ob reveren-

tiam quinque Vulnerum Jesu Christi quinquies devote eandem Orationem et Salutationem recitet, eandem Indulgentiam consequetur.

Omnes et singulas antedictas Indulgentias unusquisque memoratis diebus poterit aut pro seipso adipisci, aut Fidelibus defunctis per modum suffragii applicare.

Declarat insuper Sanctitas Sua concessione præfata Indulgentiarum nullo modo derogari Indulgentiis, quas alii Summi Pontifices prædecessores jam concessere pro nonnullis ex supra indicatis piis operibus, volens easdem suorum prædecessorum concessionem in suo robore permanere.

In distribuendis autem hujusmodi Coronis, Crucibus etc. earumque usu Sanctissimus Dominus Noster servari jubet Decretum fel. recor. Alexandri VII, editum sub die 6. Februarii 1657. nimirum, ut Coronæ, Cruces, Rosaria etc. ut supra benedicta, quoad Indulgentias non transeant personam illorum, quibus concessa sunt, aut quibus ab iis prima vice distribuuntur; nec aliqua re ex prædictis deperdita, pro ea subrogari altera ullo modo possit, quacumque concessione aut privilegio in contrarium non obstante; nec non eadem commodari, aut precario dari non possint pro Indulgentiarum communicatione, alioquin amittant Indulgentias jam concessas: tum etiam præfata post Pontificiam Benedictionem vendi non possint; juxta dispositionem Decreti Sacræ Congregationis Indulgentiarum et Sacrarum Reliquiarum editi die 5. Junii 1721.

Insuper Sanctitas Sua confirmat Decretum fel. recor. Benedicti XIV, datum die 19. Augusti 1752. quo expresse declarat Missas ad Altare (in quo aliqua ex præfatis sive Crucifixi sive Numismatis Imago. quoquo



modo collocata fuerit) lectas, sive a Sacerdote hujusmodi Imaginem secum habente celebratas, vigore dictæ Imaginis nullo prorsus gaudere privilegio.

Præterea vetat ne quisquam, quem Infirmis mortis proximis assistere contigerit, Benedictionem cum Indulgentia Plenaria in articulo mortis, vigore hujusmodi Imaginis, illis impertiri audeat sine speciali facultate in scriptis obtenta, quoniam ad hujusmodi effectum in Constitutione Benedicti XIV, incipien. *Pia Mater*, satis provisum jam fuit.

## BENEDICTIONES

PROPRIÆ NONNULLORUM ORDINUM REGULARIUM.

QUÆ SEQUUNTUR BENEDICTIONES NONNISI A SACERDOTIBUS SPECIALEM FACULTATEM HABENTIBUS ADHIBERI POSSUNT.

---

### BENEDICTIO

ET IMPOSITIO SCAPULARIS SS<sup>M</sup>Æ TRINITATIS.

(Propria Ordinis SS<sup>m</sup>æ Trinitatis Redemptionis Captivorum.)

Sacerdos indutus superpelliceo et Stola albi coloris dicit:

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dóminus vobíscum.

R. Et cum spíritu tuo.

ORÉMUS.

DOMINE Jesu Christe, qui tégumen nostræ mortalitátis indúere dignátus es, obsecrámus imménsam tuæ largitátis abundántiam, ut hoc genus vestiménti, quod sancti Patres ad innocéntiæ et humilitátis indícium abrenuntiántes sæculo ferre sanxérunt, Tu ita bene ✠ dícere dignéris, ut hic fámulus tuus (vel fámula tua) **N.** qui (vel quæ) hoc indútus (vel indúta) fúerit vestiménto, te quoque indúere mereátur. Qui vivis et regnas per ómnia sæcula sæculórum.

R. Amen.

Postea aspergit aqua benedicta.

## MODUS IMPONENDI DICTUM SCAPULARE.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dóminus vobíscum.

R. Et cum spírítu tuo.

## ORÉMUS.

ADESTO, Dómine, supplicatióibus nostris; ut hunc fámulum tuum (*vel fámulam tuam*), cui in tui nómine hábitum Religiónis SSmæ Trinitátis impónimus, Tu ita bene ✠ dícere dignéris; ut te largiénte devótus (*vel devóta*) persístat, et vitam cónsequi mereátur ætérnam. Per Dóminum nostrum Jesum Christum, etc. R. Amen.

Nunc imponitur S. Scapulare a Sacerdote dicente:

Accipe hábitum SSmæ Trinitátis in augméntum fidei, spei, et charitátis in nómine Patris ✠ et Fílii et Spírítus sancti. R. Amen.

Ÿ. Dóminus vobíscum.

R. Et cum spírítu tuo.

## ORÉMUS.

OMNIPOTENS sempitérne Deus, qui dedisti fámulo tuo (*vel fámulæ tuæ*) in confessiône veræ fidei ætérnæ Trinitátis glóriam agnóscere, et in poténtia majestátis adoráre unitátem, quæsumus; ut ejúsdem fidei firmitáte ab ómnibus semper muniátur advérsis.

Deus qui per sanctos Joánnem et Felícem Ordinem SSmæ Trinitátis ad rediméndum de potestáte Saracénorum captívos, cælitus institúere dignátus es: præsta quæsumus; ut eórum suffragántibus méritis a captivitate córporis et ánimæ Te adjuvánte liberétur hic

fámulus tuus (*vel* hæc fámula tua). Per Christum Dóminum nostrum. *R.* Amen.

Suscípiat te SS̃ma Trínitas in númerum Confrátrum, Consororúmque Confraternitátis nostræ, et licet te indigne suscépimus, in oratióibus tamen nostris precámur, ut tibi SS̃ma Trínitas concédât tempus bene vivéñdi, constántiam perseveráñdi: et sicut nos hódie fratérna cháritas spirituáliter jungit in terris, ita Divína Píetas, quæ dilectiúnis est áuctrix, et amátrix, nos cum fidélibus suis conjúgere dignétur in cælis. Per Christum Dóminum nostrum. *R.* Amen.

*Datur Benedictio dicendo:* Pax et Benedíctio Dei Omnipoténtis Patris ✠, et Fílii ✠, et Spíritus ✠ sancti descéndat super te (*vel* super vos) et máneat semper.

*R.* Amen.

#### BENEDICTIO TRISAGII SANCTISSIMÆ TRINITATIS.

*V.* Adjutórium nostrum in nómine Dómini.

*R.* Qui fecit cælum et terram.

*V.* Dóminus vobíscum.

*R.* Et cum spírítu tuo.

#### ORÉMUS.

**O**MNIPOTENS et miséricors Deus, qui per Fílium tuum Unigénitum, ac per Prophéatas et Apóstolos tuos SS̃mæ Trinitátis mystérium reveláre dignátus es: ut sanctórum Angelórum choros imitántes in terris, dignas et devótas tibi láudes referámus, tuam obsecrámus cleméntiam; ut hæc Triságia (*vel* hoc Triságium) quæ (*vel* quod) in honórem, et láudem ejúsdem SS̃mæ Trinitátis, ab Ecclésia fidéli dicáta sunt (*vel* dicátum

est) bene ✠ dicas, et sanctifices eisque (vel eique) tantam infundas Spíritus sancti virtútem, ut quicúmque horum quódlibet portáverit, atque in domo sua reveréter serváverit, seu devóte recitáverit, tua Divína virtúte ab ómnibus ánimæ et córporis perículis eruátur, sitque consors et párticeps Gratiárum ómnium, Privilegiórum et Indulgentiárum, quæ ab Apostólica Sede concéssa fúerint, atque in éxitu suo a sanctis Angelis tuis, in conspéctu Divínæ majestátis præsentári mereátur. Per Dóminum nostrum Jesum Christum, etc.

Ry. Amen.

Postea aspergatur aqua benedicta.

## METHODUS

### PRO ERIGENDIS STATIONIBUS VIÆ CRUCIS

(Propria Ordinis Minorum Observantium S. Francisci).

Sacerdos superpelliceo et stola violacei coloris indutus uno saltem clerico adhibito, qui ei opportuno tempore porrigere possit vasculum Aquæ benedictæ cum aspersorio, et thuribulum cum incensi navicula, ascendit Altare, ibique stans brevi sermone super præstantia et utilitate pii exercitii Viæ Crucis populum alloquetur: deinde genuflexus in infimo gradu intonabit

### HYMNUM.

VENI, Creátor Spíritus  
 Mentés tuórum vísita,  
 Imple supérna grátia,  
 Quæ tu creásti, péctora.  
 Qui díceris Paráclitus,  
 Altíssimi donum Dei,

Fons vivus, ignis, cháritas,  
Et spiritális únctio.

Tu septifórmis múnere,  
Dígitus Patérnæ dèxteræ,  
Tu rite promíssum Patris,  
Sermóne ditans gúttura.

Accénde lumen sénsibus,  
Infúnde amórem córdibus,  
Infirma nostri córporis  
Virtúte firmans pérpeti.

Hostem repéllas lóngius,  
Pacémque dones prótinus,  
Ductóre sic te prævio  
Vitémus omne nóxium.

Per te sciámus da Patrem,  
Noscámus atque Fílium,  
Teque utriúsque Spíritum  
Credámus omni témpore.

Deo Patri sit glória,  
Et Fílio, qui a mórtuis  
Surréxit, ac Paráclito,  
In sæculórum sæcula. Amen.

Ÿ. Emitte Spíritum tuum, et creabúntur.

R. Et renovábis fáciem terræ.

#### ORÉMUS.

**D**EUS, qui corda fidélium sancti Spíritus illustratióne docuísti: da nobis in eódem Spíritu recta sápere, et de ejus semper consolatióne gaudére.

Defénde, quæsumus Dómine, beáta María semper vírgine intercedénte, pópulum istum (**vel** Famíliam istam) ab omni adversitáte, et toto corde tibi prostrá-

tum (vel prostrátam) ab hóstium propítius tuére cleménter insídiis.

Actiões nostras, quæsumus Dómine, aspirándo præveni, et adjuvándo proséquere; ut cuncta nostra orátio et operátio a te semper incípiat, et per te cœpta finiátur. Per Dóminum nostrum Jesum Christum Fílium tuum: qui tecum vivit et regnat per ómnia sæcula sæculórum. *R.* Amen.

## BENEDICTIO TABULARUM PICTARUM

(SI ADSUNT).

*V.* Adjutórium nostrum in nómine Dómini.

*R.* Qui fecit cælum et terram.

*V.* Dóminus vobíscum.

*R.* Et cum spírítu tuo.

### ORÉMUS.

**O**MNIPOTENS sempitérne Deus, qui sanctórum tuórum imáges sculpi, aut pingi non réprobas, ut quóties illas óculis córporis intuémur, tóties eórum actus, et sanctitátem ad imitándum memóriæ óculis meditémur; has quæsumus imáges in honórem, et memóriam Unigéniti Fílii tui Dómini nostri Jesu Christi adaptátas bene ✠ dícere, et sancti ✠ ficáre dignéris, et præsta: ut quicúmque coram illis Unigénitum Fílium tuum suppliciter cólere, et honoráre studúerit, illíus méritis, et obténtu, a Te grátiam in præsénti, et ætérrnam glóriam obtíneat in futúro. Per eúmdem Christum, etc. *R.* Amen.

Tunc Sacerdos eas aspergit aqua benedicta, et incensat. In Oratorio privato omitti potest incensatio.

## BENEDICTIO CRUCIUM

QUÆ EX LIGNO ESSE DEBENT.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dóminus vobíscum.

R. Et cum spírítu tuo.

## ORÉMUS.

**R**OGAMUS te, Dómine sancte, Pater omnípotens, sempitérne Deus, ut dignéris bene ✠ dícere hæc signa Crucis tuæ, ut sint remédia salutária géneri humano; sint solíditas fidei, bonórum óperum proféctus, et redéptio animárum; sint solámen, et protéctio, ac tutéla contra sæva jácula inimicórum. Per Christum Dóminum nostrum. R. Amen.

## ORÉMUS.

**B**ENE ✠ DIC, Dómine, has Cruces, quia per Crucem sanctam tuam eripuísti mundum a potestáte dæmonum, et superásti Passióne tua suggestórem peccáti, qui gaudébat in prævaricatióne primi hóminis per ligni vétiti sumptiónem. *Tunc Sacerdos eas aspergens dicat:* Sanctificéntur ista Crucis signa in Nómine Patris, et Fílii, et Spírítus sancti, ut orántes, inclinantesque se propter Deum ante istas Cruces invéniant sanitátem ánimæ, et córporis. Per Christum Dóminum nostrum. R. Amen.

Deinde cantatur sequens

## HYMNUS.

**V**EXILLA Regis pródeunt,  
Fulget crucis mystérium:



Qua vita mortem p ertulit,  
 Et morte vitam pr otulit.  
 Quæ vulner ata l ance e  
 Mucrone diro, criminum  
 Ut nos lavaret sordibus,  
 Manavit unda, et sanguine.  
 Impl eta sunt, quæ concinit  
 David fideli carmine,  
 Dicendo nationibus:  
 Regnavit a ligno Deus.  
 Arbor decora et fulgida,  
 Ornata regis purpura,  
 El ecta digno stipe  
 Tam sancta membra tangere.  
 Beata, cujus brachii  
 Pretium pependit sæculi,  
 Statera facta corporis,  
 Tulitque pradam tartari.  
 O Crux, ave, spes unica,  
 Hoc passionis tempore,  
 Piis adauge gratiam,  
 Reisque dele crimina.  
 Te, fons salutis Trinitas,  
 Collaudet omnis spiritus:  
 Quibus Crucis victoriam  
 Largiris, adde præmium. Amen.

## HYMNUS.

**S**TABAT mater dolorosa  
 Juxta Crucem lacrimosa,  
 Dum pendebat Filius.  
 Cujus animam gementem,

Contristátam et doléntem,  
 Pertransívit gládus.  
 O quam tristis et afflícta  
 Fuit illa benedícta  
 Mater Unigéniti!  
 Quæ mœrébat, et dolébat,  
 Pia mater dum vidébat  
 Nati pœnas ínclýti.  
 Quis est homo, qui non fleret,  
 Matrem Christi si vidéret  
 In tanto supplício?  
 Quis non posset contristári  
 Christi matrem contemplári  
 Doléntem cum Fílio?  
 Pro peccátis suæ gentis  
 Vidit Jesum in torméntis,  
 Et flagéllis súbditum.  
 Vidit suum dulcem Natum  
 Moriéndo desolátum,  
 Dum emísit spíritum.  
 Eja, mater fons amóris,  
 Me sentíre vim dolóris  
 Fac, ut tecum lúgeam.  
 Fac ut árdeat cor meum  
 In amándo Christum Deum,  
 Ut sibi compláceam. Amen.

Sacerdos accedens ad locum primæ Stationis, oscu-  
 latur Crucem et tabulam, easque, vel per se, vel per  
 laicum decenti habitu indutum, collocat in loco ad id  
 præparato; deinde legit meditationem et preces huic  
 Stationi respondentes: quod et fiet in ceteris Stationi-  
 bus. Quibus finitis cantatur sequens

## HYMNUS.

**T**E Deum laudamus: te Dóminum confitemur.  
 Te ætérnum Patrem omnis terra veneratur.  
 Tibi omnes ángeli, tibi cæli et univérsæ potestates:  
 Tibi chérubim et séraphim incessábili voce proclámant:  
 Sanctus, Sanctus, Sanctus Dóminus Deus Sábaoth.  
 Pleni sunt cæli et terra, majestátis glóriæ tuæ.  
 Te gloriósus apostolórum chorus.  
 Te prophetárum laudábilis númerus.  
 Te mártýrum candidátus láudat exércitus.  
 Te per orbem terrárum sancta confitétur ecclésia.  
 Patrem imménsæ majestátis.  
 Venerándum tuum verum, et únicum Fílium.  
 Sanctum quoque Paráclitum Spíritum.  
 Tu rex glóriæ, Christe.  
 Tu Patris sempitérnus es Fílius.  
 Tu ad liberándum susceptúrus hómínem non horruísti  
 vírginis úterum.  
 Tu devícto mortis acúleo aperuísti credéntibus regna  
 cælórum.  
 Tu ad délixteram Dei sedes in glória Patris.  
 Judex créderis esse ventúrus.  
 Te ergo, quæsumus, tuis fámulis súbveni, quos pre-  
 tíoso Sáanguine redemísti.  
 Ætérna fac cum sanctis tuis in glória numerári.  
 Salvum fac pópulum tuum, Dómine, et bédedic hære-  
 ditáti tuæ.  
 Et rege eos, et extólle illos usque in ætérnum.  
 Per síngulos dies bédicimus te.  
 Et laudamus nomen tuum in sæculum, et in sæculum  
 sæculi.  
 Dignáre, Dómine, die isto, sine peccáto nos custodíre.  
 Miserére nostri, Dómine, miserére nostri.

Fiat misericórdia tua, Dómine, super nos, quemádmódum sperávimus in te.

In te, Dómine, sperávi: non confúndar in ætérnum.

**V.** Benedicámus Patrem, et Fílium cum sancto Spíritu.

**R.** Laudémus, et superexaltémus eum in sæcula.

#### ORÉMUS.

**D**EUS, cujus misericórdiæ non est númerus, et bonitátis infínitus est thesáurus, piíssimæ majestáti tuæ pro collátis donis grátias ágimus, tuam semper cleméntiam exorántes; ut qui peténtibus postuláta concédis, eósdem non déserens ad præmia futúra dispónas. Per Christum Dóminum nostrum. Amen.

**Tunc Sacerdos benedicit populum cum Cruce.**

#### FORMULA

##### AD FIDEM FACIENDAM DE CREATIONE VLÆ CRUCIS.

Vigóre facultátis mihi commíssæ, Ego **N. N.** Viam Crucis cum annéxis Indulgéntiis eréxi in loco ut supra in précibus etc. juxta régulas a s. Indulgentiárum Congregatióne die 10. Maji 1742. præscríptas. In quorum fidem testimónium hoc mea manu exarávi hac die etc.

#### BENEDICTIO ET IMPOSITIO

##### HABITUS VEL SCAPULARIS NIGRI SANCTISSIMÆ CRUCIS PASSIONIS D. N. JESU CHRISTI

(Propria Congregationis Clericorum Regularium SSmæ Crucis et  
Passionis D. N. Jesu Christi).

Sacerdos indutus superpelliceo et stola rubea, eo genuflexo cui Habitum vel Scapulare est imponendum, dicit:

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Dóminus vobíscum.

*R.* Et cum spírítu tuo.

## ORÉMUS.

**D**OMINE Jesu Christe, qui pro redemptione mundi voluisti nasci, circumcidi, a Judæis reprobári, a Juda traditóre ósculo tradi, vínculis alligári, sicut agnus innocens ad víctimam duci, atque conspéctibus Annæ, Cáiphæ, Piláti et Heródis indecénter offérri, a falsis téstibus accusári, flagéllis et oppróbriis vexári, sputis cónspui, spinis coronári, cólaphis cædi, arúndine pércuti, fácie velári, véstibus éxui, Cruci clavis affigi et lancea vulnerári: Tu Dómine, per has sanctíssimas pœnas tuas, et sanctam Crucem et Mortem tuam hujus fámuli tui (*vel fámulæ tuæ*) intelléctum illúmina, afféctum inflámma, ut charitátis tuæ dulcédine perfúsus (*vel perfúsa*) lácrymas compunctiόνis júgiter effúndat, totáque virtute te díligat, et quæ tibi plácita sunt tota dilectiόνé perficiat. Qui vivis et regnas cum Deo Patre etc.

*R.* Amen.

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Sit nomen Dómini benedíctum.

*R.* Ex hoc nunc et usque in sæculum.

*Ÿ.* Dómine, exáudi oratióne meam.

*R.* Et clamor meus ad te véniat.

*Ÿ.* Dóminus vobíscum.

*R.* Et cum spírítu tuo.

## ORÉMUS.

**D**OMINE Jesu Christe, qui tégumen mortalitátis nostræ assúmere dignátus es, te humíliter deprecámur, ut hoc induméntum, quod in memóriam tuæ SS̃mæ Passiõnis et Mortis institútum fuit, bene ✠ dicere et sancti ✠ ficare dignéris, ut hic fámulus tuus (*vel* hæc fámula tua) qui (*vel* quæ) ipsum gestáverit, ejúsdem Passiõnis párticeps efféctus (*vel* effécta) ætérnam glóriam tuam cónsequi mereátur. Qui vivis et regnas in sæcula sæculórum. *Ry.* Amen.

*Hic Sacerdos sacrum Habitum vel Scapulare aspergit aqua benedicta, et illud imponit dicens:*

Induat te Dóminus novum hóminem, ut hac lúgubri pœniténtiæ téssera munítus júgiter aspicias ad Jesum, quem manus impiórum confixerunt, et dóleas super eum ut doléri solet in morte primogéniti. *Ry.* Amen.

*Deinde subjungit:*

Et ego ex facultáte mihi concéssa recípio te ad participatiónem ómnium bonórum spirituálium, quibus ex Apostólico Privilégitio gáudet Congregátio SS̃mæ Crucis et Passiõnis D. N. Jesu Christi. In nomine ✠ Patris et Fílii et Spíritus sancti. Amen.

*In fine tandem:*

Pássio Dómini Nostri Jesu Christi sit semper in córdibus nostris. Amen.

## BENEDICTIO ROSARIORUM B. M. V.

(Propria Ordinis Prædicatorum).

*Y.* Adjutórium nostrum in nómine Dómini.

*Ry.* Qui fecit cælum et terram.

*Y.* Dómine exáudi oratiónem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

ORÉMUS.

OMNIPOTENS et miséricors Deus, qui propter exímiam charitátem tuam qua dilexísti nos, Fílium tuum unigénitum Dóminum nostrum Jesum Christum de cælis in terram descéndere, et de Beatíssimæ Mariæ Dóminæ Nostræ útero sacratíssimo, Angelo nunciánte, carnem suscípere, crucémque ac mortem subíre, et tértia die glorióse a mórtuis resúrgere voluísti, ut nos eríperes de potestáte diáboli: obsecrámus imménsam cleméntiam tuam; ut hæc signa Rosárii in honórem et láudem ejúsdem Genitrícis Fílii tui ab Ecclésia tua fidéli dicáta bene ✠ dícas et sancti ✠ fices, eisque tantam infúndas virtútem Spíritus sancti, ut quicúmque horum quódlibet secum portáverit, atque in domo sua reverénter tenúerit, et in eis ad te, secúndum ejúsdem sanctæ Societátis institúta, divína contempládo mystéria devóte oráverit, salúbri et perseveránti devotióne abúndet, sitque consors et párticeps ómnium gratiárum, privilegiórum et indulgentiárum, quæ eidem Societáti per sanctam Sedem Apostólicam concéssa fuérunt, ab omni hoste visíbili et invisíbili semper et ubíque in hoc sæculo liberétur, et in éxitu suo ab ipsa Beatíssima Vírgine Mariá Dei Genitríce tibi plenus bonis opéribus præsentári mereátur. Per eúndem Dóminum nostrum Jesum Christum etc. R. Amen.

Deinde aspergantur aqua benedicta.

## ABSOLUTIO IMPERTIENDA

## CONFRATRIBUS ROSARII IN ARTICULO MORTIS CONSTITUTIS

(Propria Ordinis Prædicatorum).

**Dicto** Confiteor etc. **Sacerdos dicat:** Misereatur etc. Indulgentiam etc. **deinde:**

**D**OMINUS Noster Jesus Christus Fílius Dei vivi, qui B. Petro Apóstolo suo dedit potestátem ligándi et solvéndi, per suam piíssimam misericórdiam recipiat confessiónem tuam, et remíttat tibi ómnia peccáta, quæcúmque et quomodocúmque in toto vitæ decúrsu commisísti; de quibus corde contrítus et ore conféssus es, restítuens tibi stolam primam quam in baptísmate recepísti. Et per Indulgentiam plenáriam a Summis Pontificibus Innocéntio Octavo et Pio Quinto, Confrátribus Sanctíssimi Rosárii in articulo mortis constitútis concéssam, líberet te a præsentis ac futuræ vitæ pœnis, dignétur purgatorii cruciátus remítttere, portas inférni cláudere, paradísi jánuam aperíre: teque ad gáudia sempitérna perdúcere, per sacratíssima suæ vitæ, passiónis et glorificatiónis mystéria Sanctíssimo Rosáριο comprehénsa. Qui cum Patre et Spírítu sancto Deus unus vivit et regnat in sæcula sæculórum. Amen.

## BENEDICTIO HABITUS

## AC RECEPTIO CONFRATRUM B. M. V. DE MONTE CARMELO

(Propria Ordinis Carmelitarum.)

Sodalitati huic nomen daturus, ipso die ad Pœnitentiæ, atque Eucharistiæ Sacramenta accedat, ut plena-



riam Indulgentiam a Paulo V. concessam lucrari valeat.

Si fieri potest, Scapulare benedicendum est ad Altare Beatissimæ Virginis Mariæ de monte Carmelo, duobus cereis accensis.

Sacerdos superpelliceum induat, una cum stola albi coloris.

Genuflexo qui habitum recipit, Sacerdos stans dicat:

Suscipimus Deus misericórdiam tuam in médio templi tui: secúndum nomen tuum Deus, sic et laus tua in fines terræ: justítia plena est délixtera tua.

Kyrie eléison. Christe eléison. Kyrie eléison.  
Pater noster.

Ÿ. Et ne nos indúcas in tentatiónem.

R. Sed líbera nos a malo.

Ÿ. Salvum fac servum tuum.

R. Deus meus, sperántem in te.

Ÿ. Mitte ei, Dómine, auxiliúm de sancto.

R. Et de Sion tuére eum.

Ÿ. Nihil proficiat inimícus in eo.

R. Et filius iniquitátis non appónat nocére ei.

Ÿ. Dómine, exáudi oratiónem meam.

R. Et clamor meus ad te véniat.

Ÿ. Dóminus vobíscum.

R. Et cum spírítu tuo.

#### ORÉMUS.

SUSCIPIAT te Christus in número fidélium suórum, et nos, licet indígni, te suscipimus in oratióibus nostris. Concédát tibi Deus per Unigénitum suum mediatórem Dei et hóminum tempus bene vivéndi, locum bene agéndi, constántiam bene perseveránda, et ad ætérnæ vitæ hæreditátem feliciter perveniénda; et

sicut nos hódie fratérna cháritas spirituáliter jungit in terris, ita divína píetas, quæ dilectiónis est áuctrix et ámatrix, nos cum fidélibus suis conjúgere dignétur in cælis. Per eúndem Christum Dóminum nostrum.

**R.** Amen.

**Y.** Adjutórium nostrum in nómine Dómini.

**R.** Qui fecit cælum et terram.

**Y.** Sit nomen Dómini benedíctum.

**R.** Ex hoc nunc et usque in sæculum.

**Y.** Dómine exáudi oratióne meam.

**R.** Et clamor meus ad te véniat.

**Y.** Dóminus vobíscum.

**R.** Et cum spíritu tuo.

#### ORÉMUS.

**Æ**TERNE Pater, et Omnípotens Deus, qui Unigénitum tuum vestem nostræ mortalitátis indüere voluísti: obsecrámus imménsam tuæ largitátis bene **✠** dictiónem in hoc genus efflüere vestimenti, quod sancti Patres ad innocéntiæ et humilitátis indícium a renuntiántibus sæculo gestári sanxérunt, et sic ipsum bene **✠** dicere dignéris; ut quicúmque eo usus fúerit indüere mereátur ipsum Dóminum nostrum Jesum Christum Fílium tuum, qui tecum vivit, et regnat in unitáte Spíritus sancti Deus, per ómnia sæcula sæculórum.

**R.** Amen.

#### ORÉMUS.

**S**UPPLICITER te, Dómine, rogámus, ut super hunc hábitum servo tuo (**vel** ancillæ tuæ) imponéndum bene **✠** dictio tua benigna descéndat, ut sit bene **✠** dictus, atque divína virtúte procul pellántur hóstium nostrórum visibílium et invisibílium teja nequíssima.

**R.** Amen.

Aspergat habitum Aqua benedicta, et imponendo dicat:

Accipe vir devôte (**vel** devóta múlter) hunc hábitum benedictum, precáns Sanctíssimam Vírginem, ut ejus méritis illum pérferas sine mácula, et te ab omni adversitáte deféndat, atque ad vitam perdúcat ætérnam.

**R.** Amen.

Adesto Dómine supplicatióibus nostris, et hunc fámulum tuum (**vel** hanc ancíllam tuam), quem (**vel** quam) Sodalitati sanctæ Religiónis Carmelitárum sociámus, perpétua tríbue firmitáte corroborári, ut perseveránti propósito, in omni sanctitate tibi váleat famulári.

Prótege, Dómine, fámulum tuum (**vel** ancíllam tuam) subsidiis pacis, et B. Mariæ semper Vírginis patrocíniis confidéntem a cunctis hóstibus redde secúrum (**vel** secúram).

Bene ✠ dicat te cónditor cæli et terræ Deus omnipotens, qui te eligere dignátus est ad Beatíssimæ Vírginis Mariæ de monte Carmélo Societátem, et Confraternitátem; quam precámur, ut in hora óbitus tui cónterat caput serpéntis, qui tibi est adversárius, et tandem tamquam victor palmam, et corónam sempitérnæ hæreditátis consequáris. Per Christum Dóminum nostrum.

**R.** Amen.

Si autem habitus solum sit benedicendus incipitur a **Ÿ.** Adjutórium nostrum, usque ad orationem Suppliciter inclus.

Deinde aspergat Confratrem Aqua benedicta et subjungat:

Ego auctoritate, qua fungor, et mihi concéssa recípio

te ad Confraternitatem sacrae Religionis Carmelitarum, et investio, ac participem te facio omnium bonorum spirituálíum ejúsdem Ordinis. In nómine Patris, et Fí ✠ lii, et Spíritus sancti. Amen.

His expletis describatur Confratris nomen in codice Confraternitatis, et paucis sed efficacioribus verbis Sacerdos eum adhortetur ad caute, pie, sanctequè vivendum, ne Deiparam offendat, quam in posterum peculiari devotionis obsequio et affectu colere, ac veluti singularem ac dulcissimam Matrem prosequi fas erit.

### ABSOLUTIO IMPERTIENDA

#### CONFRATRIBUS B. M. V. DE MONTE CARMELO IN ARTICULO MORTIS CONSTITUTIS

(Propria Ordinis Carmelitarum).

Cum Sacerdos ingressus fuit infirmi cubiculum, dicat:

Ÿ. Pax huic dómui.

R. Et ómnibus habitántibus in ea.

Deinde imposita stola violacei coloris, aspergat ægrum et circumstantes Aqua benedicta in modum crucis dicens:

Aspérge me hyssópo etc.

Miserére mei Deus secúndum magnam misericórdiam tuam. Glória Patri etc.

Et repetitur *Antiphona*. Aspérge me etc.

Ÿ. Salvum fac servum tuum.

R. Deus meus sperántem in te.

Ÿ. Nihil proficiat inimícus in eo.

R. Et filius iniquitátis non appónat nocére ei.

Ÿ. Mitte ei, Dómine, auxiliúm de sancto.

R. Et de Sion tuere eum.

V. Dómine, exáudi oratiómem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

## ORÉMUS.

**E**XAUDI nos, Dómine sancte Pater omnípotens ætérne Deus, et mittere dignéris sanctum ángelum tuum de cælis, qui custódiat, foveat, prótegat, visitet, atque deféndat omnes habitántes in hoc habitáculo. Per Christum Dóminum nostrum. R. Amen.

Deinde genuflexus dicat Litanias B. V. Mariæ.

Kyrie eléison. Christe eléison etc.

Pater noster, et Ave María.

Sub tuum præsidium confúgimus sancta Dei Génitrix, nostras deprecationes ne despicias in necessitatibus nostris, sed a periculis cunctis libera nos semper Virgo gloriósa et benedícta. Dómina nostra, mediátrix nostra, advocáta nostra tuo eum Fílio reconcília, tuo eum Fílio repræsénta.

V. Ora pro eo sancta Dei Génitrix.

R. Ut dignus efficiátur promissionibus Christi.

V. Dómine, exáudi oratiómem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

## ORÉMUS.

**P**ROTEGE, Dómine, fámulum tuum (*vel* fámulam tuam) subsidiis pacis, et Beátæ Mariæ semper Vírginis patrocíniis confidéntem a cunctis hóstibus redde secúrum.

Sanctíssimæ Genitrícis tuæ Sponsi, quæsumus Dómine, méritis adjuvémur; ut quod possibilitas nostra non óbtinet, ejus nobis intercessióne donétur.

Omnípotens et miséricors Deus, qui humáno géneri et salutis remédia, et vitæ æternæ subsidia contulisti: respice propítius fámulum tuum (**vel** fámulam tuam) infirmitáte córporis laborántem, et ánimam réfove quam creásti; ut in hora éxitus illius absque peccáti mácula tibi Creatóri suo per manus sanctórum Angelórum repræsentári mereátur.

Deus infirmitátis humanæ singuláre præsidium, auxilií tui super infirmum fámulum tuum (**vel** infirmam fámulam tuam) osténde virtútem, et sic eum grátia tua confirmáre dignéris; ut in hora mortis ejus non prævaleat contra eum (**vel** eam) adversárius, sed cum ángelis tuis tránsitum habére mereátur ad vitam.

Omnípotens sempitérne Deus, qui montis Carméli Ordinem gloriósæ Vírginis Matris Mariæ sacráto título insignítum sanctórum tuórum Eliæ, Angeli, Cyrílli, Albérti, Terésia, et aliórum plurimórum sanctórum méritis decorásti; tríbue quæsumus; ut per eórum mérita et suffrágia ab instántibus ánimæ et córporis malis, et perículis liberátus (**vel** liberáta) ad te verum Carméli vérticem gáudens perveníre mereátur. Per Christum Dóminum nostrum. **R.** Amen.

**His absolutis dicatur** Confiteor, deinde **Sacerdos stans dicat:**

Misereátur tui omnípotens Deus, et dimíssis peccátis tuis perdúcat te ad vitam æternam. **R.** Amen.

Indulgéntiam, absolutiónem, et remissionem peccatórum tuórum tríbuat tibi omnípotens, et miséricors Dóminus. **R.** Amen.

## ORÉMUS.

**D**EUS omnipotens salvátor et redemptor géneris hu-  
máni, qui Apóstolis suis dedit ligandi et solvendi  
potestatem, ipse te absolvere dignetur ab ómnibus ini-  
quitatibus tuis, et quantum meæ fragilitati permittitur,  
auxiliante ipso sis ab ✠ solutus (vel absolúta) ante  
faciem ejus. Qui vivit et regnat, etc. *R.* Amen.

Deinde conferat Indulgentiam plenariam in hac for-  
mula :

Concedo tibi Indulgentiam plenariam peccatorum  
tuorum facultate mihi concessa, et commissa virtute  
Bullarum Ordinis Carmelitarum, quod si presens  
mortis periculum, Deo favente, evaseris, sit tibi hæc  
Indulgentia pro vero mortis articulo reservata. In nó-  
mine Patris, et Fí ✠ lii, et Spíritus sancti. Amen.

Preces in casu necessitatis possunt omitti, et illico  
ægro absolutio impertiri antequam e vita discedat.

## BENEDICTIO ET IMPOSITIO

SCAPULARIS CÆRULEI B. MARIE VIRGINIS IMMA-  
CULATÆ

(Propria Clericorum Regularium Theatinorum).

Qui suscepturus est Scapulare genuflectat, et Sacer-  
dos superpelliceo et stola alba indutus, capite detecto,  
dicat absolute :

Ÿ. Adjutorium nostrum in nómine Dómini:

R. Qui fecit cælum et terram.

Ÿ. Dóminus vobiscum.

R. Et cum spíritu tuo.

## ORÉMUS.

**D**OMINE Jesu Christe, qui tégimen nostræ mortalitatis indüere dignátus es, tuæ largitátis cleméntiam humíliter implorámus, ut hoc genus vestiménti, quod in honórem et memóriam Conceptionis Beátæ Mariæ Vírginis Immaculátæ, nec non ut illo indúti exórent in hóminum pravórum morum reformatiónem, institútum fuit, bene ✠ dicere dignéris; ut hic fámulus tuus, qui eo usus fúerit (*vel* hæc fámula tua, quæ eo usa fúerit), *si plures suscepturi sint dicatur*, hi fámuli tui qui eo usi fúerint (*vel* hæc fámulæ tuæ quæ eo usæ fúerint) eadem Beáta María Vírgine intercedénte, te quoque indüere mereátur (*vel* mereántur). Qui vivis et regnas in sæcula sæculórum. *R.* Amen.

*Postea Sacerdos nihil dicendo aspergit Scapulare (vel Scapularia) aqua benedicta: deinde illud imponit dicens:*

Accipe, Frater, (*vel* Soror) Scapuláre Conceptionis Beátæ Mariæ Vírginis Immaculátæ, ut, ea intercedénte, véterem hóminem exútus (*vel* exúta), et ab omni peccatórum inquinaménto mundátus (*vel* mundáta), ipsum pérferas sine mácula, et ad vitam pervénias sempitérnam. Per Christum Dóminum nostrum. Amen.

*Postea subjungit:*

Et ego, ex facultáte mihi concéssa, recípio te (*vel* vos) ad participatióem bonórum ómnium spirituálium, quæ in Clericórum Regulárium Congregatióne, ex grátia Dei, fiunt, et quæ per Sanctæ Sedis Apostólicæ privilégium concéssa sunt.

In nómine Patris et Fílii ✠ et Spíritus sancti.

*R.* Amen.



Describat nomen ejus (vel nomina eorum) in Libro consueto: et dicat, trina vice, flexis genibus, Orationem sequentem vulgari sermone una cum adscripto (vel adscriptis).

Láudes ac grátiae sint omni moménto Sanctíssimo ac Diviníssimo Sacraménto.

Et benedícta sit Sancta et Immaculáta Concéptio Beátæ Vírginis Mariæ.

Hortetur fideles ut haec elogia sæpe sæpius repetant ad Indulgentias 200 dierum consequendas.

Rescr. Pii VI 21 Novembris 1793. — Decr. Pii VII 30 Junii 1818.

## ORDO APPLICANDI

### INDULGENTIAM PLENARIAM IN ARTICULO MORTIS.

Dicatur ab infirmo, si vires habeat, vel ab alio, si infirmus nequeat: Confiteor Deo etc. a Sacerdote vero Misereatur, et Indulgéntiam, etc. deinde:

**D**OMINUS noster Jesus Christus, Fílius Dei vivi, qui beáto Petro Apóstolo suo dedit potestátem ligándi atque solvéndi, per suam piíssimam misericórdiam te absólvat; et ego auctoritáte ipsíus, et beatórum Apostolórum Petri, et Páuli ex speciali grátia mihi trádita, tíbique concéssa, a Summis Pontificibus confirmáta, absólvo te ab omni vínculo-excommunicatiónis majóris, et minóris, (suspensiónis) et interdícti, si tenéris, in quantum possum et tu índiges; et restítuo te sanctis Sacraméntis, Ecclésiæ communióni, et unitáti fidélium. In nómine Patris, et Fílii ✠, et Spíritus sancti. Amen

Item eádem auctoritáte mihi trádita, et tibi concéssa,

ego te absolvo ab ómnibus peccátiis tuis, quæcúmque toto decúrsu vitæ quomodocúmque commisisti, de quibus corde contrítus (**vel** contríta) et ore conféssus (**vel** conféssa) es, et quorum memóriam non habes usque in præsentem diem, et de quibus confitéri mí-nime recordátus (**vel** recordáta) fuísti, et restituo te illi innocéntiæ, in qua eras, quando baptizátus (**vel** bapti-záta) fuísti, et puritáti eídem, in quantum claves sanctæ matris Ecclésiæ se exténdunt. Remítto tibi étiam pœ-nas purgatórii, quas per culpas, et offénsas contra Deum, et próximum, et teípsum (**vel** teípsum) com-míssas incurristi. Cláudo tibi portas Inférni, jánuas apério Paradísi: bona per te facta, et faciéndá, sint tibi in remissionem peccatórum, in augméntum grátiae, et præmium vitæ ætérnæ: et hoc si in infirmitáte, qua ægrótas, decédas: álias ex misericórdia Dei salva sint tibi, donec fúeris in artículo mortis constitútus (**vel** constitúta). In nómine Patris, et Fílii ✝, et Spíritus sancti. Amen.

## BENEDICTIO ET IMPOSITIO

### SCAPULARIS B. MARIE VIRGINIS DE MERCEDE

(Propria Ordinis B. M. V. de Mercede Redemptionis Captivorum).

**Sacerdos superpelliceo et stola albi coloris indutus dicit:**

**Ÿ.** Osténde nobis, Dómine, misericórdiam tuam.

**R.** Et salutáre tuum da nobis.

**Ÿ.** Dóminus vobíscum.

**R.** Et cum spírítu tuo.

## ORÉMUS.

**D**OMINE Jesu Christe, qui tégimen nostræ mortalitátis indüere dignátus es; obsecrámus imménsæ largitátis tuæ abundántiam; ut hunc hábitum, quem sancti Patres ad innocéntiæ, et sanctitátis indícium ferre sanxérunt, ita bene ✠ dicere dignéris; ut qui eo usus fúerit te indüere mereátur. Qui vivis et regnas per ómnia sæcula sæculórum. *R.* Amen.

*Deinde aspergat habitum aqua benedicta, et eo postulantiem induat dicens:*

Ego auctoritáte Dómini Nostri Jesu Christi, et Apostolorum Petri, et Páuli, et mihi commissa, do tibi hábitum Religiónis Beátæ Mariæ de Mercéde propter devotiómem, quam geris ad Sacratíssimam et Immaculatam Matrem Dei Mariám, et Ordinem ejus sub nómine fundátum, cum quo in præsentí grátiam Spíritus sancti adipisci váleas, et in futúro sæculo glóriam ætérnam, quæ præmium est electórum. In nómine Patris, et Fílii ✠, et Spíritus sancti. Amen.

*Postea dicatur:*

## HYMNUS.

**V**ENI, Creátor Spíritus,  
 Mentés tuórum vísita,  
 Imple supérna grátia  
 Quæ tu creásti péctora.  
 Qui díceris Paráclitus,  
 Altíssimi donum Dei,  
 Fons vivus, ignis, cháritas,  
 Et spiritalis únctio.  
 Tu septifórmis múnere  
 Dígitus Patérnæ dexteræ,

Tu rite promissum Patris,  
 Sermone ditans guttura.  
 Accende lumen sensibus,  
 Infunde amorem cordibus,  
 Infirma nostri corporis  
 Virtute firmans perpeti.  
 Hostem repellas longius,  
 Pacemque dones protinus:  
 Ductore sic te praevio,  
 Vitemus omne noxium.  
 Per te sciamus da Patrem,  
 Noscamus atque Filium:  
 Teque utriusque Spiritum  
 Credamus omni tempore.  
 Deo Patri sit gloria,  
 Et Filio, qui a mortuis  
 Surrexit, ac Paraclito,  
 In saeculorum saecula.  
 Amen.

*Y.* Emitte spiritum tuum, et creabuntur.

*R.* Et renovabis faciem terrae.

*Y.* Salvum fac servum tuum, (*vel* ancillam tuam).

*R.* Deus meus sperantem in te.

*Y.* Dominus vobiscum.

*R.* Et cum spiritu tuo.

#### ORÉMUS.

**A** DESTO, Domine, supplicationibus nostris, et hunc famulum tuum (*vel* famulam tuam) bene ✠ dicere digneris, cui in tuo sancto nomine habitum sanctae Religionis B. Mariae de Mercéde imponimus, quem ex devotione cupit portare, dum vitam duxerit in humanis:

ut te largiēte, et devótus (vel devóta) in Ecclēsia persístere, et vitam percípere mereátur ætérnam. Per Christum Dóminum nostrum. **R.** Amen.

## BENEDICTIO

## ALIA EJUSDEM SCAPULARIS

(Propria ejusdem Ordinis).

- V.** Adjutórium nostrum in nómine Dómini.  
**R.** Qui fecit cælum et terram.  
**V.** Ostēde nobis, Dómine, misericórdiam tuam.  
**R.** Et salutáre tuum da nobis.  
**V.** Dómine, exáudi oratióem meam.  
**R.** Et clamor meus ad te véniat.  
**V.** Dóminus vobíscum.  
**R.** Et cum spírítu tuo.

## ORÉMUS.

**D**OMINE Jesu Christe, qui tégimen nostræ mortalitátis indúere dignátus es: obsecrámus imménsæ largitátis tuæ abundántiam; ut hoc genus vestimentórum, quod sancti Patres ad innocétiæ et sanctitátis indícium ferre sanxérunt, ita bene **✠** dícere dignéris; ut qui hoc usus fúerit, te indúere mereátur. Qui vivis et regnas in sæcula sæculórum. **R.** Amen.

## ORÉMUS.

**P**ATER misericordiárum et Deus totíus consolatiónis, qui te máxime mirábilem et laudábilem præbes in gloriosíssima Vírgine María, unigéniti Fílii tui Matre, qui nobis eam in misericórdiæ Matrem donásti, captivórumque redemptricem effecísti, in ipsáque glorificári

cómplaces: tuam súpplīces exorámus cleméntiam; ut super hoc signum (scapuláre seu vestiméntum) pro ipsíus sanctíssimæ Vírginis veneratióne adaptátum, et super quámlibet ipsíus partem, sacram tuam bene ✠ dictiónem benígnus effúndas; et præstes, ut qui ea devóte colúerit, potentíssimum redemptrícis supérnæ experiátur auxiliū, tuámque misericórdiam piíssimam in præsentī et in futúro sæculo. Per eúndem Christum Dóminum nostrum. *Ry.* Amen.

## ORÉMUS.

CLEMENTISSIME Dómine Deus, qui Beatíssimam Vírginem Mariam, Filii tui felicíssimam Matrem byssino splendénti, et cándido in ætérnum fulgére fecisti; bene ✠ dícere, quæsumus, velis album istud operiméntum, in ejúsdem Vírginis Matris, captivórum auxiliatrícis, honórem consecrátum; ut qui venerétur devóte, a malis ómnibus sit liber, et supérno byssino in cælis vestíri mereátur. Per eúndem Christum Dóminum nostrum. *Ry.* Amen.

*Aspergatur aqua benedicta.*

## BENEDICTIO ET IMPOSITIO

## CINCTURÆ BEATÆ MARIÆ VIRGINIS

(Propria Ordinis Eremitarum S. Augustini).

*Sacerdos superpelliceo ac stola alba indutus dicat:*

*Vy.* Adjutórium nostrum in nómine Dómini.

*Ry.* Qui fecit cælum et terram.

*Vy.* Dómine, exáudi oratióne meam.

*Ry.* Et clamor meus ad te véniat.

*Vy.* Dóminus vobíscum.

*Ry.* Et cum spírītu tuo.

## ORÉMUS.

**O**MNIPOTENS et miséricors Deus, qui peccatóribus pietátis tuæ misericórdiam quæréntibus, véniam, et misericórdiam tríbuis; orámus cleméntiam tuam; ut hanc corrígiam bene ✠ dícere, et sanctificáre dignéris, ut omnis persóna, quæ pro peccátis suis illa præcíncta fúerit, atque eam portáverit, gratam tibi continéntiam, mandatorúmque tuórum obediéntiam servet, et intercedéntibus Beata María semper Vírgine, ac sanctis Augustíno, et Mónica, véniam peccatórum suórum obtíneat, et vitam consequátur ætérnam. Per Christum Dóminum nostrum. *R.* Amen.

## ORÉMUS.

**P**RECAMUR te, Dómine sancte, Pater omnípotens, ætérne Deus, ut hanc corrígiam in signum puritátis bene ✠ dícas ad restringéndo lumbos, et renes, et voluntátem sub tua lege compriméndam; ut quicúmque illam devotiónis stúdio semper portáverit, et misericórdiam tuam imploráverit, véniam, et indulgéntiam tuæ sanctíssimæ misericórdiæ consequátur. Per Christum Dóminum nostrum. *R.* Amen.

## BENEDICTIO CORONÆ.

**D**OMINE Jesu Christe, qui discípulos tuos oráre docuísti: súscipe quæsumus bene ✠ dicéndo oratiónes famulórum, famularúmque tuárum; ut illórum orátio a te semper incípiat, et per te cœpta finiátur. Qui vivis et regnas in sæcula sæculórum. *R.* Amen.

## BENEDICTIO PERSONÆ.

**A**DESTO, Dómine supplicatióibus nostris; ut hic fámulus tuus (vel hæc fámula tua) cui in tuo sanctíssimo Nómine hanc corrígiam impónimus, te largiénte semper devóte in sancta religióne persístat. Per Christum Dóminum nostrum. **R.** Amen.

*Deinde ipsam aspergat aqua benedicta.*

*Postea eam cingens corrígia dicat:*

Accipe corrígiam super lumbos tuos, ut sint lumbi tui præcíncti in signum temperántiæ, et castitátis. In nómine Patris, et Fílii ✠, et Spíritus sancti. Amen.

*Deinde dicat Sacerdos:*

Dóminus qui cœpit in vobis opus bonum, et ipse perficiat, et augméntum grátia, et glóriæ, méritis Beátæ Mariæ semper Vírginis, et sancti Augustíni, ejúsque devotíssimæ matris Mónica vobis concédát. Amen.

Et ego auctoritáte qua fungor, indultóque Apostólico mihi commísso, vos recípio, atque accépto et partícipes ómnium bonórum, quæ fiunt per totum Ordinem sancti Augustíni constítuo.

Benedíctio Dei omnipoténtis Patris, et Fílii ✠, et Spíritus sancti descéndat super vos, et máneat semper. Amen.

## BENEDICTIO

## IMPETIENDA CONFRATRIBUS CINCTURATIS IN ARTICULO MORTIS CONSTITUTIS

(Propria Ordinis Eremitarum sancti Augustini).

**Y.** Pax huic dómui.

**R.** Et ómnibus habitántibus in ea.



Confiteor Deo omnipoténti, etc.

Misereátur tui omnípotens Deus, etc.

**D**OMINUS noster Jesus Christus per suam piíssimam misericórdiam te absólvat, et ego auctoritáte ipsíus, et beatórum Apostolórum Petri, et Páuli, ac sanctæ Románæ Ecclésiæ, in hac parte tibi concéssa, et mihi commíssa, in quantum possum, et váleo, et débeo, et mihi permíttitur, absólvo te ab omni senténtia excommunicatiónis majóris, vel minóris, suspensiónis, et interdícti, a participatióne cum excommunicátis, et restítuo te sacrosánctis Sacraméntis, Ecclésiæ comunióni, et unitáti Fidélium; in nómine Patris, et Fílii ✠, et Spíritus sancti. Amen.

Item eádem auctoritáte ego absólvo te ab ómnibus peccátis tuis, conféssis páriter, et oblítis, et a pœnis ómnibus tibi in Purgatório débitis propter culpas, et offénsas, quas contra Deum, teípsum, et próximum tuum commisísti. In nómine Patris, etc.

Et hoc, si hac, qua ægrótas, infirmitáte moriáris, sin autem salva tibi sit, donec fúeris in mortis artículo constitútus. In nómine Patris, et Fílii ✠, et Spíritus sancti. Amen.

## BENEDICTIO

### CORONÆ SEPTEM DOLORUM B. MARIE VIRGINIS

(Propria Ordinis Servorum B. M. V.).

Sacerdos superpelliceo ac stola alba indutus dicat:

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dóminus vobíscum.

R. Et cum spíritu tuo.

## ORÉMUS.

**O**MNIPOTENS et miséricors Deus, qui propter ní-  
miam charitátem, qua dilexísti nos, Fílium tuum  
unigénitum Dóminum nostrum Jesum Christum pro  
redemptióne nostra de cælis ad terram descéndere,  
carnem suscipere, et crucis torméntum subíre voluísti:  
obsecrámus imménsam cleméntiam tuam; ut hanc  
corónam, in memóriam septem dolórum Genitrícis  
Fílii tui ab Ecclésia tua fidéli dicátam, bene ✠ dicas,  
et sanctí ✠ fices, et ei tantam Spíritus sancti virtútem  
infúndas; ut quicumque eam recitáverit, ac secum  
portáverit, atque in domo sua reveréter tenúerit, ab  
omni hoste visíbili et invisíbili, semper et ubíque in  
hoc sæculo liberétur, et in éxitu suo a Beatíssima Vír-  
gine María tibi bonis opéribus coronátus præsentári  
mereátur. Per eúndem Christum Dóminum nostrum.  
Amen.

Deinde Sacerdos aspergat coronam aqua benedicta.  
Postea eam porrigens dicat:

Accipe coronam Beátæ Mariæ Virginitis in memóriam  
septem dolórum suórum contéxtam, ut dum eam ore  
laudáveris, ejus pœnas toto corde compatiáris. Amen.

Deinde benedicens dicat:

Pax et benedictio Dei omnipoténtis Patris ✠, et Fí-  
lii et Spíritus sancti descéndat super te (vel super vos)  
et máneat semper. *R.* Amen.

## BENEDICTIO CINGULI

## S. THOMÆ AQUINATIS AD SERVANDAM CASTITATEM

(Propria Ordinis Prædicatorum).

*Y.* Adjutórium nostrum in nómine Dómini.

*R.* Qui fecit cælum et terram.

*Ÿ.* Dóminus vobíscum.

*R.* Et cum spírítu tuo.

ORÉMUS.

**D**OMINE Jesu Christe Fili Dei vivi, puritátis amátor et custos, obsecrámus imménsam cleméntiam tuam; ut sicut ministério angelórum sanctum Thomam Aquinátem cingulo castitátis cingere, et a labe córporis, ac ánimæ præserváre fecísti; ita ad honórem et glóriam ejus bene ✠ dícere et sancti ✠ ficáre dignéris cingula ista, ut quicúmque ipsa circa renes reverénter portáverit ac tenúerit, ab omni immundítia mentis et córporis purificétur, atque in éxitu suo per manus sanctórum angelórum tibi digne præsentári mereátur. Qui cum Patre et Spírítu sancto vivis et regnas in sæcula sæculórum. *R.* Amen.

*Et aspergatur aqua benedicta.*

BENEDICTIO NUMISMATUM

S. BENEDICTI

(Propria Ordinis S. Benedicti).

Sacerdos benedicturus Numismata sancti Benedicti incipit absolute:

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Exorcízo vos, Numísmata, per Deum Patrem ✠ omnipoténtem, qui fecit cælum et terram, mare et ómnia quæ in eis sunt. Omnis virtus adversárii, omnis exércitus diáboli, et omnis incúrsus, omne phantásma sátanæ eradicáre et effugáre ab his Numismátibus, ut fiant ómnibus qui eis usúri sunt salus mentis et

córrporis, in nómine Patris ✠ omnipoténtis, et Jesu ✠ Christi Fílii ejus Dómini nostri, et Spíritus sancti ✠ Parácliti, et in charitaté ejúsdem Dómini nostri Jesu Christi, qui ventúrus est judicáre vivos et mórtuos, et sæculum per ignem. **R.** Amen.

Kyrie eléison, Christe eléison, Kyrie eléison. Pater noster, *secreto*.

**V.** Et ne nos indúcas in tentatiónem.

**R.** Sed libera nos a malo.

**V.** Salvos fac servos tuos.

**R.** Deus meus, sperántes in te.

**V.** Esto nobis, Dómine, turris fortitúdinis.

**R.** A fácie inimíci.

**V.** Dóminus virtútem pópulo suo dabit.

**R.** Dóminus benedícet pópulum suum in pace.

**V.** Mitte eis, Dómine, auxiliúm de sancto.

**R.** Et de Sion tuére nos.

**V.** Dómine, exáudi oratiónem meam.

**R.** Et clamor meus ad te véniat.

**V.** Dóminus vobíscum.

**R.** Et cum spíritu tuo.

#### ORÉMUS.

**D**EUS omnípotens bonórum ómnium largítor, súplices te rogámus; ut per intercessiónem sancti Benedicti, his sacris Numismátibus lítteris ac caractéribus a te designátis tuam benedictiónem infúndas: ut omnes qui ea gestáverint ac bonis opéribus inténti fúerint, sanitátem mentis et córrporis, et grátiam sanctificatiónis, atque indulgéntias nobis concéssas cónsequi mereántur, omnésque diaboli insídias et fráudes, per auxiliúm misericórdiæ tuæ effúgere váleant, et in con-

spéctu tuo sancti et immaculáti appáreant. Per Dóminum nostrum, etc. *R.* Amen.

## ORÉMUS.

**D**OMINE Jesu Christe, qui voluísti pro totíus mundi redemptione de Virgine nasci, circumcédi, a Judæis reprobári, Judæ ósculo tradi, vínculis alligári, spinis coronári, clavis perforári, inter latrónes crucifigi, lancea vulnerári, et tandem in cruce mori: per hanc tuam sanctíssimam passiónem humíliter exóro; ut omnes diabólicas insídias et fráudes expéllas ab eo, qui Nomen Sanctum tuum his lítteris ac caractéribus a te designátis devóte invocáverit, et eum ad salútis portum perdúcere dignéris. Qui vivis et regnas in sæcula sæculórum. *R.* Amen.

Benedíctio Dei Patris omnipoténtis, et Fílii ✠, et Spíritus sancti descéndat super hæc Numísmata, ac ea gestántes, et máneat semper. Amen.

Deinde Sacerdos aspergit Numismata aqua benedicta.

## BENEDICTIO ET IMPOSITIO

## CHORDÆ S. FRANCISCI

(Propria Ordinis Minorum Conventualim).

Sacerdos indutus superpelliceo ac stola alba dicat:

*V.* Adjutórium nostrum in nómine Dómini.

*R.* Qui fecit cælum et terram.

*V.* Ora pro nobis beáte Pater Francíse.

*R.* Ut digni efficiámur promissionibus Christi.

*V.* Dómine, exáudi oratióne meam.

*R.* Et clamor meus ad te véniat.

*Ÿ.* Dóminus vobíscum.

*R.* Et cum spírítu tuo.

ORÉMUS.

**D**EUS qui ut servum redímeres, Fílium tuum per manus impiórum ligári voluísti; béne ✠ dic, quæsumus, funem istum et præsta; ut fámulus tuus qui eo velut ligámíne pœnitentiáli sui córporis cingétur, vinculórum ejúsdem Dómini nostri Jesu Christi perpétuo memor exístat, et in Ordine, quem assúmpsit, perénnter perseveret, túsque cum afféctu semper obséquíis se alligátum esse cognóscat. Per Dóminum nostrum, etc. *R.* Amen.

ORÉMUS.

**O**MNIPOTENS sempitérne Deus, qui ómnibus peccatóribus quæréntibus véniam et misericórdiam, quæ síta et optáta misericórditer tribuísti: orámus imménsam cleméntiam tuam: ut has chordas (*vel* hanc chordam) bene ✠ dícere et sanctificáre dignéris; ut quicúmque iis (*vel* ea) pro peccátis suis cincti fúerint (*vel* cinctus fúerit), et cleméntiam tuam imploráverint (*vel* imploráverit) méritis et intercessióne beatíssimi servi tui Francísci véniam et indulgéntiam suórum peccatórum, fructúmque tuæ sanctæ misericórdiæ consequántur (*vel* consequátur). Per Christum Dóminum nostrum. *R.* Amen.

Deinde aspergatur aqua benedicta; mox Sacerdos cingendo eum chorda dicat:

Accipe chordam super lumbos tuos, et sint lumbi tui præcíncti in signum castitátis. In nómine Patris, et Fílii ✠ et Spírítus sancti. *R.* Amen.

## BENEDICTIO ET IMPOSITIO

CINGULI LANEI PRO CHORDIGERIS S. FRANCISCI DE  
PAULA.

(Propria Ordinis Minimorum).

Sacerdos superpelliceo et stola albi coloris indutus signans se signo crucis dicit:

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dóminus vobíscum.

R. Et cum spíritu tuo.

## ORÉMUS.

OMNIPOTENS sempitérne et miséricors Deus, qui pietátis tuæ indulgéntiam peccatóribus quæréntibus, véniam et misericórdiam tribuísti: orámus iménsam cleméntiam tuam, ut hoc cingulum láneum (vel hæc cingula lánea) bene ✠ dícere et sanctificáre dignéris; ut quicumque pro peccátis suis cincti fuerint, et misericórdiam tuam imploráverint, intercedénte beáto Francisco, véniam et indulgéntiam tuæ sanctæ misericórdiæ consequántur. Per Christum Dóminum nostrum. R. Amen.

Aspergit aqua benedicta, deinde porrigit dicens:

Accipe cingulum super lumbos tuos, ut sint lumbi tui præcincti in signum castitátis et temperántiæ. In nómine Patris ✠, et Fílii, et Spíritus sancti.

R. Amen.

## BENEDICTIONES ALIÆ

A SACRA RITUUM CONGREGATIONE APPROBATÆ.

---

 Benedictiones non reservatæ.
 

---

## BENEDICTIO INFANTIS.

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Deus noster miserétur.

*R.* Custódiens párvulos Dóminus.

*Ÿ.* Dómine, exáudi oratiónem meam.

*R.* Et clamor meus ad te véniat.

*Ÿ.* Dóminus vobíscum.

*R.* Et cum spírítu tuo.

## ORÉMUS.

**D**OMINE Jesu Christe, Fili Dei vivi, qui ante ómnia sæcula génitus, in témpore tamen infans esse voluísti, et hujus ætátis díligis innocéntiam, qui párvulos tibi oblátos amáncer compléxus es, iisque benedixísti: infántem istum præveni in benedictiόνibus dulcédinis, et præsta ne malítia mutet intelléctum ejus; eíque concéde ut proficiens ætáte, sapiéntia et grátia tibi semper placére váleat. Qui vivis et regnas cum Deo Patre in unitáte Spírítus sancti Deus per ómnia sæcula sæculórum. *R.* Amen.

Deinde infantem aspergat Aqua benedicta in modum crucis dicens: Pax et benedictio Dei omnipotentis, Patris ✠, et Filii, et Spírítus sancti descéndat super te et máneat semper. *R.* Amen.



Si fuerint plures, Oratio et Benedictio dicantur in numero plurali.

## BENEDICTIO PUERORUM,

CUM PRÆSERTIM IN ECCLESIA PRÆSENTANTUR.

Die et hora constitutis Pueri conveniant in Ecclesiam, quos ibi a parentibus vel magistris associari maxime deceret, ut in silentio et modestia facilius se componant. Quibus per ordinem dispositis, et Pueris a Puellis si adsint separatis, Sacerdos ad ipsos accedat, et brevissimo ac simplici sermone eos alloquatur, prout opportunum sibi visum fuerit:

Deinde stans versus eos dicat:

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ant.* Laudáte púeri Dóminum, laudáte nomen Dómini.

Sequen. Psalm. incipitur a ii. Versu: Sit nomen.

### PSALMUS 112.

**L**AUDATE, púeri, Dóminum, \* laudáte nomen Dómini.

Sit nomen Dómini benedíctum, \* ex hoc nunc, et usque in sæculum.

A solis ortu usque ad occásum, \* laudábile nomen Dómini.

Excélsus super omnes gentes Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humília réspicit in cælo et in terra?

Súscitans a terra ínopem, \* et de stércore érigens páuperem:

Ut cõllocet eum cum princípibus, \* cum princípibus pópuli sui.

Qui habitãre facit stérilem in domo, \* matrem filiõrum lætãntem.

Glória Patri. Sicut erat.

Et repetitur *Antiphona*: Laudãte púeri Dóminum, laudate nomen Dómini.

Qui *Psalmus* cum sua *Antiphona*, si paucis tantum, aut minus solemniter conferatur *Benedictio*, omitti poterit.

Finito *Psalmo* et repetita *Antiphona*, *Sacerdos* dicit:

*Ÿ.* Sínite párvulos veníre ad me.

*R.* Tálíum est enim regnum cælórum.

*Ÿ.* Angeli eórum.

*R.* Semper vident fáciem Patris.

*Ÿ.* Nihil proficiat inimícus in eis.

*R.* Et filius iniquitátis non appónat nocére eis.

*Ÿ.* Dómine, exáudi oratiómem meam.

*R.* Et clamor meus ad te véniat.

*Ÿ.* Dóminus vobíscum.

*R.* Et cum spírítu tuo.

#### ORÉMUS.

**D**OMINE Jesu Christe, qui párvulos tibi oblãtos et ad te veniẽntes compléxus es, manúsque super illos impónens benedixísti eis, atque dixísti: Sínite párvulos veníre ad me et nolíte prohibére eos, tálíum est enim regnum cælórum, et Angeli eórum semper vident fáciem Patris mei: réspice, quæsumus, ad puerórum ( *vel* puellárum *si solæ adsint puellæ* ) præ-séntium innocéntiam, et ad eórum paréntum devo-

tiónem, et cleméner eos (vel eas) hódie per ministérium nostrum béne ✠ dic; ut in tua grátia et misericórdia semper proficiant, te sápiant, te díligant, te tímeant, et mandáta tua custódiant, et ad finem optátum feliciter pervéniant, per te Salvátor mundi: Qui cum Patre et Spírítu sancto vivis et regnas Deus in sæcula sæculórum. *R.* Amen.

## ORÉMUS.

**D**EFENDE, quæsumus, Dómine, beáta María semper Vírgine intercedénte, istam ab omni adversitaté famíliam: et toto corde tibi prostrátam ab hóstium propítius tuére cleméner insídiis. Per Christum Dóminum nostrum. *R.* Amen.

## ORÉMUS.

**D**EUS, qui ineffábili providéntia Sanctos Angelos tuos ad nostram custódiam mittere dignáris: largíre supplicibus tuis; et eórum semper protectióne deféndi, et æténa societáte gaudére. Per Christum Dóminum nostrum. *R.* Amen.

Postea manu dextera producens signum crucis super Pueros, benedicit eos dicens:

Benedícat vos Deus, et custódiat corda vestra et intelligéntias vestras Pater ✠, et Fílius, et Spírítus sanctus. *R.* Amen.

Deinde aspergat Pueros Aqua bened. in modum crucis.

## BENEDICTIO PUERORUM ÆGROTANTIUM.

Pueri infirmi, qui ad hunc usum rationis pervenerunt ut ipsis præberi possit Sacramentum Extremæ

Uctionis, iis adjuventur exhortationibus et precibus quæ describuntur in Rituali Romano, ubi De visitatione et cura Infirmorum, prout feret temporis opportunitas, et eorundem ægotantium status.

Verum pro ceteris junioribus Pueris infirmis adhiberi poterunt sequentes preces.

Sacerdos igitur infirmi cubiculum ingressus primum dicit:

*Ÿ.* Pax huic dómui.

*R.* Et ómnibus habitántibus in ea.

Mox infirmum et lectum ejus et cubiculum aspergat nihil dicens.

Deinde dicere poterit supra infirmum Psalmum Laudáte púeri Dóminum, laudáte nomen Dómini, fol. 501, cum Glória Patri, in fine. Postea dicat: Kyrie eléison, Christe eléison, Kyrie eléison. Pater noster.

*Ÿ.* Et ne nos indúcas in tentationem.

*R.* Sed libera nos a malo.

*Ÿ.* Deus noster miserétur.

*R.* Custódiens párvulos Dóminus.

*Ÿ.* Sínite párvulos veníre ad me.

*R.* Tálíum est enim regnum cælórum.

*Ÿ.* Dómine, exáudi orationem meam.

*R.* Et clamor meus ad te véniat.

*Ÿ.* Dóminus vobíscum.

*R.* Et cum spírítu tuo.

#### ORÉMUS.

**D**EUS, cui cuncta adoléscent, et per quem adúlta firmántur: exténde dexteram tuam super hunc fámulum tuum (*vel* hanc fámulam tuam) in ténera ætáte languéntem; quátenus vigóre sanitátis recépto,

ad annórum pervéniat plenitúdinem, et tibi fidéle grátumque obséquium indesinénter præstet ómnibus diébus vitæ suæ. Per Dóminum nostrum Jesum Christum Fílium tuum, qui tecum, etc. **R.** Amen.

## ORÉMUS.

**P**ATER misericordiárum et Deus totíus consolatiónis, qui creatúræ tuæ multiplici pietáte cónsulens, non solum ánimæ sed ipsi cörperi curatiónis grátiam benígnus infúndis; hunc párvulum infirmum (**vel** hanc párvulam infirmam) a lecto ægritúdinis erigere, et Ecclésiæ tuæ sanctæ, suisque paréntibus incólumem restitúere dignéris; ut cunctis prolongátæ sibi vitæ diébus grátia et sapiéntia coram te et homínibus proficiens, in justítia et sanctitáte tibi sérviat, et débitas misericórdiæ tuæ réferat gratiárum actiões. Per Christum Dóminum nostrum. **R.** Amen.

## ORÉMUS.

**D**EUS, qui miro órdine Angelórum ministéria homínúmque dispénsas: concéde propítius; ut, a quibus tibi ministrántibus in cælo semper assístitur, ab his in terra vita hujus púeri (**vel** puéllæ) muniátur. Per Christum Dóminum nostrum. **R.** Amen.

**Completa Oratione ultima, Sacerdos imponat dexteram manum super caput infirmi, et dicat:**

Super ægros manus impónt, et bene habébunt. Jesus, Mariæ Fílius, mundi salus et Dóminus, méritis et intercessióne sanctórum Apostolórum suórum Petri et Pauli, et ómnium Sanctórum, sit tibi clemens et propítius. Amen.

**Quod sequitur Evangelium pro temporis opportuni-**

tate et pro ægotantis pueri parentum desiderio, Sacerdotis arbitrio dici poterit:

Ÿ. Dóminus vobíscum.

R. Et cum spírítu tuo.

Inítium sancti Evangéllii secúndum Joánnem.

R. Glória tibi, Dómine.

Dum Sacerdos dicit Inítium, etc., facit signum crucis de more super se in fronte, ore et pectore; similiter super puerum infirmum, si non potest se signare.

In princípío erat Verbum, etc., fol. 155.

R. Deo grátias.

Postea benedicens puerum infirmum subjungat dicens:

Benedíctio Dei omnipoténtis, Patris ✠, et Fílii, et Spírítus sancti, descéndat super te et máneat semper.

R. Amen.

Deinde aspergat eum Aqua benedicta.

Si fuerint plures infirmi in eodem cubiculo vel loco, Orationes et benedictio prædictæ dicuntur super eos numero plurali.

## IN BENEDICTIONE PUERI

### AD OBTINENDAM SUPER IPSUM MISERICORDIAM DEI.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dóminus vobíscum.

R. Et cum spírítu tuo.

### ORÉMUS.

**D**OMINE Jesu Christe Fili Dei vivi, qui dixísti: sínite parvulos veníre ad me: tálíum est enim

regnum cælórum: super hunc púerum tuum virtútem bene ✠ dictionis tuæ infúnde, ac ad Ecclésiæ et parentum illius fidem ac devotiónem respice, ut virtúte ac sapiéntia apud Deum et hómines proficiens, ad optátam pervéniat senectútem et salútem consequátur ætérnam. Qui vivis et regnas in sæcula sæculórum.

R. Amen.

Deinde *Psalmus*: Laudáte púeri Dóminum, et post Glória Patri, etc. Kyrie eléison. Christe eléison. Kyrie eléison. Pater noster: *dicitur secreto*.

Ÿ. Et ne nos indúcas in tentatiónem.

R. Sed líbera nos a malo.

Benedictio Dei omnipoténtis Pa ✠ tris, et Fí ✠ lii, et Spíritus ✠ sancti descéndat super te et máneat semper.

## BENEDICTIO

### MULIERIS PRÆGNANTIS IN PERICULIS PARTUS.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Salvam fac ancéllam tuam.

R. Deus meus sperántem in te.

Ÿ. Esto illi, Dómine, turris fortitúdinis.

R. A fácie inimíci.

Ÿ. Nihil proficiat inimícus in ea.

R. Et filíus iniquitátis non apponat nocére ei.

Ÿ. Mitte ei, Dómine, auxiliúm de sancto.

R. Et de Sion tuére eam.

Ÿ. Dómine exáudi oratiónem meam.

R. Et clamor meus ad te véniat.

Ÿ. Dóminus vobíscum.

R. Et cum spírítu tuo.

## ORÉMUS.

**O**MNIPOTENS sempitérne Deus, qui dedísti fámulis tuis in confessióne veræ fidei ætérnæ Trinitátis glóriam agnóscere, et in poténtia Majestátis adoráre Unitátem, quæsumus ut ejúsdem fidei firmitáte hæc fámula tua **N.** ab ómnibus semper muniátur advérsis. Per Christum Dóminum nostrum. **R.** Amen.

## ORÉMUS.

**D**OMINE Deus ómnium Creátor fortis et terríbilis, justus et miséricors, qui solus bonus et pius es; qui de omni malo liberásti Israel fáciens tibi patres nostros diléctos, et sanctificásti eos manu Spíritus tui; qui gloriósæ vírginis Mariæ Corpus et Animam, ut dignum Fílii tui habitáculum éffici mererétur, Spíritu sancto cooperánte præparásti; qui Joánnem Baptístam Spíritu sancto replésti, et in útero matris exultáre fecísti: áccipe sacrificium cordis contríti, ac fervens desidérium fámulæ tuæ **N.** humíliter supplicántis pro conservatióne prolis, quam ei dedísti concípere: custódi partem tuam, et ab omni dolo et injúria duri hostis defénde; ut obstetricánte manu misericórdiæ tuæ foétus ejus ad lucem prospere véniat, ac sanctæ generatióni servétur, Tibique in ómnibus júgiter desérviat, et vitam cónsequi mereátur ætérnam. Per eúmdem Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sæcula sæculórum. **R.** Amen.

Deinde Mulier aspergatur Aqua benedicta, et interim dicatur Psalmus: Deus misereátur nostri et benedicat nobis. Fol. 440.

**Y.** Benedicámus Patrem, et Fílium cum sancto Spíritu.



*R.* Laudémus et superexaltémus eum in sæcula.

*V.* Angelis suis Deus mandávit de te.

*R.* Ut custódiat te in ómnibus viis tuis.

*V.* Dómine exáudi oratióem meam.

*R.* Et clamor meus ad te véniat.

*V.* Dóminus vobíscum.

*R.* Et cum spíritu tuo.

## ORÉMUS.

**V**ISITA quæsumus Dómine habitatióem istam, et omnes insídias inimíci ab ea et a præsentí fámula tua *N.* longe repélle: Angeli tui sancti hábitent in ea, qui eam et ejus prolem in pace custódiat, et bene ✠ díctio tua sit super eam semper. Salva eos omnipotens Deus, et lucem eis tuam concéde perpétuam. Per Christum Dóminum nostrum.

*R.* Amen.

Benedíctio Dei omnipoténtis Patris ✠, et Fílii ✠, et Spíritus ✠ sancti descéndat super te, et prolem tuam et máneat semper. *R.* Amen.

## BENEDICTIO

## ANIMALIUM PESTE VEL ALIO MORBO LABORANTIUM.

Sacerdos superpelliceo et stola violacea indutus dicat:

*V.* Adjutórium nostrum in nómine Dómini.

*R.* Qui fecit cælum et terram.

*V.* Dómine, non secúndum peccáta nostra fácias nobis.

*R.* Neque secúndum iniquitátes nostras retríbuas nobis.

**V.** Hómines et juménta salvábis, Dómine.

**R.** Quemádmódu[m] multiplicásti misericórdiam tuam, Deus.

**V.** Aperis tu manum tuam.

**R.** Et imples omne ánimál benedictióne.

**V.** Dómine, exáudi oratió[n]em meam.

**R.** Et clamor meus ad te véniat.

**V.** Dóminus vobíscum.

**R.** Et cum spírítu tuo.

ORÉMUS.

**D**EU[S], qui labóribus hóminum étiam de mutis animálibus solátia subrogásti: súpplíces te rogámus; ut sine quibus non álitur humána condítio, nostris fácias úsibus non períre. Per Christum Dóminum nostrum. **R.** Amen.

ORÉMUS.

**M**ISERICORDIAM tuam, Dómine, súpplíces exorámus: ut hæc animália, quæ gravi infirmitáte vexántur, in nómine tuo atque Bene **✠** dictionis virtúte sanéntur. Extinguátur in eis omnis diabólica potéstas, nec ultérius ægrótent. Tu eis, Dómine, sis defénsor vitæ, remédium sanitátis. Per Dóminum nostrum Jesum Christum Fílium tuum, qui tecum vivit, etc. **R.** Amen.

ORÉMUS.

**A**VERTE, quæsumus, Dómine, a fidélibus tuis cuncta propítius flagélla: et morbórum in animália sæviéntium depélle pernícem; ut quos mérito plectis dévios, fóveas tua miseratióne corréctos. Per Christum Dóminum nostrum. **R.** Amen.

**Et aspergat Aqua benedicta.**

## BENEDICTIO CANDELARUM

IN FESTO SANCTI BLASII EPISC. ET MARTYR.

V. Adjutorium nostrum in nomine Domini.

R. Qui fecit cælum et terram.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

## ORÉMUS.

OMNIPOTENS et mitissime Deus, qui omnium mundi rerum diversitates, solo verbo creasti, et ad hominum reformationem, illud idem verbum, per quod facta sunt omnia, incarnari voluisti: qui magnus es et immensus, terribilis atque laudabilis, ac faciens mirabilia; pro cujus fidei confessione gloriosus Martyr et Pontifex Blasius, diversorum tormentorum genera non pavescens, martyrii palmam feliciter est adeptus, quique eidem inter cæteras grâtiâs, hanc prærogativam contulisti, ut quoscumque gutturis morbos, tua virtute curaret; Majestatem tuam suppliciter exoramus, ut non inspèctu reatus nostri, sed ejus placatus mèritis et præcibus: hanc ceræ creaturam bene ✠ dicere, ac sanctificare tua venerabili pietate digneris, tuam grâtiâ infundendo, ut omnes, quorum colla, per eam ex bona fide tacta fuerint, a quocumque gutturis morbo ipsius passionis mèritis liberentur, et in Ecclèsia sancta tua sani et hilares, tibi gratiarum referant actiones, laudentque Nomen tuum gloriosum, quod est benedictum in sæcula sæculorum. Per Dominum nostrum

Jesum Christum Fílium tuum, qui tecum vivit et regnat in unitáte Spíritus sancti Deus per ómnia sæcula sæculórum. **R.** Amen.

**Aspergatur Aqua benedicta.**

Deinde Sacerdos terminata Missa, deposita Casula, et Manipulo, accensis duobus cereis, ac in modum Crucis aptatis, apponens illos sub mento gutturi cujusvis benedicendorum, ipsis ante Altare genuflectentibus dicat.

Per intercessiónem Sancti Blásii Epíscopi et Mártyris, líberet te Deus a malo gútturis et a quólibet alio malo. In nómine Patris, et Fílii, et Spíritus sancti. Amen.

#### BENEDICTIO VEXILLI PROCESSIONALIS.

**V.** Adjutórium nostrum in nómine Dómini.

**R.** Qui fecit cælum et terram.

**V.** Dóminus vobiscum.

**R.** Et cum spíritu tuo.

#### ORÉMUS.

**D**OMINE Jesu Christe, cujus Ecclésia est véluti castrórum ácies ordináta: béne ✠ dic hoc Vexillum, ut omnes sub eo tibi Dómino Deo exercítuum militántes, per intercessiónem beáti **N.** (vel beátæ **N.**) inimícos suos visíbiles et invisíbiles in hoc sæculo superáre, et post victóriam in cælis triumpháre mereántur. Per te, Jesu Christe, qui vivis et regnas cum Deo Patre et Spíritu sancto, in sæcula sæculórum. **R.** Amen.

Deinde Vexillum aspergat Aqua benedicta.

## PRO BENEDICTIONE

VESTIUM ET CINGULI, QUÆ DEFERUNTUR IN HONOREM BEATÆ MARIE VIRGINIS.

*Y.* Adjutórium nostrum in nómine Dómini.

*R.* Qui fecit cælum et terram.

*Y.* Dóminus vobiscum.

*R.* Et cum spíritu tuo.

ORÉMUS.

**B**ENE ✠ DIC, Dómine, vestem istam in honórem et sub protectióne beatíssimæ Vírginis Mariæ suméndam, et præsta per invocatiónem sancti tui Nómínis, ut qui eam indúerit, córporis sanitátem, et ánimæ tutelám percípiat. Per Christum Dóminum nostrum.

*R.* Amen.

Deinde Vestis aspergatur Aqua benedicta.

## PRO BENEDICTIONE CINGULI.

*Y.* Adjutórium nostrum in nómine Dómini.

*R.* Qui fecit cælum et terram.

*Y.* Dóminus vobiscum.

*R.* Et cum spíritu tuo.

ORÉMUS.

**D**EUS, qui ut servum redímeres, Fílium tuum per manus impiórum ligári voluísti: béne ✠ dic, quæsumus Cíngulum istud, et præsta ut fámulus tuus, qui eo, veluti sui córporis pœnitentiáli ligámine cingétur, vinculórum ejúsdem Dómini Nostri Jesu Christi perpétuus exístat amátor, tuísque semper obséquiis se

alligátum esse cognóscat. Per eúndem Dóminum nostrum Jesum Christum filium tuum: Qui tecum vivit et regnat in unitáte, etc. *R.* Amen.

Deinde Cingulum aspergatur Aqua benedicta.

## PRO BENEDICTIÖNE

### PRIMARIJ LAPIDIS ÆDIFICIJ.

*V.* Adjutórium nostrum in nómine Dómini.

*R.* Qui fecit cælum et terram.

*V.* Dóminus vobíscum.

*R.* Et cum spírítu tuo.

### ORÉMUS.

**D**EUS, á quo omne bonum sumit inítium, et semper ad potióra progrédiens pércipit increméntum, concéde quæsumus supplicántibus nobis, ut quod ad láudem nóminis tui inchoáre aggrédimur, ætérno tuæ patérnæ sapiéntiæ múnere perducátur ad términum. Per Christum Dóminum nostrum. *R.* Amen.

### BENEDICTIO CUJUSCUMQUE MEDICINÆ.

*V.* Adjutórium nostrum in nómine Dómini.

*R.* Qui fecit cælum et terram.

*V.* Dóminus vobíscum.

*R.* Et cum spírítu tuo.

### ORÉMUS.

**D**EUS, qui mirábiliter hóminem creásti, et mirábilis reformásti, qui váriis infirmitátibus quibus detinétur húmana mortálitás múltíplici reméδιο succurrere dignátus es: propítius esto invocatióibus

nostris, et sanctam tuam de cælis Bene ✠ dictionem super hanc medicinam infunde; ut ille qui eam sumpserit (vel hi qui eam sumpserint), sanitatem mentis et corporis percipere mereatur (vel mereantur). Per Christum Dóminum nostrum. *R.* Amen.

Et mox aspergat medicinam *Aqua benedicta.*

### BENEDICTIO DOMORUM.

*In ingressu: V.* Pax huic Dómu.

*R.* Et ómnibus habitántibus in ea.

*Antiph.* Ab Oriénte venérunt Magi in Béthlehem adorare Dóminum, et apértis thesáuris suis pretiósas múnera obtulérunt, áurum Regi magno, thus Deo vero, myrrham sepultúræ ejus, Allelúja.

*Canticum.* Magnificat.

*Interea aspergitur, et incensatur domus, et in fine repetitur Antiph.* Ab Oriénte venérunt, etc.

*Pater noster, etc.*

*V.* Et ne nos indúcas in tentatiónem.

*R.* Sed líbera nos a malo.

*V.* Omnes de Saba vénient.

*R.* Aurum, et thus deferéntes.

*V.* Dómine exáudi oratiónem meam.

*R.* Et clamor meus ad te véniat.

*V.* Dóminus vobíscum.

*R.* Et cum spírítu tuo.

### ORÉMUS.

**D**EUS qui hodiérna dié Unigénitum tuum géntibus stella duce revélasti; concéde propítius, ut qui jam te ex fide cognóvimus, usque ad contemplándam

spécíem tuæ celsítudínis perducámur. Per eúndem Dóminum nostrum Jesum Christum Fílium tuum, qui tecum vivit et regnat in unitáte Spíritus sancti Deus per ómnia sæcùla sæculórum. **R.** Amen.

**Responsorium.** Illumináre illumináre Jerúsalem, quia venit lux tua. Et glória Dómini super te orta est Jesus Christus ex María Vírgine.

**Y.** Et ambulábunt gentes in lúmine tuo : et reges in splendóre ortus tui.

**R.** Et glória Dómini super te orta est.

#### ORÉMUS.

**B**ENE ✠ DIC Dómine Deus omnípotens locum istum (**vel** domum istam) ut sit in eo (**vel** in ea) sánitas, cástitas, victóriæ virtus, humílitas, bónitas et mansuetúdo, plenitúdo legis et gratiárum actio Deo Patri et Fílio et Spíritui sancto, et hæc benedíctio máneat super hunc locum (**vel** super hanc domum), et super habitántes in eo (**vel** in ea). Per Christum Dóminum nostrum. **R.** Amen.

### BENEDICTIO

#### DOMUS SCHOLARIS NOVITER ERECTÆ.

Die Dominicali vel Festivali, a Curato et Patrono constituta et rite promulgata, officians et qui adsunt Sacerdotes et Ministri, in domo parochiali, vel si in loco ubi schola benedicenda sit, domus parochialis non fuerit, in aliqua alia decenti domo paramentis coloris albi induti, omnibus bene paratis, hora statuta præcedente scholari juventute cum vexillo suo, choro et Subdiacono cum Cruce, et sequente Patrono vel



ejus commissario cum reliquis fidelibus ad hanc solemnitatem invitatis, bono ordine in solempni processione, sub pulsu campanarum et cantu Litaniarum ad omnes Sanctos vel piorum hymnorum, ex domo parochiali in Ecclesiam se conferunt, ubi officians ad aram majorem in infimo gradu genuflexus tono consueto intonat sequentem Hymnum. Quod si vero Ecclesia nulla sit in loco, sequentia dicantur in domo e qua egrediantur.

Veni sancte Spíritus: quem chorus prosequitur.

Hoc finito cantatur:

Ÿ. Kyrie eléison.

Ŕ. Christe eléison.

Ÿ. Kyrie eléison. Pater noster.

Ÿ. Et ne nos indúcas in tentatióem.

Ŕ. Sed líbera nos a malo.

Ÿ. Dómine exáudi oratióem meam.

Ŕ. Et clamor meus ad te véniat.

Ÿ. Dóminus vobíscum.

Ŕ. Et cum spírítu tuo.

#### ORÉMUS.

**D**EUS qui corda fidélium sancti Spíritus illustratióne docuísti: da nobis in eódem spírítu recta sápere, et de ejus semper consolatióne gaudére.

**D**EUS, cui omne cor patet et omnis volúntas lóquitur, et quem nullum latet secretum purífica per infusióem sancti Spíritus cogitatióes cordis nostri, ut hanc nostram benedictióem digné perficere et tuis fidéliibus perinde optátam salútem procuráre valeámus.

**A**CTIONES nostras quæsumus Dómine, aspirádo præveni et adjuvándo proséquere: ut cuncta nostra orátio et operátio a te semper incípiat et per te cœpta finiátur. Per Dóminum nostrum Jesum Christum filium tuum: qui tecum vivit et regnat in unitáte ejúsdem Spíritus sancti Deus, per ómnia sæcula sæculórum. **R.** Amen.

**Ÿ.** Sínite párvulos veníre ad me.

**R.** Tálium est enim regnum cælórum.

#### ORÉMUS.

**O**MNIPOTENS sempitérne Deus, te suppliciter deprecámur, ut respícere dignéris super infántulos tuos: infúnde in corda eórum grátiam Spíritus sancti, ut per eúndem illumináti et edócti sciant, quid acéptum sit coram te omni témpore, et proficiant sapiéntia, ætáte et grátia. Per Christum Dóminum nostrum. **R.** Amen.

**Ÿ.** Adjutóriúm nostrum in nómine Dómini.

**R.** Qui fecit cælum et terram.

**Diaconus:** **Ÿ.** Procedámus in pace.

**R.** In nómine Christi, Amen.

Nunc officians in processione solemni sub cantu scholaris juventutis et pulsu campanarum vadit ad scholam benedicendam. Quo cum pervenerit officians stans ante januam exteriorem cantat solus.

**Ÿ.** Pax huic Dómui.

**R.** Et ómnibus habitántibus in ea.

Tunc intonat Antiphonam: Aspérget me. Et chorus prosequitur tono Psalmi:

Dómine hyssópo et mundábor: lavábis me et super nivem dealbábor.

Miserere mei Deus: secundum magnam misericordiam tuam.

Glória Patri, et Fílio et Spirítui sancto: sicut erat in princípío et nunc et semper et in sæcula sæculórum, Amen.

Deinde repetitur *Antiph.* Aspérget me, Domine, hyssópo et mundábor: lavábis me et supernivem dealbábor.

Interim dum hæc cantatur, officians aspergit parietes exteriores saltem in anteriori parte aqua benedicta.

His finitis officians cantat. *Ÿ.* Dóminus vobíscum.

*R.* Et cum spírítu tuo.

#### ORÉMUS.

OMNIPOTENS miséricors Deus, qui Sacerdótibus tuis tantam præ cæteris grátiam contulisti, ut quidquid in tuo nómine digne perfectéque ab iis ágitur, a te fieri credátur: quæsumus imménsam cleméntiam tuam, ut quidquid modo visitatúri sumus, vísites, et quidquid benedictúri sumus, bene ✠ dicas, sitque ad nostræ humilitátis intróitum Sanctórum tuórum méritis fuga inimíci, ángeli pacis ingrèssus.

DOMINE Sancte Pater omnípotens, per intercessionem sanctórum Ignátii et Aloísii béne ✠ dic domum istam, béne ✠ dic intróitum nostrum, béne ✠ dic ingrèssum pedum nostrórum sicut dignátus es domum Patriarchárum Abraham, Isaac, et Jacob benedícere. Per Christum Dóminum nostrum.

*R.* Amen.

Nunc sequitur ingressus. Officians intrando amplius scholæ cubiculum cantat.

*Ÿ.* Pax huic Dómui.

Chorus respondet: **R.** Et ómnibus habitántibus in ea.

Progrediens cum clero et choro ad mensam linteo albo tectam, in qua inter duos cereos accensos Crucifixi Imago est posita, cantat:

**Ÿ.** Dómine exáudi oratiónem meam.

**R.** Et clamor meus ad te véniat.

**Ÿ.** Dóminus vobíscum.

**R.** Et cum spírítu tuo.

#### ORÉMUS.

**E**XAUDI nos Dómine, Sancte Pater omnipotens, ætérne Deus, et mittere dignéris sanctum Angelum tuum de cælis, qui custódiat, fóveat, prótegat, vísitet atque deféndat omnes habitántes docétes et discétes in hoc habitáculo. Per Christum Dóminum nostrum. **R.** Amen.

#### ORÉMUS.

**D**OMINE Jesu Christe, qui discípulis tuis dixísti: in quacúmque domum intravéritis, salutáte eam dicétes: pax huic dómui; véniat quæsumus, pax illa super hanc domum instituéndæ juventúti destinátam, et super omnes habitántes, docétes et discétes in ea, et eos, Dómine, ab omni infirmitáte erípere et liberáre dignéris: reple docétes in ea spírítu sciéntiæ, sapiéntiæ et timóris tui; reple discétes in ea grátia tua, ut, quæ salutáriter et útiliter edocéntur, intelléctu cápíant, corde retíneant, ópere exequántur, et in ómnibus nomen tuum honorificétur. Ad intróitum ergo nostrum bene **✠** dícere et sanctificáre dignéris hanc scholam et intra paríetes domus istius Angeli tuæ lucis hábitent, eámque et in ea habitántes, docétes

et discéntes custódiant. Per Christum Dóminum nostrum.

**Ry.** Amen.

Postea Officians intonat Antiphonam: Aspérges me: et chorus prosequitur ut supra. Interim fit aspersione cubiculi aqua benedicta: reversus ad mensam officians imponit thus in Thuribulum et benedicit illud dicens: Per intercessiónem sancti Michaélis Arch-ángeli, stantis a dextris altáris incénsi et ómnium sanctórum Angelórum incénsus istud dignéris Dómine bene ✠ dicere et in odórem suavitátis accípere. Per Christum Dóminum nostrum. **Ry.** Amen.

Hoc dicto sumit officians Thuribulum et incensat cubiculum choro cantante tono psalmi.

Incénsus istud a te benedíctus, ascéndat ad te Dómine et descéndat super nos misericórdia tua.

### PSALMUS 140.

Dirigátur Dómine orátio mea sicut incénsus in conspéctu tuo: elevátio mánuum meárum, sacrificium vespertinum.

Pone Dómine custódiám ori meo: et óstium circumstántiæ lábiis meis.

Non declínet cor meum in verba malítiæ ad excusándas excusatiónes in peccátis.

Glória Patri et Fílio et Spirítui sancto: sicut erat in princípío et nunc et semper, et in sæcula sæculórum. Amen.

Incensatione peracta officians stans coram imagine Crucifixi cantat.

**Y.** Dóminus vobíscum.

**Ry.** Et cum spírítu tuo.

## ORÉMUS.

**V**ISITA quæsumus Dómine, habitatióem istam, et omnes insídias inimíci ab ea longe repélle: Angeli tui sancti hábitent in ea, qui omnes hic habitántes, docéntes et discéntes in pace custódiant, et benedictio tua super illos sit semper.

Béne ✠ dic Dómine domum istam, et sit ibi sánctitas sánctitas, virtus et glória, humílitas, bónitas, mansuetúdo, lénitas, docílitas, et plenitúdo legis, obediéntia et gratiárum actio Deo Patri et Fílio et Spíritui sancto. Et hæc benedictio sit super hanc domum et locum istum, atque super omnes habitántes, docéntes, et discéntes in eo descéndat septifórmis grátia Spíritus sancti. Per Christum Dóminum nostrum.

**R.** Amen.

**Officians nunc affigit S. Crucem in loco apto cubi-  
culi, dicendo:** Signum salutis impóne Dómine super hanc domum et non permíttas introíre in eam ángelum percutiéntem. In nómine Pa ✠ tris, et Fí ✠ lii, et Spíritus ✠ sancti. **R.** Amen.

**Versus Crucem.**

## ORÉMUS.

**O**MNIPOTENS, sempitérne Deus, qui in omni loco dominatiónis tuæ totus assistis, solus operáris: adésto supplicatióibus nostris, ut hujus domus sis protéctor, et nulla hic nequítia contráriæ potestátis obsístat, sed in virtúte sanctæ crucis et operatióne Spíritus sancti fiat tibi hic purum servítium et devóte libértas exístat. Per Christum Dóminum nostrum.

**R.** Amen.

## ORÉMUS.

**A**DESTO nobis Dómine Deus noster, et ecs qui in sanctæ Crucis præsidio confidunt perpétuis défende auxiliis. Per Christum Dóminum nostrum.

**R.** Amen.

Tandem benedicit officians cubiculo et omnibus præsentibus manu dextera, formans signum crucis et dicens:

Benedictio Dei omnipoténtis Pa ✠ tris, et Fí ✠ lii, et Spíritus ✠ sancti descéndat super hanc domum, super omnes habitántes, docéntes et discéntes in ea, super nos omnes, et máneat semper. **R.** Amen.

His finitis sub cantu juventutis et pulsu campanarum processionaliter fit reditus in Ecclesiam statuto ordine, ubi celebratur Missa conveniens officio diei.

# BENEDICTIONES

## RESERVATÆ

AB EPISCOPO VEL ALIIS SACERDOTIBUS  
FACULTATEM  
AB EO HABENTIBUS FACIENDÆ.

---

### BENEDICTIO HABITUS CLERICALIS.

Si quis militiæ clericalis candidatus, impetrata facultate induendi ejusdem ordinis habitum, ipsum petierit a Sacerdote benedici, Sacerdos delegatus habitum clericalem, quem induendus genuflexus brachiis sustentat, hac forma benedicat.

*Ÿ.* Adjutórium nostrum in nómine Dómini.

*R.* Qui fecit cælum et terram.

*Ÿ.* Dóminus vobíscum.

*R.* Et cum spíritu tuo.

### ORÉMUS.

**D**OMINE Jesu Christe, qui tégumen nostræ mortalitátis induere dignátus es, obsecrámus imménsam tuæ largitátis abundántiam: ut hoc genus vestiménti quod sancti Patres ad innocéntiæ vel humilitátis indícium, depónentes ignomíniam sæculáris hábitus ferre sanxérunt, tu ita bene **✝** dicere dignéris, ut hi fámuli tui qui hoc indúti fúerint (**si unus fuerit** hic fámulus tuus qui hoc indútus fúerit) vestiménto, te quoque



indúere mereántur (*vel* mereátur); et inter réliquos hómines conversatióne sancta tibi agnoscántur esse dicáti (*vel* agnoscátur esse dicátus). Qui vivis et regnas Deus in sæcula sæculórum. *R.* Amen.

Deinde vestes seu vestem aspergit Aqua benedicta.

## BENEDICTIO VASORUM

### PRO SACRIS OLEIS INCLUDENDIS.

*V.* Adjutórium nostrum in nómine Dómini.

*R.* Qui fecit cælum et terram.

*V.* Dóminus vobíscum.

*R.* Et cum spírítu tuo.

### ORÉMUS.

**E**XAUDI, Dómine, Pater clementíssime, preces nostras: et hæc purificánda vasa, Ecclésiæ tuæ sacri ministérii úsui præparáta, bene ✠ dicere et sancti ✠ ficáre dignéris. Per Christum Dóminum nostrum.

*R.* Amen.

### ORÉMUS.

**O**MNIPOTENS sempitérne Deus, a quo ómnia imúnda purgántur, et in quo ómnia purgáta claréscunt: súpplíces omnipoténtiam tuam invocámus; ut ab his vasis, quæ tibi ófferunt fámuli tui, omnis spírítus immúndus confúsus longe discédet, et per tuam Bene ✠ dictiónem ad usum et ministérium Ecclésiæ tuæ sanctificáta permáneant. Per Christum Dóminum nostrum. *R.* Amen.

Deinde aspergit ea Aqua benedicta.

## BENEDICTIO

CONTRA MURES, LOCUSTAS, BRUCHOS, VERMES, ET  
ALIA ANIMALIA NOCIVA.

Sacerdos indutus superpelliceo et stola coloris violacei, veniat ad agros a Locustis, Bruchis vel aliis animalibus noxiis vexatos, et dicat: *Antiphona*. Exúrge, Dómine, ádjuva nos, et líbera nos propter nomen tuum.

*Psalm.* Deus, áuribus nostris audívimus; patres nostri annuntiavérunt nobis.

*V.* Glória Patri, etc.

*Repetitur Antiphona:* Exúrge, etc.

*V.* Adjutórium nostrum in nómine Dómini.

*R.* Qui fecit cælum et terram.

*V.* Dómine, exáudi oratiónem meam.

*R.* Et clamor meus ad te véniat.

*V.* Dóminus vobíscum.

*R.* Et cum spírítu tuo.

## ORÉMUS.

**P**RECES nostras, quæsumus Dómine, cleménter exáudi: ut qui juste pro peccátis nostris affligimur, et hanc múrium (vel locustárum, seu bruchórum, aut vérmium, sive aliorum animalium) persecutiónem pátimur, pro tui nóminis glória ab ea misericórditer liberémur; ut tua poténtia procul expúlsi (vel expúlsæ) nulli nóceant, et campos agrósque nostros in tranquillítate ac quiéte dimíttant, quátenus ex eis surgéntia et orta tuæ majestáti desérviant, et nostræ necessitáti subvéniant. Per Christum Dóminum nostrum.

*R.* Amen.

## ORÉMUS.

**O**MNIPOTENS sempitérne Deus, ómnium bonórum remunerátor, et peccatórum máximus miserátor, in cujus nómine ómnia genuflectúntur, cæléstia, teréstria, et inférnalia: tua poténtia nobis peccatóribus concéde, ut quod de tua misericórdia confisi ágimus, per tuam grátiam effícacem ejus consequámur efféctum; quátenus hos pestíferos mures (**seu** locústas, **vel** bruchos, **aut** vermes, **sive** alia animalia) per nos servos tuos maledicéndo maledícas, segregándo ségreges, exterminándo extérmines; ut per tuam cleméntiam ab hac peste liberáti, gratiárum actiónes Majestáti tuæ líbere referámus. Per Christum Dóminum nostrum.

**R.** Amen.

## EXORCISMUS.

**E**XORCIZO vos pestíferos mures (**vel** locústas, **seu** bruchos, **aut** vermes, **sive** alia animalia) per Deum Patrem ✠ omnipoténtem, per Jesum Christum ✠ Fílium ejus únicum, per Spíritum ✠ sanctum ab utróque procedéntem, ut conféstim recedátis a campis et agris nostris, nec ámplius in eis habitétis, sed ad ea loca transeátis, in quibus némini nocére possítis: pro parte omnipoténtis Dei et totíus Cúriæ cæléstis et Ecclésiæ sanctæ Dei vos maledícens, ut, quocúmque iéritis, sitis maledícti (**vel** maledíctæ) deficiéntes de die in diem in vos ipsos (**vel** ipsas), et decrescéntes, quátenus reliquię de vobis nullo in loco inveniántur, nisi necessarię ad salútem et usum humánum. Quod præstáre dignétur, qui ventúrus est judicáre vivos et mórtuos et sæculum per ignem. **R.** Amen.

Postremo Aqua benedicta aspergantur loca infecta.

## PRO BENEDICTIONE

OSTENSORII PRO SANCTISSIMO SACRAMENTO FIDELIUM  
VENERATIONI EXPONENDO.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dóminus vobíscum.

R. Et cum spíritu tuo.

## ORÉMUS.

**O**MNIPOTENS sempitérne Deus, vásculum istud pro Fílii tui Dómini nostri Jesu Christi Córpoze Fidélium veneratióni exponéndo fabre factum bene ✠ dicere et sancti ✠ ficáre dignáre, ut omnes qui eúndem Unigénitum in hoc sæculo pio afféctu veneréntur, et in futúro perpétuam pietátis suæ mercédem accípiant. Per eúndem Christum Dóminum nostrum.

R. Amen.

Deinde Sacerdos Ostensorium aspergat Aqua benedicta.

## PRO BENEDICTIONE

## CAPSARUM PRO RELIQUIIS SANCTORUM INCLUDENDIS.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dóminus vobíscum.

R. Et cum spíritu tuo.

## ORÉMUS.

**B**ENE ✠ DIC, Dómine, cápsulam hanc Sanctórum tuórum Relíquiis condéndis præparátam: et præsta,

ut quicumque eas pro mentis affectu venerati fuerint, ipsis sanctis tuis intercedentibus, omnium delictorum suorum veniam obtineant, et contra omnes adversitates tuo semper muniantur auxilio. Per Christum Dominum nostrum. *R.* Amen.

Deinde Sacerdos aspergat Capsam Aqua benedicta.

## BENEDICTIONES

AB EPISCOPO VEL ALIO FACULTATEM HABENTE  
FACIENDÆ.

## BENEDICTIO

## SOLEMNIOR NOVÆ CRUCIS.

Nova Crux, seu Tabula, in qua Crucifixus est depictus, hoc modo benedicitur: paratis thure, thuribuloque cum igne, Aqua benedicta, Sacerdos delegatus superpelliceo, stola et pluviali rubri coloris indutus stans dicit:

*Y.* Adjutorium nostrum in nomine Domini.

*R.* Qui fecit cælum et terram.

*Y.* Dominus vobiscum.

*R.* Et cum spiritu tuo.

## ORÉMUS.

**B**ENE ✠ DIC, Domine Jesu Christe, hanc Crucem tuam, per quam eripuisti mundum a potestate diaboli, et superasti Passione tua suggestorem peccati, qui gaudébat in prævaricatione primi hominis per ligni vétiti sumptionem. Qui cum Deo Patre et Spiritu sancto vivis et regnas in sæcula sæculorum.

*R.* Amen.

## ORÉMUS.

**R**OGAMUS te Dómine sancte, Pater omnípotens sempitérne Deus: ut dignéris benedícere **✠** hoc signum Crucis tuæ ut sit remédium salutáre géneri humano: sit solíditas fidei, proféctus bonórum óperum, redémptio animárum: sit solámen et protéctio ac tutelá contra sæva jácula inimicórum. Per Dóminum nostrum Jesum Christum Fílium tuum, qui tecum vivit et regnat in unitáte Spíritus sancti Deus, etc.

*Deinde dicit voce medioeri, extensis manibus ante pectus Præfationem.*

**V.** Per ómnia sæcula sæculórum. **R.** Amen.

**V.** Dóminus vobíscum.

**R.** Et cum spírítu tuo.

**V.** Sursum corda.

**R.** Habémus ad Dóminum.

**V.** Grátias agámus Dómino Deo nostro.

**R.** Dignum et justum est.

Vere dignum et justum est, æquum et salutáre, nos tibi semper et ubíque grátias ágere, Dómine sancte, Pater omnípotens, ætérne Deus, cujus sanctum ac terríbile Nomen inter cæteras visíbiles creatúras, ligna quoque fructífera, laudáre ac benedícere non cessant: qui in figúram unigénitæ Sapiéntiæ tuæ ligno vitæ a princípío Paradísum voluptátis ornásti, ut ejúsdem fructus sacro mystério, Protoparéntes nostri géneris mortem cavere, et vitam admonéres obtinére perpétuam, quique nos vétitæ árboris attáctu justæ morti addíctos, ejúsdem coætérnæ tibi sapiéntiæ Dei et Dómini nostri Jesu Christi in nóxia morte ad vitam miséricórditer revocáre dignátus es: Te súpplíces exorámus, ut hoc singuláre signum, quod ad exémpulum

primi illius sacratissimi vexilli, quo, pretioso Filii tui sanguine triumphasti, fidelium tuorum devotione compactum erectumque et cælesti tua bene ✠ dictione sanctificare digneris; ut omnibus hic genua flectentibus, ac tuæ Majestati supplicantibus largior et cordis compunctio, et admissorum indulgentia concedatur; atque intercedente ipsa victoriosissima unigeniti Filii tui Passione, et tibi placita postulare, et citius valeant postulata percipere. Da quæsumus, clementissime Pater, in quo vivimus, movemur et sumus, ut, quoties triumphum Divinæ humilitatis, quæ superbiam nostri hostis dejecit, oculis intuemur, quotiesque mente recolimus, et contra hostem ipsum fiduciam fortitudinis, et majorem tibi devotæ humilitatis gratiam consequamur. Quatenus in illo tremendo tuæ Majestatis examine, cum paventibus elementis, cælorumque commotis virtutibus, signum istud glorificum Redemptionis nostræ apparuerit in cælo, ipsi de morte ad vitam transire, ac perpétua beatæ resurrectionis videre gaudia mereamur. *Quod sequitur, dicitur submissa voce legendo, ita tamen quod a circumstantibus audiri possit:* Per eundem Dóminum nostrum Jesum Christum Filium tuum, qui tecum vivit et regnat in unitate Spiritus sancti Deus, per ómnia sæcula sæculórum.

*R.* Amen.

ORÉMUS.

**D**EUS, qui beatæ Crucis patibulum, quod prius erat sceléstis ad pœnam, convertisti redemptis ad vitam: concède plebi tuæ ejus vallári præsidio, cujus est armáta vexillo.

**S**IT ei Crux fidei fundaméntum, spei suffrágium, in adversis defénsio, in próspèris adjuvámen, sit ei in

hostes victória, in civitate custódia, in campis protéctio, in domo fultúra: ut per eum Pastor in futúro gregem consérvet incólumem, quæ nobis, Agno ✠ vincénte, convérsa est in salútem. Per eúmdem Dóminum nostrum Jesum Christum Fílium tuum, qui tecum vivit et regnat in unitáte Spíritus sancti Deus, per ómnia sæcula sæculórum. **R.** Amen.

## ORÉMUS.

**S**ANCTI ✠ FICA Dómine Jesu Christe, signáculum istud passiónis tuæ, ut sit inimícis tuis obstáculum, et credéntibus in te perpétuum efficiátur victóriæ vexíllum. Qui cum Patre vivis, et regnas in unitáte Spíritus sancti Deus, per ómnia sæcula sæculórum.

**R.** Amen.

Tum offertur Sacerdoti thus in navicula, quod stans benedicit, dicens:

## ORÉMUS.

**D**OMINE Deus omnípotens, cui assístit exércitus Angelórum cum tremóre, quorum servítium spirituále, et ígneum esse cognóscitur, dignáre respícere, bene ✠ dícere, et sancti ✠ ficáre hanc creatúram incénsi, ut omnes languóres, omnésque infirmitátes, atque insídiæ inimíci odórem ejus sentiéntes, effúgiant, et separéntur a plasmate tuo: ut numquam lædátur a morsu antíqui serpéntis, quod pretiósio Fílii tui sánguine redemísti. Per eúmdem Christum Dóminum nostrum.

**R.** Amen.

Quo facto, Sacerdos imponit thus in thuribulum. Deinde aspergit Crucem Aqua benedicta et mox eam incensat. Tunc dicit adhuc stans:

Sanctificétur lignum istud in nómine Pa ✠ tris, et



Fí ✠ lii, et Spíritus ✠ sancti, et benedictio illius ligni, in quo membra sancta Salvatóris suspénsa sunt, sit in isto ligno; ut orántes, inclinántesque se propter Deum ante istam Crucem, invéniant córporis et ánimæ.sanitatém. Per eúndem Dóminum nostrum Jesum Christum Fílium tuum, qui tecum vivit et regnat in unitate, etc. *R.* Amen.

Tum Sacerdos flexis ante Crucem genibus ipsam devote adorat et osculatur. Idem faciunt quicumque alii voluerint. Si vero Crux est ex metallo vel lapide, loco præcedentis Orationis videlicet: Sanctificétur, etc. Sacerdos stans, dicit sequentem Orationem:

**D**EUS glóriæ, Deus excélsa Sábaoth, fortíssime Emánuel, Deus Pater veritátis, Pater sapiéntiæ, Pater beatitúdinis, Pater illuminatiónis ac vigiliatiónis nostræ, qui mundum regis, qui cuncta Regna dispónis, qui es bonórum collátor múnierum, et bonórum ómnium attribútor; cui omnes gentes, pópuli, tribus et linguæ sérviant; cui assístit omnis Angelórum Légio; qui largíris fámulis tuis fidem et láudem tui Nóminis, ut débita tibi obláta persólvant, cui prius fides offeréntium complácet, deinde sacrificátur oblátio: quæsumus exorábilem misericórdiæ tuæ pietátem, ut sancti ✠ fices tibi hoc signum Crucis et cónse ✠ cres, quod tota mentis devotióne famulórum tuórum religiósa fides constrúxit, trophæum scilicet victóriæ tuæ ac redemptiÓnis nostræ, quod in amórem triumphális glóriæ Christi consecrávit. Aspice hoc signum Crucis insuperábile, per quod diaboli exinaníta est potéstas, mortálium restitúta libértas: quæ licet fúerit aliquándo in pœnam, sed nunc versa est in honórem per grátiam, et quæ reos quondam puniébat supplício, nunc et nóxios

absólvit a débito. Et tibi quid per hoc placére potuit, nisi id, per quod tibi plácuít nos redímere? Et nullum tibi débito amplus munus est, quam quod tibi nunc córporis dedicávit afflictio, nec tibi est magis familiáris oblátio, quam quæ familiári manuum tuárum extensióne sacrata est. Illis ergo máribus hanc Crucem áccipe, quibus illam ampléxus es; et de sanctitáte illius hanc sancti ✠ fíca, et sícuti per illam mundus expiátus est a reátu, ita offeréntium famulórum tuórum ánimæ devotíssimæ hujus crucis mérito, omni cáreant perpetráto peccáto, et tuæ veræ Crucis obtéctu, enitéscant succéssibus assídus triumphátos. Rádiet hic unigéniti filii tui Dómini nostri splendor Divinitátis in auro, émicet glória ejus in ligno; in Cruce rúilet nostræ mortis redéptio; in crystálli splendóre vitæ nostræ purificátio. Sit suórum protéctio, spei certa fidúcia; eos simul cum gente et plebe fide confirmet, spe et pace consóciat; áugeat triúmphis, amplíficet in secúndis, proficiat eis ad perpetuitátem témporis, ad vitam æternitátis, ut eos temporáli floréntes glória múniat, et ad perpétuam redéptos coronam, ad regna cæléstia poténti virtúte perdúcat. Præsta per propitiatióne sanguinis ejus, per ipsum Datórem qui seípsum dedit redéptiõnem pro multis, qui se hóstiam pro delictis offerre dignátus est, qui exaltátus in ligno Crucis suæ principátus et potestátes humiliávit, qui tecum sidéreo cónsidet Throno, indissolúbili connexióne Spíritus sancti, per infinita sæculórum sæcula.

**R.** Amen.

**Tum Sacerdos flexis genibus, eam devote adorat, et osculatur. Idem faciunt quicumque alii voluerint.**

## BENEDICTIO SIMPLEX

NOVÆ CAMPANÆ QUÆ TAMEN AD USUM ECCLESIÆ  
NON INSERVIAT.

Ÿ. Adjutórium nostrum in nómine Dómini.

R. Qui fecit cælum et terram.

## PSALMUS 50.

**M**ISERERE mei Deus: \* secúndum magnam misericórdiam tuam.

Et secúndum multitudínem miseratiónum tuárum: \* dele iniquitátem meam.

Amplius lava me ab iniquitáte mea: \* et a peccáto meo munda me.

Quóniam iniquitátem meam ego cognóscó: \* et peccátum meum contra me est semper.

Tibi soli peccávi, et malum coram te feci: \* ut justificéris in sermónibus tuis, et vincas cum judicáris.

Ecce enim in iniquitátibus concéptus sum, \* et in peccátis concépit me mater mea.

Ecce enim veritátem dilexísti: \* incérta et occúlta sapiéntiæ tuæ manifestásti mihi.

Aspérges me hyssópo, et mundábor: \* lavábis me et super nivem dealbábor.

Audítui meo dabis gáudium et lætítiam, \* et exultábunt ossa humiliáta.

Avérte fáciem tuam a peccátis meis: \* et omnes iniquitátes meas dele.

Cor mundum crea in me Deus: \* et spíritum rectum innova in viscéribus meis.

Ne projicias me a fácie tua, \* et spíritum sanctum tuum ne áuferas a me.

Redde mihi lætítiam salutáris tui, \* et spírítu principáli confirma me.

Docébo iníquos vias tuas: \* et ímpii ad te converténtur.

Líbera me de sanguínibus Deus, \* Deus salutis meæ, et exultábit lingua mea justítiam tuam.

Dómine lábia mea apéries: \* et os meum annuntiábit láudem tuam.

Quóniam si voluísset sacrificium, dedíssem útique \* holocáustis non delectáberis.

Sacrificium Deo spírítus contribulátus: \* cor contrítum et humiliátum Deus non despícies.

Benígne fac Dómine in bona voluntáte tua Sion: \* ut ædificéntur muri Jerúsalem.

Tunc acceptábis sacrificium justítiæ, oblatiónes et holocáusta: \* tunc impónent super altáre tuum vítulos.

Glória Patri, etc.

**Deinde Psalmi:** Deus in nomine tuo salvum me fac . . . . Miserere mei Deus, miserere mei . . . . Deus misereatur nostri, et benedicat nobis . . . . Deus in adiutorium meum intende . . . . Inclina Domine aurem tuam et exaudi me . . . . **ut supra in benedictione Signi, fol. 439 et seq., Deinde:**

#### PSALMUS 129.

**D**E profúndis clamávi ad te Dómine: \* Dómine exáudi vocem meam.

Fiant áures tuæ intendéntes, \* in vocem deprecationis meæ.

Si iniquitátes observáveris Dómine: \* Dómine quis sustinébit?

Quia apud te propitiátio est, \* et propter legem tuam sustínui te Dómine.

Sustínuit ánima mea in verbo ejus, \* sperávit anima mea in Dómino.

A custódia matutína usque ad noctem, \* speret Israel in Dómino.

Quia apud Dóminum misericórdia, \* et copiósá apud eum redéptio.

Et ipse rédimet Israel: \* ex ómnibus iniquitátibus ejus.

Glória Patri, etc.

*V.* Kyrie eléison.

*R.* Christe eléison.

*V.* Kyrie eléison. Pater noster.

*V.* Et ne nos indúcas in tentatióem.

*R.* Sed líbera nos a malo.

*V.* Sit nomen Dómini benedíctum.

*R.* Ex hoc nunc et usque in sæculum.

*V.* Dómine, exáudi oratióem meam.

*R.* Et clamor meus ad te véniat.

*V.* Dóminus vobíscum.

*R.* Et cum spírítu tuo.

#### ORÉMUS.

**D**EUS, qui per beátum Móysen legíferum fámulum tuum tubas argénteas fieri præcipísti, quibus dum sacerdótes témpore sacrificii clángerent, sónitú dulcédinis pópulus mónitus ad te adorándum fieret præparátus, et ad celebrándum conveníret; præsta quæsumus, ut hoc vásculum sanctæ tuæ Ecclésiæ præparátum a Spírítu sancto per nostræ humilitátis obséquium sancti ✠ ficétur, ut per illíus tactum et sónitum fidéles inviténtur ad sanctam Ecclésiám et ad præmium

supérnum. Et cum melódia illíus áuribus insonúerit populórum; crescat in eis devótio fidei, procul pellántur omnes insídiæ inimíci, fragor grándinum, ímpetus tempestátum, temperéntur infésta tonítrua, prostérnat æreas potestátes dèxtera tuæ virtútis, ut hoc audiéntes tintinnábulum contremíscant et fúgiant ante S. Crucis vexíllum in eo depíctum. Quod ipse Dóminus noster Jesus præstáre dignétur, qui absórpta morte per patíbulum Crucis regnat in glória Dei Patris, cum eódem Patre et Spírítu sancto, per ómnia sæcula sæculórum.

**R.** Amen.

Nunc officians ponit incensum in thuribulum, benedicit et primum aspergit circumeundo campanam choro dicente: Aspérgeş me hyssópo et mundábor, lavábis me et super nivem dealbábor.

Dein incensat circumeundo campanam choro dicente :

Dirigátur Dómine orátio mea sicut incensum in conspéctu tuo. **Officians** prosequitur :

#### ORÉMUS.

**O**MNIPOTENS Dominátor Christe, quo secúndum carnis assumptiónem dormiénte in navi, dum absórpta tempésta mare conturbásset, te prótinus excitáto et imperánte dissíluit, tu necessitátibus pópuli tui benígnus succúrre; tu hoc tintinnábulum sancti Spírítus rore perfúnde; ut ante sónitum illíus semper fúgiat bonórum inimícus, invitétur ad fidem pópulus christiánus; hostílis terreátur exércitus; confortétur in Dómino per illud pópulus tuus convocátus, ac sicut Davídica cythara delectátus désuper descéndat Spírítus sanctus; atque ut Samuэле agnum lactántem mactánte

in holocáustum regis ætérni impérii fragor aurárum turbam répulit adversántium; ita dum hujus vásculi sónitus transit per núbila, Ecclésiæ tuæ convéntum manus consérvet angélica; fruges credéntium, mentes et córpora salvet protéctio sempitérna. Per te Christe Jesu, qui cum Deo Patre vivis et regnas in unitáte ejúsdem Spíritus sancti Deus per ómnia sæcula sæculórum. **R.** Amen.

**V.** In honórem sancti **N.** **R.** Amen.

Tum officians producit super campanam benedictam signum Crucis, et discedit cum Ministris.

## BENEDICTIO

SACRORUM VASORUM ET ALIORUM ORNAMENTORUM IN  
GENERE AB EPISCOPO VEL ALIIS FACULTATEM HA-  
BENTIBUS FACIENDA.

**V.** Adjutórium nostrum in nómine Dómini.

**R.** Qui fecit cælum et terram.

**V.** Dóminus vobíscum.

**R.** Et cum spírítu tuo.

### ORÉMUS.

**E**XAUDI Dómine, Pater clementíssime, preces nostras, et hæc purificánda vasa et ornáménta sacri Altáris atque Ecclésiæ tuæ sacri Ministérii úsui præparáta, bene **✠** dícere, et sanctificáre dignéris. Per Christum Dóminum nostrum. **R.** Amen.

### ORÉMUS.

**O**MNIPOTENS sempitérne Deus, a quo ómnia mundi purgántur, et in quo ómnia purgáta clarescunt, súpplíces omnipoténtiam tuam invocámus: ut

ab his vasis et ornámentis, quæ tibi ófferunt fámuli tui, omnis spíritus immúndus confúsus longe discédat, et per tuam benedictiónem ad usum et ministérium sancti Altáris et Ecclesiæ tuæ sanctificáta permáneant. Per Christum Dóminum nostrum. **R.** Amen.

Deinde aspergit aqua benedicta.

#### FORMULA BENEDICTIONIS TELEGRAPHI.

Clerus vel a proximiori Ecclesia, vel ab alio aliquo loco ad hoc parato procedat usque ad stationem Telegraphi canendo, vel recitando Canticum: **Benedíctus Dóminus Deus Israel, ubi Episcopus vel Sacerdos in aliqua Ecclesiastica Dignitate constitutus intonabit Antiphonam:**

**Ant.** Benedíctus es Dómine, qui ponis nubem ascénsu tuum, qui ámbulas super pennas ventórum, qui facis ángelos tuos spíritus, et ministros tuos ignem uréntem.

Post eam **Psalm. 103.** Bénedic ánima mea Dómino, uti in Sabbato ad Matutinum, ac repetita Antiphona incipiet in hunc modum **Benedictionem:**

**V.** Adjutórium nostrum in nómine Dómini.

**R.** Qui fecit cælum, et terram.

**V.** Dóminus vobíscum.

**R.** Et cum spíritu tuo.

#### ORÉMUS.

**C**ONCEDE nos fámulos tuos quæsumus Dómine Deus perpétua mentis, et córporis sanitáte gaudére, et gloriósa beátæ Mariæ semper vírginis intercessióne a præsentí liberári tristítia, et ætérna pérfrui lætítia. Per Christum Dóminum nostrum. **R.** Amen.



## ORÉMUS.

**D**EUS qui ámbulas super pennas ventórum, et facis mirabilia solus, concéde ut cum per vim huic metállo índitam fulmíneo ictu celérius huc abséntia, et hinc álio præsentia transmíttis, ita nos invéntis novis edócti tua grátia opitulánte, prómptius, et facílius ad te veníre valeámus. Per Christum Dóminum nostrum.

*R.* Amen.

Deinde aspergit Telegraphum aqua benedicta.

## BENEDICTIO

CINGULORUM IN HONOREM SANCTI JOSEPHI SPONSI  
B. M. V.

In Diócesibus, quibus a S. Apostolica Sede privilegium conceditur benedicendi Cingula in honorem S. Josephi Sponsi B. M. V., Sacerdotes adhibere debent hanc formulam a S. Rituum Congregatione approbatam, die 19 Septembris, 1859.

*V.* Adjutórium nostrum in nómine Dómini.

*R.* Qui fecit cælum et terram.

*V.* Dóminus vobíscum.

*R.* Et cum spíritu tuo.

## ORÉMUS.

**D**OMINE Jesu Christe, qui virginitátis consílium et, amórem íngeris atque castitátem præcipis orámuſ cleméntiam tuam, ut hæc Cingula castitátis tésseram bene ✠dicere, et sancti ✠ficáre dignéris, ut quicúmque pro castitáte servánda illis præínci fúerint, intercedénte B. Josepho sanctíssimæ Genitrícis tuæ sponso, gratam tibi continéntiam, mandatorúmque tuórum

obediéntiam servent, atque véniam peccatórum suórum obtíneant, et sanitátem mentis et córporis percípiant, vitámque consequántur ætérnam. Qui vivis et regnas cum Deo Patre in unitáte Spiritus sancti Deus per ómnia sæcula sæculórum. **R.** Amen.

## ORÉMUS.

**D**A quæsumus omnípotens ætérne Deus, ut puríssimæ Vírginis Mariæ ejúsque Sponsi Joséphi integérrimam Virginitátem venerántes, eórum intercessiónibus puritátem mentis et córporis consequámur. Per Christum Dóminum nostrum. **R.** Amen.

## ORÉMUS.

**O**MNIPOTENS sempitérne Deus, qui sanctíssimo viro Josépho puríssimam Mariám semper Vírginem, et Puerum Jesum commisisti, te súpplices exorámus, ut fidéles tui qui his Cíngulis in honórem, et sub protectióne ejúsdem Sancti Joséphi præcincti fúerint, te largiénte, et ipso intercedénte in castitáte sæmpér devóte persístant. Per eundem Dóminum nostrum, etc. **R.** Amen.

## ORÉMUS.

**D**EUS innocéntiæ restitútor, et amátor, quæsumus ut fidéles tui qui hæc Cíngula adhibúerint, intercedénte Beato Josépho Sanctíssimæ Genitrícis tuæ Sponso, in lumbis suis sint semper præcincti, et lucérnas ardéntes gestent in mánibus suis, ac símiles sint homínibus expectántibus Dóminum suum quando revertátur a núptiis, ut cum vénerit et pulsáverit, conféstim apériant ei, et in ætérna gáudia récipi mereántur. Qui vivis, et regnas in sæcula sæculórum. **R.** Amen.

Deinde Sacerdos, imposito thure in Thuribulo, Aqua benedicta aspergit Cingula dicens: Aspérges me, etc., postea incensat, et tandem dicit.

Ÿ. Salvos fac servos tuos.

R. Deus meus sperántes in te.

Ÿ. Mitte eis, Dómine, auxiliúm de sancto.

R. Et de Sion tuére eos.

Ÿ. Dómine exáudi oratióñem meam.

R. Et clamor meus ad te véniat.

Ÿ. Dóminus vobíscum.

R. Et cum spírítu tuo.

#### ORÉMUS.

**D**EUS miséricors, Deus clemens, cui bona cuncta placent, sine quo nihil boni inchoátur, nihilque boni perficitur: adsint nostris humíllimis précibus tuæ pietátis áures, et fidéles tuos, qui in tuo sancto nómine Cíngulo benedícto in honórem, et sub protectióne S. Josephi præcíncti fúerint a mundi impediménto, vel sæculári desidério defénde, et concéde eis, ut in hoc sancto propósito devóti persístere, et remissióne percépta ad electórum tuórum váleant perveníre consórtium. Per Dóminum nostrum, etc.

R. Amen.

## MODUS ASSISTENDI MATRIMONIIS MIXTIS.\*

SACERDOS, dispensatione obtenta pro matrimonii celebratione inter catholicam partem et acatholicam, primum cognoscat utrum acatholica pars Baptismi Sacramentum receperit,† et si non fuerit baptizata, petat circa hoc aliam necessariam dispensationem. Insuper ipsi constet de libertate catholici cultus concessa parti catholicæ, et de præmittendis aliis necessariis opportunisque cautionibus in naturali ac divino jure fundatis, ut scilicet non solum catholicus conjux ab acatholico perverti non possit, quin imo catholicus

---

\* In ineundis istius modi nuptiis, Ecclesia ea generatim omittenda indixit, per quæ Catholicorum matrimonia decorantur, inclusis etiam proclamationibus.

† SSmus, in Audientia habita die 20 Decembris, 1837, audita relatione dubii, utrum scilicet, in præsumptione baptismi invalide collati parti hæreticæ matrimonium cum parte Catholica a Sede Apostolica dispensata inire cupienti, conferri debeat iterum baptisma sub conditione, dixit:

Detur Decretum latum die 17 Septembris, 1830, ut sequitur. (Quæsitum erat) an Calvinistæ et Lutherani in illis partibus degentes quorum baptisma dubium et suspectum est, infideles habendi sint, ita ut inter eos et catholicos disparitatis cultus impedimentum dirimens adesse censeatur? Cui instantiæ responsum fuit: 1. Quoâd hæreticos quorum sectæ ritualia præscribunt collationem baptismi absque necessario usu materiæ et formæ essentialis debet examinari casus particularis. 2. Quoâd alios qui juxta eorum ritualia baptizant valide, validum censendum esse baptisma. Quod si dubium persistat, etiam in primo casu, censendum est validum baptisma in ordine ad validitatem matrimonii. 3. Si autem certe cognoscatur nullum baptisma ex consuetudine actuali illius sectæ, nullum est matrimonium.

Hisque omnibus SSmus superaddi mandavit: in tertio casu præfati decreti respiciente nullitatem certam baptismi in parte hæretica, recurratur in casibus particularibus.

ipse conjux teneri se sciat ad acatholicum pro viribus ab errore retrahendum, verum etiam ut universa utriusque sexus proles procreanda in sanctitate catholicæ religionis educari omnino debeat. Fiant ista opportuno tempore ante celebrationem matrimonii. Hoc autem celebraturus Sacerdos primum virum de consensu interroget in hunc modum :

\* N. N. wilt thou take N. N. here present for thy lawful wife ?

Sponsus respondet : I will.

Deinde mulierem :

N. N. wilt thou take N. N. here present for thy lawful husband ?

Sponsa respondet : I will.

Tunc junctis invicem dexteris sibi mutuam fidem dant sequenti formula, sponsus primo dicens :

† I, N. N. take thee N. N. for my lawful wife to have and to hold from this day forward, for better, for worse, for richer, for poorer, in sickness and in health, until death do us part.

Sponsa subjungit : I, N. N. take thee N. N. for my lawful husband to have and to hold from this day, etc., ut supra.

Hiscæ peractis Sacerdos dicet :

\* N. Willst Du diese hier gegenwärtige N. zu Deinem rechtmäßigen Weibe annehmen ?

Antw. Ich will.

N. Willst Du diesen hier gegenwärtigen N. zu Deinem rechtmäßigen Manne annehmen ?

Antw. Ich will.

† Ich N. N. nehme Dich N. N. mir zu einer ehelichen Gattin (Gatten) und gelobe Dir an, die eheliche Treue zu bewahren, Dich nimmermehr zu verlassen, es sei in Kreuz, in Krankheit und allerlei Widerwärtigkeit bis an mein letztes Ende, dazu helfe mir Gott. Amen.

\* By the authority committed to me, I pronounce you united in the bonds of matrimony.

Tunc sponsus anulum imponet in digito annulari sinistrae manus sponsae, dicens:

† With this ring I thee wed, and I plight unto thee my truth.

Post hæc, Sacerdos conjuges alloquatur atque illis in mentem revocet indissolubilitatem vinculi conjugalis; sanctitatem propriam hujus status; concordiam et mutuum dilectionem in eo sectandam; simul et sollicitam curam cognoscendi quod placitum sit Deo, ut illud constanter fideliterque exequentes salutem consequantur.

---

\* Kraft der mir erteilten Vollmacht erkläre ich Euch als ehelich mit einander verbunden.

† Mit diesem Ringe eheliche ich Dich und gelobe Dir meine Treue.

replaced by  
corrected leaf

## The Rituale Romanum.

The Publishers regret exceedingly that two omissions have occurred on pages 30 and 31. The second and principal of these was unavoidable, since it occurred in the authentic copy printed at the Propaganda Press in Rome, (1870) which the Rev. Editor was ordered to follow. These errors have been carefully corrected in the Second Edition, and in the accompanying pages, which are to be inserted instead of the corresponding pages in the copies of the first Edition.

The Publishers will be happy to supply these pages carefully gummed ready for insertion, free of expense, to all purchasers on application.

J. MURPHY & CO. PUBLISHERS,  
*182 Baltimore street.*

BALTIMORE, *March 25th, 1874*

☞ Such as may not have purchased direct from the Publishers, can be supplied on application to their Booksellers.

humani generis procreavit, et populo venientia ad circū-  
dilitatem per servos suos consecrari præcepit: ut in





## ORÉMUS.

**P**RECES nostras, quæsumus Dómine, cleménter ex-  
áudi: et hunc Eléctum tuum **N.** Crucis dominicæ  
impressióne signátum perpétua virtúte custódi: ut  
magnitúdinis glóriæ tuæ rudiménta servans, per custó-  
diam mandatórum tuórum ad regeneratiónis glóriam  
perveníre mereátur. Per Christum Dóminum nostrum.  
**R.** Amen.

Deinde imponat manum super caput infantis ac dicat:

## ORÉMUS.

**O**MNIPOTENS, sempitérne Deus, Pater Dómini  
nostri Jesu Christi, respicere dignáre super hunc  
fámulum tuum **N.**, quem ad rudiménta fídei vocáre  
dignátus es; omnem cæcitatém cordis ab eo expélle:  
disrúmpe omnes láqueos sátanæ, quibus fúerat colli-  
gátus: áperi ei, Dómine, jánuam pietátis tuæ, ut signo  
sapiéntiæ tuæ imbútus, ómnium cupiditátum fœtóribus  
cáreat, et ad suávem odórem præceptórum tuórum lætus  
tibi in Ecclésia tua desérviat, et proficiat de die in diem.  
Per eúndem Christum Dóminum nostrum. **R.** Amen.

Deinde Sacerdos benedicit sal, quod semel benedic-  
tum alias ad eundem usum deservire potest.

## BENEDICTIO SALIS.

**E**XORCIZO te, creatúra salis, in nómine Dei Patris  
omnipoténtis ✠, et in charitaté Dómini nostri  
Jesu Christi ✠, et in virtúte Spíritus ✠ sancti. Exor-  
cizo te per Deum vivum ✠, per Deum verum ✠, per  
Deum sanctum ✠, per Deum ✠, qui te ad tutelam  
humáni géneris procreávit, et pópulo veniénti ad cre-  
dulitátém per servos suos consecrári præcépit: ut in

nómine sanctæ Trinitátis efficiáris salutáre Sacraméntum ad effugándum inimícum. Proínde rogámus te, Dómine, Deus noster, ut hanc creatúram salis sanctificándo sanctífices ✠, et benedicéndo benedícas ✠, ut sit ómnibus accipiéntibus perfécta medicína, pérmanens in viscéribus eórum, in nómine ejúsdem Dómini nostri Jesu Christi, qui ventúrus est judicáre vivos et mórtuos, et sæculum per ignem. *R.* Amen.

Deinde immittat modicum salis benedicti in os infantis, dicens: *N.* Accipe sal sapiéntiæ: propitiátio sit tibi in vitam ætérnam. *R.* Amen.

*Sacerdos.* Pax tibi. *R.* Et cum spiritu tuo.

#### ORÉMUS.

**D**EUS patrum nostrórum, Deus univérsæ cónditor veritátis, te súpplices exorámus, ut hunc fámulum tuum *N.* respícere dignéris propítius, et hoc primum pábulum salis gustántem, non diútius esuríre permíttas, quo minus cibo expleátur cœlésti, quátenus sit semper spírítu fervens, spe gaudens, tuo semper nómini sérvíens. Perduc eum, Dómine, quæsumus, ad novæ regeneratiónis lavácrum, ut cum fidélibus tuis promissiónum tuárum ætérna præmia cónsequi mereátur. Per Christum Dóminum nostrum. *R.* Amen.

Exorcízo te, immúnde spírítus, in nómine Patris ✠, et Fílii ✠, et Spírítus ✠ sancti, ut éxeas, et recédas ab hoc fámulo Dei *N.* Ipse enim tibi ímperat, maledícite damnate, qui pédibus super mare ambulávit, et Petro mergénti délixteram porréxit.

Ergo, maledícite diábole, recognósce senténtiam tuam, et da honórem Jesu Christo Fílio ejus, et recéde ab hoc fámulo Dei *N.*, quia istum sibi Deus, et Dóminus

noster Jesus Christus ad suam sanctam grátiam, et benedictiónem, fontémque Baptismatis vocáre dignátus est.

**Hic pollice in fronte signat infantem, dicens:** Et hoc signum sanctæ Crucis ✠, quod nos fronti ejus damus, tu, maledícete diabóle, numquam áudeas violáre. Per eúmdem Christum Dóminum nostrum. **R.** Amen.

## ORÉMUS.

**Æ**TERNAM, ac justíssimam pietátem tuam déprecor, Dómine sancte, Pater omnípotens, ætérne Deus, áuctor lúminis et veritátis, super hunc fámulum tuum **N.** ut dignéris illum illumináre lúmine intelligentiæ tuæ: munda eum, et sanctífica: da ei sciéntiam veram, ut dignus grátia Baptismi tui effectus, téneat firmam spem, consílium rectum, doctrínam sanctam. Per Christum Dóminum nostrum. **R.** Amen.

**Postea Sacerdos imponit extremam partem stolæ super infantem, et introducit eum in Ecclesiam, dicens:**

**N.** Ingrédere in templum Dei, ut hábeas partem cum Christo in vitam ætérnam. **R.** Amen.

**Cum fuerint Ecclesiam ingressi, Sacerdos procedens ad Fontem cum Susceptoribus conjunctim clara voce dicit:**

**C**REDO in Deum, Patrem omnipoténtem, creatórem cæli, et terræ. Et in Jesum Christum, Fílium ejus únicum, Dóminum nostrum: qui concéptus est de Spíritu sancto, natus ex María Vírgine: passus sub Póntio Piláto, crucifixus, mórtuus, et sepúltus: descéndit ad ínferos, tértia die resurréxit a mórtuis: ascéndit ad cælos, sedet ad dexteram Dei Patris omnipoténtis: inde ventúrus est judicáre vivos, et mórtuos. Credo in

Spirítum sanctum; sanctam Ecclésiám Cathólicam; Sanctórum communiónem; remissionem peccatórum; carnis resurrectionem; vitam ætérnam. Amen.

**P**ATER noster, qui es in cælis, sanctificétur nomen tuum: advéniat regnum tuum; fiat volúntas tua, sicut in cælo, et in terra. Panem nostrum quotidiánum da nobis hódie, et dimítte nobis débita nostra, sicut et nos dimíttimus debitóribus nostris: et ne nos indúcas in tentatiónem: sed líbera nos a malo. Amen.\*

*\* Anglice :*

I believe in God, the Father Almighty, Creator of heaven and earth, and in Jesus Christ, his only Son, our Lord; who was conceived by the Holy Ghost, born of the Virgin Mary, suffered under Pontius Pilate, was crucified, dead and buried; he descended into hell; the third day he rose again from the dead; he ascended into heaven, and sitteth at the right hand of God the Father Almighty; from thence he shall come to judge the living and the dead. I believe in the Holy Ghost, the Holy Catholic Church, the communion of Saints, the forgiveness of sins, the resurrection of the body, and life everlasting. Amen.

Our Father, who art in heaven, hallowed be thy name; thy kingdom come; thy will be done on earth as it is in heaven. Give us this day our daily bread; and forgive us our trespasses, as we forgive them who trespass against us; and lead us not into temptation; but deliver us from evil. Amen.

*Gallice :*

Je crois en Dieu, le Père tout-puissant, Créateur du ciel et de la terre; et en Jésus-Christ, son Fils unique, notre Seigneur, qui a été conçu du Saint-Esprit, est né de la Vierge Marie, a souffert, sous Ponce-Pilate, a été crucifié, est mort et a été enseveli, est descendu aux enfers, le troisième jour est ressuscité d'entre les morts; est monté aux cieux, est assis à la droite de Dieu le Père tout-puissant, d'où il viendra juger les vivants et les morts.

Je crois au Saint-Esprit, la sainte Eglise Catholique, la communion des Saints, la rémission des péchés, la résurrection de la chair, la vie éternelle. Ainsi soit-il.










Deacidified using the Bookkeeper process.  
Neutralizing agent: Magnesium Oxide  
Treatment Date: Jan. 2006

**PreservationTechnologies**  
A WORLD LEADER IN PAPER PRESERVATION

111 Thomson Park Drive  
Cranberry Township, PA 16066  
(724) 779-2111





LIBRARY OF CONGRESS



0 013 989 332 3

